



**Summa christenlicher Religion : darinn uss dem wort Gottes  
one alles zancken und schaelten, richtig und kurtz anzeigt  
wirt, was einem yetlichen Christen notwendig sye zu wüssen,  
zu glouben, zu thun und zu lassen, ouch zu lyden und  
saeligklich abzusterben**

<https://hdl.handle.net/1874/404638>

2

# Summa Chri- stenlicher Religion.

Darinn vß dem wort Gottes/  
one alles zanken vnd schälten / rich-  
tig vnd kurz / anzeigt wirt/was einem yeto-  
lichen Chriſten norwendig ſye zü wüſſen/ zü  
glauben/zü thun/vnd zü laſſen/ouch zü  
lyden/vñ ſäliglich abzüſterben:in

X. Artickel geſtelt/ durch  
Heinrychen Bulo-  
lingern.

Hieriß wirt ſtuden der X. Gebotten Gots  
ees/ der XII. Articklen deß Chriſtenlichen  
glaubens/ ouch deß Vatter vnſers/vnd der  
heiligen Sacramenten kurze erklärung.  
Beſich nach vier bletern den Zeiger diſes  
büchs.

Getruckt zü Zürych/by Chriſtoffel  
Froſchouer. M. D. LXXVI.

An den Durchlütcheigen  
Hochgebornen Fürsten vnd her-  
ren/herren Wilhelmen/Landtgraf-  
fen zü Hessen/Graffen zü Katzenelnbogen/  
Diez/Zigenheim vnd Nidda/ 2c. nu-  
nen gnädigen Fürsten vñ herren/  
Vorred dieses büchs.

Seine  
Flag dieser  
39r.



**S**ich befindet sich täglich in dem widerwertigen span der Religion vnserer zyten/dz sich vil lüten (vnder denen auch etlich gütwillig/insonders an den orten/da man das Euangelium Christi nit öffentlich vñ ordentlich prediget/ sind) trüffentlich beklagēd/ sy wüßend schier nit woran sy syend/was sy glouben/thün oder lassen solt lind. Dan die Geleerten habind vnder einander allenthalben in der wält/ein so häßtigen stryt/da einer diß/der ander das sage/ouch zü beden syten inandriē so übel schätkind/ das einem einfalten vngelerten menschen nit bald zü wüßsen sye wohin er sich keere / oder welcher part er glouben vñnd volgen sollt. Es wördind wol bücheren gnüg geschriben: die syend aber so lang vñnd vilfaltig/ ouch mit strytigen disputationen dermassen yngewicklet/vñnd mit schäkten verbitteret/das sy die zü läsen nungar keinen lust hobind. Darnabend syend wol etliche Rinderberichten vorhanden/ doch so künz begriffen / das sy auch durch solliche nit mögind vernügt werden. Da so begärdind sy vil mee ein einfalte erklärung vñnd innhalt oder kurze ( so vil mütlich ) summa der ganzen religion

## Vorred.

gion/das ist der fürnämten vnd notwendigen articlen/vß dem wort Gottes gezogen/ vnd mit dem selben beuestnet vnd erläutere/one zant vnd schäden der personen.

Vnd wiewol diser zytten menschen so selzam splyßendig vnd flagbar sind/ das sy äben niternit mögend vernügte oder gestillet werden / vnnnd deshalb nieman / wo man sich daran stossen wölte / nit schryben noch arbeiten vnnnd der wält dienen müste / nächst minder hab ich mich in dise gjaar gestecht/vnd rächt in nammen Gottes/ nach mines ampts pflicht vnnnd Christenlicher schuld/ vor allen dingen dem allmächtigen Gott zu eer vnnnd lob/ auch zu rettung/ erläutere vnnnd fürderung Christenlicher warheit/ demnach zu dienst/ gefaller vnd berichte als her deren die einfalt vnnnd von hertzen eins schlächren/ doch trawen beichts begärend / dise Summam Christenlicher religion vnnnd eines Christenlichen lebens / in geschriffte gestelt / vnnnd durch den Truck lassen vßgon. Darinn ich / nach miner einfaltigkeit / vnnnd so vil mie Gott gnad verlihen hat / Zähen articel / mit der geschriffte handeln vnd erläutern : vnd hoff ich habe in denen die sarnemmen hauptpuncten der waaren Religion zimlich vnd so kurz mir ymmer möglich ghynt begriffen. Vnd weiß hie wol / das noch mer der puncten sind / vmb die man disputiert / vnnnd die man noch täglich von nürwem vß die ban bringt / ich hoff aber ouch / das / ob gleich wol hierinn von den selben kein besondere meldung beschicht / doch der waaren gottsfälligkeit vnnnd notwendigen puncten hiemit nit abgedrochen oder vßgelassen sye. Ich dissputier hie in disem büch nit / also das ich die widerwertigen vnnnd stryigen meinungen verwarffe / das villicht zu anderen zytten in anderen fügen möchte Komlicher fargenommen werden : ich vnderston ouch nit (das sunst vnmöglich ist) gewünderige vnnnd häderige lüs zu setzigen. oder venügen / sunder schlächte vnnnd einfalt leer ich

Warumb  
dieses büch  
geschriben  
sye.

## Vorred.

Wt dem wocet Gottes / was einem Christen in den sünden  
nehmen puncten vnd in warer gottsfälligkeit zu halten/  
zu thun / vnd zu lassen sye : also / das ich hoff gottsföhr-  
tigen läten (die nit anders sündend / dann Gott / fromb-  
keit vnd sälligkeit) werde hiemit zimlich gnüg beschähen.

Verma-  
nung zur  
reimigkeit  
des glou-  
bens.

Ich vermanen ouch hie alle die dises mines Bäch-  
läsen werdend / das sy sich me stoffind gottsföhrig / ein-  
faltig vnd rich / ig im glauben vnd in der leer zu erzeigen  
vnd fromblich zu läben / dann mit vil selzamen fragen/  
als ob vnser gloub vnd leer vnendelich / nun ein disputie-  
ren vnd stätigs gräblen sye / spitzsündig zu wöhlen vnd  
hiemit weder der einialtge oder richtige des gloubens /  
noch einem frommen / erbern / fridsamen vnd gottsföhr-  
tigen läben kund nachzfragen. Vnser gloub in Gott /  
von der menschen gerächtigkeit vnd sälligkeit / ist nit  
vnendelich noch vngewörs / als in dem man ymmerdar  
müsse fräglen vnd nürwe eing dichten oder sächen. Sant  
Paulus sagt von den falschen propheten vnd falsch glou-  
bigen / das sy ymmerdar lernind / vnd aber nimmier zu er-  
kannnuß der warheit komind: söliche syend ouch vfges-  
blasen / vnd liebind mee den wollust dann Gott / habind  
wol ein schyn eines gottsfälligen wandels / aber sin krafft  
verlougind sy. Vnd sezt heiter daruf / Vnd von sömlie-  
chen wend dich / vnd stüch sy. Besich wyter 1. Timoth. 6.  
vnd 2. Timoth. 2. vnd 3. Ob gleich wol etliche er-der  
geschafft duncel sind / vnd fromme lüt dem verstand ge-  
stiffen nachfragend vnd mit bescheidenheit mit der regel  
des gloubens vnd der li. be nachsündend / ist doch das  
selb weder vnrächt noch die warheit anren selbs duncel /  
so ist die Christlich Religion darumb nit vnend / sam vnd  
so manigfalt / dann das ein yetlicher Christ nürdestimder  
in den rächten hauptpuncten wol vnd richtig kommen  
mag zu einem einfalten vnd gnügsamen verstand der  
waren Religion. So istis nun gewörs / das vnser Herr  
Christus

## Vorred.

Christus an vnserm end vnd gemeinen gericht / so zu allen  
ihren / gar nit kommen wilt an gewönderige fragen oder  
an spitzfindigs vsthan der verworrenen knöpfen : sunder  
das er vil mer wilt vnd begärt / das wir vs reinem glou-  
ben / rächt / rote ers geleert hat / vom glauben haltend vnd  
redend / vnd gotsältiglich läbind. Deshalben verman  
ich alle gläubigen / insonders die selzamer vnd näher din  
gen begirig sind / das sy Gott bittend vmb ein richtig rü-  
roig gemüt / damit ein heilicher sin gwunderige vnd fantas-  
syen / damit er sich selbs vnd ander verwirrt / möge fallen  
lassen / vnd lerne gotsföchtiglich vnd demütig hand-  
len / schlächt vnd rächt glauben / ouch vom glauben nuch-  
ter / bescheidenlich vnd gotsföchtiglich reden / also das  
er in sinem herzen rüroig vnd mit Gott wol zefriden /  
sinen glauben mit allerley zucht / eer / würd vnd liebe oder  
andern derley tugenden / zu Gottes lob vnd eer / vnd der  
menschen besserung / erzeige / ouch mit wachen vnd bär-  
ten des Herren zukunfft warte. Daruf ouch dise min ar-  
beit endlich gericht ist.

So ist nun dises gantz büch daruon geschriben / was  
einem heilichen Christen notwendig sye zu wüssen / zu  
glauben / zu thun vnd zu lassen / ouch zu lyden / vnd sältige  
klich abzuschneiden. Sölichs mit güter ordnung zu lee-  
ren vnd erklären / hab ich den gannnen handel abgeteilt  
in X. Houpuncten oder Artikel / die sind / 1. Biblio-  
sche geschriffte. 2. Gott vnd sin heiliche werck. 3. Sünd  
vnd der Sünden straff. 4. Gottes Gsagt. 5. Gnad  
vnd Rächtfertigung durch Christum. 6. Glauben vnd  
das wort des heiligen Euangelij. 7. Amüssen oder Bäte-  
ren. 8. Sacramenta. 9. Güte werck. 10. Tod vnd das  
End aller dingen. In erklärungs aber sömlicher Arti-  
cklen halten ich dise ordnung. Zum ersten setzen ich mit  
grössern büchstaben die gann houp summan des vore-  
geschribeten Titels oder punctens. Zum anderen aber

Mit was  
ordnung  
vnd rote dß  
büch geschri-  
ben sye.

## Vorred.

vnd grad vff erzeltte Summam/ erklären ich durch erste  
the capitel roylouffiger alle vnd yede stück die in gedach  
ter Summa kurz begriffen sind. Vnd sind der Capitel  
aller eins vnd hundert. Mit der kurzen Summa wil ich  
denen dienen vnd zu hilff kommen/die gern vor allen din  
gen in einer heiligen handlung oder sach die substanz  
oder das wäsen/ als in einem augenblicke zersähen vnd  
kurz vnd nach by einanderen z. haben begreud. Mit  
der erkläring aber der folgenden Capitel/ verwar ich/  
so vil mir Gott gnad gäben/ vnd mir möglich geign/das  
nir weder dunkels noch vberwäts in der Houptsum  
m fürgetragen sye.

Wie man  
das büch lä  
sen solle.

Vnd hie hab ich mich geffissen die ort der Biblischen  
göttlichen geschrifft mer teils mit verzeichnuß der Capite  
len anzüzeigen/ wo man ein yedes in der Bibel roylouff  
iger/oder bewäri vnd beuestnet/finde zeläsen. Dann ich  
nit alle mal die wort gar vnd ganz hiehar in dises büch  
geschriben hab. Dann das büch vil zegroß vnd lang wor  
den wäre. Darumb bitten ich die flüssigen Läser dises mi  
nes büchs/ das sy ihñ wöllind wie die zu Berthea/ wels  
che die predig Pauli hortend/ vnd dannethin daheim in  
sren büchern lägend/ obes also in der Bibel geschriben  
stünde/ wie er sagt hatt. Also wöllind ouch sy flüssig sä  
eben vnd besähen die gründ der geschrifft vff die ich wösen  
Söllchs begär ich aber darumb/ das ein heilicher sner  
sach nit zwyselhaft/sunder groß sye. Dann daruff darff  
ein heilicher Christ sicher vnd rüwig setzen/das er findt in  
der heiligen geschrifft gegründet syn.

Allein vff  
heilige ges  
schrifft  
gründen.

Hiermit bezügiß ouch/ das ich alle die/ die dis mit  
nes büch läsen werdend/ nit wil von der Bibel abzies  
hen/ sunder vil mer in die Bibel roysen vnd sären: das  
ich ouch weder in disem noch in andern minen büchern  
keins wägs begär/ das man minem fürtrag oder fürträ  
gen glaube/ es finde sich dann/ das was von mir fürtra  
gen ist/

## Vorred.

gen ist / gegründet sye im wort Gottes. Dann alles das  
vß dem wort Gottes nit genommen ist / oder damit nit  
mag angezeigt vnd bewahrt werden / sol billich nit gälten.  
So dann bessers daruß fürbracht vnnnd erhalten wurde /  
sol billich aber von mir vnnnd allen andern gläubigen mit  
dane angenommen werden.

Ich hab vß liebe / ouch vß bitt vnnnd anhalten gläubig  
ger lüten / disen minen styß vnnnd min arbeit (in deren ich  
mir keiner vntreiw bewußt) zü gutem gefallen vñ dienste  
den gläubigen angewendt. Kan doch hieby ouch das  
wol erkennen / das vil geleerter vñ geübter lütē sind / wol  
che disen handel möchtē kützer / klärer vñ besser mache:  
Dazü ich sy ouch wil vermanet / vnd hiemit inen ein an  
laß gäben habē / mithinzü aber hoff ich erbare gmüte werts  
vnd dise min arbeit zü keinem vnd andē vßnemē. Da ich  
ouch Gott bitten / das er sin gnad darzü gäbe / das dise ar  
beit / wie sy von mir fürgenommen ist / in zü sinen eeren  
vnd der gläubigen nutz / friden / rüw vnd heil diene / Amē.

Vnnnd diewyl es ein alter loblicher bruch vnz hiehar **Dedicatio**  
vß vns kummen ist / das man die nürw geschabnen bü  
cher pflegt Fürsten / Herren / Stetten oder sunst tugent  
rychen / eeren vnd wol verdienten lüten zededicieren / zes  
eignen oder zūzeschreiben / so Dedicier vnnnd eignen ouch  
ich dises mines büch / ganz vnderdienstiger trüwer meis  
nung / Durchleüchtiger / Hochgeborner Fürst / gnädig  
ger herr / äweren Fürstlichen genaden / als einem liebha  
ber Göttlicher waarheit / Euangelischer Religion / vnnnd  
Christenlicher einfaltigkeit / damit ouch D. F. S. gee  
sterkt werde in dem wäg Gottes zewandlen vnnnd zee  
uerharten / ouch des Durchleüchtigen / Hochgebornen  
Fürsten vnnnd herren / herren Philippen / Landgraaßen zū  
Hessen / ic. D. F. S. herren vatters süßstapffen nachzes  
uolgen / in redlich / gedult vnnnd beständigkeit / in fürdes  
rung der waaren Euangelischen Religion vnd göttlich



## Vorred.

ehen worts/desse erwöhen verkündern vnd Christenlichen  
Schülen / in erhaltung grichts vnd rächts / Friden vnd  
wohlstands/ouch in schutz vnd schirm der armen/witwöhen  
vnd weisen/in errettung der getrengeten mit vnbill/ vnd  
vndergetruckten wider rächt. Bitten hiemit vnderthä-  
mig D. F. S. wölle diß min Dedication von mir / als  
D. F. S. ganz geneigten vnd gütwilligen diener / in  
gnaden verstön vnd vñemen. Der Allmächtig ewig  
Gott Vatter / wölle durch sinen einigen Sun / vnseren  
Herren Jesum Christum / in krafft des heiligen Geistes  
vñrer F. S. Herren vatter / ouch D. F. S. sampt dem  
Fürstlichen huß Hessen/ vnd dem ganzen Fürstenthum  
in sinen gnaaden gnädiglich alle zyt erhalten. Vñ Zü-  
rych des mitten Jomungs. Anno domini 1556.

D. F. S.

williger  
Diener

Henrych Zula-  
linger / Diener  
der Kirchen  
Zürich.

# Zeiger diß Buchs.

## 1. Von der heiligen Bibli- schen geschriffte.

Was Bibli heisse/ was alt vñ nūw Testa-  
ment sye/ouch die zal vnd namen der Biblio-  
schē Büchern: findst vom 1. Blatt biß an das 5.

Der Biblischen geschriffte sol man gloubē/  
als dē wort Gottes / welchs vñ im selbs an-  
sähens vnd gloubens gnüg hat/ darzū vnge-  
felscht ist: findst vō fünffte Blatt biß an d 3 11.

Die Biblisch geschriffte begryfft vñ leert vol  
kommen alle gottsaligkeit/ mag vnd sol von ye-  
derman geläsen werdē/vñ d̄ einig richter bly-  
ben in deß gloubēs sachē: vom 12. biß ans 15.

Die Biblisch geschriffte ist verständlich ge-  
schriben/kan vnnd mag verstanden werden:  
vom 15. biß in das 18.

Von den Traditionen vñ Vätertern sazun-  
gen / von der elte/vile / heilige / geleerte der  
Leereren: vom 19. biß an das 21.

## 2. Von Gott vnd sinen herr- lichen wercken.

Gott ist einig im wäsen / Dryfalt in perso-  
nen/schöpffer vnd regierer himmels vñ der  
erden: vom 23. biß an das 28.

Der mēsch ist güt erschaffē/durch sin selbs  
schuld gefallē/vñ von Gott gnädiglich wis-

## Zeiger.

der vſgehebt: vom 29. Biß an das 30.

Gott verpündet jm das menschlich geſchläch: wie Gott rächt gedienet werde/ vñ wordurch die alten Väter ſyend ſällig worden: vom 31. Biß an das 33.

### 3. Von der Sünd vñ ſtraaff der Sünden.

Von dem vſprung/ſürgang vñnd würckung der Sünd: vom 34. Biß an das 37.

Das ein Erbsünd ſye/was ſy ſye/vñ was ſy würcke: vom 37. Biß an das 40.

Von der thatlichen ſünd / von allerley geſchläch der ſünden/vnd von ſtraaff der ſünden: vom 40. Biß an das 45.

### 4. Von dem Geſatz Gottes.

Das Gott ſin Geſatz ſelbs offne / wie es abgeteilt ſye/sampt erzellung der Zehen gebotten/vnd deren erklärang: das wäret von dem 46. Blatt Biß an das 73. Blatt.

Der menſch ſol ſich Gottes einig vñ allein vernügen laſſen/ den anbätten vñ vereeren: vom 50. Biß an das 52.

Von den Bildern: vom 52. Biß an das 57.

Vom heiligen deß Namens Wortes: vom 57. Biß an das 59.

Von rüwen/ſyren / vnd dem Fyrchgang: vom 59. Biß an das 61.

Von vereerung vatter vñ müter: vom 62. Biß an das 63.

Wider

## Zeiger.

Wider das Todtschlahen/Lebrächē/Strä-  
len/allerley liegens/falsches/vnd böse Begir-  
den: vom 63. Biß an das 68.

Von den Ceremonten vnd gerichtten des  
Gesatztes: vom 69. Biß an das 70.

Vō dem end vñ bruch des Gesatztes/war-  
umb es gäben sye: vom 70. Biß an das 72.

Vom erfüllen vnd abgon des Gesatztes:  
vom 72. Biß an das 74.

### 5. Von d' gnad Gottes vñ Rächts- fertigung durch Christum.

Was Rächtfertigen sye / vnnnd das allein  
durch Gottes gnad der Sünder / one das  
Gsatzt/von Gott zū gnadē vsgenomēn wer-  
de: vom 75. Biß an das 77.

Durch Christū aber wirt die Gnad dem  
Sünder bewisen. Dann Christus hat dem  
Gsatzt gnüg gerhon/vnnnd ist worden vnser  
gerächtfertigkeit/als d' mit sinem tod vnser sünd  
bezalt/vñ vns ganz veruolkōmnet hat: vom  
77. Biß an das 80.

Das allein durch den glauben/ nit durch  
die werck/ die gerächtfertigkeit Christi von vns  
angenomēn/vnser eigē werde/darum allein  
der glaub rechtfertige: vom 81. Biß an dz 84.

Die gläubigē werdēd volkōmēlich durch  
Christum von schuld vnd pyn absoluiert / sy  
habend ouch alles allein in dem einigē Hero-  
ren Christo: vom 84. Biß in das 86.

## Zeiger.

### 6. Von dem Glouben vnnnd dē wort deß h. Luangelij.

Der Gloub ist nit allein ein eigentlichs  
wüßsen/sunder ouche ein vest verruwen/vnd  
gründet sich allein vff Gottes wort:vom 87.  
Biß an das 89.

Von den 12. articlen deß Christenlichen  
gloubens/vnd deren einfalten rächten ver-  
stand vnd erklären:vom 89. Biß das 103.

Von vnserer schöpffung/ vnd das Gott  
vnser einiger Gott vnnnd vatter sye:vom 90.  
Biß an das 91.

Von vnser erlöfung/vñ von Christo Jesu  
warem Gott vnd menschen/vnd das er die  
zwo nature in einer vnzertrenten person be-  
halte/dz er empfangē sye vom heiligē Gei-  
st/geboren vß Maria der jungkfrouwen/gelit-  
ten habe/gestorbē sye/ abgefaren zün hellen/  
am drittē tag wider vfer standē von todgen/  
sye vßgefaren in den himel/ da sitze er zür ge-  
rächten Gottes vatters/ dannenhär er zum  
gericht kumen werde: vom 91. Biß an dz 97.

Von dem heiligen geist/vnnnd vnser heili-  
gung:vom 96. Biß an das 98.

Von der heiligen allgemeynen Christenli-  
chen kyrchen:vom 97. Biß an das 101.

Von Ablass d Sündē/Vfer stentnuß deß  
fleischs/vñ Ewigem läben/vñ das der glöu-  
big in Christo läbe:vom 101. Biß an das 104.

Von

## Zeiger.

Von der ordnung Gottes/wie der gloub  
gäben/ gepflantz/ gemeeret vnnnd erhalten  
werde: vom 104. Bis an das 107.

Von den Dienern Christi vñ der Kyrchē/  
vnd von irem ampt: vom 108. Bis an das 112.

Von den Schließlen der Kyrchē damit of  
vnd zügeschlosssen wirdt der himel: vom 112.  
Bis an das 114.

Von 8 Predig des heiligē Euangeliums:  
vom 114. Bis an das 115.

Von der Predig der Büß/vñ wie sich der  
Sünder zü Gott schickē solle/ouch von der  
Straaff vñ arzny der sündern: vom 115. Bis  
an das 117.

Was ein rächt Büßfertig Christen läben  
sye/vnd von dem Stryt der gläubigē: vom  
117. Bis an das 118.

### 7. Von dem Anruffen vnd Gebätt der gläubigen.

Das man bätten solle/ vñ daß das gebätt  
der gläubigen nit vergäbens sye: vom 119.  
Bis an das 121.

Was Bätten sye/wie das gebätt abgeteilt  
werde/wo vnd wenn man bätten solle: vom  
121. Bis an das 122.

Wie das rächt Gebätt solle gestaltet syn:  
vom 122. Bis an das 125.

Das man Gott allein vñ keine creaturen  
anruffen solle: vom 125. Bis an das 126.

## Zeiger.

Das man allein by Gott alles güts vnd was der mensch bedarff finde: vom 126. Bis an das 128.

Das Christus allein der mittler vnd fürspräch vor Gott dem vatter sye/vñ alle glöubigen allein durch in anruffen söllind: vom 128. Bis an das 129.

Das Christus allen sünderen zü im ruffe/vnd inen alle trüw vñ gnad anbiet: vom 129. Bis an das 131.

Wie man Bätten sölle/vnd das Christus die beste form zü Bätten angäben habe: vom 131. Bis an das 133.

Kurze erkklärung des H. Vatter vnseres/vom 133. Bis an das 137.

## 8. Von den Heiligen Sacramenten.

Wie die Sacramenta / so der predig des heiligen Euangeliums vom Herren zügehöron sind/gewycht oder geheiligt werdind: vom 137. Bis an das 141.

Worum die Sacramenta zeichē heissind/worum sy yngesetzt worden / vñ wie vil in der heiligen kyrchē syend: vom 141. Bis an das 144.

Der alten vnd nūwen Sacramenten vndercheid: vom 144. Bis an das 145.

Von dem heiligen Christenlichen Touff vnd Kindertouff: vom 145. Bis an das 147.

Von

## Zeitger.

Von des Herren Nachtmal/wie vñ wora  
umb es von dem Herren sye vfgesetzt/vnnd  
wie es solle begangen werden:vom 147. Bisß  
an das 151.

Von dem lyblichen/geistliche vnd Sacras  
mentliche kssen oder niessen des waare lybs  
Christi/vnd von der gegenwirtigkeit Christi  
im Nachtmal:vom 151. Bisß an das 155.

Von wyterer frucht des Herren Nachtmals/  
vnnd wie man sich darzu rüsten solle:  
vom 155. Bisß an das 157.

### 5. Von den Güten wercken.

Das die rächtgläubigen rächt güte werck  
thügind/die nit vnntüz syend/dann Gott Be  
lone sy/doch richtind hie die gläubigen kei  
nen verdienst vf:vom 158. Bisß an das 161.

Welches die rächt güten werck der glöus  
bigen syend:vom 161. Bisß an das 163.

Von der Ergernuß:vom 163. Bisß an das 164.

Vom Crütz vnd lyden/vñ von der gedult  
der gläubigen:vom 165. Bisß an das 167.

Kurtze verzeichnung d rächt güten wer  
cken/die von allen geschlächten vnd ständen  
der menschen nach dem wort Gottes besche  
hen mögend:vom 168. Bisß an das 171.

### 10. Von dem Tod vnnd

### End aller dingen.

Was der Tod sye/das er gewüß/doch sin



## Zeiger.

stund vngewiß sye/ D3 die seel nie stärke/ vñ  
der mensch sine tod alle zyt betrachten solle:  
vom 171. Biß an das 174.

Wie sich der Christen mensch zu sälligem  
abstärbe rüsten möge vñ schicken solle: vom  
174. Biß an das 178.

Das der rächte gläubig grad eins wägs  
vnd richtig/ vff disen lyblichen tod/ abscheide  
in ewige sälligkeit/ vnd in kein pyn noch lyden  
kumme: vom 178. Biß an das 181.

Das das end aller dingē nahe/ die zeichen  
so dem letzten gericht vorgond/ erfüllt syend/  
darumb yedermann der zukunfft des  
Herren warten/ ernstlich wa-  
chen vnd bätten solle.

## End des Zeigers.

1  
Von der heiligen Bibli-  
schen geschriffte alts vnd nūws  
Testaments.

Der Erst Artickel.

**A**lle vnd yede Chri-  
sten söllend der hei-  
ligen Biblischen ge-  
schriffte / alts vnn  
nūws Testaments /  
one alles widersprā-  
chen (als dem waaren wort Gottes /  
das von Gott yngeister / vnn  
von  
im selbs authoritet oder ansābens  
vnn  
gloubens genlig hat / nit erst  
von der Kyrchen oder menschen be-  
darff gloubwirdig gemacht zewer-  
den) glouben : vnn  
wüssen das sy  
warbafftig vnn  
vngefelscht von den  
heiligen Propheten vnn  
Apostlen  
beschriben / vn  
der wält fürgebracht  
ist. Das ouch söliche geschriffte alles

## Der I. Artickel

das zur Gottsäligkeit diener/ gnügsam vnd heiter begryfft vnd leert. Vnd söllend sy läsen/ oder hören läsen alle mensche. Alle sachen/die Religion belangende/ söllend mit iren gericht vnd bewäret werden/ ob sy rächt oder vnträch syend. Was dan iren nit gemäß oder zewider ist/ vor dem selben sol sich menschlich hüten/ es heisse glych wol Tradition / oder Väterer satzung/oder habe ein namen wie es wölle / werde yngeführt oder angenommen von vilen oder wenigen/ geleerten oder vngeleerten/ oder habe gewäret in allgemeiner einhälligkeit/wie lang es wölle. San billich gadt Gottes wort vor allen dingen/ diewyl er die warheit vnd der allmächtig ewig Gott ist. Das aber dem alle also sye/ zeigend wir an durch folgende Capitel mit kundschafft heiliger geschriffte.

Von

# Von der H. Geschrift.

2

Von der heiligen Biblischen geschrift als  
vnd nãw Testaments. Cap. I.

**D**as wõrte Geschrift/wirdt allerley Geschrift  
geschriftten/die von menschẽ gschri-  
ben werdend/ gaben: aber hie von  
den selbẽ allen abgescheiden durch  
das wõrte Heilig vnd Biblisch/ Dann ande-  
re geschriftten alle nit also sind. Heilig heißt  
vnsere Biblische geschrift/ das sy vom heili-  
gen geist yngeistet/von heilige lützen Beschre-  
ben/zũ dem heiligen Gott fũr/nũr dan heil-  
ligkeit/vnd kein vnreinigkeit oder irrtum  
leert. Darumb spricht David Psal. 19. Das  
gebort des Herren ist rein vnd luter/vn er-  
lũchet die ougen. Vnd im 11. Psal. Die re-  
den des Herren sind lutere reden/ wie das  
silber das im rigel von der erden gelũteret/  
vnd sibem mal geschmeltzt wirt.

Heilige Bi-  
blische ges-  
schrift.

Bibly aber ist ein Griechisch wõrte/ das  
heißt in Tũtsch/Bücher. Wie nun sind Key-  
serliche vn Künigliche Bücher/Lands Fry-  
beiten/Gsatz vnd Pundes Bücher: also hat  
vnsere Herr vnd Gott den menschen gaben  
sine Bücher/die man gemeinlich neñt die heil-  
lige Bibel.

Bibly;

Sõliche Bibel/ oder die Bücher Gottes/  
werdend wyter genennt das Alte vnd Nũ-  
we Testament: das ist/sõliche Bücher die vñ  
dem alten vn nũwen Testament/ durch die  
heiligen Propheten vn Apostilen geschribet

Alte vnd  
nũwe Testa-  
m. etc.

## Der I. Artikel

vnd vß Gottes geheiß den menschen gäben oder verlassen sind. Testament aber heißt ein gemacht oder verschaffung / wie es die sterbenden machend jres willens vnd gefallens halben: namlich / was mit jrem verlassenen güte / nach jrem abgang / Beschähen / wie vnd wäm es werden solle. Testament heißt auch ein vereinigung / verkomnuß / verstädt / pact vnd pündtnuß. Nun aber hat Gott ein gemacht sinem volck / oder denen die er zu sinen erben angenommen hat / gethon / siner gaaben vnd himelischen gütern halben / welche vñ desß todts willen siner Sins an die gläubigen fallend. Mit den selbē menschen hat er ein verkomnuß / vereinigung vñ pündtnuß gemacht / &c. Vnd so dan der menschen zweyerley sind / die Alten vñ die Nüwen / ist auch ein altes vñ nüwes Testament. Das Alte verpündet vñ erbvolck Gottes / sind die alten Väter sampt jrem somen bis vff die 39<sup>te</sup> Christi. Das Nüwe verpündet vnd erbvolck Gottes / sind alle Christē von 39<sup>ten</sup> Christi bis zu end d welt. Darum verstädt man yetz durch das alte Testament / alle die Bücher / die vor den 39<sup>ten</sup> Christi vß Gottes geheiß von dem gschriben vñ in das Buch Gottes gefasset sind / wie Gott sin gemacht / verkomnuß vñ pündt mit sinem alte volck vom Adamen an / vntz an Christum gehalten / wie er mit jm / vñ sy mit Gott gehandelt habed.  
Solicher

Das alte  
Testament.

Von der H. Geschrift. 3

Solicher Bücheren ist ein grüßse zal. Der anfang vñ grund/sind die 5. Bücher Moses/ Im ersten büch fürt er vß die zyten der heiligen Väteren vß schöpffung an der welt/biß an sine zyten. In den andern 4. Büchern beschrzybt er das gsatz Gottes/vnnd was sich mit dem volck Gottes vnder seiner regierüg 40. jar lang erlossen hat/vnd fürt sy vß Egypten/durch die wüste/biß an Jordan. Josue fürt sy über den Jordan/strytet mit den fürsten der Chananitern/vñ setz das volck Gottes yn. Das büch der Richtern zeigt wie es dem volck Gottes vnder der verwaltüg der Richtern gangē sye. Darzū diener das büch le Ruth. Die 4. König Bücher beschrybend die regierung der Königē/welche das volck Gottes an statt v Richtern annam. Zu denen gehörend die 2. Bücher der Chronick/vñ füren die zyten bis an die Babylonisch gefencknuß. In der gefencknuß hat sich erlossen die histori Hester. Nach diser gefencknuß gond an die zwey Bücher Esdre vñ Nehemie. Vnder die historien hdt auch das alte büch Job. Vñ abend disen historien sind auch noch andere Biblische Bücher / als der Psalter/welcher begryffe die gebätt vnnd leeren der alten/insonderheit aber Davids: Item die 3. Bücher Solomons:nälich/die Sprüch/der Prediger wider alle ytelkeit/vnd die hohen Lied von der hochzyt vñ götlicher hold

zal/namen  
men vnd  
summa der  
bücheren  
des alten  
Testament.

## Der I. Artikel

Schafft Christi vñ seiner kyrchen. Es sind auch die Bücher der heiligen Propheten / namlich 4. der grossen propheten / Isaie / Jeremie / Ezechielis vñ Danielis / vnd eins der 12. kleinen Propheten / 2c. Solliche Bücher der Propheten begryffend and's nit / dan die predigen so die heiligen Propheten / in iren tagen nach gelägenheit der sachen / personen / orten vnd zyten zu dem volck Gottes gethon habend. Sind leerē / straaßen / vermanungen / vnd trostungen / 2c.

Nebend diesem sind noch andere Bücher in der Bibel begriffen / als das 3. vñnd 4. Buch Esdre / das ander Buch Hester / der Tobias / die Judith / Susana / auch Beel / vñ die Machabeer Bücher. Item das Buch Baruch / 3. Buch der Wysheit / vnd der Wysen sprüche / welche alle in der kyrchen geläsen / iren bruch vñ nutz habend / doch nit in glycher achtung mit den oberzelten gehalten werdend. Dan man vs inen nit pfligt in strytigen articlen der religion kundtschaffren zustellen / 2c.

Falschname  
men vnd  
summen  
der bücher  
ten des nüt  
wen Testa  
ments.

Wytter verstadt man durch das nütwe Testament die Bücher welche durch die heilige Euangelisten vñ Apostlen / von dem nütwe pundt Christi vnd sinem nütwen volck / welche er von Juden vñ Heyden angenommen hat / geschriben sind. Derley ist die Euangelisch history (der rächt grund des nütwen Testaments) durch 4. Euangelisten geschriben von

Von der R. Geschriffte. 4

von dem läben vnd der leer Christi. Deren  
volget das Buch von Geschichten der heiligen  
Apostlen/ vnnnd wirt vßgefürt von den  
zyten Christi Biß in das 28. jar/ vnd darin Be-  
griffen alles dz notwendig ist zewüssen von  
der leer vnd läben der heiligen Apostlen. Zu  
diesen heiligen Bücheren kommend 14. Epist-  
len Pauli/ vñ 7. der anderen Apostlen: ouch  
die Offenbarung Jesu Christi/ beschähē dē  
heiligen Apostel vnd Euangelisten Joanni/  
von allem dem das der heilige Kyrchen Chri-  
sti widerfaren sol/ von zyten Christi/ Biß an  
den jüngsten tag. Was man über vnd vß-  
sert diesen Bücherē hat/ als das Euangelium  
Nicodemi/ die geschichten Petri/ vñ andere  
der glychen Bücher/ hñrend nit vnder die Bi-  
blischen Bücher. Aber erzeltē Bücher niws  
vnd alts Testaments sind die rächten heili-  
gen Biblischen (die sunst ouch Canonisch  
heißend) Testaments vnd pundtsbücher: ja  
die Bibel ist das rächt warhafft vnfälbar  
Landt oder Kyrchen vnd Gottes Buch.

Das man der heiligen Biblischen gschriffte  
alts vnd niws Testaments one alles wi-  
dersprachen glauben solle. Cap. II.

**D** Jewyl dann die heilig Biblisch ges  
schriffte das rächt Testaments oder  
Pundtsbuch / ja der Rächten oder  
des Gsatztes Gottes Buch ist / sol  
Der ges  
schriffte one  
widersprache  
chen glou  
ben.



## Der I. Artickel

iren billich one alles widersprächen gloubt/  
vñ gar nit gestattet werdē/ das man spräche  
(wie aber erliche gottsesterlich im buch has  
bend) Wår wil mir sagē/ ob dz die rächte bü  
cher syend: mā kan doch ein lug als wol schry  
ben/ als ein warheit. Dañ so mütwilligē frōs  
fen lütē nit gestattet wirt wider Land oder  
Statt vñ Gsatz Bücher/ wider Testamenta/  
Bueff vñ sigel/ oder wider geschworne Kunde  
schafft zū redē: vil minder sol gestattet werdē  
zeredē wid den pundt vñ gsatz Gottes/ wels  
ches ein zūgnuß oder kundtschaft der war  
hafften zügen Gottes / die warheit Gottes  
vnd ein grund der warheit wol vnd rächt ge  
nennt wirt. Siemyl sich doch erfindt/ das vil  
gedacht pundtsbüch Gottes/ vor vnd nach  
der geburt vnsers Herren Christi so vil hun  
dert jar/ in so vil künigrychen / landen/ zun  
gen vnd völkere/ durch alle dise wält/ in al  
lem Oriēt/ Occidēt/ Mittag vñ Mittnacht/  
zū glych by allen kyrchē/ einerley art oder ein  
hällig/ warhafft / grächt/ gantz vñnd vnuer  
felscht/ geläsen/ geprediget/ gehört/ behalten/  
bewaret/ funden/ vßgäben/ vñnd also biß an  
vnser altuorderen vnd vns kommen ist: vil  
gwaltiger vnd sicherer/ dañ kein Statt oder  
Land inder mee könne oder möge sine Statt  
rächt/ Landrbücher / vber/ rddel/ Brieff oder  
sigel/ fürtragen/ darlegen vñnd rümen. So  
man aber den selben (als ouch erst gesagt)  
gloue

Von der H. Geschrift. 5

glauben gibt/vnd nit widerspricht/die doch  
zu sentfältig minder ansähens dann die Bi-  
bel habend: warum wölte man dan nit ouch  
gälten lassen das allereltest pundtbuch Got-  
tes/welchs eins sölichen herrlichen harkom-  
mens ist/vnd erst über das voug alles/noch  
hüt by tag in allen kyrchen der ganzen Chri-  
stenheit / in vnusprächlicher anzal / darzu  
ouch by vilen anderen völkereen/ die nit gar  
vnsrer religion sind/ dennocht glychlutend al-  
lenthallen/in allerley spraachen/fundē wirt:  
ja vfferdterich/zü keinen zyten/nie kein büch  
kommen ist/das ye vnd ye vñ allenthallen ein  
so hoch herrlich vnd vnwidersprächlich ansä-  
hen/by allen verständigen/gehebt habe.

Vnsrer Herr Christus zücht in allen zwys-  
selhaftten vñnd spänigen sachen / die kundts-  
schafft der Biblischen gschrifft/als gwüß vn-  
sälbbar vnwidersprächlich/herfür. So ist zü si-  
nen zyten nieman fundē/wie vil ioch grosser  
synden der warheit warend/der ye wider die  
Gschrifft geredt habe/ als sölte man jren nit  
glauben/oder der sy ye in einichen zwysel ge-  
setzt habe/vnd gesprochen: Warum sölte ich  
jren glauben? Dann ouch Josephus ein Jü-  
discher priester vnd der verrümpft geschichts-  
schryber spricht / allem volck Gottes sye in  
jre hertzen geschriben vñnd als vil als aner-  
erbe / das man Biblischer gschrifft one alles  
widersprächen glauben sölle.

## Der I. Artikel

Vber das alles spricht vnser Herr Jesus im Euangelio Matthei am 5. vnd 24. cap. es werde von der geschrifft ouch nit ein stüpfly oder büchstab fallen oder abgon: himel vnd erden vergange / das wort Gottes vergange nit. Ioan. am 10. cap. sagt der Herr / die Geschrifft möge nit gebrochē oder vsgelōst werden: das ist / jr warheit sye ymmerwārend vnd on widersprächlich/2c.

Vnd wie es ein gestalt hat mit den Büchern deß alte Testaments / also hat es ouch ein gestalt mit den Büchern deß nūwe Testaments / als die mit deß alten kundtschafftē befestnet / vnd nit minder dan die Bücher deß alten Testaments das wort Gottes sind: ouch von anfang das ansehen gehebt / das an jnen nie kein rächtuerstendiger zwystet / oder inē widersprochen hat. S. Augustin spricht / Wie Gott über alle ding ist / also ist ouch sin wort über alles: vnd sol vom menschen nit gerichtet werden / sonder yeder man sol sich der geschrifft ghorfamlich vnderwerffen. In summa / diewyl die geschrifft ist das wort Gottes / so sol ouch jren gloubt werden one alles widersprachen.

Das die heilig Biblisch geschriffe das  
wort Gottes / vnd von Gott yngeistet  
sye. Cap. III.

Nico

**W**erman frommer Christgläubiger Die heilig  
 lüten lasse sich irren / Das etliche Biblisch  
 witzler subtyl finflend vnd spräch gschriefft ist  
 hend / Gott sye ein geist vn begriff das wort  
 lich vnd vnzerstörlich: aber die ge Gottes.  
 schriefft sye fleisch / Begrifflich vnd zerstörlich /  
 darumb könne sy nit das warhafft Gottes  
 wort syn / ic. Dañ Gott wider solche fanta-  
 syen selbs die predig so von propheten vnn  
 heiligen Apostlen mundlich beschach / vnn  
 hernach in gschriefft gestellt ward / syn / das ist  
 Gottes wort neñt. Wår wil aber vnderston  
 Gott ze leeren wie er reden solle: Oder was  
 darff es des spintisierens? Man weißt wol  
 daß die gschriefft mit der menschen stimmen /  
 der dinten vnd papyrs / oder der büchstaben  
 halben / die ja fleisch / Begrifflich vnd zerstör-  
 lich sind / das wort Gottes heißt / sunder des  
 halben / das eben die meinüg / die durch men-  
 schen stimmen geredt vnd mit dinten vnd fe-  
 deren vff papyr gschriben wirdt / v: sprüñg-  
 lich nit deren menschen / die es redend vnd  
 schrybend / sunder Gottes wort / will vnd mei-  
 nung ist. Des künigliche Botten reden / vñ  
 des fürsilichen Cantzlers schryben / ist nit da-  
 rum nit des künigs red oder will vnd des  
 fürsten gschriefft / darumb der Bott die red ges-  
 thon vnd der Cantzler den Bueff gschriben  
 hat. Dann man achtet in welches nammen  
 oder vß welches Befälch sy geredt vnn  
 ges

## Ser I. Artickel

schriben habend: vnd diewyl solichs beschriben vom künig oder fürsten/ so heist die red des Boten/vnd des Cantzlers schryben/ein künigliche red vnd ein fürstlich schryben: also so sind ouch der heilige Propheten vñ Apostlen predginen vnd gschufften / Gottes wort vnd gschufften.

Exod. 4.  
Jerem. 1.  
Ezech. 3.

Sage nit Gott zü Mose/zü Jeremia/vñ zü anderen sinen dieneren? Ich wil dir mine wort in dinen mund gäben / das du sy dem volck sagist oder verkündist. Swaren wenn das volck Mosen oder die Propheten hort/ erkandrend sy wol / das die stim menschlich vñ der dienern was / sy wußtend aber wol/ das die meinung/ die inen gut menschlichen worten fürbracht ward/ Gottes wort vñ meinung was / also das wenn sy dem wort der propheten gloubtend oder nit gloubtend/ grundlich wußtend/ daß sy Gott gloubtend oder nit gloubtend. Also sollend wir noch hürt by tag die gschufft läsen/ vnd eigentlich wüssen / das mit denē todten büchstaben vñ mit sterblichen menschen stimmen / warlich begriffen/ verkündt vnd fürbracht wirt / der läbendig Gottes will vnd sin ewigs wort.

Exod. 19.

Exod. 16.

Sagt nit Moses sampt allen propheten allenthalben in sinen gschufften? Also redt der Herr/ Also hat gesprochen d Herr Gott Sabaoth. Solichs ist als vil als ein grund der warheit/ dem nieman widersprächen sol.

S. Paus

Von der H. Geschrifft. 7

S. Paulus spricht zu den Hebräern am 1. cap. Gott habe vorzeiten manigmal vñ mancherley wyß geredt zu den vätteren / durch die propheten. So spricht vnser Herr im E. uangelio / Wår ich hört / der hört mich : wår ich verschmächet / der verschmächet mich. Vñ wider um / Wår vß Gott ist der hört Gottes wort. Vñ redt aber von dē gepredigeten vnd geschribnen wort Gottes. Itē / Sin wort / o vatter / hab ich den Apostle gaben : vñ bitten nit allein für sy / sond auch für die / die durch irs wort an mich gloubē werdēd. Zu dē nemmend die H. Apostlen Petrus vnd Paulus das geprediget vnd geschriben wort der propheten vñ Apostlen / das wort Gottes : darumb besähe man 1. Pet. 1. vñ 1. Thess. 2. cap.

Luc. 10.  
Joan. 12.

Joan. 9.

Joan. 17.

Die heilig  
Geschrifft  
von Gott  
yngestet.

Sölichs alles wirt noch klärer vnd fester vß dem / das die heilig geschrifft Biblischer warheit nit von menschen erdacht oder funden / sond von Gott selbs yngeistet ist. Dañ der heilig Apostel Petrus redt das heiter 1. Pet. 1. vnd 2. Pet. 1. wie auch Paulus 2. Tim. 3. Ja vnser Herr Christus selbs sagt im heiligen E. uangelio / Ir sind nit die da redend / sunder der geist mines vatters redt vß üch. Siewyl dañ die gschrifft anderst nit ist / dañ ein warhaffte verzeichnuß der worten der propheten vñ heilige apostilen / so volgt auch das sölich vil genennte heilige gschrifft / das warhaffte ewig wort Gottes sye.

Luc. 11.

## Ser I. Artikel

Das die heilig Biblisch gschriefft vñ jren  
selbs anthoritet oder ansähens vnd glou-  
bens gnüg habe/ nit erst von der kyrchen  
oder menschen beddiffe gloubwirdig ge-  
macht zewerden. Cap. IIII.

**D**S DE/ das aller heiliger Biblischer  
geschriefft/ one alles widersprachen  
sol gloubt werden/ diewyl sy ist das  
warhafft wort Gottes/ volgt eigent-  
lich vnd vnwidersprachlich/ das sy in vnd vñ  
jren selbs ansähens gnüg hat / vnnd gar nit  
Bedarff von mensche gloubwirdig gemacht  
werden. Dann die Biblische Bücher nit also  
wie andere leeren vnd Bücher sind/ welche so  
sy etwas sagend/ das/ daß sy sagend/ erst be-  
wären oder waar machen müßend: weñ aber  
die Gschriefft etwas sagt/ Bedarff sy keins wy-  
tern Bewärens. Dan damit ist es schon gnüg-  
sam Bewärt/ daß sy es geredt oder geheissen  
hat. Vnd gilt deßhalb hie allein vn̄ sunst nie-  
nen das Pythagorisch *αὐτὸς ἴσα*. Dann die Bi-  
bel ist das wort Gottes. Vnd weñ dan Gott  
redt/ sol sich alles fleisch trucken. Lieber weñ  
vns Gott etwas für warhafft sagte/ od vns  
etwz mit ernst gebutte/ wär wölte doch oder  
fönde wyterer Bwärnuß nachfragē: Schät-  
lich/ schmächlich vnnd gottsesterisch ist es sa-  
gen/ Gottes wort habe kein ansähen vnd sye  
nit gloubwirdig / die mensche erkennind dan  
vorhin/ dz es gloubwirdig syn solle. Ist das  
nit

Wnscheid  
der Biblis-  
chen bü-  
chern von  
andern bü-  
chern.

nit die geschpfft über den Schöpffer setzen/  
vnd Gott sin eer rouben vnd schenden? als  
ob er one vns nüt wäre vnd sine sachen kein  
krafft hettind wir machtind sy dan krefftig?  
Was gedenckt doch der stinckend sterblich  
mensch? Oder ist die Sonn am hällen himel  
nit heiter vnd glantz gnüg/wir zündind dan  
hiemden Schwäbelhötzle an / vnd machind  
sy heiterer? Oder hat die Sonn keinen glanz  
gen schyn/wir erkenind dan das sy ein gnüg  
samen schyn habe? S. Paulus redt vil an-  
ders von diser sache da er spricht zün Römerē  
am 3. cap. Solte der menschen vnglaub Gotes  
glouben entkrefftigen? das sye verr. Es  
slybe vil weger also/ das Gott sye warhafft  
vnd alle menschen lügenhafftig/1c.

Der Wyß mann spricht/ Alle red Gottes  
ist luter vnd rein. Darumb thû nüt zü sinen  
worten/ das du der lügen nit gestraafft wer-  
dist. Proverb. 30. S. Paulus sagt mee dann  
an einem ort/ die red oder das wort das er  
predige/sye ein warhaffts wort vnd wirdig  
das im glouben gäben vnd angenommen wer-  
de. Sölichs mag/kan vnd sol ouch von ganz  
der Geschrift verstanden werden. S. 30.  
han spricht/er wüsse eigentlich dz sin fundt  
schafft warhafft sye. So spricht Oseas am 14  
cap. Welcher wyß ist/der wirt dises verston.  
Dann die wäg des Herrn sind richtig: Die  
frommen werdend darinn gon/vñ die gottes

2. Tim. 2.  
Titum 2.

Joan. 19.  
22.



## Der I. Artickel

losen darinn struchlen.

Der Bibel  
würdigkeit.

Dann alle eeren verstendigen lüt/habend  
an der Bibel nie nüt zwyffel/ sunder erkent/  
daß sy geschriben ist von den aller wysisten  
vnd fürnemsten personen die ye geläbt ha-  
bend. Das kundtbar ist/wie in aller wält ver-  
rümpft gsyn sind Moses / Samuel/ David/  
Solomon/ Isaias/ Jeremias/ Daniel / Es-  
dras sampt den Euangelisten vnd Apostlen  
Christi. Es ist kundtbar das alles dz ye durch  
ernennete schryber deß alten vnd nūwen Tes-  
taments gschribē/verheissen oder getrōwt  
worden/alles by einem püncktlin erfülle vnd  
waar worden ist. Das grosse wunder vñ zeis-  
chen zur Befestigūg der warheit der gschriffte  
beschāhen sind. Das vilgedachte gschriffte  
grossen vffsatz gehebt / doch allwāg vfrecht  
bliben ist. Das nie kein sölich Büch / als die  
Bibel/nie vfferdrich kommen (als ouch ob  
gesagt) das in so grosser achtung gsyn / vnd  
in so vilerley sprachen vertolmetscht sye. Sie  
weychend nun wyt hinder sich alle wysen mit  
allen iren Büchern. So sind ye vnd ye alle die  
gestraafft vō Gott/die sich wider vilgedachte  
te warheit vfgelānt vñnd gestellt: also das  
ein yeder verstendiger grundtlich wol mer-  
cken mag / das die Biblische Bücher genūg-  
sam ansāhens vñnd gloubwürdige vß inen  
selbs habend.

Das aber das wort Gottes durch der  
menschen

Vonder H. Geschrift. 9

menschen züstimmen oder Beuestnen nit erst  
gloubwirdig gemacht werde/ zeigt vns der  
heilig Joannes im heiligen Euangelio vnd  
spricht/ Der von oben herab kompt / ist über  
all. Wår von der erden ist/ der ist irrdisch/ vñ  
redt von der erden. Der von himlen kompt/  
der ist über all / vnd züget was er gsehen vñ  
gehört hat. Vñnd sin zügnauß nimpt nieman  
an: wår aber sin zügnauß annimpt/ der versis  
glet das Gott warhafftig ist. Dann welchen  
Gott gesend hat / der redt Gottes wort/ ic.  
Joan. 3. vnd am 5. cap. spricht der Herr/ Ich  
nim nit zügnauß von menschen. Er gründend  
die gschrifft/ dann jr meinend jr habind das  
ewig läben darin: vnd sy istes di: von mir zü  
get. Ich nim nit eer von den mensche/ ic. O  
der welches Concilium oder erkantnuß der  
kyrchen kan man vns anzeigen / das erst die  
Biblische gschrifft gloubwirdig gemacht ha  
be? Zeigend sy eins/ so müß ye volgen/ das  
die Gschrifft daruor kein ansähē gehebt/ wie  
habend jren dann die menschen gloubt? Ha  
bend sy jren gloubt / so ist sy ye an jren selbs  
gloubwirdig gsyn.

Darumb sol man also von diser sacht hal  
ten vñ richten/ Die mensche habend vß dem  
wort Gottes gehört die warheit/ vñ diexwyl  
sy die für gloubwirdig gehebt/ habend sy jre  
gloubt / vñ sind also ein kyrch Christi wordē.  
So volget das sy nit do erst/ do sy ein kyrche

Welcher  
zeitalt das  
wort 270 2  
ten vñ 272  
kyrche die  
gloubwirdig  
die vorge  
ben.

## Ser I. Artickel

wordē sind / das wort gloubwirdig gemacht  
habind / diewyl sy im vor / als gloubwirdig /  
gloubt habend. Hernach als sy ein kyrch wer  
den sind / durch den glouben / habend sy das  
wort der Gschrifft anderen als gloubwirdig  
gerūmt: vñ die selbē habend es zum teil ouch  
angenommen / das sy es Befunden Gottes  
wort syn / zū teil das sy gesāhē / das die kyrch  
dem wort gloubt hat. Vnd hiehar diener der  
spruch Augustini / Dem Euangelio gloubte  
ich nit / weñ mich nit der kyrchen ansāhen da  
hin note.

Warumb  
man dem  
Euangelio  
Joannis  
mee dann  
Nicodemi  
gloube?

Glycher ggestalt / wenn man vns fragt / Die  
wyl die kyrch der Gschrifft das ansāhen wer  
der gebe noch mache / warumb dan wir dem  
Euangelio Nicodemi nit als vil / als dem E  
uangelio Matthei oder Joannis gloubind?  
Sagend wir / Nit darūm gloubend wir dem  
Euangelio Joannis mee dann dem Euang  
gelio Nicodemi / das die kyrch neißwan ers  
kennt habe / das nun vier Euangelisten / vnd  
nit mee syn sollind. Dan darvon kein erkānt  
nuß funden wirt / noch kein Concilium gehal  
ten ist: sunder das die Apostlen / diewyl sy  
noch gelābt / solich Euangelium verworffen  
habend. Solichen hat die kyrchen gloubt / vñ  
solichen glouben jren nachkommenden ge  
offnet. Item / Die Apostlen vnd Euangeli  
sten habend der kyrchē jre Euangelia gschri  
ben geben: mit denen hat sy andere probiert /  
vnd

vnd die wyl sy die selben vnglycher art funden/saren lassen/vnd ouch andere darvor gewarnet. Der glichen wirt man finden in der vorred des heilige Euangetij Luce. Hiemit stadt yemer dar fest/das das wort Gottes oder heilige Geschrifft jr ansähen grundtlich vß jren selbs / vñ nit vß den menschen habe.

Das die heiligen Propheten vñ Apostelen die heiligen Biblischen geschriften marhafftig vnd vngeselscht beschriben/vnd der wält fürbracht habind. Cap. V.

**M** Abend die vralten von Adams bis zu Moses zyten / Geschriften oder Bücher gehebt (als des Buchs E. noch gedacht wirt in der Epistel Jude) sind doch die selben zu vns nit kommen. Welches vil ynfürend zu verkleinerung der Biblischen geschrifft/als ob die kyrch vnd Tradition/oder das mundtlich angeben/elter dann die Geschrifft sye/vnd die kyrch one geschrifft syn könne. Vnd ist aber sömlicher ynzug gar nüt/vnd bringet nüt/vnd thüt der Geschrifft kein abbruch. Dann es ist gewiß/ Das die alten all von Adams bis vff Moses zyten/das wort Gottes gehebt habend/vnd durch das selb zur kyrchen Gottes worden sind: on das sy kein kyrche gsyn wärend. So ist ye das wort Gottes vor der kyrchen. Das werde nun glich wol mundtlich / oder ge-

Der Geschrifft vrsprung.

## Der I. Artikel

Schriefflich dargebe/ so ist doch allwäg ein/  
vñ wirt durch die maass des dargebens nit  
geendert. Ist glich wol die Gschriefft nit ge  
syn / so ist doch das gsyn / das die Gschriefft  
begryfft vñ anzeigt. Vnd volgt deshalb nit/  
Die alten habend die Gschriefft nit gehebt/  
Darum habend sy kein wort Gottes gehebt.  
Dan es ist nun allwägen ein wort Gottes/  
das anfangs mundlich den alten angeben/  
vnd das hernach gschriefflich verfasst / vnd  
der wält geben ist. So vil ouch vns notwens  
dig vnd nützig ist zewüssen von der alten Ding  
gen/oder irē Traditionē/ hat Moses gnüge  
sam im ersten buch begriffen/vnd in gschriefft  
gebracht: also das was erwan den alten was  
Tradition/ das ist yetz vnd vns heilige Ges  
chriefft/vñ das alles ist anders nüt/ dan das  
wort Gottes.

Ob was  
eyempel  
vnd geheiß  
geschriben  
wordē sye.

Gott aber hat so hoch vnd vil vff der Ges  
chriefft gehebt/ das er selbs mit sinem eignen  
finger in zwo steinin Tafeln sin gsatz geschrie  
ben/vnd hernach ouch Moses sine Bücher  
schryben geheissen hat. Das findt sich Deut.  
5. vñ Exodi 24. Unser Herr zwaren spricht/  
Moses hab von jm geschriben / Ioan. 5. Es  
hat ouch Moses so warhafftig vñ trüwlich  
geschriben / das er kein schüben gehebt hat  
sine gschriefften der gantzen gemeind vorzela  
sen/ als der by allen sachen gsyn/ wol wüssen  
mocht vnd ouch zügē/ das es alles aller ma  
ssen

sen ergangen was/wie er geschriben vñ vor-  
gläsen hatt. Soliche sin gschriffte leit er ouch Deut. 31.  
zü der pundtsladen in Tabernackel/zur wi-  
derwysung aller deren/die ymmer mer daro-  
wider zereden vnderständind.

Wie warhafftig aber vñnd trüwlich die  
heiligen Propheten vñd Apostlen ire bücher  
geschribē/kan man nit allein vß ire geschriff-  
ten/sunder ouch daruß verston / das sy in als-  
lem irem dienst die höchsten trüw dem Her-  
ren Bewisen habend: darumb sich wol züuer-  
sähen/das ouch in dem verschriben/das biß  
zü end der wält wären / vñnd alle menschen  
leeren solt/von inē der höchsten flyß/ vñd grō-  
ste trüw angewendt sye worden.

Es hat ouch Gott sin heilig büch/die Die Bibel  
vngfalsch  
bel / so häfftig gehandthabt / beschützt / Be-  
schirmpt/vñ in vilerley schwärē vernolgun-  
gen erhalten/zü gutem siner kyrchen/das als-  
ler widerwertigen läre/von alten zyten här/  
vnderston/ryssen/brennen/ felschen / verkee-  
ren vñ vndertrucken der Bibel/nüt hat ver-  
sahen mögen. Das heilig Pundtsbüch ist al-  
le zyt wunderbarlich durch die krafft Got-  
tes vnuermaßget/gantz vñ vfrächt bliben/  
wirt ouch ewigklich glybē. Gott habe lob in  
ewigkheit/das wir ein grechte / güte Bibel in  
irem vrsprung habend / die vns nieman fels-  
schen kan/ze.

Lasse sich hie nieman irren / das vil vñnd

## Der I. Artikel

Wilerley  
tolmetschū  
gen der Bi  
bel.

2. de Doct.  
Christ cap.  
11. & 12.

allerley der Bibel tolmetzungē sind/nit ab  
lenthalbē aller Dingē ein andern glych. Dañ  
vor tusend oder 1200. jarē/oder noch vor lens  
gern zytē/sind vnzalbare tolmetzungē der  
Bibel gsyn: aber nū ein Hebraischer vñ Grie  
chischer grund der warheit / ob glych wol in  
etlichen büchstaben vñ wörtilinen etwas klein  
nen vnderscheidt/vnd habend doch die heili  
gen diener Gottes vñ der kyrchē/söliche vñ  
glyche vnd vile der tolmetzungē nit für ei  
nliche verfelschung gerächnet / sunder vil me  
gerümpft: diewyl sy erkennen kondtend / das  
ein yerlicher / nach der gnad der spraach von  
Gott empfangen / zū gutem der kyrchen/sin  
bests gethon hat. S. Hieronymus im vñles  
gen der Propheten / für etwan mit danck vñ  
nutzbarkeit yn/eines ortt dry oder viererley/  
vñnd noch mee tolmetzungen. S. Augu  
stin spricht / söliche vilfaltige vertolmetzung  
sye nit arg oder böß / sunder gut/vnd helffe  
zū besserem verstand der geschufft. Yetzund  
schryend die sich der spraachen wenig ver  
stond / vñ nit wol jr müterspraach könnend/  
von vilfaltiger verfelschung der Bibel: weñ  
sy aber sähind vff den sinn mee dann vff die  
wort/ouch vff die eer Gottes vñ besserung/  
wurdend sy etwan bescheidner syn / vñ from  
mer lüren grosse müy vñnd arbeit nit so mit  
vnreinem mund bespüwen/oder mit so nydi  
gem zan zergnagen/16.

Das

Vonder H. Geschriefft. 12

Das die heilig Biblisch geschriefft alles das zur Gottsäligkeit dienet/ gütigam vnd heiter begryffe vnd leere. Cap. VI.

**D**ie herrliche gnad für alle Bücher vß/ vff aller diser erden/ hat auch die heilig Biblisch geschriefft/ Das sey heiter vnd vollkōmen alles das begryfft vñ leert/ das zu einē gottsaligen läbē/ wissen/ gloubē/ thun vnd lassen wol dienet: also das welcher die heiligen Biblischen geschriefft hat/ vñnd die rächt mit Gottsforcht vnd ernst liset vnd übt/ alles das daruß lernen kan/ das im notwendig ist zu einem rächten wandel/ zu waarem glouben vnd zu erlangen das ewig läben: darff gar nit solichs anderschwo har zehoffen/ zebättlen oder zersjagen: an der heilige geschriefft hat er gnüge vnd bedarff nit vom läbendigen Brunnen zelouffen zu den rünsen vnd lachen.

Die heilige geschriefft ist gar volkōmen.

Unser Herr vnd Gott gebüt gar ernstlich vnd vilfaltig in sinem heiligen wort/ das niemants liberal/ wär joch der sye/ zu keinen zytten nimmermer/ tizid zu noch von seinem gesart oder wort thūye: ja das ein yetlicher der Gott gefallen vñ rächt dienen wölle/ weder zu der rächte noch lingken abschlage/ sunder den nächsten vnd richtigē vff dem wäg des Herren wandle. Ja niemant solle thun was in gut dunckt/ noch im selbs dienst vnd religionen erdencken. Dan vergäbens cere man



## Der I. Artikel

Gott mit menschen sätzen: ja der Herr rächne die ungehorsame für ein mord / oder für blut / für abgöttery vñ hexery: vñ fordere also allein einfaltige gehorsame / das wir sinem wort losind / vnd vns des einig vernügen lassind / vnd alle ding / wie er vns heist / thügind. Darum findt man kundtschafft in heiliger geschriff / Deut. 12. Leuit. 17. Isa. 29. 66. 1. Samuelis 15. 3. Reg. 12. 13. Matth. 15. Coloss. 2. vnd an vil anderen orten mer. Nun aber ist hieruß wol zü schliessen / wenn die geschriff nit vollkommen / allen Gottes dienst heiter vnd vollkōmenlich begriffe vnd larte / das d grächte Gott nit also scharpffe gebott gäbe hette / vñ sin gsatz vnd wort einig oder allein dem menschlichē gschlächte für geschlagen / vnd alle andere gsatzte / gütduncken vñ Gottes dienst von vnsern ougen hinweg genommen: Damit wir alle vnser sin allein vff sin wort sätzind. Darumb ist sin wort allein vollkommen / vnd thuts dem menschen alles allein.

Vnser Herr Christus erzelt Joan. am 5. cap. die meinung der allgemeyne kyrchen siner zyt / die gehalten hat / das alles das dz da dient zü erlangen das ewig läben / vff dem erduren der geschriff möge genommen oder empfangen werden. Im 16. cap. Luce leert er (wie ouch im gsatzt geschriben stadt Deuter. 18.) daß man keine geister der abgestorbenen

nen hörē solle/sunder wyset vff das vollkom  
men gsatz Gottes/vand sine propheten/ da  
finde man wie man sällig oder verdampft wer  
de/vnd das selb alles also vollkommen/ das  
man keiner andern leereren oder offenbarun  
gen warten solle.

Joan. am 8. spricht der Herr/So jr in mi  
nē wort blybend/sind jr mine jünger. Merck  
das er spricht/So jr in minē/ja minem wort  
blybend. Vnd blybt aber der in des Herren  
wort/der sich Gottes worts vernügen laßt:  
welcher andersch wo sin leer vnd trost sucht/  
blybt nit in des Herren wort: darumb wirt  
er kein jünger Christi /sunder desse/ des leer  
er sucht vnd annimpt/genennt. Die rächten  
jünger Christi blybend by vnd in des Her  
ren wort.

S. Johans spricht zū end sines Euange  
lij/onser Herr habe noch anders mer gethö/  
das in sinem Euangelio nit verschubē stan  
de: dz aber da verschuben sye/möge den räch  
ten glauben leerē/ das wir erlangind ewigs  
leben. Darumb ist ye gedachte Euangelische  
gschrift genügsam oder vollkommen gnüg  
zum ewigen läben.

Der heilig Paulus wyssaget in der 2. zum  
Timorhes am 3. vnd 4. cap. wie sich die men  
schen der letstē/das ist vnserer zyten/nit wer  
dind vernügen lassen der heiligen geschrift/  
sunder sy werdind sabeln vnd menschen lee

Alles was  
de menschē  
notwendig  
zur sällig  
keit /lernet  
man vff d  
gschrift.

## Ser I. Artickel

ren annemmen. Darwider er häfftig stryct/  
ja yederman warnet vnuud vermanet by der  
heiligen gschrifft zu blyben. Dann soliche syc  
vollkommen vn̄ leere vollkommen alles das  
das der diener Gottes notwendig glauben/  
wüssen vn̄ thün sol/spricht also: Du aber ver  
harr in denen dingen / die du erlernet hast/  
vn̄ die dir vertraut sind / diewyl doch weißt  
von wem du es glernet hast/vn̄ daß du von  
Kindswäsen vf heilige gschrifftten weißt oder  
kanst: welche dich mögend witzig oder ver  
stendig machen zum heil/durch den gloubē/  
der da ist in Christo Jesu. Dan alle gschrifft/  
von Gott yngeistet / ist nütz zur leer / zur  
straaff/ zur verbesserung vn̄ zur züchtigūg/  
die da ist in der gerächtigkeit/vff dz der die  
ner Gottes ganz vnd vßgemacht / zu aller  
güten werck gerüst syc. Solichs alles redt  
Paulus fürnemlich von den büchern deß al  
ten Testaments: zu welchen so ouch die bü  
cher deß nūwen Testaments / als die ouch  
vom heiligen geist yngeistet sind/kummend/  
mögend vnd könnend die Chusten kein man  
gel mee habē: diewyl von den alten Paulus  
heiter redt / Verharr du by der heiligen ges  
chrifft: die mag dich berichten daß du heil  
werdist/durch den glouben. Daby erzellt er  
alle teil der leer vnd besserung/vnd sagt heil  
ter/solichs alles werde in der geschrifft fun  
den. Ja er sagt vßdrucklich/der diener Got  
tes

tes werde vollkommen vßgmacht (freylich das es wyter feins bürgens bedörffe) vnd durch die gschrifft grüßet zu allen güren wercken. Was kan heiterers geredt werde? oder was kan über sölichs der mensch mer begären? Oder bedarff er für ohin anderschwo/ dann in der Biblischen Geschrifft/ sin heil zesühen? Darumb welche für ohin sagen wöhlend/ wir habinds nit alles in der geschrifft/ man müsse ouch Traditiones vnd Statuta Patrum haben/ die woyßend wir hic an Paulum/ deß wir vns als eins heiligen apostels Christi allein haltend.

Vber das alles spricht vnser Herr Jesus zu der kyrchē zu Thyatira/ ja zu der ganzen Christlichen kyrchen/ Ich wil üch kein anders last vfliegen/onet den jr habend/ den haltēd fest/ biß das ich kum. Der last ist die leer/ wie ouch in propheten vilfaltig vermerckt wirt. Kein ander leer wil Christus siner kyrchen gäben oder vfliegen/ dann die er jnen durch die Apostlen/ vñ zu den zyten der Apostlen/ gäben oder vßgelegt hat. In der leer freylich/ als in einer gar vollkommenen/ heißt er sin kyrchē verharren biß an den jüngstē tag.

Deß sollend sich alle Christen trösten vnd fest haltē/ daruon feins wāgs wychen/ wenn glych alle wält mit vilerley arguierē von züsätzen vnd Traditionen vnd verbannungen darwider rohet/ &c. Da wirt kein bann haffo

## Der I. Artikel

Galat. 21  
ten/von wem er joch vff vns geschossen wer  
de. So wir verharrend by dem wort Gots  
tes/wirt Gott vns redten vñ benedyen. S.  
Paulus der söliche vollkommenheit der ges  
schrifft vñ des heiligen Euangeliums bezü  
get vnd verkündt hat/der bannet vil mer als  
les das/das der geschrifft nit gmäß/vnd alle  
die/die anders od nit glychförmigs leerend/  
vnd spricht/Wenn glych wir oder ein Engel  
vom himel üch ein ander Euangelium pre  
digen (oder anders verkünden) würdind/  
dan wir üch geprediget habend/der sye ver  
bannet. Vnnd sölich wort setz er widerumb  
vnd zum anderen mal / damit der fluch mer  
ansehens hette. Vñ gile sölicher fluch billich  
mer / dann aller Concilien vnnd Bapsten  
anathemata.

Das alle menschen heilige Biblische ge  
schrifft läsen oder läsen hören mögind vnd  
söllind. Cap. VII.

Die Bibel  
haben vnd  
läsen,

**D**iewyl dann durch heilige Biblis  
che geschrifft alle Gottsäligkeit voll  
kommenlich geleert wirt / vnnd alle  
menschen / wöllend sy anders sällig  
werden/Gottsäliglich läben müssend/so sol  
lend ouw alle menschen die heilige Biblische  
geschrifft läsen oder hören läsen/ damit sy die  
waré Gottsäligkeit vs jren rächt erlernind.  
Vnd fere sich hie niemant an die da sagend/  
es

es seye schädlich weñ die Leyen die Bibelläs  
 sind/vnd man solle die Bibel verbieten dem  
 gemeinen man zeläsen. Dann fundtbar ist/ Amos 8.  
 Matth. 4.  
 Deut. 8.  
 das der mensch nit allein deß Brots / sunder  
 auch deß worts Gottes geläbt. So es nun  
 vn menschlich wäre dem gemeinen man das  
 Brot abschlahen vnnnd verbieten: ist frylich  
 noch grüselicher so man die Biblinen zeha  
 ben vnd zü läsen dem gemeinen man verbüt.

Vnser Herr vnd Gott hat vom Berg Sy Gott redt  
 das man sie  
 verstanden.  
 nai mit verstantlicher spraach/ die von allem  
 volck wol verstanden ward/geredt. Die heyo  
 ligen Prophetē habend geredt vnd geschris  
 ben/in keiner frömbdē/sunder in der Lands  
 vnd müter spraach. Also hat prediget vnser Luc. 24  
 Heer Christus: also die heiligen Apostlen:  
 ja sy sind darumb begabet mit der gnad vnd  
 vßsprächen allerley spraachen/ daß sy das  
 heilig Euangelium/ yedem volck verstant  
 lich/in siner spraach predigen köndtind. Vnd  
 kein büch wirt funden vfferden / das so eins  
 falt/schlächt/rächt/vnnnd landtlich oder vers  
 stentlich geschriben seye/ als die Bibel. Die  
 elte vnd vngewonliche art der Hebraischen  
 vnnnd Griechischen spraach ist vns anfangs  
 frömbd/wirt vns aber hernach durch vilfal  
 tige übung geheim. Weliches alles klare an  
 zeigungen sind / daß Gott wil daß sin büch  
 von yederman geläsen/verstanden/vnd daro  
 inn gelernet werde.

## Der I. Artikel

Das gsaht  
den Prieste  
ren vnn  
Ehen gä  
ben.

Es hat ouch Gott von anfang sin gsaht/  
nit allein den priesterē oder gleerten gäben/  
sunder geheissen es abschryben vnd den Keo  
genten gäben / Das sy alle zyt darinn läsen/  
vnd darnach regieren köntend. Ja er gebüt  
heiter / Das man es dem volck vorläsen / vnd  
Das volck ire kinder daruß leeren vñ Berich  
ten solle. Zwarē erfindt sich in den historien/  
Das die Bibel gar gemein sye gsyn yedermā/  
Besonders do Ptolemeus das gsaht ouch in  
die Griechisch spraach vertolmetschen ließ.  
Dann der herr vß Noerenland saß vff dem  
wagen in siner reiß / vnnnd laß Isaiam. Die  
gemeind zū Berrhea hort Paulum / gieng  
denn vnd laß in der Bibel / vnd fand das im  
also was wie Paulus prediget / vnnnd ward  
also gläubig.

Acto. 9.

Acto. 17.

Marc. 16.

Vnser Herr Christus wyßt allenthalben  
in dem heiligen Euangelio vff die gschrifft/  
heißt die läsen vnd erduren: ja er gebüt daß  
sine jünger oder Apostlen predigen sollind  
Das Euangelium allen creaturen: so wil er  
ye / Das es ouch hören sollind alle creaturen.  
Was die Apostlen geprediget vnd geschri  
ben habend / Das habend sy allen gläubigen  
oder der ganzen kyrchen geprediget vnd ge  
schriben / vnnnd gewöllen daß sy das höre ja  
ouch läse. Darumb istis richtig wider Gott  
Die Bibel zeläsen verbieten Christgläubigen  
lütten.

Der

Von der H. Geschrift. 16

Der heilig Chrysostomus Bischoff zu Constantinopel / Der vor 1100. jarē gelābt / vermanet vil in sinen predginen die gmeind zu Constantinopel / Das sy flüssig nit nun die predgine in der kyrche höre / sunder ouch daheim die Biblische gschrifft läse. Dann alle māngel vnder dem volck kommind dabar / Das es nit läse / Homelia 9. ad Coloss. 2c. Yezund findt man geleerte vñ Bischoff die reden vnd schryben geddriffend / alles arg vñnd alle irrthumb / vnder dem volck / kommind vß dem läsen der heiligen gschrifft. Gott verzych inē solich gewulich reden / vñnd gābe inen jr vñnd rācht zu erkennen / Das sy nit one büß absterbind in der gottsesterung / 2c. S. Augustin an Volusianum / vnd in etlichen siner predginen / begārt an sin gmeind / deren Pfarrer er was / Das sy an statt des karens vñ Brättspilens die H. Geschrift überkāme vnd läse.

Man spricht wol die Geschrift sye dunckel vñnd habe vil schwärer vnuerstendiger orten / vß welchen sich ouch die geleerten noch nit habind verrichten können. So sage Petrus selbs / es sye vil in den Epistlen Pauli schwär zeuerston / 2c. Aber dar gegen spricht der heilig prophet David / Sin wort ist ein fergz miner füßen / vnd ein liecht minen füßwāgen. Item / Die zūgnuß des Herren ist warhafft / vñ leert die vnuerstendigen wyßheit. Das gebott des Herren erfōrwet das

Alle māngel vñ predginen sind von nide läsen.

Die Geschrift dunckel vñnd schwär zu verstion. 2. Pet. 3.

psal. 119. vnd 119.



## Der I. Artikel

2. pet. 1.

hertz/ist rein vnd luter/vnd erluchtet die ougen. Des glich schrybt der heilig Petrus an alle gemeinden in Asia/vnd redt vnder anderem/sy thüye rächt/das wenn sy das Euangeliu predigen hört/ouch die gschriffte läse/vnd spricht/Ir thünd wol/das jr vff die leer der Propheten achrend/als vff ein licht (merckend dise wort Petri/vñ lügend was er von der düncle oder heitere der gschriffte halte) das da schynet in einem duncklẽ ort/ bis der tag anbrüche/vnd der morgenstern vsgange in ieweren hertzen. In vns allen zwaren ist düncle der sünden vnd irrungen/ aber das licht Gottes worts / der tag des heiligen Euangelij / vnnnd der morgenstern der geist Christi/trybt die düncle hin vnd wäg / das vns die geschriffte klar vnd heiter wirt.

Es ist wol war das in den Epistlen Pauli/vnd andern Biblischen gschrifften/schwä-  
re ort funden werdend/das aber sol darumb nieman abschüch machē: dan was den glouben vnd ein Gottsäligh leben antrifft / ist nit bestminder an anderen heiteren orten/deren vil mee / Dann der duncklen sind / so einfalt vnd richtig durch die ganzẽ gschriffte hinuff geleert/beschriben vnd erklärt/ das ouch ein schlächter einfalter sich keines mangels flagen mag. Der ouch/soer glich wol die düncle ort nimer verstadt/ keinen schaden an der sätigkeit vnd fromkeit empfacht. Oder was sol

sol dich das irren / das etliche schwäre wort  
vnd sprüch in einem Büch oder Brieff funden  
werdend / welcher doch dermassen vor vnnnd  
nach verstendlich gschriben ist vñ luter / das  
du die hauptsach / vnd das / daran der hafft  
ligt / einfalt / grundlich vnnnd wol verstaast ?  
Oder wilt du den Brieff nit läsen / oder hin  
werffen / von wegē etlicher weniger dunck  
ler worten oder sprüchen die von alter des  
Brieffs herkommend ? Darzū könnend alle  
zyt die Diener der kyrchen / dir / wo etwas  
schwärs ist / mit der predig / vnnnd in ander  
wäg zehilff kommen.

Soch sagend wir hie mithinzü / wie ouch  
Perrus der heilig Apostel geleert hat / daß  
die heilig Geschrift / daruñ nit solle vßgeleit  
od verstandē werden / nach eines yeden men  
schen sinn vnd gütduncken / noch vil minder  
gebogen werden nach menschlicher ansech  
tung / zū mürwillen. Sy sol aber rächt / nach  
irer art / mit iren selbs / nach d regel des glou  
bens vnd der liebe / vßgelegt vñ verstanden  
werdē. Dann also redt daruon ouch der hei  
lig Apostel Paulus / Rom. 12. 1. Corinth. 13.  
vnd 1. Timoth. 1. Darumb sol ouch der Läser  
des Gorts worts / stäts bärten / vñ mit gros  
ser gottsforcht handeln / ja alles das er list /  
zū Gortes eer vnd besserung / oder erbuwen  
eines frommen läbens / richren: allen zanc /  
gßig / Bosheit / hochmüt / gsähen wöllen syn /

Wie die  
vßlegung  
der gschrieffe  
syn solle.

## Der I. Artikel

vnd verböserung fallen lassen. Dann er redet  
vnd handlet mit Gott/ der sich nit betriegen  
noch trutzen laßt/vñ ein demütig/ vfrichtig/  
einfalt gemüt liebet/ vnd mit meerung seiner  
gnaden/ye lenger ye mee Begnadet.

Alle Religions sachen/söllend allein mit  
heiliger Biblischer gschrifft gericht vnd be  
wärt werden. Cap. VII.

Gott gefalt  
kein Reli-  
gion/dann  
die er ynge-  
setzt hat.

**D**id so dann die heilig Biblisch ges  
chrifft alle Gottsäligkeit vollkom  
men/ heiter vñd klaar leert/ vñd  
Gott vnserm Herren kein religion  
noch Gottesdienst gefalt/dan allein der/den  
er selbs yngesetzt/vnd mit sinem warhafften  
wort Bezüget/oder verkundtschafft vñ Bes  
festnet hat: kan menglich daruß schliesse  
das weñ spän vñ stöß in der Religion ynfa  
lend/söliche nieneruß anders söllend entschei  
den vnd gerichtet werdē/ dan allein vß dem  
warhafften wort Gottes/in Biblischer heil  
ger gschrifft begriffen. Dann in der gschrifft  
allein findt man/was Gott gefalle oder miß  
falle/welches der waar oder falsch glouben  
sye/was man glouben oder nit gloubē/chün  
oder lassen sölle.

Die vralte  
haben alle  
Religions  
sachen mit  
der gschri  
gericht vnd  
geschlicht.

Die vralten priester vñ fürsten/sampt dem  
ganzen volck Gottes/habend/ weñ sy rächte  
gethon/alle zyt in den spänē der religion/als  
ie sachē gericht mit dem wort Gottes. Das  
alles

alles erfindt sich warhafftig in den Byspilen  
 der herrlichen Königen/ Josaphat/ Ezechiel/  
 vñ insonderheit Josie/ auch Jeremie. Vnser  
 Herr Christus bewärt sine fürträg / mer-  
 teils/ mit der heiligen Geschrifft/ widerwyst  
 sine widerwärtigen mit der Geschrifft: vnd  
 sagt zu den Sadduceern/ Irrend ir nit/ dar  
 umb das ir die geschrifft nit könnend: Dem  
 exempel des Herren volgend auch die jün-  
 ger vnd Apostlen: welche auch heissend alle  
 ding/ ja die geister probieren oder bewären.  
 So habend die vralten Christen kein andere  
 regel oder richtschnür gehabt/ dann die Bi-  
 blisch geschrifft. Die legt im Concilio zu Nic-  
 cea/ der heilig Keyser Constantinus/ allen Bi-  
 schoffen für/ vñ heist sy daruß de entscheid/  
 von der Gottheit Christi/ die Arius in zwey-  
 fel satz/ gebē/ vñ alle spänige sachē richtē/ 2c.

Matth. 22.

2. Joan. 4.  
 1. Thess. 5.

Vor allem dem/ das heiliger Biblischer ge-  
 schrifft nit gemäß ist/ sol sich mengtlich hā-  
 ten. Cap. IX.

**A**les das nun vilgemelter heiliger  
 Biblischer geschrifft widerwertig/  
 oder vngmäß / oder darinn nit ge-  
 gründt oder recht daruß geschlos-  
 sen vnd anzeigt mag werden/ wār joch der/  
 wie heilig oder gleert er sye/ wie vil wüdern  
 er thüye/ oder zeichē gethon/ auch gesichten  
 vnd erschynungen gehabt habe/ der anders

Alle frömb  
 de leer stā-  
 hen.

## Der I. Artickel

yetzund schrybt oder leert/oder vorzyten gehalten oder gerhon hat) Das alles sol Billich nit gälten/weder gloubt noch angenomen/sunder vil mee ver worffen/ vernütet vnd geflohen werden. Darumb habend wir ein heiter/vßgetruckt vnnnd traffenlich Gottes gebott/das läse/wär lust hat/ Deut.am 17. vnd 18. cap. Dann es hieryn abzeshryben/ vil zee lang wurde.

Matth 7.  
Luc. 6.  
Matth. 17.

Marc. 8.  
vnd 12.  
Matth. 24.  
Apoc. 18.

Jeremias am 23. cap. spricht also/Also sagten der Herr der heerzüge/ Ir sollend den wortten der propheten/die üch prophetierend/nit losen. Dann sy betriegend üch/ sy redend irs hertzen gütduncken / vnd nit vß dem mund des Herren. Derglyche warnet ouch vnser Herr Christus alle sine gläubigen vor den falschen propheten/ welche er nennt Blinden vnd Blindenfüer. Vnnnd ist aber ein falscher prophet/der dz wort Gottes nit bringet oder prediget/od der das wort Gottes verfälscht vñ mißbrucht. Die sollend jr nit hörē (spricht er) denen sollend jr nit glouben/sunder üch vor inen hüten vñ von inen fliehen. S. Paulus hat sy verbanet/als obanzeigt vß d' Epistel zu den Galatern. Zu den Römeren am letzten capitel sagt er: Ich vermanen üch lieben Brüderren / das jr ein vffähen habind vff die/die trennung vñ ergernuß anrichtend/wider die leer/die jr gelernet habend (merckend die jr gelernet habend/ frylich vß dem Euangelio/

Von der H. Geschrifft. 19

Euangelio/ vnd nit die jr erst vß den Traditionen lernen werdend) vnnnd wyhend von den selben. Dañ soliche dienend nit dē Herren Jesu Christo / sunder jrem buch / vnnnd durch süßschwätzen vnnnd schmeichel reden verführend sy die hertzen der einfalten. Vnd der glychen noch vil mer findt man wider soliche zū läsen Philip. 3. 1. Timoth. 4. 6. vñ 2. Timoth. 4. cap.

Von den Traditionen vnd Väterren Satzungen/ &c. vnnnd das man allein by Biblischer geschrifft blyben solle. Cap. X.

**D**ann vil frommer lüt von dem einfalten richtigē wäg Gottes worts abgeführt vnnnd zū kleiner achtung Biblischer geschrifft Bewege werdend / dardurch / das etliche geleerrē grosse vnd vor der wält ansichtige ding redend vñ schrybend von Traditionen / welche sy Göttlich Christenlich vnd Apostolisch nennend / als ob sy von Apostlen mundelich angäben / aber nit geschriefflich verfasset / doch der heiligen geschrifft gemäß vnd glych würdig syend. Solichs vngewüsses vñ gar vnbe Gründtes ding / wöllēd sy dañ noch mit vil vnbe Gründterem erwysen vnd waar machē / vñ ziehend an neißwas epistle Ancheri / Anacleti / Theophsori / Sotheris / Eleutheri / &c. Vnnnd hat aber Paulus hinder jm zur warnung geschri

Die Traditio-  
nen von  
vilen ge-  
rämpft.

## Der I. Artikel

2. Thess. 2. ben gelassen / Ich bitten iich lieben Brüder /  
Das jr iuch nit lassind entwegē / weder durch  
geist / noch durch wort / noch durch ein Brieff  
oder epistel / sam sy von vns geschribē sye / etc.  
Coloss. 2. Vnd widerum / Sähend zū daß iuch niemant  
beroube durch die philosophy vnd ytele ver-  
führung nach der menschen Tradition vnd  
nach der wält satzungen vnd nit nach Chris-  
to. Soliche warnung ist so trüw vnd heiter  
das ein yeder rächter Christ sy im laßt gnüg  
syn / vnd sich vor den Traditionen hütet.

Was Tra-  
ditionen in  
der Apostel-  
schafft.

Es gedencckē wol die Gschichten der hei-  
ligen Apostlen der Traditionen / am 16. cap.  
sind aber nit die / vō denē die Gschafft syend  
schrybend / sunder die von denē gschriben ist  
Acto. 15. Also gedencckē ouch Paulus siner  
Tradition 2. Thess. 2. verstadt aber sin munde-  
liche predig / wie ouch 1. Corinth. 15. Also zie-  
hend die vialten leerer erwan an die Aposto-  
lische Tradition / verstond aber die predig  
Apostlen vom glauben / begriffen in den arti-  
cklen vnser Chrißlichen glaubens.

Man sol  
die Traditio-  
nen mit  
geschafft  
bewären.

Vnd Ireneus ouch Tertullianus näben  
dem sy etlich wenig Traditionen anziehend /  
zügend sy doch ouch heiter / das zū iren zyten  
die secter oder falsche leerer / die man yetzund  
Färzer nennt / wenn sy mit heiliger gschafft  
das nit bewären oder anzeigen mögen / das  
sy aber gern den kyrchen / als Chrißlich vnd  
Apostolisch zeglouben / vstrochē hättend / ge-  
sagt

sagt habind / Das sy da fürbungind / stande  
 zwaaren niemen geschriben in der Apostlen  
 gschriben / sye aber one gschribt / mundlich /  
 von jnen angeben / darumb man dem glych /  
 als ob es gschriben wäre / glouben geben sol-  
 le. Darwider obgemelte leerer leerend / der  
 gläubig solle / das sy Tradition heissend / nem-  
 men / gegen der Geschrift halten / vnd also be-  
 wären / wie glych oder vnglych sy der Ge-  
 schrift syend. Dann diewyl wir gwüß wüß  
 send / dz die gschribt der Apostle sye / im zwy-  
 fel aber stande / ob die Traditionē jren syend /  
 sye ye billich / das wir das vngwüß durch  
 das gwüß probierind / oder bewärind. Stim-  
 me nū die Tradition nit mit der gschribt der  
 Apostlen / so sye sy gwüß nit apostolisch / sun-  
 der ein menschen gedicht. San wie die Apo-  
 stlen nit wider sich selbs geprediget / also has-  
 bind sy noch vil minder ützid angebe / munde-  
 lich / dz wider ire verschribne leer stryete. Sōs-  
 liches Bescheids halte sich alle zyt ein yeder  
 Christ mit den Traditionen / so wirt er in als  
 lem / dem heiligen Götlichen wort / Biblio-  
 scher gschribt / alle eer gäben.

Glycher gestalt / als die phariseer der Vät-  
 teren sätzen (Matt. 15.) vnserm Herren  
 Christo fürwurffend / wyßt er sy nit allein vff  
 die wort / oder gebott Gottes / zeermassen ob  
 die selben durch der Väter sätzen gebro-  
 chen / ober verduncklet werdind / sunder er

Van den  
 Väteren  
 Sätzen  
 vnd was  
 man von  
 jren halten  
 solle.



## Der I. Artickel

36. 29.

zeigt auch/ das der Vättern sätzungē Gott  
missfellig/ vnd jm mit menschen sätzungen  
vergeblich vnd one frucht gedienet werde.  
Welches er auch vß der gschrifft Isaie/ des  
propheten bewärt. Derglychen rümpf der  
H. Apostel Paulus / nit häßtig der Väter  
oder menschen sätzungen vnd leer/ Coloss. 2.  
Titum 1. 2. Darumb wenn glich auch yea  
zund etwas die Religion belangend/ vß den  
Vättern fürbracht wirt/ sol solichs gegē der  
Gschrifft gehalten vñ bewärt werden/ ob es  
wider die Gschrifft sye/ Gottes ordnungent  
freßtige oder verfinstere/ od nit. Nit anders  
begärend die Väter/ oder leerer der kyrchen  
selbs/ dann wo sy glichförmig der Gschrifft  
leerind/ solle man jnen glauben/ wo nit/ solle  
man jnen nit glauben/ vnd halten von jnen/  
als von mensche die geirrt habind. Darvon  
läse/wär da wil / die heitern zügnussen des  
heiligen leurers Augustini/wie er so eigent  
lich sagt/das man der heiligen Gschrifft/ vñ  
der heilige Vättern leer vñ bücher/nit glich  
würdig achten/sunder deren leer alle der heil  
ligen Gschrifft vnderwerffen solle. Ad S.  
Hieronymum epist. 19. Ad Fortunatum epist.  
11. Ad Vincentium epist. 48. Contra Maxi  
minum Arian. epist. lib. 3. De baptis. contra Do  
nat. lib. 2. cap. 3. Contra Crescen. lib. 2. cap. 32.  
De vera religione cap. 10. Contra epist. Pela  
gianorum libro 4. cap. 8. vnd insunderheit  
De

Vonder H. Geschrift. 21

De Vnit. eccl. contra Donatist, capit. 16.

Dann billich sol wider das wort Gottes nit gälten/die heilige oder gleerte/vnd wyßheit der menschen/weder elte der dingen die wider Geschrift sind / noch vile / oder grosse einhälligkeit deren / die in vnrechten sachen eins sind. Gott spricht in sinem gesatz/ Du solt nit volgen der vile zum bösen. Vñ Jeremias spricht am 8. cap. Sy habend des Herren wort verschupfft / was woltend dann sy für ein wyßheit haben? So sagt ouch der heilig Apostel/die wyßheit der wält sye ein torheit vor Gott. Dann vnser Herr vorhin im Euangelio gesprochen hat/Was hoch ist vn der den menschen / das ist ein gewel vor Gott. Der einig Micheas / Helias / Jeremias/vnd vnser Herr Chustus/habend gestritten wider die hohen priester / geleerten/ vnd die das ansähen by der wält hattend: vñ volgt darumb nit / das darumb dise/ daß sy allen gwalt hattend/ouch recht hettind/ Chustus vnd die Propheten vnrecht/1c. Die Höhinen/das ist/Tempel oder Capellen/vnd altär vff den Höhinē/ warend in Israel/von dem allerwyßisten Solomon/durch bewilligung siner Heydischen wybern gethon / gestiftet / vnd etlich hundert jar/vnder herrlichen künigen/geleerten priestern vñnd Propheten/in grosser einhälligkeit vnd glückseligkeit behalten:nüttester minder thet sy Jos

Von etlich heilige/geleerte/eine hällige vñ die Geschrift.

Exodi 28.

1. Cor. 1. 20.

Luc. 166

3. Reg. 11

## Der I. Artikel

4. Reg. 23. **fi**as/der heilig künig/dannen/ließ sich alles  
difes grosses ansähe vor der wält nüt irren:  
darwider er ouch überal nüt hat / dann das  
einig wort Gottes/welches im ouch genüg  
was/dan er dem von ganzē hertzen gloubt.  
Dann diewyler vß der heiligen Gschrifft er  
lernet/das die höhinē wider Gott warend/  
ließ er sich nüt mee irren/vnd wolt nit wyter  
arguieren/wär sy vßgericht / wie lang sy ge-  
standen / oder in was grossen ansähen sy by  
yederman noch warend/sunder brach das ale  
les ab in grund/vnnd vertilcket ire gedäch-  
nussen. Dñ Gott schilt in darum nit/sunder  
rümpt in vil mer über alle fürstē. Dann sol-  
che gläubige / richtige / einfaltige gehorsame  
gefällt Gott : das spitzfündig / arglistig / wis-  
derspennig / vilfaltig arguieren wider das  
heiter gebott Gottes / mißfalle vnd erzürne  
Gott/Genesis 3.1. Sam. 15.3. Reg. 13. Thū  
du ein ding wie dichs Gott heißt/vnnd thū  
im nüt darzü/vnd thū im nüt daruon. Deu-  
teron. 12. cap.

**Beschluß.** Darumb verharren allein by dem göttli-  
chen wort Biblischer gschrifft / in allen vnnd  
yeden Religions sachen/ist der sicherist / ein-  
faltigist / vnd Gott wolgefelligist wäg vnnd  
radt / der dem menschen vß difem erdreich  
yimmermee mag zeigt vnnd geben werden.  
Betre dem das volck Israel / Saul / Jeron-  
boam vnd ander geuolgt / wärend sy nie in  
solich

Sölich angst vnd not kommen. Gefalt vns a-  
ber so wol die elte / gefallend vns so wol die  
väter / gefalt vns in dem glogben einhällige  
keit / wär ist dann elter / dan vnser Gott / der  
one anfang vö ewigkeit här / darzü die einig  
ewig warheit ist. Der aber hat vns die Bi-  
bel geben / vñ die Bibel ist sin wort / darumb  
ouch die eltist vñnd warhafftigist leer. Wo  
mögend vätter funden werden / die doch  
herrlicher syend / dan die alten heiligen Pa-  
triarchen / die Gott geliebten Propheten / vñ  
vberwelten Apostlen Christi. Ist deren vät-  
teren ansähen nit grösser / dann aller deren  
die ymermer geuätteret werdend. Warum  
gilt dann jr ansähen nit mee / dan aller vät-  
tern. Mit denen in der leer vnd glogben in  
Christo einhällig syn / ist die rächt sälligma-  
chend einhälligkeit. Deren leer aber vñnd  
glogben ist in der Bibel begriffen. Darumb  
welcher by der Bibel / by dem Testament /  
Gottsbüch / blybt / der blybt by Gott / vnd in  
rächter einigkeit der kyrchen / wirt wars  
lich sällig. Das wort Gottes  
blybt ewig.

Von Gott vñ sinen herr-  
lichen wercken/ouch von warem  
vnd rächtem Gottsdienst.

Der II. Artickel.

**A**lle vnd yede Chris-  
ten söllend wüssen/  
daß hochgemäldete  
heilige Biblische ge-  
schriffte / fürnämlich  
geschriben ist vom  
Gott vnd seiner trüw vñ herrlig-  
keit: ouch von der pflicht oder schuld  
vñ heil der menschen. Von Gott  
leert sy glouben / das er einig im wä-  
sen vñ tryfalt in personen / ein geist/  
vnendtsam / oder vnbegrifflich / all-  
mächtig / wyß / ewig / waarhafft / ge-  
recht / vñ gnädig oder barmherzig /  
ja ein brunnen alles güten sye : das  
er habe himmel vñ erden / vñnd als  
les was darinn ist erschaffen : ouch  
söliches

söliches alles noch mit seiner fürsägung vnd verwaltung erhalte / wol vnd rächt regiere. Vom Menschen leert sy halten / das er von Gott güte wol vnnnd gerächt / mit lyb vnnnd seel / erschaffen / ein herr gsetzt sye über alle gschöpfften. Da er durch sin selbst schuld vnnnd des Lüffels anstiffen / abgefallen / aber widerumb von Gott vffgehebt vnd zü gnaaden angenommen sye. Das ouch Gott das menschlich gschläch / im verbunden zum heil vnnnd stärem dienst / bericht habe / das es müsse durch Christum sällig werden / Gott den Schöpffer vnd herren aller dingen allein eeren / anbätten / anruffen vnnnd dienen / nit mit lyblichen / sunder geistlichen (die weyl er ouch ein geist ist ) diensten / als mit glouben / liebe / hoffnung vnd derglychen tugenden. Weliches alles die alten Vätter die trüwen Gottes diener / gethon / vnnnd Gottes fründ vnnnd verpündete gsyn sind. Das aber dem allem also sye / zeigend wir an

## Der II. Artikel

Durch folgende Capitel mit fundtschafft  
heiliger gschrifft.

Das die heilig Biblisch gschrifft fürnem-  
lich geschriben sye von Gott vnd dem mens-  
chen/zū eer Gottes vnd zum heil des mens-  
chen. Cap. I.

Prodel vnd  
End der  
heiligen  
geschrifft.

**D**ie heilig Biblisch gschrifft hat iren  
eignen zwäck/vff den sy sichr/vnnd  
ouch jr fruchtbar End/dahin sy die  
Gottsförchtigen läser fürt. Der  
zwäck oder das fürnem/daruf die gschrifft  
sicht/ist Gott vñ der Mensch. Das End aber  
dahin sy fürt / ist das / daß Gott vnnd der  
Mensch rächt eigentlich vñ wol zur eer Got-  
tes vnd zum heil des menschen erkennt wer-  
de. Darumb sagt/erlüteret vnd Bericht vns  
die heilig Biblisch gschrifft / wår vnnd was  
Gott sye/wie herrlich vnd gwaltig er sich in  
allen sinen creaturen erzeige / wie warhafft  
vnd grächt er in allen sinen worten vnd wer-  
cken bestande / ouch wie gütig/trüw/vnnd  
Barmherzig er den mensche sye. Darnåben  
leert sy ouch / wie vnnd wår der mensch sye/  
wie er von Gott erschaffen / wie er worden/  
vnd was er vß jm selbs/oder vß den gnaden  
Gottes sye:item wie Gott jm den menschen  
verbunden vnd verstrickt habe / was er den  
menschen thün/vnd herwiderumb von den  
menschen habe wolle. Vnd hie sind yezund  
gnå

gnädige Gottes verheissungen von Christo  
 vnd auch sunst herrliche gesatz vnd rächte/  
 tröuwungen vnd schräcken/tröst vnd wäg-  
 wysungen/vß welchen der mensch erlernen  
 mag/weiß er sich zu Gott versähen vnd im  
 truwen / oder auch in fürchten oder lieben/  
 was er thün oder lassen/lyde / oder wie er im  
 gefallen vnd dienen solle. Hienabend stond  
 yetzund auch schön beschrybungen der güte  
 oder frünlichkeit Gottes/gägen den glöubi-  
 gen/vnd des zorns auch der raach wider die  
 vnglöubigē: item vilfaltige exempel wie sich  
 die glöubigen vñ vnglöubigen gehalten ha-  
 bind: alles zu dem end hin/das das allē men-  
 schen vilfaltig vnder die ougen gestellt/ da-  
 mit sy Gottsfürchtig vñ heil werdind. Dan  
 der Prophet spricht / Gott habe die Vätter  
 Bericht/vnd die Vätter ire kind/dz sy sölich  
 auch iren nachuolgenden finden nit verhalts  
 kind/ sunder die eer des Herrn vßfündind/  
 sinen gwalt vnd sine wunderbare werck/die  
 er gethon hat: damit sy jr hoffnung in Gott  
 setzind/siner thaaten nit vergässind/vnd sine  
 gebort haltind/das inen wol sye/ie. Psalmo

77. Vnd dahin richtet die heiligen ge-

schrift auch der heilig Apostel

Paulus zu den Römeren

am 15. cap.



## Ser II. Artickel

Von Gott/das er einig sye im wäsen/vnd  
erzfalt in personen/ein geist/vnendefam/te.  
Cap. II.

Allein Gott  
ees wort  
leert Gott  
nächt kenne  
men.

1. Cor. 2.

**D**iewyl aber vnser Herr vnd Gott  
aller creaturen schöpffer vnd herr/  
ouch deß menschen einig vnd ober  
rist gut ist/leert die heilig Biblisch  
gscr:iff vñ allen dingen vñnd mit gröstem  
flyß vnd ernst Gott erkennen/wär vñ was er  
sye/:c. Das kan one die heilige gscr:iff sunst  
kein andere gscr:iff oder leer vff erden. Dan  
wie nieman weißt was im mensche ist/dann  
allein der geist/der im menschen ist: also kan  
vns nieman sagē was Gott sye / onet Gott  
allein/durch sin wort. Andere ynbildungen  
erdenckē/vñ andere wysen süchen/dardurch  
yemant zu Gottes erkantnuß komme/ist  
sich selbs verführen vñ abgöttery tryben. Da  
rum lasse yederman faren was im von Gott  
vffert vñnd wider das wort Gottes fürge  
bracht vnd yngebildet wirt/vnd halte sich al  
lein deß wort Gottes.

Mit maas  
vort vns  
Gott zu er  
kennen gä  
ben.

Das wort Gottes sagt einfalt/heiter vnd  
klar / daß die maiestat Gottes vnseren rin  
gen verstand überträffe/ deßhalb nieman in  
ditem läben Gott in sinem wäsen sähen m  
ge noch werde/nach vil minder beschryben:  
wir söllind vns aber hie vernügen lassen an  
dem/das vns Gott mitteilt in Christo durch  
sine diener/vnd nit wyter nachhin gründen.  
Da

Da so spricht das wort d̄ warheit/d̄z Gott einig im wäsen/ vnd dryfalt sye in personen. Dann also spricht Moses: Hö: Israel/ der Herr vnser Gott ist ein einiger Gott: den solt du lieb haben/ 2c. So spricht Gott selbs durch die Prophetē/ Ich bin alleind̄ Herr/ vnd kein anderer Gott ist dann ich. Du solt keine frömbde götter haben. Vnd solche leer bestätet auch vnser Herr Christus Mar. am 12 cap. vnd anderschwo im Euangelio. Gleyche leer habend auch die heiligen Apostel geführt/ wie man lisset 1. Corinth. 8. 1. Timoth. 2. Ephes. 4.

Gott einig  
Deut. 6.  
Jsa. 42.  
45 46.  
Exodi 20.

In diser einigkeit Gottes zeigt das wort der warheit wyter dry vnderscheiden personen/welche doch die einigkeit Gottes nit in dry Götter zerteilend. Dannes zeigt an den Vatter/den Sun/vñ den heiligē Geist/ also das yede person jr wäsen vnd eigenschafft behalt/vnd die ander nit ist/doch die dry personen ein einiger Gott sind. Dann der Vatter ist nit der Sun/sunder des Suns Vatter/vñ sendet den Sun in die wält: der Sun aber ist nit der Vatter /sunder des Vatters Sun/vñ wirt vō Vatter gsendt in die wält/er/vnd nit der Vatter/wirt mensch/vñ stirbt am crütz/vnd spricht/Vatter in dine hend befilch ich minen geist. Vñ d̄ heilig Geist gadt vß vom Vatter vnd Sun/vmnd heiliger die glönbigen:wirt des Vatters vñ des Suns

Die heilig  
dryfaltige  
Geist.  
March. 29  
Luc. 24.

## Ser II. Artikel

Geist genennt. Wie nun ein einige Sonn ist/  
vnd doch drii vndercheidne ding ( da eins  
nit das ander ist) als die kugel/der schyn o  
der glantz / vnd die wärme / Befunden wer  
dend/welche doch/darum sy ire eigenschafft  
ten vnd wäsen behaltend/nit vß der einigen  
Sonnē Dzy Sonnē machend : also trennend  
ouch die vndercheidnen personen das einig  
Götlich wäsen nit/vnd wirt doch ouch eine  
die ander nit.

Söliche leer von der Dzyfaltigkeit Gottes  
wirt gar heiter allenthalbē in Propheten ge  
leert/ insonderheit aber im heiligen Euange  
lio vnd der Apostilen leer erläuteret. Der En  
gel Gabriel sprach zū Maria der jungfrou  
wen/ Der heilig geist wirdt von oben hārab  
über dich kommen/vnd die krafft des höch  
sten wirt dich überschattigen. Darum ouch  
das heilig/das vß dir geboren wirdt/ wirdt  
Gottes sun genennt werden. Da wir ye ha  
bend Gott dē Vatter den höchsten/den Sun  
Gottes der vß Maria geboren wirdt/vnd  
den heiligen Geist der die Jungfrouwen  
überschattiget. Als ouch vnser Herr Chris  
tus von Joāne toufft was im Jordan/ther  
sich der himmel vß/ vnd Joannes sach den  
geist Gottes in einer gestalt der tuben kom  
men vß Christum : da ward ouch gehört ein  
stimm von himmel/die sprach/ Der ist min lie  
ber Sun/ in dem ich befridet vnd versünce  
bin

1068

Matth 9.  
Joan. 1.

Bin. Ja vnser Herr selbs bericht vns vilfaltig von der heiligen Dryfaltigkeit Gottes/ Joan. am 5. 8. 10. 14. vnnnd 15. ouch 16. vnnnd 17. cap. 12. Zu lest heist er ouch alle gläubigen rouffen in Gottes nammen/ namlich in nammen des Vatters/ des Suns/ vnd des heiligen Geists.

Matth. 28.

Siewyl dann die heilig Schrift die leer von der einigkeit vnd Dryfaltigkeit Gottes/ so einfalt richtig vnnnd klar leert/ sollend wir deren einfalt glauben/nit grüblen/ vnnnd hie in zyt mehr wöllen wüssen vnnnd sáhen/ dann vns Gott geoffenbaret hat. Die Christlichen fürsten vnnnd Oberkeiten/ vor tusend jaren/ habend rácht vnd billich by verlierung lybs vnd lábens verbotten/ in disem articel anders zú súchen/ spreiten vnd mit schmáhung Gottes zú leeren/ 2c. Gott wolt im ye Moses nit lassen in sin angesicht sáhen: vnnnd wirt ersáhen allain in dem angesicht Jesu Christi. Exodi 33. vnnnd 34. 2. Cor. 4. So sprach der Herr selbs in sinem gsagt/ Wár den Göttes ren offeret/ oner dem Herren allein/ der sol vßgerüret werden/ 2c. Vnd den Gottlestes rer solt du vßrüten. Exodi 22. cap. Leuit. 24.

Man sol in disem articel nit grüblen.

Das aber diser einiger Gott ein geist sye/ sagt vnser Herr Jesus selbs Joan. am 4. cap. Er ist vnendtsam/ das ist/ mit keinen enden vñ marchen yngerhon/ sunder vn begrifflich/ vnnnd allenthalben zú gegen/ hört/ weißt

Gott ein geist/ 2c.

## Der II. Artikel

Rom. 4.

vndichts alles/hört alles anligen der sinen/  
vnd kan allwäg vnnnd allenthalben helfen.  
Dann er ist allmächtig/vnd ist in jm nüt vns  
müglich/dann allem das er nit wil. Darvon  
in heiliger Schrifft gar vil schöner zügnus-  
sen vñ Bewärrnussen sind/als Psalm. 138. Iſa.  
66. Jeremie 23. Iſaie 40. 2c. Roma. 4. 2c. Er  
mißbrucht ouch sin macht nit. Dan er wyß/  
vnd seiner wyßheit kein maas ist:vnd thüt ale-  
les/wenn/wo/vnd wie es hört. Gottes ewi-  
gkeit beschrybt der heilig Joannes/da er  
spricht er sye vō anfang/ja er sye der anfang  
vnd das end. Anderschwo setzt in die Ges-  
schrifft vffet die zyt/dz ist/spricht er sye ewig.  
Sin warheit aber vñ gerechtigkeit erschyn-  
t allenthalben in allen sinen worten vnd wer-  
cken/wirt insonders häffrig gerümpft in den  
Psalmen. Aber sin güte/trüw vnd Barmher-  
zigkeit ist über alle sine werck. Dann er ist  
vnser aller vatter/ja einvatter aller Barmher-  
zigkeit/vnd sin Barmherzigkeit wärt ymer  
vnd ewiglich: er ist ein Bruñen alles güten/  
der frywillig alles güts rychlich vßschüttet  
über sine creaturen. Darvon Dauid Psalm.  
103. vnd 105. vnd Jeremias 2. cap. insonders  
heit aber die Apostlen/2c. Sölicher gſtalt  
ber leert vns das wort Gottes Gott erkenn-  
nen/damit wir jm allein wol truwind/in lie-  
bind/hoch/thür vñ wärd über alle schätz hal-  
tind/vnd jm gern willig allein vnd trüwlich  
dienind:

Dienend: ja alle vnser sachen jm allein ver-  
truwlich übergäbind.

Das Gott habe himel vnd erden vnd was  
darinn ist erschaffen. Cap. III.

**D**As Gott vnser Herr alle die ding/  
so da sind/ erschaffen habe/in him-  
mel vnd vff erden/Bezüget vnd be-  
schrybt Moses nach der lenge Ge-  
nesis 1. cap. So wirt im Psalter vñ der Pro-  
pheten bücher vilfaltig die Schöpffung al-  
ler dingen anzogen / Bezüget vnd gerümpf.  
Mit deren hat Gott erzeigt sin wyßheit/  
macht vnd gütigkeit. By den herrlichen für-  
traffenlichen wercken/an denē sich alle mens-  
chen großlich verwunderen müßend / mö-  
gend wir gespürē wie ein wunderbarer/wy-  
ser / gwaltiger vñnd gütiger Gott/vnser  
Gott ist.

Gott schlo-  
pffer aller  
dingen.

Von disem Gott sind erschaffen alle geist  
oder Engel/von welche Paulus sagt: Sind  
sy nit allsamen dienstbare geister/vßgesendt  
zum dienst deren die erben söllend die sältig-  
keit: Zwaren habend sy die menschen/denen  
sy vß Gottes geheiß dienend/seer lieb: wöl-  
lend aber von jñē weder vereeret noch ange-  
bätter werden. Dife bösen Engel/Tüffel ge-  
nennt/die in irer güten art/darinn sy erschaf-  
fen/aber nit bliben sind (als der Herr sagt  
Joan. 8.) begärend Götlicher eer/sind Got-  
tes vnd der mensche synd/anstifter des bö-

Die Engel  
erschaffen,

Hebr. 2.

Apor. 19.  
vnd 22.

Matth. 4.

## Der II. Artikel

sen/stellend zum vnheil der menschen/versü-  
chend die mensche/vñ nach der verhängung  
Gottes/pyniged sy ouch die mensche. Sind  
aber den gläubigen durch Christum über-  
wunden/vnnd ewiger verdammuß zügeur-  
teilt. Ioan. 12. 14. 16. 2. Pet. 2.

Alles zü  
gütem dem  
menschen  
erschaffen.

Alles was im himmel vnnd vff erden/in  
vnd vnder der erden ist / das sye glych sicht-  
bar oder vn sichtbar/nützig vßgenömen / ist  
alles von Gott zü gütem dem menschen er-  
schaffen/wie David züiget Psalm. 8. vnd 13.  
ouch in anderen Psalmen/vnd Paulus 1. Ti-  
moth. 4. Darumb billich ist/das der mensch  
Gott danckbar sye / vnd sölicher schöpffung  
nimmermer vergässe/oder sy in zwyffel setze:  
diewyl doch Gott sölich güte in frischer ge-  
dächtnuß zü behaltē den Sabbath zum teil  
yngesetzt hat/ Genesis 2. Exodi 20. ouch wie-  
der die Gottes syend / die da wurdend die  
Schöpffung verachten.

Das Gott nöch himmel vnd erden / vnnd  
was darin ist/mit seiner fürsähung vnd ver-  
waltung erhalte / wol vnnd rächt regiere.  
Cap. IIII.

Gott erhal-  
tet noch  
was er er-  
schaffen  
hat.

**W**it allein aber hat Gott erschaffen  
den himmel vnd die erden vnd al-  
les was darinn ist / sunder das al-  
les erhalte er noch vnnd würckt  
immerdar mit seiner Göttlichen macht. Das  
vñser

vnser Herr Jesus spricht im heiligen Euan-  
gelio Joan. 5. Mein vatter würeckt bißhar/vñ  
ich würeck auch. So wäre es thoilich Bekennen  
die schöpffung aller dingen / vnnd aber nit  
ouch erkennen die Göttlich fürsähung vnd  
verwaltung. Darum alles das da läbt / das  
läbt vnd sträbt in Gottes fürsähung vnd ers-  
haltung: alle elementa/der himmels louff/  
der brunnen quell/vnnd wasseren oder flüß-  
sen rünß/die wunder der Meers/der erden  
fruchtbarkeit vnd gewächß/der zyten ende-  
rung vnd abwechsel/die witterung / die vrs-  
kummen vnd fürgäng auch abgâng der kün-  
nigrychen vnnd regierungen/die straffen/  
der pestilentz/der thüre vnd krieges/vnd al-  
les der glychen / stadt in der fürsähung vnd  
verwaltung Gottes. Vnd züget nit nun die  
geschafft/sunder ouch die täglich erfahrung/  
das Gott alles wol vnd rächt regiere. Soli-  
ches zügend ouch alle Gottes säligen. Apo-  
calypsis 4. vnd 5. cap.

Die Epicureier/die ouch sunst vff Gott vñ *Epicuroser*  
künfftige läbē nüt hieltend/sagrend vnd den  
Heidē/wie mā noch Heidnische lüt findt die  
ouch also haltē/ das Gott sich derē dingē hie-  
niden nüt belade/ vñ gar kein fürsähung oder  
verwaltung Gottes sye. Andere sagend die  
natur würecke/dz glück regiere/vñ die ding  
beschähin one gfürd/ nach angestalt der ge-  
stirns/vnd nach dem die sachen angechiekt



## Ser II. Artikel

- werdind. Vnnd welche also haltend/achtend  
 Gottes wenig in allem jrē handel. Söliche  
**Jacobi 4.** schille d̄ heilig Apostel Jacobus / vñ spricht/  
 Sy söltrind nit sagē / dahin od̄ dahin wil ich  
 gon/das od̄ dz thün/mich dahin lägern vnd  
 dōrt werben : sunder darfür vil mer sagen/  
 Lābend wir/vnd wils Gott/so wöllend wir  
**Matth. 5.6.** diß oder das thün. Dann vnser Herr im E-  
**Luc. 12.** uangelio heist vns alle sorg vff Gott setzen/  
**1. Pet. 5.** vnd vns darzwischen thün was er vns ge-  
**Hebr. 13.** heissen hat : wir mögind doch nit ein härli  
**Matth. 10.** schwarz oder wyß machen:er aber habe alle  
 vnser haar gezellt/ vñ es falle nit ein vō geli  
 vff die erden/one den himlischen Vatter. S.  
**Act. 17:** Paulus spricht / Gott gibt allem allenthale-  
**Psal. 147.** ben läben vnd athem. Dann in jm läbend/  
 strābend vnd sind wir. David spricht/ Aller  
 ougen sähend vff dich/o Herr/vnd du gibst  
 jnen jr spyß/ zū jrer zyt. Du thüst din hand  
 vff/vñ ersettigest alles das läbt: du thüst din  
 hand ab oder zū/so müß es alles zerfallen vñ  
**Daniel. 2** verderben. Daniel spricht / Gottes ist die  
 wyßheit vnd stercke/ er verenderet zyt vnnd  
 wyl : er setzt künig vff vnd ab / 1c. Vil sind im  
 wort Gottes der zügnussen:wār lust hat zū  
 läsen/der läse Leut. 26. Deut. 28. Job 38. 39.  
**Wozū** Zsa. 40. Jere. 10. 1c. Psal. 104. 107. 139. 147.  
 die erkant  
 muß der  
 fürsähung  
 diene. vnd Augustinum in Psal. 148. Vnnd söliche  
 rächte erkantnuß Gottes fürsähung/ver-  
 waltung vñ regierung aller dingen / bringe  
 im

im lyden gedult/ im wolstand Bescheidenheit  
vnd forcht/in allen sachen Gottes anruffen/  
loben vnd danck sagen: ja das wir allwäg in  
allen sachen Gott vor ougen habend/vnd si-  
nen nimmer vergessend/2c.

Das der mensch güt/ wol vnd gerecht von  
Gott erschaffen/ ein Herr gesetzt sye über  
alle geschöpffe. Cap. v.

**U**der allen läbendigen creaturen ist  
bertriff der mensch / als den Gott  
herrlicher dan einiche thier erschaf-  
fen/ouch alles das er erschaffen hat/  
vmb des menschē willen erschaffen hat. So  
hat er in güt/gerächt vnd heilig / nach sinem  
äbenbild erschaffen:nach welchem wir ouch  
noch müßend ernüweret werden (nach der  
leer Pauli Coloss.3.vñ Ephes.4.) Zur heilig-  
keit/vnschuld vñ gerechtigkeit. Es hat in a-  
ber Gott von lyb vnd seel erschaffen. Den lyb  
hat er im gemacht vß der erden: die seel/die  
ein geist vnd läben ist/yngegeistet/vnnd also  
ein läbendigen menschen erschaffen: an wel-  
chem so vil zierlicher wunderwercken sind/  
das ouch die geleertisten vñ wolberedtisten  
sölichs nit gnügsam mögend vßgesprächen  
noch beschryben.

Disen menschen hat Gott über alles ge-  
setzt zum herren: vnnd glych wol/do Adam  
schon gefallen was/alle ding im wider (doch

Des mens-  
schen eer  
vnd herro-  
ligkeit.

## Der II. Artickel

mit gedingen) vndergethon: wie ouch der 8. Psalm rümpf. Als er aber Adamen vor dem faal in das Paradyß gesetzt / hat er jm ouch erschaffen vnd zügeführt einen gmahel/ vnserre müter Eua/ vñnd von disen beiden menschen anders nüt dann gehorsame vñ danckbarkeit (durch das mittel des gesatztes nit von der verbotnen frucht zeessen) erfordert. Dann sy fry gelassen wärend zethün nach jrem wolgefallen: habend ouch keinen mangel noch zwang gehebt an keinen dingen liberal: zü dem sy ouch Gott trüwlich gewarret/ vñ so sy überträttind/ den tod getrduret hat/ Gen. 2. Cap.

Das der mensch durch sin selbs schuld vñnd des Tüfels ansüfften / abgefallen sye. Cap. v 1.

Der menschen faal.

**D**er mensch aber/ der von Gott das güte empfangen/ ouch vnüßsprächliche güthhaaten yngenomen hat / ist Gott vñdanckbar vñ vngheorsam worden/ damit das er dem Tüfel geloset/ vñ dem vil mee dann Gott gloubt hat: deshalb ouch dahin kommen ist/ das er von der verbotnen frucht müerwillig geessen/ vñ darüñ ouch nach d' trdruung Gottes in tod/ schuld vñ verdammuß gefallen ist. Dan der Tüfel thet sich zü der listigen Schlangen/ geister sy yn/ vñnd durch sy versucht er das wyb: das wyb

Wyb volgt der Schlangen / übertrat / vnd  
 bracht ouch iren eeman in die überträttung.  
 Deshalbē sy beyde / nach Gottes tröuwig / Der Tod  
 abgestorben dem vorigen vnschuldigen sili-  
 gen läben / yetzdan anhäubend sterblich läben  
 in jamer / angst vñ not / darzü ouch verurteilt  
 zum ewigen tod. Welches alles vollkommer  
 im 3. artickel volgen wirt / vnd grundtlich be-  
 schriben ist Gesis 3. S. Paulus spricht das 1. Tim. 2  
 här / das wyb habe die überträttung in die  
 wält yngefürt.

Das Gott den menschen widerumb vñ  
 gehet / vnd in gnaden angenommen hat  
 bc. Cap. VII.

**D**ad hie / da es alles des menschen Des mens-  
 halb verloren was / vnd der arm schen wider-  
 mensch wyt fines füremmens ver- bringen.  
 fällt / vnd vom Tüfel schantlich be-  
 trogen / in höchstem leid vnd verzwyflung  
 stünd / vnd darumb ouch mit grosser forcht  
 vor dem angficht Gottes floch / vnd sich vor  
 angst / wo er gemögen / in abgrund verschlof-  
 fen hette / thet sich herfür Gottes gnad / güte  
 vñ vnussprächliche barmhertzigkeit / die nit  
 wartet biß der mensch widerkarte / den fuß-  
 faal thäte vnd der gnaden begärte / sonder  
 ylt vorhin dem fliehendē nach / hielt in vñ von  
 der verderbung / erinnert in der sünden / vñ  
 zeigt im die straaff / aber ein vätterliche

## Der II. Artickel

Wie vnd  
vordurch  
dem men-  
schen ge-  
hulffen.

32. 71.

straaff/ ja vil mee ein züchtigung dann ein  
straaff. Dañ Gott der himelisch vatter/zücht  
den armen vß der verzwyflung vñ hell här-  
für/Begnadet in / vnd setzt in widerumb der  
gwißne halb zü rüwen: mit dem namlich/  
das er im abnimpt der sünden schuld vnnnd  
pyn/den ewigen fluch vnd verdammuß / vñ  
legt sölichs vff den gebenedyeten somē Chri-  
stum/welcher das alles mit sinem vnschuldi-  
gen tod abthün oder entkressrigen / die vns  
schuld vnd das ewig läben allen gläubigen  
erwärben vnnnd geben werde. Diewyl aber  
die menschen hie in zyt in dem sterblichē wö-  
sen/läben werdind / söllind sy arbeiten / das  
crüz vñ allerley lydens (zur züchtigung nit  
zur gnügthuyung ) gedultigklich tragen/  
biß sy Gott von hinnen/durch den lyblichen  
tod / in das ewig läben vfnemmen werde.  
Welches alles vß dem 3. ca. Genesis genom-  
men/vnd in folgenden articklen wytlouffig-  
ger erklärt wirt werden.

Das Gott das menschlich geschlächte  
im verbunden habe zum heil vnd stätens  
dienst. Cap. VIII.

Der mēsch  
widerumb  
mit Gott  
vereiniget  
vñ zü sinem  
dienst ge-  
pflucht.

**U**nd so dañ Gott den menschen er-  
rettet vnnnd erlößt vor dem ewigen  
tod / vnd vß den banden vñ dienst-  
barkeit deß Tüfels/zücht er dē men-  
schen zü jm/vñ einiget in jm/das er für obhin  
all

all sin läbenlang vff Gott sähe/ dem vertruwe/ seines willens faare/ in eere vnnd im die ne/ sich des Tüfels vnd alles seines rychs garentschlahe: vnd so er erwan fällt vnd falt/ nit an Gottes gnad verzwyfle / sund widerum güts vñ der gnaden hoffe/ vffstande/ sich besere/ vnd Gottes halte.

Hiebär diener das die heilig gsch:iffte alenthalben züget / Gott habe ein pündtnuß mit dem menschlichē gschlächte angenommen/ gemacht vñ vffgericht. Solichen pundt hat er angefangt mit Adamē/ erstreckt mit Noe/ erlütteret mit Abrahamen / ernüweret vñ in gschriffte gefasset durch Mozen / beschlossen durch Jesum Christum. Dises pundts oder Testaments artickel sind / Gott wil vnser Gott syn / vns alle gnüge gäben / ja durch Christum sinen Sun wil er vns veruolkomen vnd alle himlische schätz mitteilen. Das wil er vns thun: volgt yetz was er von vns haben wölle. Dargägen sollend wir vns des Gottes allein halten / keinen anderen Gott näben im haben/ im allein vertruwen/ in anbätten/ anruffen vnd vereeren/ im trüw vnd glauben halten / vnnd in sinen gebotten all vnser läbenlang wandlen.

Das alles laßt er vns durch sine diener/ mit sinem wort verkündē/ das laßt er als einen verschribnē Brieff in die heiligen bücher der gsch:iffte verfassen: derē sollend wir glou

Die pünde  
nuß Goets  
mit dem  
menschem.

Gene. 17

## Der II. Artikel

ben. Die heiligen Sacrament aber als sigel  
der warheit benect er an disen gmächts vnd  
pündts brieff/deren wir vns nach vß wysung  
sines worts söllend gebuchen.

Religio &  
heli. 104.

Vñ welche das rhünd/ sind rächte diener  
vnd pundtsognossen Gottes/ vñ habend die  
waren rächten religion. Religio ist ein Lati-  
nisch wort/heißt ein verbindüg. Durch Got-  
tes huld oder waaren glouben/ obgemeiter  
royß/werded wir Gott vereiniget oder ver-  
bunden. Darum einerley ist die rächt pündts  
nuff Gottes/ vñ die waar religion Gottes:  
vñnd sind die warlich religiosi/die mit Gott  
verpündet/sich aller anderē dingen entschlā-  
gen/Gottes vnd sines worts allein haltend.

Von dem rächten waaren Gottes dienst.  
Cap. IX.

Der waare  
rächt Gottes  
des dienst/  
vñ diener.

Sölichs ist ouch der waar rächt Gots  
tes dienst. Dan die sind rächte Gots  
tes diener / die sich aller göttern od-  
tröste/aller anderer religionē/ gsatz-  
ten vnd verpündtnussen entschlāhend/ vñ al-  
lein mit Gott vereiniget od verpündet sind/  
vff Gott allein sähed/vff in allein durch Chri-  
stum vertrauwend oder gloubend/ den fürch-  
tend vñ liebend/den allein anbärtend/anrüf-  
fend/eerend vnd alle zyt vor ougen habend:  
darzū nach sinen gebotten/in sinem wort vñ  
gehorsame/allein wandled/ jren lyb de geist  
vnderē

nderwerffend/vnd nit allein froh vnd vnschuldig sind/sunder auch nach irem vermögen yederman güts thünd.

Dann vnser Herr vnd Gott ist ein geist/heilig/gerächt/gütthätig vnd barmhertzig/vnd wil das alle sine verpündeten vñ diener im auch dienend mit geistlichem dienst/mit heiligkeit/grächtigkeit vnd barmhertzigkeit.

Ob er glych wol im gsatz vil der vfferen ceremonien vñ diensten yngesetzt hat / sind es doch alles figürliche ding gsyn / die in Christo erfüllt vnd den Christen abgenömen oder abgethon sind. Dann vnser Herr spricht im

heiligen Euangelio / Ich wil die barmhertzigkeit vnd nit das opffer. So spricht der geschriffgleere rächt im Euangelio / Die liebe Gottes vnd des nächsten sye mer dan brand opffer vnd alle opffer. Darumb spricht auch

Petrus/wir syend erwellt zum heiligen priestertumb/zü opfferen geistliche opffer / die Gott/ durch Christum/ angnäm syend. Itē Paulus spricht/ Si ewyl Gott die wält vñ alles dz darin ist/ gmachtet hat/ auch ein Herr

ist himmels vnd der erden / wonet er nit in templen mit henden gemacht/ sine wirt auch nit mit menschen händen oder menschlicher handreichung gepflägt/als der yemants Bes

dd:ffe/2c. Vnd widerumb/ Ich vermanen ich lieben Brüder durch die barmhertzigkeit Gottes / das jr äwere lyb gäbind zü einem

Don vfferen  
tem dienst  
vnd ceremonies  
monien un  
glaht.

Mat. 9. 12

Mat. 12. 4

1. Pet. 2.

Act. 17.

1. Tim. 2.



## Der II. Artikel

Jacobi 1.

opffer/das da läbendig/heilig/vñ Gott wol  
gefellig ist / welches ist iwer vernünfftiger  
Gottesdienst: vnd gftaltend iuch nit glych die  
ser wält/sunder lassend iuch verenderē durch  
vernüwerung iwers siñs/1c. So spricht der  
heilig Apostel Jacobus/ Der heilig vnd vns  
befleckt Gottes dienst/ vor Gott dem Vatter  
ist der / Witwen vnd weysen in irem trübsal  
besüchen/ vnd sich vor der wält vnbesleckt be  
waren. Wytere erkklärung diser dingen mag  
läsen/wär da lust hat/ Deut. 10. Psal. 50. Esa.  
1. vnd 58. Jere. 7. Michee 6. Sach. 7. vnd 8. 1c.

Wording die vralten sällig worden syend/  
vñnd wo mit sy Gott gedienet habind.  
Cap. x.

Wording  
die alten säll  
lig wort  
den/1c.

**W**Je nun alle gschrifft allein in Chri  
sto vñnd sunst niemarinn das heil  
zeigt/ ouch den obgemelten geiste  
lichen Gottes dienst einhällig al  
lenthalb befilcht vñnd trybt : also volgt das  
die vralten Gottes diener vñnd verpündete  
Gottes fründ/nienerdurch onet allein durch  
den gloubē in Christum sällig syend worden/  
vnd durch den geistlichen obgemelten Gote  
tes dienst Gott gefallen habind. Dann die  
verheiffung von dem versprochen somen/  
ist gar ernstlich geprediget vnd getriben von  
den heiligen Patriarchē vnd Propheten. Vñ  
ser Herr selbs sagt im Euāgelio/ das Abra  
ham

Gen. 3. 12.  
27. 22.  
3 Sam 7:  
Jerem. 23.  
Sach. 3.

ham durch Christum sye sällig wordē. S. Pe-  
 trus spricht/Wir gloubend dz auch wir/wie  
 vnser Vätter / durch die gnad Gottes/ nit  
 durch das gsatz / sällig werdind. Paulus  
 spricht/ vnser Vätter habind truncken vom  
 geistlichē velsen/welcher Christus gsyn. Der  
 selb heilig Apostel Paulus erzellt auch wytl-  
 duffig zū den Hebreern am 11. cap. wie vnd  
 was die Vätter durch vnd vß dem glouben  
 gewürckt vnd gethon habind.

Joan. 8.  
 Act. 15.  
 Galat. 2.

1. Cor. 10.

Habend glychwol die altē Vätter vil vffse-  
 rer ceremonien vnnnd dienst gehebt / habend  
 doch sy vff den geist gesehen: vnnnd die Pro-  
 phetē habend die beschelekt/die one glouben  
 vñ geist/den vfferē dienst geübt vñ gebrauchet  
 habend:vnd bezüget/das solicher dienst wes-  
 der Gott gefalle / noch einiche frucht habe.  
 Daruon liß Deut. 10. Zere. 7. vnnnd Michee  
 6. auch Isaiam am 1. vnd 58. cap. Vnnnd so vil  
 sye in disem artickel in gemein vnd kurtz ge-  
 redt/von Gott/sinen herrlichen werckē/ der  
 schöpfung/erhaltung/ vñ widerbringung/  
 vnd auch von waarē jm wolgefelligen Gots  
 dienst: in folgenden articklen wirt alles/  
 vnd gar nach yedes/wytl duffiger vnd  
 eigentlicher (mit der hilff  
 Gottes) verklärt.

Wo mit  
 die alten  
 Gott ge-  
 dienet ha-  
 bind.

# Von der Sünd vnd Straaff der sünd.

## Der III. Artickel.

**A**lle vnd yede Chri-  
sten söllend wüssen/  
das die Sünd von  
Gott weder gschaf-  
fen noch gebottē / ja  
im mißfellig vñ dar-  
rumb verbotten / sunder durch an-  
stifften des Tüfels im menschen erst-  
lich vß mißtruwen vñd vngewor-  
same entstanden / vñd vff alle men-  
schen geerbt ist. Dann es ist die Erb-  
sünd von Adamen / vff alle men-  
schen ererbt: vß welcher Erbsünd  
volgend thaatliche Sünd / wider  
das gsatz Gottes: vß welchen dann  
wyter volgend / der zorn Gottes / die  
straaff der Sünden / angst / not /  
schand / ellend / allerley trübsaligkeit  
vñd

vnd jammers/ ouch der tod vnnnd ewi-  
ge verdammuß. Das aber dem allem als  
so sye/zeigend wir an durch folgende Capitel  
mit kundtschafft heiliger gschrifft.

Von erkañtnuß des menschen/ vnd das die  
Sünd von jm/nit vß Gott sye. Cap. I.

**D**ennach vñ Gottes erkañtnuß et-  
licher maass geoffnet/ vñ der mēsch  
weist das ein Gott ist/ vnnnd äben  
kein anderer Gott ist/ dann allein  
der/der himmel vnd erden erschaffen/ vnnnd  
sich vns in sinem wort/ insonderheit aber in  
Christo sinem sun zñ erkennen geben hat/ ist  
notwendig/das yetzñd ouch der mensch wär  
be (diewyl in der Geschrifft nach Gott/der  
mēsch dz nächst fürnem ist/daruo sy hädlet)  
das er sich selbs/vñ wie es ein gstalt vñ alle  
mēschē habe/verstäde. Sölichs mag aber nit  
gründlich/onet allein durch eigētliche erkañt-  
nuß der Sünd/zñ wägen gebracht werden.  
Da man den vrsprung/das anhaften / den  
fürgang/die würckung vñ straff der sünd/  
vß dem wort Gottes flyssig süchen muß.

Der mensch ist anfangs von Gott nit also  
ellend/sündig vnnnd sterblich/wie er yetz ist/  
erschaffen/sünd herrlich/heilig/vnsterblich/  
gerächt vnd gür:als im 2. artickel angerürt  
ist:aber durch sin selbs schuld vnd überträt-  
tüg des gebott Gottes/ist er in sünd/schuld

Des mens-  
chen ers-  
kañtnuß.

Die Sünd  
ist nit vß  
Gott.

### Der III. Artikel

tod vnd hell/ouch in des Tüfels gwalt gefal-  
 len. Dañ das Gott die Sünd nit geschaffen  
 noch gebotten/sunder vil mee verbotten han-  
 be/erfindt sich in dem/das Gott dem mens-  
 schen ein güte vnnnd heilig gebott gäben / mit  
 dem er im das verbotten hat zü essen / das  
 Sünd was/vñ im den tod vnd verdammuß  
 bringen wurde/wenn ers ässe.

Verstän-  
 de frage

1. Tim. 1.  
 vnd 6.  
 2. Tim. 2.  
 Titum 2.  
 Ezech. 3.

Hie gebürt vns gar nit zedisputieren vñ  
 füntelen/Warum Gott das gebott vom nit  
 ässen (der doch wol wüßten mocht was vñ  
 daß gebott volgen wurde) dem menschen  
 vñgelegt? Oder warumb er gestattet dem  
 Tüfel/das er den menschen versuchte vñ sal-  
 te? Oder warumb Gott den menschen nit  
 frefftiglich vor de sal erhalte habe? 1c. Dañ  
 solches derley fragen sind die Paulus ver-  
 wirfft vñ häfftig schilt. So spricht der Wyß-  
 mann/Den hohen vnd schwären dingē frag  
 nit nach:vnd das dir zü gwaltig ist/das er  
 füntel nit/sunder was dir Gott für gibt vnd  
 gebürt/dem tracht alle zyt nach. Du darffst  
 verborgner dingē nit: so solt du ouch in der  
 vile der wercken Gottes nit fürwitzig syn.  
 Dann vil deren die zü hoch dahār faren ge-  
 wöllen / sind gefallen vnd verderbt worden.  
 Vnd wär gfarligkeit lieb hat/wirt darin ver-  
 dārben. Darum könnend wir baß/richtiger  
 vnd einfaltiger nit thun / dann von dem ge-  
 rächten Gott glauben vnd redē / das er kein  
 636

Böses wölle/nach vil minder thüye/vnd die-  
 wyl er dem menschen verbotten zü ässen von  
 dem boum des wüßens des gütens vnd des  
 Bösen/habe er ye nit gewöllen das er ässe/ü-  
 bereräte vnd sturbe. David spricht/ Du Bist Psalm 8.  
 ein Gott dem gottlose nit gefalt/by dir mag  
 kein schalckheit wonē/ Du hassest alle die/die  
 schalckheit trybend. So spricht Solomon/ Eccles 7.  
 Gott hat Adamen rächt geschaffen/die men-  
 schen aber süchend allerley fünden vnnnd ge-  
 süch. Der Wyß mann spricht ouch/Gott hat  
 den tod vnnnd verderbnuß nit gemacht/ hat  
 ouch weder lust noch fröud am verderbē der  
 läbendigen. Gott hat den menschen vnzer-  
 stölich geschaffen/vnnnd nach seiner bildnuß  
 gemacht. Der tod aber kumpt in die wälte  
 vß nyd vnd verbunst des Tüfels/ıc.

Wenn aber an anderen orten der heiligen  
 Geschrifft geläsen vñ gesprochen wirt/Gott  
 verberte die hertzen/verblende oder verbal-  
 te die ougen / er gäbe die menschen in einen  
 verkerten sinn/vnnnd was derglychen ist/sol  
 der Ehrstlich läser gedencē/das was Gote  
 richt thüt/er alles zü allen zytē/mit gerächtem ge-  
 richt thüt / vnnnd das gwüßlich nieman von  
 Gott zü kurz oder vnbill beschicht. S. Pau-  
 lus stiller in disem handel alles ynreden der  
 menschen vnnnd spricht/ Wār Bist du aber/ o  
 mensch/der dich mit antwortē Gott wider-  
 setzest: Sol ouch das werck zum meister sa-

Psalm 8.

Eccles 7.

Sap. 6.  
vnd 22.

1. Cor. 1.  
1. Tim. 2.  
Rom. 2.

Rom. 9.

### Der III. Artikel

gen/warumb hast mich also gemacht? Hast  
mit der Hafner macht vß einem leimknollen  
das ein gschirr zu den eeren/das ander aber  
zu den vneeren zu machen? So spricht Das  
uid / Gott ist gerächt in allen sinen wägen/  
vnd heilig in allen sinen wercken. Psal. 44.

Von dem vrsprung vnd firsingang ouch wür  
ckung der Sünd. Cap. II.

**S** O dann die Sünd vß Gott nit ist/  
müß man iren vrsprung anderßwo  
suchen. Gott ist grächt vnd güt/vnd  
der mensch was von Gott gerächt  
vnd güt erschaffen/vund das gsetzt/das jm  
Gott gäben hatt (Er solte vom Baum des  
wüßsens des güten vnd des bösen nit äßen/  
oder aber er wurde sterben) wz ouch grächte  
vnd güt. Wo ist dan die vngrächtigkeit oder  
sünd? In dem/das der mensch nit bestadt in  
dem güten willen vnd wort Gottes. Dann  
darumb mag er ouch nit beston in siner gü-  
ten art in deren er erschaffen was. Das aber  
der mensch nit bestünd by dem güten willen  
vnd wort Gottes/ther er vß jm selbs/als der  
fry vß Gott geschaffen was. Der Tüffel stift  
tet wol das er nit bestünde / zwang in aber  
nit / dann er mochts nit. Listenklich griet er  
an den menschen/vnd fragt ob doch Gott/by  
dem läben/die frucht des wüßsens güts vnd  
böses verbotten hätte? Vnd als jm Euato-  
ser

Vrsprung  
vñ harkum  
men/oder  
geburt der  
Sünd.

set vnnd Bescheid gab/ verstal er jren vß jren  
ougen das rächt gebott vnd warhafft wort  
Gottes/vnd stalle dar für sin vnträchts erlous  
ben vnd erlogens wort:vnd sagt/ So jr dar  
uon ässend/werdend jr nit sterben/sunder zü  
götteren werden. Darab entwendt sich desß  
menschen gmüt/vnnd fallt vom güten wort  
zum bösen. Vnnd hie ist die wurzel vnd der  
vrsprung der Sünd / vnnd alles vnfers ly  
dens. Dann der mensch wirt vntrüw müt  
willigklich vnnd abfellig von dem trüwen  
Gott / blybt nit in sinem waarhafften güten  
wort/gibt Gott die er nit/gloubt vnd ghor  
samet jm nit/sunder dem Tüfel/vnd das sin  
abtrännen von Gott was der saal in das  
böß/vnd wirt damit der mensch vß jm selbs  
böß vnd sündig.

Dann mithinzü vnnd das gmüt sich an  
hebt neigen zum Tüfel vnd bösen/tragt sich  
vffen für ouch etwas zü/den vfferen sinnen/  
das dem inneren ducß vnnd der mißtrüw  
desß hertzens hilfft zü offner thaat vnd vnge  
horsame. Dann das wyb sicht die frucht/das  
sy schön vnd güte/vnd an jren gar nüt(als es  
vfferlich schein) zeschühen was:sölichs hilfft  
yetzund der Sünd zü mererem fürgang vn  
offentlicher thaat. Dann das wyb streckt je  
hand vß / vnd diewyl sy gloubt hat desß Tü  
fels wort / halt sy dar für das ässen werde sy  
nit allein nit schedigen / sunder vil mer zur

Vßbruch  
vnnd für  
gang des  
Sünda



### Der III. Artickel

göttin machen : Darumb isser sy/ ja do sy nit grad empfand der raach/ bringt sy ouch Adamen jren mann hinder die spyß das er ouch übertritt vnd isser. Vñ also ist die Sünd entsprungun vñnd vollbracht vom menschen/ in dem abfaal vom wort Gottes/ durch anstiffen des Tüfels/ &c. Vnd keiner anderen wyßform vñ gstat wirt noch hüt by tag alle sünd von menschen begangen vnd vollbracht.

- Hierumb höre man yetz zügnussen des worts Gottes/ wiewol ouch das alles / das yetzund erzellt/ geschribē ist im wort Gottes/
- Matth. 15. Gene. 3. Unser Herr spricht im Euangelio/ Was zum mund vßgadt / dz kumpt vß dem hertzen vñnd verunreiniget den menschen. Dann vß dem hertzen kommend böse gedanken/ &c. Vñ widerumb/ Der tüfel ist ein mörder von anfang / vnd ist nit bestanden in der warheit. Dan die warheit ist nit in jm. Wenn er lügen redt/ so redt er vß sinem eigenthüm. Dan er ist ein lugner vnd ein vatter oder vheber der lugi. Also spricht Joannes das die Sünd nit sye vom Vatter. Vnd widerumb/ Der sünd thüt/ ist vß dem Tüfel/ dan der Tüfel sündet von anfang. So spricht der heilig Apostel Jacobus/ Gott versucht niemants/ sunder ein yetlicher wirt versucht/ wenn er von sinen eignen sünden abzogen wirt: darnach wenn der glust empfangen hat / gebirt er die sünd/ die sünd aber wenn sy vollbracht ist

ist / gebirt sy den tod.

Besich mir ouch hie eigentlich wie in vnseren eltern die Sünd den tod geboren / vnd was sy gewürckt habe. Der verstand vñ das gemüt in dem menschen / ist durch den abfall der maassen verduncklet ja verfinsteret / das der heilig Paulus spricht / Der seelich mēsch (der vernunft vnd verstand hat / doch noch nit wider geboren ist) verstadt die ding nit die Gottes geists sind. Der will des menschen ist durch vnghorsame so gar verböseret / vñnd zū gutem vntreffrig worden / das der heilig Paulus abermals spricht / Ich bin vnder die Sünd verkoufft / vñ weiß daß in minem fleisch nit guts wonet /c. Was ist dann mer überigs im menschen / dann vnwissenheit / finsternuß / Böses / ellend / jamer / schand / schad / der tod vnd verdammuß : darvon hernach wyter von der straff der sünd.

Darumb wär sich rächt lernt vß Gottes wort erkennen / der wirt wüssen / das er ein armer sündler / vñ sines verdienens halb ein ellender verlornen mensch ist / wirt jm deshalben nit zūgäben dan sünd vnd schand / gnad aber vñ verzyhung ouch vernüwerung von Gott demütig bitten. Dannenhar etliche gesagt habend / Sich selbs rächt erkennen / sye die rächt wyßheit / vñ der anfang des heils.

Von der Erbsünd daß sy sye / vnd was sy sye / vnd was sy würcē. Cap. III.

Wärdig  
der Sünd.

1. Cor. 2.

Rom. 7. 6.

Rom. 6.

Sich selbs  
erkennen.

Dan. 9.

### Ser III. Artickel

**D**ann niemant sol disen handel von der Sünd der maassen verston/als ob Adam vnd Eua nun allein also verderbt/wir alle nit ouch von jnen verderbt syend. Dann die gschrifft züger das ein Erbsünd sye/vñ namlich das durch Adamen vff vns die verderbung ererbt in vnser art vnd natur stäcke oder anhafte/ daß wie sy beyde worden sind vff die überträttung/ also ouch wir vnd alle vnser vorderen vñ nachkommenden in sünden vñ verderbung erbozen werdind/also das wir vnser menschen art oder natur halb/ vö müter lyb/arg oder böß/ zü dem güten weder verständig noch willig oder kreffrig/zü allem bösen aber geneigt vnd geschickt syend:welche sündige art ob sy glych wol in thatliche sünd noch nit vßgebrochē/ouch in kinden stäcke/nüttester minder Sünd sye vñ heisse. Dannenhar nit vnrecht gesprochen wirdt/Die Erbsünd sye nit dz/das wider Gott gedacht/gerecht oder gethon werde/sünd die ererbt verböserung/die in deß mensche natur stäcke oder hafte/vnd in deren er erbozen wirt/dz er von Gott vñnd allem güten entfömbdet/vff das böß mit lyb vnd seel geneigt ist/vñ also Gott die eer/die er am menschen haben solt/nit hat.

Dann also spricht Paulus/Da ist kein vñderscheid/Alle menschen sind sündler/vñ habend hinder/od manglend der eer/die Gott

an

Die Erbsünd vff vns geerbt

Was die Erbsünd.

Röm. 5.

an jnen haben solt. Anderswo sagt er/ das Rom. 7.  
 auch die glüßt vnd begirden wider Gott/die  
 in vns sind/glych auch one bewilligung vnd  
 folgende thaaten/sünd syend. Dañ ye Gott Deut. 6.  
 Das hertz/den müt/ja den ganzen menschen Marth. 28  
 forderet/das er in liebe/heilig vnd ganz voll 1. pet. 2.  
 fomen rein sye/wie er heilig ist. Diewyl wie  
 aber von geburt vil anders sind / erfindt sich  
 joch in dem selben vnser präst vnd sünd vns  
 widersprächlich.

Gene. 5. spricht Moses/ Gott schüff Adam  
 men nach der glychnuß Gottes. Vnd Adam  
 was hundert vnd dryssig jar alt/vnd hat ge-  
 boren einen sun/in siner/glychnuß/nach siner  
 bildtnuß/vnd nannt in Seth. Wie nun die  
 glychnuß Gottes (nach der vñflegung Pau-  
 li) ist gsyn vnschuld/grächtigkeit vnd heilige-  
 keit/also müß des sündigen mensche (in dem  
 die Gottes bildtnuß erlöschē was) bildtnuß  
 syn/ schuld/vngrächtigkeit vnd vnheiligkeit  
 oder vnreinigkeit. Dañ disen dingen sich der  
 mensch durch die überträttung dienstbar vñ  
 vnderwürfflich gemachet hat. Das man  
 aber hie ynredt/vnd spricht/ So Adam den  
 menschen geboren habe vñ Eva vnser aller  
 müter/sye er mit Gott vereiniget gsyn: Die-  
 wyl er dann den menschen nach siner bild-  
 nuß geboren habe/so sye der mēsch one Erb-  
 sünd / Gott versünnet geboren. Verantwoort  
 ich also: Das ererbēd wir von Adamen/das

Das Gott  
 Adamē zu  
 gnaden vñ  
 genōmen/  
 nimpt nit  
 hin die Erb-  
 sünd,

### Der III. Artikel

eigentlich sin/das ist in seiner art vñnd natur  
ist: die vereinigung aber mit Gott / ist nit in  
vñ von seiner natur / sund vß Gottes gnad/  
darum erbed wir die vereinigung nit. Daß  
die gnad wirt vß Gott geistlich vß dem him  
mel her ab gäben/vñ nit von Adamen fleisch  
lich durch die lyblich geburt in vns geboren.  
So ist die gnad Gottes in Adams gmüt vñ  
geist gewäsen/wir aber werdend erbozen nit  
vß dem geist vñd gmüt Adams/ sunder vß  
sinem fleisch. Was nun vß dem fleisch gebo  
ren wirt/ist fleisch: was vß dem geist gebo  
ren wirt/ist geist. Ober das alles muß man  
in betrachtung der Erbsünd zum ersten er  
mäßen den prästen an jm selbs/ vñd erkenen  
daß der an jm selbs ein solche verderbung  
ist/dasß dardurch im menschen Gottes bildt  
nuß erlöschten/an statt der gerächtigkeit vñd  
heiligkeit/vngrächtigkeit vñd vnreinigkeit  
komen ist. Demnach muß man sähen vff den  
Reatum / das ist/ vff vnser schuld/vff befla  
gung Gottes vñ sin rächt/nach dem er wol  
gemögen den menschen nit nun dem zytli  
chen tod vnderthün/ sunder ouch straaffen  
mit ewiger verdammuß. Da ist nun Gott  
mit Adamen vereiniger/nit dz er jm den prä  
sten oder verderbung habe abgenömen/also  
das er nit mer zerstört/sündig/vñd sterblich  
sye. Dann das er was/laßt er jn blyben/in  
seiner art vñd natur: er laßt aber sin rächt vñ  
Beblas

Joan. 3.

Wz in der  
Erbsünd  
zä ermas  
sen.

Beflagung wider in fallen/vñ wil im sin verderbung nit rächne zum verderben. Darum blybt in Adam die verbdserung vnnd wirdt vff vns geerbt/das zeig ich wyter also. Gene. 8. spricht Gott/ Der sin vnd gedancē des menschen ist böß von seiner jugend vf.

Job spricht 14. cap. Wär wil doch rein machen das/das von unreinē kumpt? Niemat.

So sieht man auch in der Beschnydung/ die zylich den vätterē gāben ist/dz ein Erbsünd ist. Dann ist in den achttägigen kindlichen kein unreins/wz beschnydt man sy dan? Dann das beschnydt man/das süberens bedarff. Darum züget ye Gott mit sinē pūdes zeichen/das wir all arme sūnder/von mūter lyb erbozen (darum er auch die beschnydung an das geburts glid gāben hat) werdend/ Gott aber vf sinē gnadē/durch seines pūdes willen (in welchem der hauptartickel Christus ist) vns reinigen/vnnd vnser sünd nit zum verderben rächnen wölle. Hierum werdend auch vnser kind getoufft/vnnd gewāschē/wie der vralten kinder beschnittē wurdend/das wir die erbsünd vnd vnser unreinigkeit bekennind / die vns aber Gott/wie auch andere vnser sünd/omb Christi willen nit rächnen wölle. Dahin der spruch S. Augustins diener/Die sünd wirt im Touff verzigē/nit dz sy nie mer im menschen sye oder überblybe im fleisch / sunder das sy vns nit

Die Beschnydung vnd des Touffs.

### Der III. Artickel

berrächnet werde zum verderben.

David spricht Psalm 51. Sich in sünders  
bin ich geboren/vnd in sünden hat mich mir  
müter empfangē. Welches David allein hat  
reden können von der Erbsünd. Siemyl Sa-  
uid in der Le/nit vneelich/geboren:vñ Paul-  
lus spricht/Die eeliche werck syend nit sünd:  
oder das bett der Eliüten sye unbesleckt/fry-  
lich daß jnen Gott die eelichen werck nit zur  
sünd rächnet.

Hebr. 13.  
p. Coz. 7.

Joan. 3.

Vnser Herr Chrustus spricht/Es sye daß  
sach / das wir von oben herab geboren wer-  
dend / mögend wir nit in das ryck Gottes  
kommen. So volgt ye / daß wir mit vnser ers-  
sten geburt zum verderben gebořē werdind.

Ephes. 2.

Dannenhar ouch Paulus vns alle nennet  
kinder des zorns/von natur. Vñ zu den Rō-  
meren am 5. handelt er dise sach nach der len-  
ge. Wār lust hat läse es. Vnder anderen wor-  
ten spricht er / Durch einen menschen (Ada-  
men) ist die sünd in die wält kommen / vñnd  
durch die Sünd der tod / vñnd ist also der tod  
durch vñnd in alle menschen gangen / in dem  
sy alle gesündiget hattend. Was könnte aber  
heiterers von diesem handel geredt werden?  
Der tod volgt vß der Sünd / vñnd sind aber  
alle menschen dem tod vnderworffen / dar-  
umb sind sy ye all sünders.

Die Pelag-  
ianer.

Wider dise erklärte warheit / hat sich vor  
tusend jarē ein Sect erhebt / die Pelagianer  
genennet

Genetit/ wider welche die ganz Christenheit  
mit Gottes wort gestrittē/ vñ sy nidergelegt  
hat: vñnd hat insonders hie sin trüwe arbeit  
der heilig Augustinus gethon/ welcher an-  
zeigt 1. lib. contra Iulianum cap. 2. Das die  
Apostlen/vñnd alle leerer von Apostlen biß  
vff in/die Erbsünd erkennt/vñnd also/ wie ob  
gemeldet/darvon geleert habind.

Hie ist nit notwendig vil zeschryben von  
der Erbsünd würckung. Dann vß obermel-  
ten zügnessen der gschrifft glit zeuerston ist/  
das die Erbsünd würckt vngnad oder zorn  
Gottes/schuld vñnd pyn / den tod vñnd ver-  
damnuß. Dann Paulus spricht Roman. 5.  
Durch deß einigē menschen sünd/ist die ver-  
damnuß über alle menschen kommen. So  
sind zweyerley tod / der ewig vñ der zylich:  
die bed erwachsend im menschē vß der Erb-  
sünd. Der ewig ist durch die Sünd vff den  
menschen gefallen vñ blybt vff den vnglōu-  
bigen. Wirt aber den glōubigen hingenom-  
men durch den gebenedyeten somen/ Gen. 3.  
Heb. 2. Apoc. 2. 20. cap. So mag dann den  
glōubigen der zylich tod nit schaden/wenn  
der einist erlitten/ ist die büß bezalt/vñ sucht  
vns Gott dōrt nit me zū / sünd samlet vns  
zū rāwen. Von dem hernach im artickel von  
der Gnad volgen wirt.

Der Erbs  
sünd wūrd  
clung.

Vom tod

Joan. 2.

Job 24

Von der chaatlichen Sünd vñnd allerley  
geschlächten der Sünd. Cap. IIII.



## Der III. Artikel

Thaatliche  
Sünd.

Galat. 5.

Regel der  
Sünd das  
glatz Gots  
tes.

Rom. 7.

1. Joan. 3.

Stift und  
gedancken.

**D**em erblichen prästen vnnnd ver-  
derbter art vñ natur des menschen/  
erwachsend yetz die thaatliche sünd/  
welche Paulus werck des fleischs  
nennt / vnd sind die sich ühend vnnnd här für  
thünd in glüsten/gedancken/worten vñ wer-  
cken/wider das gsatz Gottes. Darum wird  
das gesatz Gottes die rächt regel syn von  
Sünd zu richte / namlich was sünd sye oder  
nit sünd sye. Da wir gar nit bediffend zu  
den philosophen zeschül zu gon. Paulus  
spricht einfalt vñ richtig/ Die Sünd hab ich  
nit erkennt onet durch das gsatz. Darumb  
was wider Gottes gsatzt ist/ das ist vnträcht  
oder sünd. Vñ also spricht ouch S. Johans/  
Wär sünd thüt/ der thüt ouch vnträcht/ oder  
wider das gsatzt / vnnnd die sünd ist vnträcht  
oder wider das gsatzt.

So ist nun wider das gesatzt der vff ons  
ererbt präst/ als ob gesagt. Wider das gsatzt  
sind vnser fleischliche gelüst/ begirden vnnnd  
gedancken. Dann das gsatzt sagt/ Du solt  
nit begären. Vnd wenn du glych in die be-  
gird/ die in dir vffstadt/ nit willigist/ ist den  
nocht die fleischlich begird sünd an jrē selbe.  
Es sind wol ouch natürliche gelüst oder be-  
girden/ als zeschlaffen/ zeässen/ dine kind vñ  
die dinen lieben/ ic. wenn die in rächter mäße  
sigkeit blybend/ sind sy vnshädlich: die begir-  
den vnd gedancken aber/ die schon nit in das  
wort

werck vßbrächend / als das dich erzürnst vñ  
 in dir selbs ergrimest / das du dines nächstē  
 gemahels in dinem hertzen begärst / das vñ  
 derglychen nennt vnser Herr Jesus Siind  
 wider das gsatz / *Matt. 5.* Er sagt ouch / das  
 die menschen am gericht von eines yeden vn  
 nützen worts wägen müßind rächnung gä  
 ben: wie vil mee verständigend wir vns mit  
 tippigen / lychtferigen / schandlichen reden?  
 Item es sind wider das gsatz Gottes alle  
 vnser werck / die wir vß vnserm alten Adas  
 men thünd / wider das verbott Gottes: des  
 glich ist wider das gsatz Gottes / alles das  
 wir lassend wider das gebott Gottes.

Wort.  
*Matth. 22.*

Werck.

Söliche sünden die mit gedancken / worts  
 ten vnd wercken beschähend / sind nit glych:  
 sunder stygend vß vnd ab / werdend nach ge  
 stalt der thaat kleiner oder grösser. Dan wel  
 cher ein bösen glust oder gedancken hat / vnd  
 aber den selben weder in wort noch werck  
 vßbrächen laßt / sündet minder dann der gar  
 heruß salt. Welcher wider Gott sündet / sün  
 det schwärer dann der wider den menschen  
 sündet. Vnd wenn du ein menschē tödßt / sün  
 dist übel: wenn du aber din vatter tödßt / sün  
 dist noch vil wirß. Büchßt din *Le* einist / sün  
 dist minder dan thäriff es zum andern mal.  
 Vnd wie vil du der sünden hüffst / so vil me  
 rer sich die vngnad vñ straaß Gottes. Dan  
 der Herr setzt vndercheiden straaßen / das

Die Sünde  
 den sind nit  
 glych.

### Ser III. Artikel

Tägliche  
Sünd vnd  
blödigkeit

er nit thäte wen alle Sünden glych wärend.  
So hat mā yewältenhar vß der Geschriefft  
anzeigt/das etliche tägliche Sünd / das ist/  
mängel vnd fäler syend / mee vß vnwüßsena  
heit vnd blödigkeit/dañ vß Bosheit vñ müts  
willen begangen/die ouch in Heiligen lüten  
fundē werdend:als die täglich Bärtend/ Ver  
gib vns vnserē schulden. Dann nieman ver  
hoffen sol/das er one Sünd hie im fleisch lā  
ben möge / als ouch Joannes spricht/1. Jo  
an. 1. Doch ist ouch in einē menschen mee/ im  
andern minder anfächtüig/einer ist zorniger/  
oder eigenrichtiger/dañ der ander. Nieman  
aber ist der blödigkeit vñ der Sünden ledig.

Todsünd  
vnd haupt  
laster.

Hienabē sind ouch tod oder grosse Sünd/  
hauptlaster vñnd vorbetrachtete mitwillige  
Bosheiten/als da ist Gott schenden/abgötze  
rey/schwartzē kunst/mord/norzogen/gaabe  
nehmen vnd gāben/richt vnd rācht verke  
ren/witwen vnd weysen vndertrucken vnd  
der glychen. Wiewol nun die glöubigen in  
dise ouch fallend/möchtend sy doch one sy lā  
ben / vß der gnad Gottes / ja sy hütend sich  
flyßigklich vor jnen/vnd stryrend alle zyt wie  
der kleine vnd grosse sünd.

Schryens  
de Sünd.

Vnder den grossen hauptfundē neñt man  
etlich Schryende sünd/als die stāts zū Gott  
vff raach schryend:als da was der Sodomia  
ter sünd Gene. 18. Cains sünd/ Gen. 4. item  
der armen taglöhneren/denē jr lon nit bezalt/  
vnd

vnd anderer armē vndergetruckte geschrey.  
 Exod. 22. Deut. 24. vñ Jacob. 5. Es gedencke  
 auch Paulus frömbder Sünd / als die ein  
 anderer thüt / du sy selbs nit thüst / doch din  
 radt vnd chaat oder fürschnb vnd schwygen  
 hilfft das es ein anderer thün mag.

Frömbder  
 Sünd.  
 1. Tim. 5.

Wyer ist ein Unablässliche Sünd in der  
 Geschrifft. Dañ vnser Herr spricht / alle sün-  
 den werdind verzigē / die sünd aber in heis-  
 ligen Geist werde nimmermee verzigē. Der  
 heilig Geist erlüchret den menschen / vñ ge-  
 brucht darzü sin ynspäckung vñ warnung  
 durch das wort. Wenn du nun das nit hören  
 wilt damit dich Gott heilē wil / vñ dich d' yn-  
 spräckung widersetzst / glauben vñ alles war-  
 nen vñ schlechst / darin auch endtlich verhar-  
 rest / sündist in heiligen Geist / wie d' Pharao  
 vñ Saul thet / auch wie die phariseer thatē.

Unablässi-  
 che Sündē  
 Marc. 3.

Zu sömlichem widersetzen vñ widerspräch-  
 den dem heiligen Geist / ziehend vnd Bewe-  
 gend die gewonheit des bösen wäsens oder  
 irrthums / da wir nun nit zulassen oder in  
 zwayfel setzen wöllend / daß das darinn wir  
 sachē: da wir mit den Epicureern aller geist-  
 lichen dingen lachend / vñnd sy vns ein luter  
 gspörrt sind / als die wir auch vnsern satz da-  
 mit tryben geddrend : item verzwyslen / da  
 wir sagend es sye vergäbens wenn wir schon  
 lang zulo sind : item Begird zytlicher eeren

Matt. 12.  
 Wsachen  
 vñ anleis-  
 tungen zu  
 der Sünd  
 in heiligen  
 Geist.

### Der III. Artickel

Joan. 5.

Isaie 5.  
Joan. 9.

psal. 25.

vñ lyblicher gütern. Dañ vnser Herr spricht/  
Wie könnend jr glouben/ die jr eer von ein  
anderen nemmend/ vnd der eer Gottes nit  
nachfragend zitem nyd vnd hassz wider das  
wort Gottes/vnd wider die/ die es verkün  
dend: item hochmüt/ da wir witzig sind/in  
vnsern ougen. Dann der Herr spricht/Wen  
jr blind wärind / wurde iwere Blindheit  
hingenomen. Darumb welcher nit kommen  
wil in ab agrund der sünden/ der hüt sich  
vor den an vñ zügängen / spräche ymmerdar  
mit dem Propheten/ Herr erlucht mine ou  
gen/vnd zeig mir dine wäg/r.c.

Von der Straaff der sünden. Cap. V.

Rom. 6.

Was die  
Straaff.

**D**ie Sünd / welcherley geschlächt  
sy joch sye/ gehört die Straaff. Dañ  
Paulus spricht/ Der tod ist d' Sünd  
Besoldung. Die Straaff aber ist nit  
anders/ dann das übel/ das Gott gwürlich  
nach tröuwung sines warhafften worts/ vñ  
siner heiligen gerächtigkeit / allen denen vñ  
legt / die wider sin wort oder gsatz sündend  
oder gesündet habend. Das übel aber oder  
das böß der straaff ist mancherley. Dann es  
ist ein zytlich übel vnd ein ewigs. Das zyt  
lich schadet vnd pyniget den menschen hie in  
zyt/an der seel vñ an dem lyb/ ouch an sinem  
güt. Derley sind bekümmerung/ schmerzen  
vñ schröcken des gemüts/pynliche vñ angst  
haffte

haffte grüßne/ verzwyflen / wüten/ vneer/  
 schand schmach / allerley frackheiten vnd  
 prästen deß lybs/ mangel/ armüt/ thüre/ hun  
 ger/ Blöße/ ellend / gfencknuß / halßstraaff/  
 verräterey/ vfrür/ krieg/ allerley lyden vnd  
 der tod. Dife übel werdēd vilfaltiger zelt Le  
 uit. 26. vnd Deut. 28. Sy werdend von Pro  
 pheten genennt das schwärt vnnnd die geißel  
 oder rüten Gottes. Dan wie ein oberkeit wi  
 der übelthäter das schwärt zuckt/ der huß  
 uatter wider die vngheorsamen die rüten ge  
 brucht/ also gebucht Gott dife übel zü straff  
 der sündē. Das ewig übel aber hebt an nach  
 difem läben/ vñ wäret mit vnüßsprächlicher  
 angst/ pyn vnnnd not in ewigkeit. Dann deß  
 vngläubigen seel fart vom lyblichen tod in  
 ewigs shür: wie geschriben stadt Luce 16.  
 Der lyb kumpt am jüngsten tag wider zü  
 der seel/ vñ fart mit iren richtig in ewig ver  
 damnuß/ wie gschriben stadt Matth. 25. vnd  
 Apoc. 19. vnd 20.

Dißschwere  
 vñ die gei  
 sel Souer.

Zü der vßrichtung oder vßfürung obges  
 melter siner straffen/ insonders d zytliche/  
 gebucht Gott den dienst etwan der güten/  
 etwan der bösen Englen / etwan der mens  
 chen/ als fürsten / herren/ ic. etwan der ele  
 menten/ oder deren dingen die vß inen gebo  
 ren werdend/ als deß winds/ der straal/ deß  
 blitzs/ hagels/ räges/ ryffens/ ic. etwan der  
 thieren. Dann vnser Gott heißt darüm der

Mittel die  
 Gott zur  
 straff ges  
 brucht.

### Der III. Artikel

Gott Sabaoth/das ist/der Herr der heertzü-  
gen/das wie ein künig sine heertzüg zu sine  
wille hat/also sind alle creaturē Gottes heer-  
züg/bereit vñ gerüst vff sin gebort. Darum  
bedarff er nit lang zu warten oder vorhin zu  
rüsten wenn er straffen wil/er heist oder ge-  
büet/so beschicht im ougeblick durch ein yea-  
de creatur/die Gott darzu erwöllet/was der  
Herr wil. Den gwaltigē Gott vnd Herren  
sollend billich fürchten alle creaturen.

Gott  
strafft  
allein.

Alle strafft aber hat Gott allein in seiner  
hand/vnd fñrt die allein. Dann nieman kan  
straffen dann er allein. Er ist gerächt/thut  
nieman vnrecht / er sieht kein person an / er  
nimpt kein schencke an / er strafft nit einē für  
den andern / er erkennet allein die hertzen vñ  
heimlichkeitē der menschen/ vñ weißt allein/  
welcher gestalt/weiß vnd maß/wie/wo/vnd  
weñ/vnd wie dick der mensch gesündet hat.  
Da kan er nach gelägenheit der that straffen  
nach der grächtigkeit vñ Billigkeit. Dann  
wiewol alle vnd yede sünden strafft würdig  
sind/werdend doch grosse laster mit grossen  
straffen vergulden/vnd ringe überträttun-  
gen ouch nach gebür gestraafft. Das aber  
hoch vñ nider stafflen in der strafft Gottes  
syend/züget die Eschrifft heiter hin vnd wis-  
der in Prophetē/ouch im Euangelio Matt.  
5. 10. 11. 23. Luce 12. Ioan. 15. vnd 19. Mit dem  
stimpf

stimpft auch Paulus Rom. 2. 26.

Der ewigē straff enthebt Gott die glöu-  
bigen/als obgemeldet ist: der zytlichen aber  
nit aller. Dann dem zytlichen tod vnd aller-  
ley crützes vnd lydens sind sy vnderworffen.  
S. Augustin spricht/Die trübsalē sind vor d  
verzyhung d sünden/den vngloubigē straa-  
fen der sünden: aber den glöubigen nach der  
verzyhung/übungē deß gloubens/das der  
glöubig zünāme in der gerechtigkeit. Dar-  
umb wenn die glöubigen angst vnd not ly-  
dend / sol man es nit vßlegen/ wie die fründ  
Jobs sprachend / sölich lyden hätte er ver-  
dient mit sinen sündē. Dan Gott sücht auch  
die sinen / vnnd bewärt sy wie das gold im  
schür. Darvon S. Peter schrybt 1. Pet. 4. vnd  
Paulus Hebr. 12. cap. Jacobus 1. cap. Wyter  
erfindt sich in der geschriff vnd in täglicher  
erfarung/ das Gott mertheils sine fründ be-  
hüt vor denen plaagen/mit denē er sine synd  
pflicht zeschlahen. Vñ wenn glych wol Gott  
die sündler von wāgen jrer Bosheit anhebt  
plaagen mit obgemelten straaßen / laßt er  
doch den zorn nach/so man büß würckt: als  
deß vil exemplen in der Gschriff fundē wer-  
dend/vnd heitere verheiffung ist/ Deute. 30.  
Jerem. 24. Ezech. 18. 26. Es habend aber  
ouch etwan die Gottes synd keine oder we-  
nig vnßālen vnd straaßen. Dann Gott spart  
es jnen in yhäne wält. Darvon im 73. Psal

Wie vnnd  
volder wān  
Gott sine  
straaßen  
gebraucht.

Job:

Kein straaß



## Der III. Artikel

men vil gesagt wirt/ ouch im Euangelio Lu  
ce 16. Etwan straaft Gott hie vnd dort sine  
fynd/als Pharaonem/Judam/vnd ander.

Verzug  
der straaft.

Ob dann Gott glych wol nit grad in dem  
puncten / da die sünd beschicht / straaft/ sol  
doch nieman meinen das er über die Sünd  
nit zürne/oder die Sünd nit wüsse/ oder dz  
jm die frästen Büben gefallind. Dann durch  
Malachiam am 3. cap. züget er/ das er solche  
reden/grad als ob jm das vnrächt nit missfal

2 Pet 3.

le/nit lyden könne noch wölle. So spricht Pe  
trus / das Gott mit der straaft nit darumb  
lang verziehe/das er nit zürne / sunder das  
er der Besserung warte. Paulus spricht/wen  
aber die Besserung nit volge/er setze Gott die

Rom. 2.

Gottes straf  
gräß.

langen verzug mit schwäre der straaft. Dañ  
das Gott die Sünd vnnnd sündler straaft/ia  
ouch in das dritt vñ vierdre glid/züget Gott  
selbs/Exodi 20. vnd 34. So sind vil gewalti  
cher straaft byspilen in der gschrifft / als des  
Sündflusses / des vndergangs Sodome/  
der Egyptiern / Amorreiern vnd Chananis  
tern/vnd derglychen vil anderer.

Gottes ge  
richt nit  
rächtsersi  
gen.

Vnnnd in dem gantzen handel der straaft  
Gottes / söllend wir Gott die eer gäben/jm  
in sine gericht nienan reden/noch in rächtfec  
rigen/warumb er den so schnäll straaft/vnd  
yhenem so lang warte : warumb er die so  
kurtz hie in zyt lyden/oder joch gar nit lyde/  
vnd yhene in schwärer angst vñ not/jar vnd  
tag

tag serben oder vßzeeren lasse: Dafi alle sine  
gricht sind warheit vnd gerächigkeit. Gott  
söllend wir alle zyt lieben wie ein vatter / vñ  
fürchtē als ein Herrn / der allmächtig / wyß /  
gerächt ist / vnd nieman überal zu kurz noch  
vnrächt thüt. Gott gäbe das allen menschen  
trüwlich zu erkennen.

## Von dem Gsatz Gottes.

### Der IIII. Artickel.

**A**lle vñnd yede Chris-  
sten söllend wissen/  
das Gott sin volck  
Israels in der wüste  
am berg Sinai / si-  
nes willens / was es  
thün oder lassen sölte / vollkōmen zu  
teil mit eignem mund selbs / zum teil  
durch den dienst Mosis / bericht hat.

### Ser IIII. Artikel

Sölichen bericht nennend wir das  
Gsatz / als darinn Gott sinen wil-  
len gesetzt oder bestimpt hat / einmal/  
was zü allen zyren alle sine diener  
thün oder lassen söllend. Sises Ge-  
satz Gottes (das ouch das Gsatz  
Mosis genennt wirdt) ist dryfach:  
vnd fürnemlich darumb von Gott  
gäben / das es dem menschen die  
sünd / sampt der verdammuß anzei-  
ge / ja den menschen gar in sin selbs  
erkanntuß ynfüre / vnnnd vß allem  
sinen selbs vertrösten schütte. Dem-  
nach ist es gäben / das es ein regel/  
oder richtschnür sye vnser lābens/  
vß welcher wir erlernind / was Gott  
gefalle oder mißfalle. Wyter ist es  
gäben vmb der überträtteren wil-  
len / die zü züchtigen vnnnd zü straaf-  
fen / vnnnd hiemit frid vnnnd rüw vn-  
der den menschen zü pflanzen vnnnd  
zü erhalten. Das aber dem alle also sye/  
zeigend wir an durch folgende Capitel mit  
kundschaft heiliger geschrifft.

Das Gott selbs das Satz geoffnet / in  
steinin tafeln geschriben / vuch Mosen das  
satz zu leren vnd zu schryben bestellt habe.  
Cap. I.

**D**iewyl im Dritte Artikel vnder an-  
derm von dem Satz Gottes ge-  
meldt worden / es sye die recht regel  
von d Sünd zu richtē / was Sünd  
oder nit Sünd / gut oder böß sye / ist es yetz  
an dem / das etwas wylduffiger von dem  
Satz Gottes geredt werde.

Es kondt aber niemant vff erden gewüß  
eigentlich vñ grundlich von dē willen Got-  
tes / welcherley der sye / reden / vñnd die wält  
berichten / Dann Gott allein. Dann welche  
creatur wölte vns sunst der radt schlegē vñ  
sins oder gemüts der ewigen aller höchsten  
wyßheit / wie er gägen dem menschen gesin-  
net wāre / oder was er von vns habē oder nit  
haben wölte / berichten?

Gott allein  
kan vns si-  
nes willens  
berichten.

Vnd dz Satz ist an jm selbs anders nit /  
dan der gsetzt oder bestimpt vñ vßgetruckt  
willen Gottes. Als da er vns heiter vormel-  
det / vñ mit verstantlichē worten begryfft vñ  
einmal vßspricht oder offnet / was er zu allen  
zytē wil das sine diener thūn oder lassen sol-  
lind / was rächt od vnächt sye / insonderheit  
aber gebüt / das wir in lieben sollind ob allen  
dingen / jm allein dienen / anhangen / vnd vol

Was das  
Satz sye.

## Der IIII. Artickel

Förmne gehorsame leisten / mit allen vnseren  
Fressen/am geist/an der seel vñ mit dem lyb.  
Dazü thüt er dan verheissungen vnd tröu-  
wungen.

Das gsaht  
mit erst  
durch Mos-  
sen eroff-  
net.

Sölichen sinē willen hat Gott nit erst zū  
Moses zyten / sunder ouch von anfang der  
wält den vätteren geoffnet/ in ire hertzen ge-  
schriben/vnd geordnet das die vätter vnd ye  
ein gottsfröchtiger dē andern/vff die nach-  
uolgenden das gsaht Gottes angäbe vñ be-  
fähe. Danenher frylich die vralten patriars  
chen so lang geläbt habed/das sy in der wält  
leerer des volcks/gsatzgäber vnd zuchtmeis-  
ter wärind. Dan kundbar ist das die vral-  
ten die gsahtē wid abgöttery/götzery/gotts-  
lesterung/von dem Gottedienst/vereerung  
vatter vñ mütter/von der Ee/ wider dē Ee-  
bruch/wider den todschlag/wider dieberey/  
Berrug/liegen/ouch falsche kundtschafft vnd  
Begird/sampt allerley tröuwungen vnd ver-  
heissungen gehebt habend Darum kan dich

Dem volck  
Israels  
durch Mos-  
sen ein ges-  
schriben ge-  
sag gäben.

vilsaltig berichtē das erst Būch Moses. Als  
aber das volck/das Gott in Abrahamen/ins  
zū einē besundertrut volck angenömen hat/  
in Egypten kumen/vnd da häffrig verböses  
ret was/vnd die vätterlichen angäbungē in  
inen schier verblichē warend/ rust sich Gott  
sinen willen vnd gsaht von niwem an dem  
volck zū erklären: damit ouch sin volck Isra-  
els ein Spiegel sūrgstellt wurde aller wält/  
in

In dem man sähe/welchs das rächt Göttlich  
gsatz vñ die war religion/ouch es als vil als  
Gsatzverwarer vñ Büchhalter wäre. Dar-  
umb führt Gott dises sin volck vß Ägypten/  
mit grossen wundern vnd zeichen/das er jm  
ein nammen vnd es verrümpft in aller wält  
mache/sezet es in das land Chanaan / als in  
mits vñnd vnder die ougen der Bewonten  
landen vnd nationen.

Le dann aber Gott sin volck ins gedacht  
land bracht/hat er es zü vor mit gsatz vñnd  
Gottesdienst vollkumen vnd vßbüding wol  
rächt vñ schön grüßt/dz es gar nienerā man-  
gel hatt: vnd doch an der substanz oder am  
wäsen kein andere religion noch houptgebot  
gäben/dann welche die vralten hebet: onet  
das er yetzt/nach gelägenheit des verböser-  
ten volcks/vil Ceremonien vfferzt vñ etliche  
ordnungen/die hernach durch Christum wi-  
derum vffgehebt vnd abgethon sind worden.  
Dan das gsatz/als ein schwärer last/die al-  
ten vnd der Knächtschafft behaltē/ vñ durch  
vil figuren vñ vorbildungē den handel des  
heils duncfel für gestellt / welchen das liecht  
der wält Christus vnser Herr erlüchet hat.

Als aber Gott die houptsam sines gsatz  
tes sinē volck wöllen offnen/hat er es an den  
berg Sinai lassen versämlen/ da in allen hi-  
storien vß anfang der wält/biß an jr end/nit  
von grösserer gemeind/ die ye zesamē kumen

Der last nō  
beschwäre  
des gsatzes.

Wie vñnd  
wo das ge-  
sätz von  
Gott seibē  
geoffnet  
worden.

## Ser IIII. Artikel

sye/ geläsen wirt. Dann der mannschafft in  
 sechs mal hundert tusend man̄ warend: vnd  
 als das volck zū hören gerüst / kumpt Gott  
 mit grosser herrligkeit vñ mayestat/ mit don  
 nern/Blizgen/ Drummeten/ꝛ. an den berg/  
 Da dannen vormäldet er/mit eignem mund/  
 Die hauptsūm̄ sines gesatztes / Die wir nen  
 nend die Zähen gebott. Die selben schrybt  
 ouch der Herr selbs hernach mit eignem sin  
 ger zū immerwärender gedächtnuß/ in zwo  
 steinin tafeln/ vñnd gibt sy Mosi/welcher sy  
 Dem volck fürbracht ouch mit grosser eer.  
 2. Cor. 3. Dañ sin angficht glantz wie die Sunn/zür  
 Psal. 19. anzeigung daß das gsatz Gottes in Chri  
 sto erlüchte vnd verfläre/ꝛ.

Moses bes  
 stellt zū lee  
 ren vnd zū  
 schryben.

Siemyl aber das volck Israels nit erlyde  
 mocht die stimm vnd schräcken des Herren  
 mayestat / vñ begärt das Gott wölte durch  
 Mosen / als ein vnderhandler vñnd dolls  
 mätſchen/mit jnen reden/willfaret Gott/er  
 offnet Mosi allerley gsatzten/rächt/Briich vñ  
 sittē/zür erlüterūg sines erstgemeldtē haupt  
 gsatztes/gebüt die dem volck zū offnen/in d  
 gemeind vñzerichtē oder in wäsen zū Būngē/  
 zū leeren vñnd ouch zū schryben. Dem allem  
 volget Moses. Vñnd also habend wir das  
 gsatz vñ Gott. Die zwo steinin tafeln/darīn  
 die zehen gebott warend / wurdend in die  
 pundtsladē gelegt: die gschrifften aber oder  
 Bücher Mosi/wurdend zū der pundtsladē  
 gethon.

Gethon. Das alles ist genommen vß dem 19. vnd 20. auch 24. cap. Exodi/ vß Deuter. 4. 5. 31. 2c. ist auch angerürt im ersten artickel.

Wie das Gsatz Gottes dursach / darinn auch die zähē gebott syend/ abgeteilt in dwo Tassen. Cap. 11.

**D**ieses ganz Gsatz Gottes / wie es Moses in gschriffte gefasset/ vñ dem volck Gottes / vß geheiß vñnd im nammen Gottes/ für gebracht hat/ ist wol einig/wirt aber vñ bessere verstands willen / abgeteilt in drey teil. Zum ersten sind die zähē gebott/ der grund vnd die haupt summa aller gebotten Gottes/ vff welche alle andere gebott/rächte/ brüch vnd sitten gericht sind. Dan zū andern vnd nähend diesen zähē gebotten/ sind auch Ceremonische gesatz/sitten vñ brüch/ gegäben vñ geschriben vñ vßfern ordnungē in ässe/trinckē/in reinigfeit vñ vnreinigfeit/ßsonders aber vñ Gots dienst/ als von dē Tabernackel oder von der kyrchen vñ kyrchen zierdē/oder von denē dingen die in die kyrchen vnd zum Gotsdienst gehörend / als Pundtsladen/tisch/ schouw= brot/röuchaltar/brandaltar/schalen/lüchter/abbräcken/vorhang: von priestern/derē kleidern/gsatzten/rächten vnd opffern/vnd anders der glychen. Zum dritten sind die gesatzte von gericht vñ racht/als von der ober=

Die zähē gebott.

Die Ceremonien Gottes

Die gesatzte Gottes vñ gericht vñ racht.



### Der IIII. Artickel

Feit/von schuld vnd pflicht der vnderthone/  
von der regierung / von straff der bösen/  
schutz vnd schirm der güten/von erb vnd ei-  
gen/von küssen vnd lyben/von lähen / von  
der hußhaltung / vnnnd was derglychen ist.  
Vnd dise bed teil von Ceremonien vnd Ges-  
richten/sind vnder den zähen gebotten/vnd  
dienend zü jrer erläuterung vñ Befestigung.  
Dann die zähen gebott (als auch vorgemel-  
det) sind das hauptstück vnnnd summa des  
gsatztes.

Die zähen  
gebott sol  
jeverman  
können.

Darum auch Billich ist/das solliche zähen  
gebott alle menschen wüßsind/könnind/vers-  
standind vnd behaltind: welche ich auch hers-  
nach / mit Gottes hilff/ von wort zü wort/  
wie sy Gott an der grossen gmeind vö Berg  
Sinai geredt oder vß vñ vorgesprochen hat/  
erzellen/vnd darnach vßs kürzist vñ einfäl-  
tigist erklären wil. Dann nieman sol meinen  
das die zähen gebott allein den Juden nit  
auch den Christen gäben syend. Dann vnser  
Herr Christus eigner die gebott Gottes  
auch vns im heiligen Euangelio/2c.

Also redt vnser Herr vnd Gott  
Exodi 20. cap.

Ich bin der Herr din Gott / der  
dich vß Egypten / vß dem dienst  
huß geführt hab: Du solt dir keine  
andere

andere oder frömbde götter vor mir haben.

Su solt dir kein bildnuß noch 2  
glychnuß machen / weder des das  
daoben in himlen ist / noch des das  
vnden vff erden / noch des das in  
wasseren vnder der erden ist : Su  
solt sy nit anbätten / noch vereeren  
oder inen dienen. Sann ich der Herz  
din Gott bin starck ein yferer / ich  
straaff (oder veruolg) die boßheit  
der Väter an kinden / in das dritt  
vnd vierdt geschlecht / so sy mich has-  
send : Barmhertzigkeit aber vnd  
fründtschafft bewys ich in tusende /  
so sy mich liebend vnd mine gebott  
haltend.

Su solt den nammen des Her- 3  
ren dines Gottes nit ytel / lichtfe-  
rig oder one nutz nemmen. San der  
Herr wirt den nit vngestraafft las-  
sen / der sinen nammen ytel nempt.

Gedenck des Sabbathtags das 4  
du in heiligist. Sechs tag solt du  
G

### Der IIII. Artickel

wercken vnd alle dine gschafft schaffen: am sibenden tag aber ist der Sabbath des Herren dines Gottes: an dem solt du kein werck thun / weder du / noch din sun / noch din rochter / noch din knecht / noch din magdel / noch din vuch / noch din frömdling der innert diner porten wonet. San Gott hat sechs tag gemachet den himmel vnd die erden / das meer vnd alles was in jnen ist / vnd rüwet am sibenden tag: Darumb sägnet der Herr den Sabbathtag vnd heiliget in.

5 Du solt din vatter vnd mütter eeren / vff das du lang läbist im land / das dir der Herr din Gott geben wirt.

6 Du solt nit töden.

7 Du solt nit Lebrechen.

8 Du solt nit stälen.

9 Du solt kein falsche zügnuß geben wider dinen nächsten.

10 Du solt dich nit lassen gelusten dines

dines nächsten huß : Du solt dich  
 nit lassen gelusten dines nächsten  
 wybs/noch sines knechts / noch siner  
 magdt/noch sines ochsens / noch si-  
 nes esels / noch alles deß das din näch-  
 ster hat.

Söliche Gottes gebott/ wiewol sy kurz  
 sind/noch dennoch hat sy vnser Herr Chri-  
 stus Jesus (die veruolkommenung deß Gsatzes)  
 noch in ein kürzere sum ynzogen / vnd  
 spricht zu dem geschrifftgelehrten / der in ges-  
 fraget/Welches ist das fürnämst gebott vor  
 allen? Marc. 12.

Das fürnämst gebott vor allen  
 ist das / Hör Israel / Gott vnser  
 Herr ist ein einiger Herr : vnd du  
 solt lieben Gott dinen Herren von  
 gantzem dinem hertzen / von gan-  
 zem diner seel / von gantzem dinem  
 gmüt/vnd von allen dinen krefftten.  
 Das ist das fürnämest gebott: vnd  
 das ander ist dem glych: Du solt lie-  
 ben dinen nächsten als dich selbs.  
 Es ist kein ander grösser gebott  
 dann dises.

Summa  
 der zähen  
 ja aller ges-  
 botten Got-  
 t. 28.

Die oberzeltē Zähen gebott aber/wordē

## Ser IIII. Artickel

Die zehen in dem wort Gottes selb genennet Die Zehen gebott abtheilt in zwo tafeln. Die erst tafel halt in vier gebott / belangend Gott vñ sinen dienst. Die ander tafel halt in sechs gebott / belangend den menschen / vñnd wie man sich gegen dem nächstten halten sol. Vñ wie ich hie die gebott Gottes abgeteilt / also mag die abteilung vß heiliger Geschriefft erhalten vñ auch mit fundtschafft der wahren Christlichen leereren angezeigt werdē / hie von kurtze wägen vnderlassen.

Erklärung des ersten gebotts: das man sich Gottes allein solle vernügen lassen.  
Cap. III.

Summa des  
8. gebotts.

**D**er ersten gebott der ersten tafel fordert Gott den ganzen menschen mit lyb vnd seel vñ mit allem sinem vermöge / das er in allein für sinen Gott halte / im gloube oder wol vertruwe / in anbätte / in anruffe / in liebe ob allen dingen / in fürchte / vff in allein in allen sinen sachen sähe / vñnd im allein gütwillig anhangē biß in tod.

Gott ist d  
mächtigste Herr  
vnd Gott.

Das aber wir mensche das verdröst thun mögind / erzellt er vns von anfang kurtz vñ verstentlich wär er sye / vnd spucht / Ich bin der Herr din Gott. Er ist d Herr aller dingen / der schöpffer aller creaturen / im sind vñ der woissen

derworfen alle creaturen/vnd alles was da  
 ist in himmel vnd erden/muß vn̄ sol im / als  
 dem einigen rächtē Herren/Gott/schöpffer  
 vnd vatter dienen. Er ist Gott/das einig  
 ewig oberist gut/ein brinnen vnd vrsprung  
 aller güteren/allmächtig/gütig/gnädig vn̄  
 barmherzig/grächt vnd warhafft/ein trüe  
 wer vatter aller seiner creaturē / d̄ alles sicht/  
 weiß vnd versicht oder versorget vnd erhal  
 tet/wie ouch im anderen artickel dieses büchs  
 Gemäldet ist. In summa/wie er zū Abrahā Gene. 22.  
 men im pundtsartickel gesprochen hat/ Ich  
 wil din Gott/die vollkommen gnüge/vnnd  
 aller der dinen Gott/syn: also widerholet er  
 hie den ersten vnd obisten pundtsartickel/  
 bestätet den selben hiemit vnnd spricht / Ich  
 bin der Herr din Gott.

Vnnd mercke ein yeder wol / das er nit Gott ist von  
 ser yetliche  
 Gott.  
 spricht / Ich bin gwäsen / sunder ich bin din  
 Gott/srylich ouch yetzund/vn̄ noch/vnd für  
 bin allwäg in ewigkeit. So sagt er nit/ Ich  
 bin der vätteren/oder üwer/sunder/ Ich bin  
 din Gott/das vnser yetlichs wüsse vn̄ grüde  
 lich verstande/ daß er nit nun der alten oder  
 ander lütē / sunder vnser yetlichs insunders  
 Herr Gott vnd vatter syn wolle.

In diesem setzt er hinzu / Der dich vß Gott fährt  
 Israelen  
 vß Egyptē.  
 gypren/vß dem diensthuß geführt hab. Wil  
 hiemit durch offne thaat/nit nū mit worten/  
 er wysen vn̄ bewären/das er der rächtē Herr

### Der IIII. Artikel

vnd Gott sye/als der mächtig/sinem volck  
trüw/sy erretten/Beschirmen vnd Behüten  
möge. Dann in dem vßfüren vß Egypten  
hat Gott sine kreffte ouch sin trüw vnd liebe  
gägen sinem volck insonderheit erzeigt. So  
was die thaat noch frisch vñ nürw / do er mit  
inen ab dem berg Sinai redt.

Gott ers  
löset vns  
durch Chri  
stum.

Ob dann glich wol vns Christen kein son  
liche thaat / wie den Isracleren bewisen ist/  
hat vns doch Gott größers gethon/ in dem  
er vns das gleistet hat / daß durch die vß  
führung vß Egypten was angebildet / nam  
lich dz vns Gott nit vß Egypten vö gwalt  
Pharaons/sunder von der hell vß dē gwalt  
deß tüfels/der sünden vnd deß todts/durch  
Christum erlöset hat. Das selb hat er vns ge  
thon/vñ deshalb krefftig gnüg erwisen/das  
er sye vnser Herr vnd Gott / der vns gäben  
könne was vns manglet zytlicher vnd ewi  
ger güteren an lyb vnd an seel/ıc.

Christi han  
del in den  
gebotten  
Gottes.

Hiemit erlernet man ouch/wo in dē Ge  
botten Gottes der handel Jesu Christi vnd  
vnser erlösung begriffen sye. Dann das die  
Erlösung oder vßführung Israels vß Eyp  
ten vnserer erlösung durch Christum vort  
bild oder figur gewäsen sye / züget Isaia  
am 52. cap. vnd Paulus/ da er sprichet/vnser  
osterlamb sye Christus/ıc. 1. Cor. 5.

Wir söllē  
allein Gott  
für vnseren  
Gott han  
den.

Sittenmal aber Gott also an jm selbs vñ  
ouch gegē den menschen/wie gehöret/ist/ges  
büt

büt er billich allen menschen/ vñ setz sin erst  
 gebott/ vnd spricht / Du solt dir kein andere  
 oder frömbde Götter vor mir haben. Dann  
 diewyl Gott allein Herr vnd Gott ist / vnd  
 kein Gott onet od vssert im ist/ diewyler vns  
 allen vnd vnserem yetlichen all sin anligē zū  
 seel vnd lyb/ erstatten kan mag vnd wil / was  
 darff dann der mensch zū denen zegond/ die  
 nit götter sind: od was darff er anderschwo  
 suchen das er allein by Gott findet/ vnd sunst  
 anderschwo nienen: So lasse sich der mensch  
 Gottes allein vernügen / den bätte er an al-  
 lein/ dem vertruwe er allein in allen sinen sa-  
 chen/ den ruffe er an allein / dem diene vñnd  
 hange er an allein. Dañ ein frömbder Gott  
 ist ein yetlich ding/ das nit der einig war lē-  
 bendig Gott ist/ vñnd by dem du suchst/ das  
 du allein by dem einigen Gott sökrift suchē.  
 So trybst ye Abgöttery / weñ din hertz von  
 diesem einigen Gott abzüchst vnd vertruwest  
 den creaturen / suchst trost vnd hilff by inen.  
 In summa/ Du solt dich allein dines einige  
 Gottes halten: den solt du allein lieben vnd  
 fürchten/ im solt du allein dienen / mit glou-  
 ben/ liebe vnd hoffnung. Also legt der Herr  
 selbs dises gebott vß/ Deut. 6. Matth. 4.

Was ein  
 frömbder  
 Gott.

Abgöttery

Erklärung des andern gebotts/ das man  
 Gott nit solle verbilden/ götzen haben odde  
 bilder vereeren. Cap. 1111.



## Der IIII. Artickel

Man sol  
das gebott  
wider die  
Bilder nit  
vßlassen.

**A**ße sich hie niemant irrē das ich das  
gebott Gottes wider die götzen oder  
Bilder zellen / das aber vil vnder den  
zähen gebotten nit zellend / sunder vß  
lassend. Ich zwaren kan noch sol das nit vß  
lassen / das Gott so eigentlich vñnd vilfaltig  
selbs geredt vñ geschrieben hat. So yemants  
vß eines künigs Brieff / den er läsen solte / vß  
liesse / so vill linien / als diser in Gottes pundt  
brieff wider die götzen sind / wurde im ver  
rächner für ein schmäähüg die er küniglicher  
mayestat bewisen hetre : wozfür sol es dann  
vns gehalten werden / wenn wir ein ganz  
gebott vnder den zähen vßlassend : Vñser  
Herr spricht im Euangelio / Es wirt nit ein  
büchstab oder düpfli vom gsatz vergon. Vñ  
welcher eins der kleinsten gebotten vßlöß /  
vñ leert die lüt also / der wirt der kleinst heil  
sen im himmelrych. Nun aber ist das gebott  
wider die götzen vnder den ersten vñnd grōs  
sten gebottē. Es klagt ouch Gott durch sine  
propheten nit bald wider ein ander laster so  
häßtig als wid die götzery / oder vereerung  
der Bilderen. Darumb ye sölich gebott Gots  
tes nit mag überschrittē oder vßgelassen wer  
den one besonderbare zorn Gottes / damit er  
billich über alle die erzürnt wirt / die im sine  
pundtstrafen nit blyben lassend.

Im ersten gebott habend wir erlernet / dz  
wir vnsern Herren vñnd Gott allein für vns  
seren

Matth. 5.

seren Herrn vñ Gott haben/ nieman zū jm/  
nābend jm/oder über vnd für jm haben/in als  
lein eeren/anbätten/anruffen/ vnd jm allein  
dienen söllend : vñnd so wir das thünd/das  
wir jm rācht dienind. Im anderē gebot wirt  
er vns yetzund berichten wie wir jm nit die  
nen söllind / oder welches er für ein falschen  
Gottsdienst rāchne/ja welche dienst er über  
ein nit von vns haben wölle.

Das ander  
gebott vol-  
der falsche  
Gottes  
dienst.

Zū der zyt als der Herr diß sin gsatz off-  
net/was in aller wālt / insunderheit aber in  
Egypten/der bruch/das man Gott oder die  
Götter/verbildet in gstat der menschē oder  
thieren/sternē oder derglychen/vnd die bil-  
der den an statt oder in nāmen Gottes oder  
der gōttern/die sy anbilden söltend/mit opf-  
fern vereert. Söliche wyß verbüt hie Gott  
sinem volck/ als der weder verbildet noch in  
den bildern wil vereeret syn.

Dañ für das erst verbüt er bildtnuß oder  
glychnuß zemachen/die werdind dann flach  
gemaler/geschnitzt/ gegrabē oder gegossen/  
vß was materi oder züg das immer sye. Er  
benamset ouch allerley glychnuß/mit denen  
er nit wil verbildet syn / oder lyden das wir  
der selben formen götzen habind im Gottes  
dienst. In himlen daoben sind Son/ Mon/  
Sternen/Vogel/ꝛ. Vfferden sind menschen  
vnd allerley thier ꝛ. Vnder der erdē in was-  
fern sind fisch/würm/ꝛ. Söliche glychnuß

Die bildtn  
verbotten.

### Sec III. Artikel

sen alle vñ yede verbiüt er/die werdind glych wol jm oder anderen götteren zü eeren vsgesicht. S. Paulus legt vns das ort des gsatzes vß mit einem byspil der Heyden die richtig darwider gethon habend/vñ spricht/So die Heyden wontend sy wärend wyß/sind sy zü narren worden / vnd habend verwandelt die herrligkeit des vnzergerglichen Gottes in ein glychnuß eins Bilds/ nit allein des zergerglichen menschengesichts / sunder ouch der voglen vnd vierfüßigen thieren/1c. Rom. 1.

Sie bilder  
vorder ans  
bätet noch  
eeren.

Zum anderen gebüt Gott / so wir glych wol keine bilder gemacher hettend/ander aber hettend gemacht/ oder es wärend. ye bilder oder götzen etwan vorhanden/so sollind wirs weder anbätten noch vereere/ja jnen gar nit dienen. Anbätten ist die bilder an ort vñ end da man bätet vnd Gott dienet/herrlich vstellen/darfür niderknüwen / dargegen bäteten vnd sy ansprächē als bildtussen Gottes vnd heilige/sy küssen/darvor sich bucken/neigen/das paret abziehen/1c. Vereeren vñ jnen dienen/ist sy lieb haben/fürchten als heilig die vns mögind nützen vñ schaden/sy zü jnen zünden/opfferen vnd gaaben bringen / sy besüchen mit feerten/ vñnd was der glychen ist. Vnd deren keins sollend wir weder Gottes noch der heiligen/ oder götteren bildtussen bewysen: ja zü sollichem bruch vñ zü vereerung sollend wir gar überal keine bilder

Bilder haben. Gemälde vffert den kyrchen/  
vff den gassen/in hüseren/in fensteren/vnd  
one dienst vñ vereerung mögend zur zierd  
geb:ucht/vnnd so sy in keinen mißbruch zo-  
gen/geduldet werden.

Zum Dritten vnd letzten zeigt Gott vñ sa-  
hen an (daß er doch zethün nit schuldig wä-  
re) warumb er nit wölle das man in verbil-  
de oder gözen vereere/vnd vermanet yeder  
man sich vor der gözery od vor der eerung  
der bilder zü verhüten. Sdlich thüt Gott  
in keine anderen gebott so ernstlich vnd vil-  
faltig/das man hieran wol merckē mag/wie  
vil Gott an disem gebott gelägen/vñ frylich  
nit wil/ dz man jm das überschryte/vßlasse/  
oder nienerfür habe. Zum ersten spricht er/  
Dañ ich der Herr: din Gott bin starck. Gott  
ist vil herrlicher/mächtiger / dan dz er möge  
oder solle verbildet werden. Dann himmel  
vnd erden vnd alles das darinn ist / mag in  
nit verbilden: wie vil mind ein ellende Bild-  
nuß die von menschen händen gemacht ist/  
weder läben noch bewegnuß / ja gar nüt an  
iren hat / das ein so starckē gwaltigen Gott  
anbilden möge. Liff Isaiam am 44. cap. vnd  
Baruch am 6. cap. Zum anderen sagt er/  
Ich bin ein yferiger Gott/eins teils/ das er  
nit lydē mag (glych wie ein yferiger ceman)  
das der mensch yemants liebe/ anbätte noch  
vereere/dan in allein. Dann er kan noch wil.

Warumb  
man Gott  
nit verbil-  
den / oder  
bilder eerem  
sölle.

Gott ist ein  
gwalziger  
Gott.

Gott ist ein  
yferiger  
Gott.

### Der IIII. Artickel

nit habē hierin mit yemants gemein: anders  
teils / D3 er zürnt vnd nit vngerochen laßt/  
wenn wir ein Ding nit aller Dingen thünd/  
wie er vns gebüt vnd vorschrybt. Dann in  
nachfolgende worten tröuwet er alle denen  
die straff/die im hierinn nit geho:sam sind.

Gottstrafft  
die bosheit  
der vätter  
ten in den  
Kinden.

Das er aber hinzu setz/er straffe die Bos  
heit der vätern in kinden / Biß in das drit  
vnd vierdte glid / hat nit den verstand/das  
Gott straffe in kinden die sünd / die nit die  
kind/sunder die vätter gethon habind. Dañ  
hiewider redt Gott selbs/Ezech. 18. Sunder  
ob die kinder abgötterey tribind/Bilder vere  
ceretind/vñ sprechind/Vnsere vätter/große  
uätter vnd äninen ouch vraninen habend Bil  
der vereeret/vnnd hat inen kein schaden ge  
bracht/so wil ichs ouch eere. Darwider redt  
Gott/ er wölle söliche überträttig straffen  
in kinden:vñ werde sy nit retten möge / das  
ire vätter ouch götzendiener gsyn syend. Zu  
dritten nennt der Herr die so götzen veree  
rend sine syend : wie das wytlöuffiger vom  
Propheten erläuteret wirt. Darumb wirt es  
nit helffen weñ wir schon vermeinend / wir  
wöllind durch söliche Bildereerung Gottes  
fründ werden. Zum vierdten / verheißt er  
vil güts zü seel vnd lyb/wen wir in allein lie  
bünd/vns sin allein haltind / vñ thüyend wie  
er vns gebüt.

Wider sölich heiter vnd klar gebott Got  
tes

tes sollend wir/die allein dem wort Gottes  
 glaubend/kein gestryffet/widerwärtige Dis-  
 putation zulassen/als ob etwas güts möch-  
 te vß der verbildung Gottes vnd vß veree-  
 rung der bilderen kommen/wir sollend kei-  
 ne glosen vnd verräncken der worten Got-  
 tes annehmen:sunder einfalt dem klaren Got-  
 tes wort glauben vnd gehorsamen/vnd glaz  
 aller vereerung der bilder müßig gon:in an-  
 sähen das der Eua / vnser aller mäter/ dem  
 Saul/ouch andern künigen/ darzü dem heil-  
 ligen Propheten(von dem geschriben findst/  
 3.Regum 13.) nit wol vßschlüg / das sy nit  
 richtig vñ einfalt by dem gebott Gottes bli-  
 bend : insonders so das gebott Gottes also/  
 wie gehört/vö Prophetē selbs erlüteret wor-  
 den ist:darzü erst ouch in der ersten heiligen  
 Christenliche Fyrchen/nach den zyten der heil-  
 ligen Apostlen/ etlich hundert jar/gar keine  
 bilder in den templen oder Fyrchen der Chri-  
 sten geduldet sind. Vñ als der heilig Bischoff  
 Epiphanius in Syria by Hierusalem / vff  
 ein zyt ein bildnuß Christi oder eines Heil-  
 gen/in der Fyrchē sand/zerreiß er die/vñ ließ  
 die priester der orten vermanen / daß sy sich  
 hüten woltind vor denen dingen die wider  
 vnserer religio stryrend. Das alles findt man  
 im 3.teil der büchern S. Hieronymi. Dann  
 ouch die heiligen Apostlen die Bildner-  
 erung einhällig vnd häßtig verbotten ha-

By dem ge-  
 bott Gots  
 tes stoff bly-  
 ben/vnnd  
 sich nit lasse-  
 sen darvon  
 trängen.

Act. 17. 29.  
 1. Cor. 5. 20  
 Rom. 1.  
 1. Joh. 4.

### Der IIII. Artickel

bend: zu dem auch die heiligen Propheten von der heiligen Christlichen kyrche gewysset habend / sy werde keine götzen oder bilder me haben. *Isaie 2. 26.*

Götz ist ein  
Bildnuß  
Gotts.

Das wörtli aber Götz ist ein ale Tütsch/ abzogen wörtli vom wort Gott/ vnnnd ist eigentlich das ein Götz / das nit Gott selbs/ aber ein abgemächt ist/ das Gott anbildē sol/ also daß Götz also vil ist als ein glychnuß Gottes. Doch wirt sölich wörtli Götz auch einer yetlichen glychnuß oder bildnuß zugeben/ die glych wol nit Gott/ aber ein abwäsende herrliche person bedüten vñ in gedächtnuß bringen oder behalten sol. Vnd ist aber gar vnd gantz vngesüg das der mensch vermeinen sol/ Gott der ein geist vnnnd das vnnendlich ewig güte ist / möge mit einer so gar ellenden oder zerbrüchlichen bildnuß angebildet werde. Dañ darwider redt gar starck Gott der Herr selbs *Isaie am 40. cap.* So spricht auch Paulus / Wir söllend nit meine die Gottheit sye glych dem gold / oder dem silber / oder einem stein der durch menschliche kunst vnd dichtung gehouwen ist.

*Acto. 17.*

Die mensch  
heit Christi  
verbildet.  
*Joan. 6.  
14. 16. 17.  
2. Cor. 5.  
Nath. 24.  
Hesek. 2.*

Ob glych wol Gott angenommen hat menschliche natur/ hat er doch vilfaltig bezüget/ daß sin lybliche gägenwürdigkeit nach sinem tod der kyrchen kein nutz bringe/ vnd hat sy des halb von vnsern ougen hingenommen vnd hinuff in den himmel gesetzt/ vnd geborten dahin

Dahin die gmüte zeerheben. Vil minder ist ei  
 niche fruchtbarkeit zehoffen von dē Bildtnuß  
 ſen Chriſti / die doch in keinen wäg dem lyb  
 Chriſti zeuerglychen / ja ouch der ſchatt deß  
 lybs nit ſyn mögē. Darüber ſy erſt dē geiſt /  
 der ſich in die himmel erheben ſol / gantz vnd 2. Cor. 7.  
 gar zū wider ſind. Vnd wie David zū ſinen  
 zytē geſagt / die gōtzen habind wol ougen  
 ſahind aber nüt / oren vñ hōrind nüt / 2c. Pſal  
 mo 113. Also ſind ſy noch hūtt by tag mit an  
 ders oder beſſer worden : warumb wōltend  
 wir dann ſagen das die gōtzen oder bilder  
 vns Chriſtum vnſern Herren oder ſine wir  
 digen heiligen ſōltind oder mōchtind anbil  
 den : Gott vnd ſine vßerwelten heiligē ſind  
 vil vnd merer eerē wārt / dan das wir ſy wōl  
 lind oder ſōllind mit ſtein vñnd holtz verbil  
 den. Es wil doch vnſer keins duldē das mā  
 zū jm ſage / du biſt ein rāchrer gōtz : oder / das  
 bild iſt abē wie du. So ſōllēd wir ye vil mins  
 der vff einen gōtzen oder bild zeigen vnd ſa  
 gen / das iſt vnſer Herr Gott / das iſt S. Pe  
 ter / 2c. inſonders ſo Gott ſelbs ſpricht / er wōl  
 le ſinen nammen keinem bild geben / 2c. Iſaie  
 42. cap.

Oder warumb macht nit vnſer yetlicher  
 by jm ſelbs ein ſōmliche rāchnung / Es iſt ye  
 waar vnd vnwiderſprāchlich / das anfangs  
 der mēſch nach der bildtnuß Gottes erſchaf  
 ſen iſt / vnd noch die bildtnuß Gottes heiße.



### Der IIII. Artikel

Wenn nun ein lebendiger mensch für den an-  
deren niederknüwete/ vnd wolte wol nit den  
menschen/sunder Gott/ doch vor dem men-  
schen/ als dem rächten Bild Gottes/ anbeten/  
wurde nit der selbs vor dem yhener knü-  
wete/vñ wir alle schryen/das wäre nit rächt  
vnd solte nit syn/ sye ouch nie mee gebuchret  
warumb sagend wir dann nit vil mee/ vil  
minder gebüre sich/dz ein lebendiger mensch/  
das rächt Bild Gottes/ niederknüwe für ein-  
gmächt d' mensche hendē/ welchs nimmer mee  
kan noch mag ein Bildtnuß Gottes syn/ noch  
werden/Gott anzubärten? Item diewyl die  
lieben Gottes sälligen Patriarchen/ Prophe-  
ten/Martyrer vñ Diener/ hie vfferden noch  
geläbt vnd gewandlet/habend sy nie dulden  
wollen/das yeman für sy niederknüwete vnd  
vor jnen Gott anbättete/oder sy also vereere-  
te. Wie vil tusentfaltig aber sind die Bilder  
ich wil nit sagen ire lyb oder sy selbs/ Gsyn?  
Warumb wöltend wir dan meinen das wir  
die in jren Bilderen (das wir glych zülassin-  
es sygind ire Bilder/das sy aber nit sind/noch  
syn könnend) vereere köndtind/die söliche eer  
an jnen selbs nie wollen dulden: vnd frylich  
yetzdan/so sy glych sällig worden/minder dul-  
dend/als die yetzund jren willen vollkōmmer  
in Gottes willen gesetzt habend?

Das man aber sagt/wir söltend haben die  
Bilder

Bilder zur vermanung/erinnerung vnnnd zü  
 der leer oder zum Bericht d̄ einfaltigen/wirt  
 in dem wort Gottes selbs also abgehelt/  
 Das do Gott sin volck am Berg Sinai Berich  
 ten wöllen/habe er sy allein sin stim hören vñ  
 kein gestalt s̄hen lassen / damit sy nit Bilder  
 machind/sunder vß dem wort Gottes lern  
 tnd. Hienon liß Deuter. 4. cap. Im 6. cap.  
 heißt Moses die kinder frū vnd spaat vnnnd  
 an allen orten mit dem wort Gottes Berich  
 ten/vnd das selb über die thürē vñ allenthal  
 bē hin schrybē. Der prophet Abakuk spricht/  
 Sölte dich das bild neißwas leeren? Vnnnd  
 vnser Herr Christus/ deßglych sine heiligen  
 Apostle / habend nienan geleert oder Bericht  
 gāben den einfalten mit vnnnd durch Bilder/  
 sunder allwāgen mit dem heiligen Euange  
 lio. Darzū wenn man einem glych lang bil  
 der zeigt/vnd nit erklärt mit der leer/was sy  
 syend/leerend sy nüt. Wenn man dann mit  
 dem wort wol vñ rächt leert/ darffes in den  
 kyrchen der Bilderen zur leer nüt. Ja die bil  
 der werdend von Propheten lüg vnd erger  
 nussen oder hindernussen genennt: was kan  
 man vns aber leeren mit lügen vnd hinder  
 nussen?

In summa/Gott wil der Bilderen in sinen  
 kyrchen vnd in sinem dienst nit/darumb las  
 send vns Gott gehorsam syn einfaltiglich  
 vnd rächt.

Die bilder  
 geschribten  
 vnd leeren  
 der leeren.

Abac. 2.

Isa 44.  
 Zere. 10.  
 vnd 51.  
 Ezech. 20.

## Der IIII. Artikel

Erklärung des dritten gebotts / vnd von  
der heiligung des nammen Gottes. Cap. V.

**I**n dem dritte gebott erlütteret Gott  
noch wyter vnd verstandlicher wie  
er wolle von vns vereeret werden/  
nit mit vfferem pracht/ mit götzens  
werck/vnd was des selben plunders ist/ sun  
der mit waarer innerer vereerung / namlich  
mit heiligung seines heiligen nammens/also  
das wir vff Gott vnd allen sinen sachen wie  
dig/hoch vn grossen haltind/Gott groß ma  
chind in vnseren hertzen/ja nit höhers/wir  
digers/ liebers vnd wärders habind/dann  
sinen heiligen nammen: vnd darumb ouch  
von jm/von allen sinen gerichtten/wortē vnd  
wercken nit dann heiligs sinnind / gedens  
ckind vnd redind:in ansāhen das er Gott als  
lein/ja vnser Gott vnd Herr ist. Dannena  
har er ouch vstruckēlich geredt/Du solt de  
namen des Herren dines Gottes (Sich er  
sprucht dines Gottes)nit lychtferig in dinen  
mund nemmen.

Gott mit  
heiligung si  
nes nam  
mens vere  
eret.

Wie man  
den namen  
Gottes heil  
ige.

Deshalb wir den nammen Gottes nime  
mer anziehen/Benamsen noch gebrochen sol  
lend/dann allein in rechten sachen vnd mit  
rächter eereambietung. Item wenn es vns  
übel gadt/ sellend wir wider Gott nit kuff  
len/sunder sinen nammen mit Job Benedyent  
gadt es vns wol/sollend wir jm danken/vn  
sinen nit vergässen/nach vns zu vil vff das  
glück

glück verlassen. In allen vnsern sachen sol-  
lend wir den namen Gottes anruffen vnd  
pnyen: vor yedermann sollend wir sin nam-  
men/ eer / wort vndd warheit fry bekennen/  
vnd by sinem nammen allein schweeren.

Dann das Eyd schweeren in eehaffren sa-  
chen vor der Oberkeit/ist ein anruffen Got-  
tes/darzu ein bekennnuß vnd zügnuß/wel-  
chen wir haltind für vnser einig oberist gü-  
tär vns hälffen oder straaßen möge. Dan  
wir hebend ye vnser hand gen himel vndd  
schweerend / Das wil ich waar vnd stät hale-  
ten / also bitten ich das mir Gott also hälffe.  
Dß der vsach gebüt Gott das man allein  
by sinem nammen schweeren / vnd by andern  
nammen nit solle schweere. Darvon liß Deut.  
6.10. Jeremie 4.5. Exodi 23. Josue 23. Isae  
45. 65.2c.

By dem  
Herrē name  
men allein  
schweeren.

Gen. 14

Daruß güet zenerston ist / das man den  
nammen Gottes verunheiliget / wenn man  
im hertzen wenig von Gott halt / wider sine  
gericht/wort vnd werck brumlet/vñ fräuen-  
lich redt vnd handelt: wenn man sinen heili-  
gen nammen nit anrufft/pnyset vnd lobt / ouch  
im vmb alles güts danckt / wenn man sinen  
nammens verlouget / by sinem nammen al-  
lein nit schweert: ja flüchet / Dß dich Gotz diß  
vnd das schend: vnd da Gott sin krafft vnd  
macht/lyden / wunden vnd marter vñ hebt:  
item denn enteeret man den heiligen nam-

Verunheili-  
gen den  
namen got-  
tes.

## Der IIII. Artikel

men Gottes/wenn man den heiligen name  
men lycheferig brucht / vnd den ymerdar im  
mund/one not vnd nutz hat. Es ist by Gott  
güt / Es ist Gott vnd gnüg / Es ist by Gott  
also/od Gott sye mir nit gnädig. Was darff  
es aber dises Gottes in lycheferigen reden/  
in märceten/in andern gmeinen reden vnd  
in diner bösen gewonheit? Weist nit das  
din wort sol syn ja oder nein? Wyter wirdt  
der nammen Gottes enteeret mit aberglou-  
ben/sägnen/häxen/holdschafften/sablen vnd  
liedern / so man darzü den nammen Gottes  
gebraucht/1c.

Matt. 7.  
Jacobi 5.

Graaff des  
ren die den  
nammen  
Gottes  
misbrus  
chend.

Es setz aber Gott hierusein traffenliche  
trouung / er wölle die vngstraafft nit las-  
sen/die sinen heiligen namen ytel vñ süppige-  
lich nennend. Dann er auch der Oberkeit  
Leut. 24. gebüt/das sy die gottsesterer rich-  
tind. Thünd aber die menschen nit zü der  
schmähung des namens Gottes/so lasters  
doch vngerochē nit. Welches in der gschiffte  
vilfaltig / darzü in täglicher erfahrung / ers-  
schynt.

Erklärung des vierdte gebotts vom Sab-  
bath / syren vnd tyrchgang. Cap. VI.

**D**as vierdt gebott der ersten tafel be-  
richtet vns noch wyter des waren  
rechten Gottesdiensts / doch züchē  
sich mithinzü die erlüterung auch  
vff den vsseren Gottesdienst.

Sabbath

Sabbath heißt rüw: nun ist aber ein geistliche vnd lybliche rüw. Die geistlich rüw ist zwysalt. Dann zum ersten rüwend wir an allen vnsern krefften vnd wercken / also das in vns nit allein vnser willē in den wercken des Alten Adams nit funden wirt noch besicht / sund alles gūts das in vns ist / allein Gott zūgēbē wirt / als dem der allein heilig ist / vnd alle die heiliger die heilig sind. Darvon besich Exo. 31. Solicher rüw volgt nach die immerwārend rüw / die ewig sāligerkeit. Darvon Hebr. 4. cap. vnd das ist der geistlich immerwārend Sabbath.

Sabbath:  
Der geistlich Sabo  
bath.

Zum anderen rüwend wir von der arbeit die vns Gott gebotten hat / vñ sunst an iren selbs nit böß ist / wir ouch nit sündend wenn wir arbeitend / hie aber vff den Sabbath arbeitēd wir nit / nit das müßiggang Gott gefalle vnd rächt sye / sunder wir arbeitend nüt / vnd rüwend also von eines andern wāgen / namlich daß wir der geistlichen arbeit von Gott bestimpt dester baß obligen mögind. Also gond wir vff dē Sabbath nit zū acher / wir trybend vnser handwerck nit / lassend ouch vnser lüt vnd vch nit arbeiten / sunder heissend sy rüwen / aber vmb des willen das vff dise zyt du vñ die dinen mögind zür kyrchen kumen / vnd die werck die Gott vff den Sabbath gelegt hat vollbringē kdnnist. Vnser dem volck Israels wārend die heiligen

Vff den Sabbath nit werckē.

Des Sabo  
baths  
werck.

### Der IIII. Artikel

wereck des Sabbathis / rüwen von lyblicher arbeit / vñ darfür zur kyrchen oder in die synagogen / hören das Gsagt vñ die predig des wort Gottes / Bätten / By den offeren syn vnd offeren / den armē steüren / andere derglychen heilige werck thun / vñ den diensten rüw lassen.

Lybliche  
rür.

Dann der lyblichen rüw halben / sol vñd muß die in menschlichen arbeiten zügelassen vnd gäben werden. Dann was sin rüw nit hat / mag in die harr nit beston / sunder zererschlyß sich vñ zerfallt. So erforderet die liebe vnd menschliche bescheidenheit vñ fröulichkeit / das wir weder lüt noch vch übertrybind / sunder inen ire rüw / die inen Gott geönnen hat / gülich volgen lassind / vñ nit mit vnser werckgütige das gantz huß über statt vnd billigkeit plagind.

Der freitag  
heilzen.

Es halt aber Gott in disem gebott ein seer schöne ordnung. Zum erstē gebüt er vns dß wir flyssig vñ ernstlich dem nachgedenckind wie wir den Sabbath mögind heiligen / vñ das ist der hauptpunctē. Der tag aber ist an im selbs heilig / mag vnd kan von vns nit heiliger gemacht werden / so ist an im selbs ein tag wie d ander des Herrē tag. Darum hat das gebott dē verstand / wir sollind vff den Sabbath die heiligen werck thun / die Gott zethün vns allen bestimpt hat : namlich das wir vor allen dingen erkenind das Gott als  
lein

lein der ist der vns heiliget / Das sine werck  
nach sinem willen/nit vnser werck nach vns  
serem willen/ wir in vns söllind wtirekē las  
sen: D3 wir vns ouch zur kyrchē/zur predig/  
zum gebätt vnd gebrauch der heiligē Sacra  
menten schickind. Dann hie ist der Jüdisch  
Sabbath/so vil die Ceremonien belangt/ab  
gangen. Vñ thünd wir die werck die Chri  
licher religion gemäß sind.

Zum anderen zilet Gott die zyt vñ tag ei  
gentlich auß. Dann sechs tag eignet er der  
arbeit/ vñ heist vns alle lybliche geschäft die  
selben sechs tag schaffen oder vßrichten: Den  
sibenden tag aber eignet er jm / vñnd wil D3  
wir jm den selben tag allein dienind: mit das  
wir nit ouch die andern sechs tag jm dienen  
oder zur kyrchē/so wir anders mögend/kum  
men söllind / sunder das wir vff disen tag  
füruß rüwen an der lyblichen arbeit/nit an  
ders dann in geistlichen wercken vns üben  
söllend. Hie aber wöllē haffren grad vff den  
sibenden tag/wäre Jüdisch. Dann der Sab  
bath hierin Ceremonisch ist: daruñ die Chri  
sten zu der apostlen zyt den folgenden tag  
(den wir yetzt Sonentagnennend) zum fyr  
tag/als vff den vnser Herr von todten vfers  
standen ist/gebrauch habend/wie man schlies  
sen mag vß dem 20. capitel der Geschichten  
der heiligen apostlen / vß der 1. zum Corin  
thern am 16. vnd Apocal. 1. Desgloch wäre

Die werck  
109.



### Der IIII. Artickel

Marc. 3.

es Jüdisch wenn man den Sonntag so streng gehalten wölte haben / daß ouch die vnuermydelich notturfft müßte hinder gstelle werden. Dañ vnser Herr Christus spricht im heiligen Euangelio / Der Sabbath ist vmb des menschē willen gemacht / vñ nit der mensch vñ des Sabbaths willen : also ist des menschen Sun ein Herr ouch des Sabbaths / Darvon besich wyter Matth. 12. vñ Luc. 13. cap. Vnd ob ein kyrch nach irer notturfft vñ gelägēheit im jar noch etliche wenig fyrtag / allein Gott vñ Christo pflägte zū halten / soltend kein besonderbare personen die vflösen oder widerfächten / sunder hierinn / wie in andern vsserlichen dingē Christenliche liebe vñ rüw halten vnd erzeigen. Dañ ob glych wol der Christ an kein zyt gebundē ist / kã er doch one besunderbare bestümung der zyt / den vssern Gottesdienst nit komlich halten.

Die rächt  
religion  
handthabē

Zum drittē fasset Gott alle ständ vñ mensche vnder dises gsatz / vñ wil das die oberkeit vñ hufuätter dē fyrtag handthabind / yederman frömbd vñ heimisch zū dem dienst Gottes haltind / nieman der jren arbeitē vñ damit den Gottes dienst versumen lassind. Darum ist es Gottes meinung von anfang nie gsyn / wie etlich aber fälschlich vñ schädlich fūrgäbend / man solle ein yeden im glouben vnd Gottesdienst machen lassen / was er wöll vnd in güt beduncke. Dañ dahar kumend

mend diser zyt so vil zwoyträchtiger Secten.  
 Gott wil vil mee dz man sin wort vñ Gottes  
 dienst pflanze vnd handthabe / vnd die vn-  
 warheit vnd aberglauben abstelle. Wie der  
 Sabbath gehandhabet sye / findest du Nu-  
 meri 15. vnd Nehemie am 13. cap.

Zum vierdten darmit yedermann zum  
 rechten fyrtag dester lustiger wäre / Bringt  
 der Herr selbs härfür sin byspil. Dañ er ha-  
 be auch sechs tag himel vnd erden vnd was  
 darin ist erschaffen / den sibendē tag habe er  
 gerüwet / darumb habe er den Sabbath ge-  
 ligit vnd besunders bestimpt / vnd sye ye Bil-  
 lich dz auch der mensch / der die sechs tag der  
 arbeit gibt / joch einen tag in der woche Gott  
 gäbe. Sieby ist auch güte zū verston dz Gott  
 das werck siner Schöpffung in den gmütē  
 der menschen frisch erhalten wil / wider alle  
 die so sagē gedörend / die wält sye allwäg ges-  
 syn: Das er auch danckbarkeit von vnser yet-  
 lichem erforderet / nit allein darumb / das er  
 himel vnd erden vnd was darinn vñ vnser  
 willen erschaffen hat / sunder auch alle zyt vñ  
 yede woche vns vnfügliche güthäten be-  
 wyßt. Thünd wir das so wirt vns Gott säg-  
 nen oder benedyen mit allerley sägens. Dar-  
 von liß Jeremie 17. cap.

Gott sprech  
 auch.

Vñ hie hat der kyrchgang / der sunst auch  
 von anfang gsyn / ein güte grund in Gottes  
 Gebott: allein flysse sich ein yeder Christ / das

Von dem  
 kyrchgang.

### Ser IIII. Artikel

er am fyrtag nit allein suber in kleidern/sunder  
ouch in sinnen/gedancken/worten vnn  
wercken/zur kirchen komme/das wort Got  
tes geflossen hore/nyd vnd hassz binlege/vñ  
mit glauben vnn liebe Bätte/almsüßen gäbe/  
die heiligē Sacramenta/zü seiner zyt/empfa  
he/vñ die ganz wuchen dem wort Gottes/  
das er gehörit hat am fyrtag/nachtrachte vñ  
nachläbe/gottsförchtig/from vñ redlich sye.  
Vnd hiemit wirt Gott rächt gedienet.

Den Sab  
bath verun  
heiligen.

Welcher aber vff den fyrtag/vß gyt wer  
cket/oder sine lybliche geschäft mit hin vnn  
har wandlen vñ rößzlen schaffet/zur kirchen  
nit kumpt/die sinen darzü nit halt /sunder  
mee daruon zücht:oder er kumpt wol vß ge  
wenheit zur kirchē/wedt aber fein ernst an/  
sund nach der kyrchen frist/sufft/spilt/tänzt/  
wült/wüchert/hochfartet er/den wirt Gott  
als einen der sinen Sabbath verunheiliger  
straaffen. So vil sye gesagt von der ersten  
Tafel/volgt die ander.

Erklärung des fünfften gebotts von ver  
ehrung vatter vud müter/nc. Cap. VII.

**D**ie ander Tafel der gebotten Got  
tes /leert alle menschen wie sy sich  
gägen allen vnn yeden menschen  
halten sollind/das sy denen dienen  
vnn güts thün /ouch gar nit schedigē sol  
lind/weder an läben /lyb / eer noch güte/wes  
der

der mit Begirten/vnwillig/gedancken/wor-  
ten noch wercken/in kein wyß noch wäg.

Vnd zum ersten/diewyl vfferdterich nitte  
grössers ist nach Gott/dann vatter vnd mü-  
ter/vnnd alle die an deren statt sind / gebüt  
Gott die zu eeren. Sises gebott neht Pau-  
lus das erst gebot/ie. frylich d andern Tafel.

Ephes. 2

Vatter vnnd müter sind die vns erbozen  
vn erzogen habend. By denen verstand alle  
Gottsförchtige/ alle vnd yede die an statt vater  
ter vnd müter sind/ Großväter/ Großmü-  
tern/ Verfründete/ Oberkeiten/ Prediger  
oder Pfarrer/Schül vnd Leermeyster/ Vögte  
oder Verwalter/ Alte vn erbare lüt. Sie hüt  
hüt ouch eines yeden Vatterland. Dife alle  
gebüt Gott zu eeren. Eeren aber heist vor  
ougen/hoch/lieb vnd wärd halten/jnen gün-  
stig/trüw/gwärtig vnd gehorsam syn/ (wo  
sy nit wider Gott gebietend) vnd weñ sy es  
Bedörffend/ jnen mit lyb vnnd güt beholffen  
vnd Beradten syn.

Vatter vnd  
mütern.

Eeren

Die Elteren aber sind jren kindē von gött  
lichem rächt schuldig sy zu lieben/ in gotts-  
sorge vzfüzichen/künst oder handtwerck zu  
leerē/das sy sich neeren mögind/dar zu nach  
vermögen die hand bieten/vnd so es not ist  
straaffen. Derglychē sollend ouch thün groß  
väter/fründ vnd maag. Die kinder sollend  
dargägen die elteren eeren / als obgemelde/  
sich wysen vnd leeren ouch vernügen lassen/

Was die  
Elteren  
schuldig

### Der IIII. Artikel

vnnnd danckbar vnnnd erkantte syn. Ephes. 6.

Wen der  
Oberkeit  
vñ Vnder-  
thonen.

Die Oberkeit sol vor allen dingē by irem  
volck das wort Gottes vnnnd waaren gottes  
dienst fürderen vnd schirmen / güt griecht vñ  
rächt halten / die gütten / wittwen vnd weisen  
schützen / vnd die bösen straaßen / frid vnnnd  
rüh / zucht vnd eer schaffen vnnnd bewaren.  
Dargägen söllend die vnderthonen ire ober-  
ren hoch / thür vnnnd wärd schetzen / sy lieben /  
inen jr eer bewysen / inē geborsam syn / für sy  
bitten gägen Gott / vnd bezalen stären / zoll /  
vñ was der schulden sind. Rom. 13. 1. Tim. 2.  
Titum 1. 2.

Der Predi-  
ger pflicht.

Die Prediger / Schül vñ Leermeister / söll-  
end ire junger nit anders / dann ire eigne  
kind schetzen / sy lieben / in allen trüwen vff  
das aller geflißnisi vnderrichtē / mit vermas-  
nung vnd straaß in zucht vnd eeren halten.  
Dargegen söllend die junger inen obgemel-  
te eer ouch embieten.

Vögt vnd  
verwalter  
der weiseo.

Die Vögt söllend nit süchē iren nutz / sun-  
der iren vogtkinden als vätter hußhaben /  
die leeren / wysen / straaßen vñ schirmen. Die  
vogtkind söllēd inē ouch jr obgemelte eer be-  
wysen. Also söllēd Alte erbare lüt sich eerlich  
mit güttem exempel mengklichem fürstellen /  
das man eer vnd güts von inen lerne. Vnd  
mengklich sol dem alter eer embieten.

Straaff vñ  
belonung.

Zu end des gebotts setzt Gott ein ryche  
Belonung / die er allen denen gäben wil / die  
vatter

Von dem Gsatz. . 63

vatter vnd müter/oberkeit/ 2c. in eeren habend. Dann er wölle sy lang lassen vff erden (wo es ächt irer seelen heil ist) läben/ in eeren vnd gutem wolstand. Dañ anderswo Exodi 29. heißt er in sinem gsatz die töden/ die vatter vnd müter mißhandlend.

Erklärung des sechsten gebotts / Du soll nit töden. Cap. VIII.

**D**As ander gebott der andern Tafel fristet den menschen jr läben wider allerley vffsatz vnd gwalt. Vnd wie das läben edler ist / dann keine andere ding/die vns Gott gäbe hat / also gade dieses gebott dem folgenden vor. Damit verbüt Gott nit allein den todschlag/sunder aal Was in diesem gebott verboten. les das/dardurch man zum todschlag küpt/ als da ist vngedult/vnwill/vnwürsy / zorn/nyd/hassz/Böse wort/schmähen vñ schälten/tragen vnd anreizen. Dann also erkläret vnser Herz Christus dieses gesagt/Matth. 5. vñ leert vns das wir vns mit vnsern wider sächern vertragen vñ vereinigen söllind / vnd nit einandern mit rächt härüm ziehen/ noch vil milder schlahen oder begwaltigen. Darvon wyter Paulus sagt/ 1. Cor. 6. vñ Ephes. 4. wir söllind dem zorn keinen platz geben/ noch die Sonn über vnsern zorn nidergon lassen.

In diesem gebott wirt auch vom Herren

## Der IIII. Artikel

verbottē allerley schedigēs / welcherley form  
oder gestalt das beschābe / durch dich selbst  
oder durch ein anderen / durch dinen rades  
schlag oder geheiß / durch din vswyfen / wils  
ligen oder schwygen / mit hinderen oder fürs  
deren / mit schlābē / stossen / wārffen / howeren /  
stächen / oder verletzē / wenig oder vil am lyb  
oder läben. Vnd ye kostlicher das ist / das da  
verletzē / ye grōsser din überträttē ist: ye mer  
d̄z thūst / ye mer din schand vñ sünd wachst.

Schlächt  
der Tods  
schlegern.

Darum hört hiehar allerley schedigēs di  
nes nächsten an sinem lyb vnd läben / allerley  
todschleg / die da mit gefärdē oder one gefärd  
beschāhend: doch habend dise von Gott era  
loubte vñ gesetzte fryheit / welcher ouch den  
Todsschlag mit gefärdē beschāhen am läben  
widerumb straaßen heist. Dan der oberkeit  
ist das gebott / Du solt nit töden / nit gāben /  
also d̄z sy mit rācht die / nach Gottes vtheil /  
den tod verdient / nit tödē solle. Dan tödend  
vnd straaßend sy die bösen nit / wirt sy Gott  
straffen. Hiemit wirt verbottē allerley mord  
an vatter / mütter / an der oberkeit durch vfrū  
ren / an leereren vñ meistern / vnd an andern  
vnschuldigen lüten. Hiemit wirt insonders  
verbotten allerley (da wir vßschliessend der  
oberkeit notweer sūt d̄z vatterland) vnrecht  
fertigs vnnötigs kriegen / dar durch land vñ  
lüt verhergt / wirt ween vnd weisen gemacht /  
alles gūts zerstört / alle schand vnd ellend yn  
gefürt /

3. Reg. 20.  
Prou 17.

Krieg.

gefäre/ vnd vnſaglich Blüt vergoffen wirdt.  
 Es tröuwt aber Gott allen Todſchlegern/  
 vnd inſonders den kriegslüten (die one not/  
 mätwillig vnd vſſet vnnnd wider ire oberkei-  
 ten vñ one rächt der norweer krieged) ſchwä-  
 re ſtraaff vnd ſin vngnad/zorn vñ fluch/wel-  
 ches vilfaltig in Propheſe geläſen wirt. Im  
 Euāgelio ſpricht der Herr/Mit was maasß  
 jr anderlüten maſſend / mit der ſelben wer-  
 dend ſich andere wider maſſen. In ſinem ge-  
 ſazt verflucht Gott die/ die gaaben vñ gälte  
 nemmend/vnd das vnſchuldig Blüt vergieſ-  
 ſend. Mit dem Todſchlag wirdt die läbend  
 Gottes bildnuß vñ gelöſcht vnd vertilcket:  
 Darumb ſchryet das Blüt raach zü Gott: vñ  
 wirdt dem land nit gefridet das todſchleger  
 tragt/es trincke dann ouch jr Blüt. Darumb  
 wär friden vñ wolſtand liebet / der hütet ſich  
 vor zorn/nyd/haffz/töden/kriegen/ıc.

Iuc. 6.

Deut. 32.

Gen. 4.

Num. 36.

Erklärung deß ſibenden gebotts / Du ſolt  
 nit Lebrächen. Cap. IX.

**N**ach dē vnſer läben vns von Gots  
 durch ſin güt Gſazt gefriſtet iſt/  
 zeigt er vns wyter wie wir vnſer  
 eer vñ güt ouch erhalten mögind/  
 vnd wie wir vns hierin gägen vnſerm näch-  
 ſten haltind. Vnnnd dietwyl die Le hie zü für-  
 nemlich dienet/verbüt der Herr im 3. gebort  
 der andern Tafel/nit allein dē Lebruch/ſun-  
 der vil mee das ein yeder die Le rächt vnnnd



## Der IIII. Artickel

Von der  
Ee.

wol nach der ordnung Gottes halte.  
 Die Ee ist heilig / als die von Gott selbs  
 im paradys vfgesetzt ist: vñ dienet dem men-  
 schen darzü / das er kinder überkomme vñnd  
 erziehe / hüry vermyde / wol vñd eerlich huß-  
 halte / sich siner arbeit neere / andern zü gäben  
 habe / vñd nieman beschwärlich sye. Darvon  
 mag läsen wär da wil / Gen. 2. vñ 3. Psal. 128.  
 Matt. 19. 1. Cor. 7. Ephes. 4. 1. Thess. 4. Heb.  
 13. cap. Da der heilig Apostel heiter redt / die  
 Eelichen werck syend nit sünd : hürer vñ ees  
 brächer aber werde Gott straaßen. Der selb  
 Apostel beschrybt ouch der Eelüten pflicht  
 vñd schuld / das sy ein andern lieb haben sol-  
 lind / einandern beholffen vñd beradten syn /  
 sich mit einandern lyden / kinder ziehen / huß  
 halten / arbeiten / sorg tragen. Darvon besich  
 Ephes. 5. Coloss. 3. 1. Pet. 3. 1. Timorb. 2. 5. Ti-  
 tum 2. Der Herr benedyet solich Een vñd ist  
 jnen gnädig. Denen aber die sich vñgebür-  
 lich in der Ee haltend / ist Gott vñgnädig ja  
 syend. Dañ er verbüt nit allein den eebuch /  
 sunder ouch alle vnfrünlliche / vnlydenliche /  
 vñgebürliche handlung vñnd bywoning.  
 Danner wil das die Eelüt in liebe rächt vñ  
 wol by einandern wonind. Wie schwär aber  
 der eebuch von Gott gerächnet werde / siche  
 man an dem / das er in hat geheissen am lä-  
 ben straaßen. Besich wyter Job 31. in sp: 11.  
 then Solomons 5. vñd 6. cap.

Von dem Satz. 65

Was in  
dem gebot  
verbotten.

So ist in diesem gebot alles das verbot-  
ten dardurch man kumpt zum ebruch/ üp-  
pig sinn vnd gedanken oder begirden. Dañ  
also erkläret dieses gebot vnser Herr Christus  
Matth. 5. Düppige wort/ gepárd/ lieder/ Büle/  
vnd was zur vnkünscheit reizt. Dañ ouch  
hiemit allerley vnkünscheit verbottē ist/ vn-  
nällich ledige hury/ da ledigs mit ledigem vn-  
künscher: welchs vil lüt nit für sünd/ oder für  
ein ringe sünd habend: lasind aber die selben  
Act. 15. 1. Cor. 5. vnd 6. Ephes. 5. Also wirt hie  
verbottē jungkfrouwē schwachē/ blütschäd/  
da gefründete vn anerbome mit einandere zū  
schaffen habend: item Sodomy oder kätzerij  
die man mit dem sbür pfligt zū straaßen: da  
man mit man oder yemāts mit dem vch zū  
schaffen hat. Darwider vō Gott gar häfftig  
gehädlet wirt Gen. 19. Leui. 18. 20. 21. Rom. 1.

Hiemit wirt ouch alle vnmaass verboten  
in ässen/trinckē/ kleidern/rüw/ bußplunder/  
herberig vnd in allem wandel des menschē:  
darumb wirt hie gebotten das ein yetlicher  
mässig sye/ ässe vnd trincke zur notturfft/ vn-  
Gott darumb dancke/ sich hute vor zütrin-  
cken/trunckenheit/schläckē vnd fräserij: das  
er sich kleide nach eeren zur notturfft/ one  
pracht vn hochfart/ das er schlaasse nit fule/  
nit müssig gange/ das er bußplunder vnnd  
herberig habe/ one wül/ kostligkeit vnd müts  
will: ja das jm der mensch abbräcke/ zū aller

Vnmaass  
verboten

### Der III. Artickel

yt faste/sin lyb züchrigē/vñ den alten Adam  
töde. In summa/vns wirt gebotten alle eer/  
zucht vnd scham / maasß vnd Bescheidenheit/  
in allen dingen. Dañ wår sich darinn nit ens  
halt/Bucht vß/vñ salt in vilerley sünd/schand  
vnd verderbung der seel/eer/lybs vnd güt.

Erklärung des achten gebotts / Du sollt  
niß stalen. Cap. x.

Eigens ha  
ben.

1. Thess. 4.

Ephes. 4.

Überkom  
men güt.

**D**as 4. gebott Gottes in der andern  
Tafel verwaret dem menschen sin  
güt / vnd heist in das selb rächt ge  
winnen vnd gebuchen. Dann der  
gläubig mag eigens habē/vnd sol das rächt ge  
buchen. So er nüt möchte eigens haben/  
könde nieman nüt stalen / vnd wåre das ge  
bott Gottes vergåben. S. Paulus spricht/  
Wir ermanend iuch/das jr darnach ringind/  
das jr still sygiind/vñnd das iwer schaffind/  
vnd arbeitind mit iuern eignen hendē/das  
jr keinen mangel habind. Vnd wår gestolen  
hat/der ståle nit mee/sunder arbeit vñ schaf  
fe etwas redlichs/vff das er dem dürfftigen  
die hand bieten möge.

Sarumb sol ein yeder lügen das er das/  
das er hat oder überkumpt/eerlich habe vnd  
nit wider Gott überkomme/sunder one gyt/  
Betrug/diebstal vnd falsch/ als in erbs wyß/  
oder durch eerliche gwårb/ od getriwē red  
liche arbeit. Dañ mit disem gebott von Gott  
allen

allen vnd yeden verbotten wirt / Das sy nit  
 Das jres nächsten ist/nemmen/ ansich ziehen  
 oder bringen noch behalten sollind / in Fein  
 wyß noch wäg. Darumb sind hie verbotten  
 falsche gewicht/maas vñ mäß. Was du fun-  
 den hast solt du dir nit behaltē/ sunder dem  
 gäben des es ist. Du solt nit behalten oder  
 schwehen/was dir gelihen oder zū behalten  
 gäben ist. Alle dine pflicht vnd schuld solt du  
 menglichem thün/vnd nieman das sin vor  
 haltē. Wz du schuldig bist/solt du/one schaw  
 den dines nächsten / zū rächter zyt/Bezalen/  
 vnd insonders nieman sinen lidlon vfziehen  
 oder nit zeliieb lassen werden.

In summa der Herz legt dises sin Gsatz  
 selbs vß Leuit. 19. vnd spricht/ Ir sollend nit  
 stälen noch liegen/noch mit iuweren nächsten  
 einigē Betrug oder falsch üben. Darum wir  
 wol verstonð das Gottes will ist / das alles  
 das dines nächsten ist/ du nit verruckē noch  
 anrüren solt. Dan vnder dem Diebstal wirt  
 begriffen vnd verbotten / allerley falsch vnd  
 betrug/ wie der nammen haben mag/es sye  
 mit gefaarlichem überzellen / überrächnen/  
 überzünen/übermarchen/ überehren/ über-  
 mäyen vñ schnyden/ mit lybē oder entlehnē/  
 2c. Darvon im Gsatz vilfaltige gesatzte zur  
 erlüterüg dises gsatztes / Du solt nit stälen/  
 von Gott gäben sind. Exodi 22. Leuit. 19. vñ  
 25. Noch vil schwärer ver sündet man sich wie

Alles das  
 Betrug vñ  
 betrenn

## Der IIII. Artikel

der dieses gsatz / mit roub Brand / vndertry-  
bung / verhergung / schleizung / zertrampen  
mit hin vñ abtrybē deß vychs / noch vil mer  
der lüten / mit wücher / mit kyrchenroub / vñ  
das man ganzen gemeinden abtragt vñd  
verstillt.

Das güt  
wacht gebu-  
hen vñd  
nit vergü-  
den.

Hierhär dienet auch das / das alles das  
du mit eeren überkommen hast vñd yetz dan  
Besitzest / nit vergüden vñd schantlich üppig  
verthün / sunder mit Gott vñd eeren / vñ zur  
noddurfft / Bruchen solt. Dann vergüden ist  
nit minder sünd / dan mit gyt huffen die gü-  
ter. Nieman aber sol zeul sorgfältig syn deß  
zylichen güts halben / nieman sol sin hoff-  
nung vff sin haab vñd güt setzen / sunder vff  
den läbendigen Gott: nieman sol schatz sam-  
len vff erden / sunder mit eer / trüw vñ Barm-  
hertzigkeit im ein güten nammen verlassen /  
vñd dort ein schatz samlen. Danon Gesich  
Matth. 6. Luc. 12. vñd 1. Timoth. 6. auch 2.  
Cor. 8. vñd 9. cap.

Erklärung deß nündten gebotts / Du solt  
kein falsche zügnuß gäbe wider dinen näch-  
sten. Cap. XI.

**D**as fünfft gebott der andern Tafel  
verbiit nit am gericht kundtschafft  
zū sagen. Dann man der Oberkeit  
schuldig ist gehorsame zū leisten /  
kundtschafft zū sagen / vñd mit dem Eyd be-  
stärken

stücken: sunder falsche kundtschafft wirt ver-  
 bottē zu sagen. Der sagt falsche zügnuß/der  
 vß nyd/hassz/gunst/od' anderer ansächtung Falsche  
 kundtschafft  
 (sagen.)  
 die warheit in sinem sagen der kundtschafft  
 einweders verhalt oder verkeert. Wār das  
 ehüt lesteret Gott mit falsche Eyd/den men-  
 schen aber bringet er in das lyden/das im der  
 richter nach verhöret kundtschafft vfliegt/  
 vnd wirt also schuldig an dem vnschuldigen  
 blut/ja zum dieben/mörder vnnnd verräter/  
 nach dem das vrtail schwärer gfallt. Darum̄  
 Solomon spricht/ Gott werde den falschen prouerb. 6.  
 zügen nit vngestraafft lassen.

Es wirt aber in diesem gebott nit allein Die zung  
 gemeisteret  
 Jacobi 2.  
 verbotten falsche zügnuß / sunder vnser  
 zung/(vß welcher/als S. Jacob sagt/groß  
 übel in der wält volget) gemeisteret/zämpf  
 oder gemässiget. Also wirt hie die warheit  
 gebotten in allen sachen / die vnwarheit/lie-  
 gen/glychsnery/schmeichlery vnnnd allerley  
 falschs verbotten. Vnd sol yederman in allen  
 worten/thaten/brieffen/siglen/verfumnus-  
 sen/tduffen/verträgen/bürgschafften/zusa-  
 gen/vñ händlen liberal/trüwe er vñ warheit  
 halten/one gßard vnd böse sünd vnd vßzüg.

In summa / nieman sol sinen nächsten zu Summa de  
 sea gebott  
 keinen zyten/weder heimlich noch offenlich/  
 weder mit der zungen/das ist worten/oren-  
 blasen/vertrage oder verrätschē / weder mit  
 gschufften / gemälden oder zeichen/an sinen

### Der IIII. Artikel

eeren/ ouch an sinem lyb vnd güt nit hinderen/schedigen vnd verkleinern od beschwären. Vil aber wirt hin vñ wider in den Psalmen vñ in den Sprüchē Solomons geredt wider alle falsche vnd schädliche zungen/ 26.

Erklärung des nächenden gebotts/ Du solt nit begären. Cap. XII.

Ds gebott wider die gelüst oder begird ist ein einzig gebott.

**D**as sechst vñ letst gebott der andern Tafel ist ein einzig vnzertheilt gebott/ vnd verbütet gelüst oder begird der menschen. Darnach erlietert es was man sich nit solle gelustē lassen/ Des nächstē huses/wybs/diensten/ vybs/ ja es begryfft alles das vnser nächstē ist zum end/vñ spricht/ Noch alles des sol dich gelustē das din nächster hat. Weñ nun diß gebott in zwey möchte geteilt werden/ glycher gffallt möchte es noch in so vil gebott geteilt werden/ so vil glider erzelt werdend deren Dingen deren wir nit begären söllend. Aber Gott zelt vñ benamset selbs nun Zehen gebott Exo. 34. Deut. 6. vñ 10. cap. Darum ist es nun ein gebott: das ouch Moses Deut. 5. in einer anderē ordnung/ dan Exod. 20. setzt/ Das er nit gethon hette/ weñ es zwey vnder scheidne gebott söltend gewäsen syn. Dan in den anderen allen behalt er an beyden orten glyche ordnung. Darzū habend mertheils der alten

alten leereren dieses gebott für ein einigs vns  
 zerteilt (als auch obgesagt) gezellt.

Die Begird aber mit deren wir vns lie- Die Begird  
und glust.  
 bend/vns züziehend/vñ deß nächstē mit ach-  
 tend/ia gar in vnser art verböseret sind/ist d̄  
 präst mit dem wir an dise wält erbohren wer-  
 dend. Da so forderet hie der heilig Gott von  
 vns reinigkeitt vñ heiligkeitt/ia er forderet nit  
 allein offere werck vnd gerechtigkeit/sunder Leuit. 19.  
Matth. 23.  
 das hertz/den geist/die innern kressse/ia das  
 wir heilig vnd vollkōmen syend wie er heilig  
 vnd vollkōmen ist. Dieroyl aber kein mensch  
 also/sunder vil me verderbt/vñ an hertz müt  
 art vnd sinn prästhaft ist/überzüget vns die-  
 ses gsatz das wir sūnder vñ Gottes schulde-  
 ner sind. Daruō liß wyter Rom. 7. vñ 8. cap.

Hieby ist zū wüssen ob glych wol der glust  
 der in vns ligt vnd haffret/vfgadt vñ vns  
 ankumpt obgemelte stuck vnd ires glychen  
 zū begären/das wir doch mit der gnad Gos-  
 tes weeren vñ die Begird in das werck nit  
 söllind kummen lassen. Dann kumpt die Bes-  
 gird dahin/das du dinem nächstē sin huß/  
 gemabel/dienst oder ryck abzüsetze oder ab-  
 züringen vnderstaast vñ in dinen gwalt  
 bringst / wachst so vil mee din sūnd vnd der  
 sūnden straaß. Darum̄ auch die vnordenlich  
 Begird one volgeds werck/an jr selbs / sūnd  
 ist: wie daoben im artickel von der Sūnd vñ  
 iren straaß gehört.



## Der IIII. Artikel

Also hab ich vff dz aller kürzist beide Tadeln der gebotten Gottes von der eer vnd liebe Gottes vñ des nächsten/wie man sich gegen inen halten sol/ was recht oder sünd ist/ erklären wöllen. Weiß wol das von yedem gebott vil mee herte mögen gesagt werden/ ich aber hab mich der kürze vñnd des aller meist geflissen / das ich ioch die fürnämisten stuck anzuge/vñ one alles arguieren vff das einfaltigist erklärte.

Von den Ceremonien vñnd gerichtten im gsatz Gottes. Cap. XIII.

**D**o diser houptsum des einige ewigen gsatz Gottes werdē vñ Gott durch Mosen hinzū gesetzt (als ich auch daobē im 2. cap. dises artickeles gemeldet hab) noch zweyerley gsatz/ die Ceremonie vñ die Gerichte: allein zur erklärūg vñ erhaltung od beuestigung der Zähen gebottē Gottes. Dan als dz volck Gottes in Egyptē/durch bywonūg d Egyptiern/welche vngerechte böse lüt vnd grosse götzdiener warē/vast übel verhönt od verderbt/ganz geneigt zū abgöttery vnd götzery was: vñ deshalb zū besorgē was/sy wurdind vñbrachen/vñ inen nach irē eignen gefallen götter vferwerffē/od nach art d Heidē mit bildere vñ waz darzū diener dē Gott Israels ein Gottes dienst

Wom was  
sp:ung/vñ  
sach vñ  
end der Ce  
remouien.

dienst anrichten. Damit nun das erst vñ an-  
 der gebott der ersten Tafel / ja die ganz erst  
 tafel vñ recht in wäsen blibe/ hatt Gott dieses  
 sin vñ volck dermassen mit Ceremonie gefasset  
 oder yngeschlossen mit fürschrybung was sy  
 für vñssern Gottdienst in kirchē/altar/opffer/  
 syren / priester / &c. haben soltind : vñnd über Deut. 4. 28.  
 das inē heiter häruff gesagt/darzu sollind sy  
 nit selbs erdichten/ouch das nit das er inen Leuit. 17.  
 geordnet vñ gebotten anders begon / dan er  
 inen vorgeschriben hab/ oder er wolle es inē  
 nit für ein gottsdienst / sunder für ein mord  
 rechnen/das sy weder fūg noch gstatl/ anlaß  
 noch recht gehebt habend/ ein anderen Gott  
 oder Gottesdienst vñfürichten vñd üben.

Nitdestminder sind sy so gar verböfert vñ Der Jude  
hartnäckig  
ge.  
 hartnäckig gsyn / das vnangesehen dieses so  
 heiters andingen/grewenlichs tröwen/vñd  
 so trāffenlich wol vñ schön angerichten vñsser  
 ren Gottdiensts/sy nit destweniger imers  
 dar hinder sich in Egypten gefāhē / gdtzelet/  
 vñd als sy in das land/ das inen Gott zu gā  
 ben verheissen/komen warend/der nachbu  
 ren gdtter vñd gottsdienst/Baal vñd Asto  
 reth annamend zū ceren: wie die Bücher der  
 Richtern vñd Königen zūgend : vñnd sy die  
 heiligen propheten seer übel/doch billich/Be  
 schelckt habend/vñd das alles inen ouch der  
 heilig Stephanus gar ernstlich verwyßt/ in  
 Geschichten der Apostlen am 7. cap.

## Der IIII. Artickel

Der Ceremonien  
Buch vnd  
Weg.

Darumb habend die Ceremonien erstlich  
darzu gedienet/das sy das volck einfalt vnd  
einig behielind By der ersten Tafel / By dem  
einigen Gott vnd sinem bestimpten Gottes  
dienst. Demnach das vil gedacht volck vnd  
disen figuren den handel Messie des geben  
nedyeten Somens hätte. Das kundlich ist  
vß der Epistel Pauli zu den Hebreern/ das  
das puesterthum vnd die opffer vorbild ge  
wesen sind des puesterthums vnd opfers  
oder lydens vnser Herr Christi. Von dem  
vil vnd lang zu sagen wäre. Alle gldubigen  
Behalind das hie für ein allgemeine regel/  
das die Ceremonien sind Sacramenta oder  
geheimnussen Christi gsyn/vnd das Gott su  
nem volck also vilfaltig den handel der erlö  
sung Christi fürgetragē vñ yngebildet/durch  
die prophete vßgeleit / durch Christum aber  
hernach erfüllt vñ erst recht durch die aposte  
len erläutert vnd heiter an tag gerhon hat.

Es beuch  
der Gericht  
tan.

Die Gerichte aber dienend eins teils zu  
schutz vnd schirm der ersten Tafel vnd des  
waaren gottesdienst / ouch zu der vßrütung  
des falschen/von mensche erdichtete/ gottes  
dienst. Darvon besich Deut. 17. cap. vnd  
anderschwo. Demnach dienend die Gerichte  
insunderheit zu fürderung vnd erhaltung  
andern tafel. Dann Gott wolt nit allein das  
sin gsatz vnd will in steinin taflen geschribē/  
ein geschribt blibe:sunder das sin gsatz von  
puestern

presteren geleert vñ geprediget täglich/von  
Der oberkeit aber mit straaß vñ allerley triben  
Gefördert vnd vnder dem volck in ein läben  
vnd wäsen gebracht wurde.

Vom end vnd bruch des Gsatzes/warum  
es gäben vñnd worzu es dem menschen  
diene. Cap. XIII.

**M**erck kan fürhin menglich wol  
verston worzu Gott sin Gsatz dem  
menschen gäben habe / frylich vmb  
dreyer fürnemmer vrsachen willen.

Zum ersten/das es allen vñ yeden menschen  
die Sünd/ja mēschliche verderbüg/den tod/  
die schand vñ verdammuß/in deren v̄ mēsch  
stäckt/offne vñ für ougen stelle/damit vnser  
yetlicher gründlich wüssen möge/wär er syel  
ein armer sündiger verlornen mensch. Sölich  
ches aber wirt also verstandē/dz gsatz Gots  
tes forderet von vns heiligkeit vñ gerechtig  
keit/das wir erstattind vnd erzeigind von  
grüd vnser hertzes/von ganzer seel vñ v̄  
allen vnsern krefftren / das wir Gott liebind  
ob allē dingen/vñ den nächstē als vns selbs/  
ja das wir ouch nit begärind / sunder ganz  
rein vnd vollkommenlich das gsatz Gottes  
erfüllind. Dann so wir das nit thügind/vnd  
in einem/ich gschwyg in vilen sälind / syend  
wir verflücht vnd verdampft. Sölich Gsatze  
nimpt yetz der mensch / halt es gägen sinen  
gedancken/worten vñnd wercken / sücht wie

Das G  
satz zeigt  
an die

### Ser IIII. Artikel

sy zesamen stimmind / so befindet er das er von art vnd natur der sünd ergäben / keins der botten Gottes halt / wie es hört / Deshalb er bekennen muß / das er billich vnder der vermaledyung vñ verdammuß sye. Vnd das ist das eigentlich ampt vnd die rächt würcküg des Gesatztes. Darumb Paulus spricht / Durch das gsatz kumpt die erkänntuß der sünden. Item wo das Gsatz nit ist / da ist ouch kein überträttung. Durch das gesatz hab ich erlernt das die begird sünd ist. Besich Rom. 3. 4. 5. 7. cap.

Wie das  
Gesatz zu  
Christo für  
re.

Hienabend hat nun wol ouch das Gsatz das / das es etlicher maass zu Christo trybt vnd fürt. Dañ wen der mensch vß dem Gesatz / als vß einē Spiegel / erlernt hat / wär vñ wie er ist / ein sündler / in welchē nit güts stäckt / sücht er für das mal hin weder inn im selbsnoch in keinē menschē überal die gerächtigkeit vñ das heil nimmermer: wirt also vß allem sinē selbs vertrösten gschütt / vnd dahin endlich gebracht / dz er die gerächtigkeit vñ das heil anderswo suchen vñ hoffen muß. Da spricht yetzund Paulus / Die Geschüfft hat alles zusamē beschlossē vnder die sünd / vff das die verheißung durch den glauben in Jesum Christum denen gäben wurde / die da glaubend. We aber der gloub kam / wurdend wir vnder dem Gsatz verwaret vnd beschlossē vff den glauben der da solt geoffenbarete

Galat. 3.

kenbaret werden. Also ist das Gesetz vnser  
 zuchtmeister od schulfürer gewesen vff Chri-  
 stum/das wir durch den glauben grächt ge-  
 machet wurdind. Doch eigentlich zu reden/  
 hört der trost vñ die wysung vff Christum/  
 fürnämlich dem Euangelio zu. Darum weiß  
 Paulus das Gesetz vnd Euangelium gäs-  
 gen andern stelt/als 2. Cor. 3. ernideret er das  
 Gesetz vnd neit es den büchstaben/ in stein  
 gegraben/ der da töde vnd die verdammuß  
 predige: Dargegen nennt er das Euange-  
 lium den Geist/in die hertzen geschriben/dz  
 läbēd mache vñ die gerächtigkeit predige/2c.

Das Ge-  
 setz ein res-  
 gel vnser  
 läbens/was  
 gut oder  
 böß.

Zum andern ob glych wol das Gesetz  
 Gottes das fürnäm ampt hat die sünd anzü-  
 zeigen vñ vns zeuerdammen/ sol man doch  
 daby nit allein haften/vnd darumb das Ge-  
 setz verachten/oder grob vnd vnbescheiden  
 daruon reden. Dann es hat ouch den bruch/  
 das es ist ein regel od richtschnür vnser lä-  
 bens/wie wir das (nach dem wir in Christo  
 durch den glauben from gemacht vnd Gott  
 versünet worden sind) fürhin führen/vñ das  
 gut thun vnd das böß lassen sollind. Soli-  
 chen bruch zeigt der Herz selbs Matth. 5. vñ  
 die heilige Apostlen in jren gschufften. Dar-  
 umb wirt das Gesetz ouch sin ein form der  
 gerächtigkeit vñ allerley güter wercken: dar-  
 nähend wir ouch sähend was Gott nit wil/  
 was sünd vnd böß ist. Ja die alten künig vñ

## Der III. Artikel

Diener Gottes habēd ire reformationē oder  
verbesserungē nach dem Gsatz Gottes ge-  
richt: als im ersten Artikel anzogen ist.

Das Ge-  
satz straffe  
vnd ordnū-  
g bewaret  
ordnung.

Zum Dritten vnd letzten hat das gsatz  
Gottes / über alles das wir bißhär gehdit/  
ouch den bruch das es züchtige vnd straffe/  
die vmb kein leer noch frönligkeit nüt gū-  
hend/sunder alles verachtend/die waaren re-  
ligion verlachend/pfäzend vnd verkeerend/  
vnd gemeinen wolstand vñ Friden betrübend  
vnd zerstörend: söliche warnet/widerwyßt/  
verbesseret/od so da kein besserung ist trucke  
das Gsatz vnder. Also spricht Paulus/das  
gsatz sye nit den frommen/sunder vnfrom-  
men gäben/2c. 1. Timoth. 1. Vnd söliche ord-  
nung blybt noch in d Chrißtenlichē oberkeit.

Vom erfüllen vnd abgon des Gsatzes.  
Cap. XV.

**I**n end dises articfels ist norwendig  
das ich ouch etwas/ doch kurz / sa-  
ge vom erfüllen des gsatz Gottes/  
vnd von sinem abthün oder abgon:  
wiewol yemants beduncken möchte / söliche  
handlung dienerer mer in den Artikel von  
der gnad Gottes.

Christus  
die erfüllung  
des Gsatz-  
tes.  
Rom. 10.

Christus vnser Herr wirt von Apostlen  
genent die erfüllung des Gsatzes/ vnd ist  
ouch einig/ewig vnd eigentlich. Dan wie er  
alle figuren des Gsatzes erfüllt/vñ alle ver-  
heißungen

beiffungē den Vātern im Gsatz beschābe/  
er statet hat/also ist er auch vnserē gerächti-  
gkeit vñ vollkōmenheit des Gsatzes wordē.

Das G-  
satz halben

Rom. 7.  
vnd 8.

Es ist sunst nit möglich einichē menschen  
vß sinen krefftē dem Gsatz genūg zerbūn:  
Dann es forderet den ganzen menschen vnd  
vßgemachte vollkōmenheit. So spricht Pau-  
lus / Ich weiß daß das Gsatz geistlich ist/  
ich aber fleischlich bin/vñ vnder die sünd ver-  
koufft. Itē/ Der sū des fleischo ist ein synde  
schafft wider Gott/sittmal es dē gsatz Got-  
tes nit vnderthon ist: dan es vermags auch  
nit. Darumb hat Gott sinē sun gesandt vnd  
dem Gsatz vnderthon/ er hat im gnūg ge-  
thon/vß das sin gehorsamme/ erfüllen des  
Gsatzes vñ gerächtigkeit/ vß vns geräch-  
tet wurde/die wir in in glaubend. Daruon  
Gesich wyter Rom. 5. vnd 8. Galat. 4.

So erfüllend wir nun das Gsatz / wenn  
wir das thūnd/das vns das Gsatz angibt/  
namlich dz wir vnser sünd erkēnend / in vns  
kein gerächtigkeit sūchēnd/sünd allein durch  
den glauben in Christo/ vñnd glaubend das  
sin vollkōmenheit vñ gerächtigkeit vnser ist.

Wie soll  
das Gsatz  
erfüllend

Vñ die also gerächt gemacht sind vß gnas-  
den / habend den geist Gottes / welcher sy  
trybt nach dem gsatz Gottes zū läben/wel-  
ches sy auch thūnd. Si ewyl aber in dē glaus-  
bigē Biß in tod die Blödigkeit überblybt / ja  
sich auch für vñnd für rott vnd übt / das die



## Ser IIII. Artikel

wereck oder gehorsame des Gsatztes nimmer  
so gang vnd vollkommen sind wie sy syn sol-  
tend/ die gläubigen aber mit Gott vereini-  
get/ Gottlieb sind/ gefalt jr arbeit vnd gehor-  
same Gott Darumb spricht Joannes/ Wär  
sine gebort halter der blybt in jm/ vnnnd er in  
jm. Item/ Das ist die liebe Gottes/ das wir  
sine gebort halhind/ vnnnd sine gebort sind nit  
schwär. Ja de der Christi geist in jm hat/ zc.

1. Joan. 3.  
vnd 4.

Wie wir  
vnder der  
gnad/ nit  
vnder dem  
Gsatzt  
lyend.

Darumb müßend wir fürhin auch besä-  
hen/ wie Paulus sage/ wir sygind nit vnder  
dem gsatzt/ sunder vnder der gnad/ vnd wir  
sygind vom gsatzt erlöset/ zc. Solichs hat vn  
gezwyflet die gestalt/ das durch die gnad (als  
ouch erst gemäldet worden) die erfüllung  
des gsatztes Christi vnser worden/ vnnnd der  
vnwill des fleischs/ den es vß seiner bösen  
art wider das gsatzt gefasset hat/ hingenom-  
men ist/ vnd ein frywilliger geist/ der Gott  
vnd sin gsatzt lieber/ gäben ist/ welcher vnge-  
trungen das thüt (so vil jm möglich) das im  
Gsatzt geforderet wirt. Vñ also sind die Jä-  
hen gebort nit abgethon oder vsgehebt/ das  
sy in der kyrchen nit mee sollind geprediget/  
oder nit me solle darnach geläbt werde. Dar-  
von ouch d Herr Christus selbs redt Mat-  
t. 23. cap. Vnnnd welche den geist Christi nit ha-  
bend / dörffend kein fryheit oder erlöschung  
vom gsatzt rümen vnd die fryheit jrer fleisch-  
lichen büberyen fürwelben. Darvon lyß wy-  
ter

ter Rom. 8. Galat. 5. 1. Pet. 2. vnd 2. Pet. 2.

Fre das Gsatzt heist ouch die maledyung vnd straff die durch das Gsatzt getrdwrt wirt: item die Sünd / die durch das Gsatzt anzeigt vñ hãrfür bracht wirt. So nũ durch die gnad die Sünd verziget ist / nit daß sy in vns nit sye / sunder vns zur verdammuß nit gerächnet werde: so ouch durch die gnad die maledyung vnd straff den gläubigen hinweggenommen ist / sind sy nit mee vnder dem gesatz / sunder vnder der gnad / vñ sind erlöst vom gsatz / das abgangen ist.

Wie das Gsatzt abgethon.

Mee hat das gsatz Gottes vil figuren vnd ceremonien / Brüch vnd sitten im göttsdienst. Soliche sind durch Christum all abgethon vnd vßgehebt. Dan wir habend in der Christenlichen kyrchẽ nit mee die regierung vnd ceremonie Mosis / sunder was vns die heiligen Apostilen angäben habend mit dem heiligen Euangelio. Darvon wirt mee geläsen Act. 15. Galat. 4. Ephes. 2. Coloss. 2. Doch wie die Brüch alle hin vñ wäg gangen sind / also blybend die gschriftẽ / die man mit Christo / in welchem wir habend alle vollkommenheit / vßlegen vnd erläuteren sol.

Die Ceremonien hinweggenommen.

Die geschrift nit abgethon.

Zu lest sind ouch die Grichte hinweggenommen von Christo / nit dz kein gricht noch recht mee solle syn in der Christenheit / welche ymmer vñnd allwäg vnder Biderben lüren blybend: sund das / so vil die vñstand belägt in

Wie die Grichte hinweggenommen.

### Der IIII. Artickel

den gerichtren/dem Jüdischen volck allein vff  
ein zyt nach gelägenheit ires lands vnd po-  
licy gäben/die Christen damit vnbela den vff  
fry gesprochen sind/also daß sy nach gelägen  
heit irer landen/lüten vnd zyten/die Gsatzte  
vom gricht vnd rächte nach der gerächtrigkeit  
vnd gemeinem friden richten mögend. Das  
ouch die Christlichen Keyser gerhon/vil  
güter Gsatzten/den gsatzte Got-  
tes gemäß/hinder inen ver-  
lassen habend.

Den

Von der Gnad Gottes  
 der wält durch Christum vns  
 sern Herzen bewisen: vnd  
 von der Grächmachung.

Der V. Artickel.

**A**lle vnd yede Chri-  
 sten söllend insonder  
 heit wol behaltē das  
 Joannes im heiligē  
 Euangelio spricht/  
 Sz gsatz ist durch  
 Gosen gāben: die gnad vnnnd war-  
 heit ist durch Christum Jesum ent-  
 standen: darumb söllend sy wüssen  
 das der mensch nit durch das gsatz  
 Gosis/sunder durch die gnad Got-  
 tes in Christo / from oder grächt vñ  
 sällig wirt. Sas ist aber die gnad  
 Gottes / das er vß jm selbs / das ist  
 vß luterer güte vnnnd barmherzig-  
 keit / one allen verdienst der men-

## Ser V. Artikel

sehen / den sündler zu gnaden vsgenommen / im sin sünd verzigend / vnd zum erben des ewigen läbens gemacht hat. Soliche gnad aber hat er von ewigkeit angesähen / zu seiner zuebewysen der wält / durch vnseren Herren Jesum Christum : welcher in dise wält kommen / alle himmelische vnd des heils schätz in im hat / dem gsatz Gottes gnüg gethon hat / für der wält sünd willig vnd gehorsam gemarteret vnd gestorben ist / hiemit die bezalung gethon vnd ranson erlegt / damit vns vnser sünd vergäben / nit mee gerächnet wird dind zur verdammuß / sunder sin volkomne gerächtigkeit vnns so wir gloubtrind verrächnet wurde zur gerächtigkeit. Sann durch den glauben werdend wir der erlösung vnd der gerächtigkeit Christi teilhaftig. Darumb auch die heilig Apostolisch geschriff vilfaltig vnd einhällig züget vnd leert / daß wir alle  
lein

Von der Gnad in Christo. 75

lein durch den glauben / vnnnd nit durch die werck / vor Gott / gerächt vnd also von schuld vnnnd pyn ledig gesprochen werdind / vnnnd desßhalb die gläubigen alles in Christo allein habind. Das aber dem allem also sye / zeigend wir an durch folgende Capitel misunderschafft heiliger gschrifft.

Das der mensch nit durch das gsatz Mo-  
sis / sunder durch die gnad Gottes gerächt  
vnd heil werde. Cap. I.

**D**erwyl im dritten vnd vierdten ar-  
tichel von der Sünd vnd von dem  
Gsatze / das die sünd offnet / vnnnd  
vnser verschuldte verdammuß ver-  
fündt / gesagt / volgt yetzund im 5. artichel  
von der Gnad Gottes vnd von verzyhung  
der sünden durch Christum: dise beyde teil  
hat Joannes begriffen mit sinem vorerzehl-  
ten spruch / Das gsatz ist durch Mosen gä-  
ben / 2c.

Das aber der mensch nit durch das Gsatz  
Mosis / sunder durch die gnad Gottes in Chri-  
sto gerächt oder from vnd heil werde / ist der  
rächt hauptartichel der heiligē euangelischē  
vnd apostolischē leer. Durch das Gsatz sol  
man verston alle die werck / die mā nach allē  
reden des gsatzes thun kan vñ mag / die bes-

Durch die  
gnad Gode  
ren in Chri-  
sto / nit  
durch das  
gsatz Mo-  
sis / werdt  
wir from

## Ser V. Artickel

schäbnd glich nach den zähen gebottē/ oder nach den ceremonien/ oder nach den gerichtē. From oder gerächt werden/oder rächtfertigē/heißt der klag des gsatzes/der sünd vnd verdammuß vor dem gericht Gottes ledig gesprochen werden / die sünd zür verdammuß nit rechnen/sünd die gerächtigkeit Christi vfrechnen/vñ also grächt/heil oder ein erben der sälligkeit machen. Dan also wirt gebucht vnd erklärt das wörtli Gerächtigkeit vnd gerächtmachen/Proverb.17. Rom.4.5. vnd 8.2. Cor.3. Acto.13.cap.

Da so kan vñ mag hic kein werck/das der mensch nach dem gsatz thun kan/den menschen rächtfertigen/ das ist von der sünd vñ von der klag vnd verdammuß des gsatzes vor dem gericht Gottes erledigen/mit Gott vereinige / gerächt oder vollkōmen from vñ sällig machen. Das kan allein die gnad Gottes in Christo thun: also das welcher anders halt/leert vnd gloubt/ die gnad Gottes wirfft/vñ Christum vnnütz/ vñ deshalb die ganz euangelisch vñ apostolisch leer zū nit macht. Dann Paulus spricht vstruckēlich Rom.3. Durch die werck des gsatzes wirdē kein fleisch vor im grächtfertiget. Dan durch das gsatz kumpt die erkantnuß der sünd. Nun ist aber one dz gsatz die gerächtigkeit Gottes geoffenbaret/ durch den glauben in Christum Jesum. Dan sy werdend one verdienst

Von der Gnad in Christo. 76

dienst/ from gemacht/ vß seiner Gnad/ durch die erlöschung die da ist in Christo Jesu / 1c. Der selb Paulus spricht ouch zu den Galatern am 2. cap. Wir wüßend das der mensch durch die werck des gsatztes nit gerächt wirdt/ sunder durch den glauben in Jesum Christum. Vnd wir habend in Jesum Christum gloubt/ vß dz wir grächt gmacher wurdind durch den gloubē in Jesum Christum/ vñ nit durch die werck des gsatztes: daruñ das durch die werck des gsatztes kein fleisch grächt gmacht wirt. Item/ Ich verwirff nit die gnad Gottes. Dann so durch das gsatzt die gerächtigkeit kumt/ so ist ye Christus vergäblich gestorbē. Vnd im 5. cap. zu den Galatern / Sehend ich Paulus sag üch / wo irlich beschnydē lassend/ so ist üch Christus kein nütz. Ich züg aber einē yerlichen der sich beschnydē laßt/ dz er noch dz gätz gsatzt schuldig ist zehaltē. Ir sind von Christo abgefallen/ welche ir durch dz gsatzt gerächt werdē wöllend/ vñ sind von der Gnad abgefallē 1c.

Was die Gnad Gottes sye/ vnd das der Sünder one allen sinen verdienst zu gnaden vsgenommen werde. Cap. 11.

**D**ie gnad Gottes aber ist der güte gunst vñnd gnädig will/ ja Gottes güte selbs vnd Barmhertzigkeit/ vß welcher er / one allen vnseren ver-

B üß

Was die  
Gnad  
Gottes sye



## Der V. Artikel

dienst/ vnd one alle vnserer wirdigkeit vñ ver-  
gältung/allein das er von seiner art vñ natur  
gütig vnd gnädig ist/ vns armen sündler lie-  
bet/sich vnser vätterlich annimpt/begnadet/  
von sündē reiniget/vnd zū seinen kinden vnd  
erben annimpt. Difes erlütteret gar schön vñ  
lieblich vnser Herr Christus im Euangelio  
mit der überuß zierlichen parabel von dem  
gütigen vatter vnd verlornen Sun Luce 15.  
cap. Dann da begnadet der vatter nit nun-  
den verthonen/schandlichen Sun/ sunder  
er reiniget ja ziert in/ vnd setz in erst ouch in  
alle sine güter/ 1c.

Vnser Herr spricht im Euangelio Joane  
nis/Also hat Gott die wält geliebet/dz er si-  
nen einigen Sun gab für die wält/ vff das  
ein yetlicher d in in gloubte/nit gericht wur-  
de/sunder hätte das ewig läben. So spricht  
Joannes der apostel in seiner Epistel am 4.  
capitel / Hieby ist erschienen die liebe Gottes  
gegen vns/das Gott seinen eingebornē Sun  
gesendt hat in dise wält/ das wir durch in lä-  
ben söllend. Darin stat die liebe/nit das wir  
Gott geliebet habind/sunder das er vns ge-  
liebet hat/vñ seinen sun gesendt zür versünig  
vnd bezalung vnserer sündē. Mit dem heil-  
ligen Joanne mitstimpt ouch Paulus vñnd  
spricht ad Titum 3. cap. Es ist erschienen die  
gütigkeit vñ fruntligkeit Gottes vnserer hei-  
lands/ nit vmb der wercken willen der ge-  
rächrigkeit

Vonder Gnad in Christo. 77

rächtigkeit / die wir gethon hattend / sunder  
nach seiner Barmhertzigkeit / hat er vns sällig  
gemacher / durch das Bad der widergeburt  
vnd ernüwerung des heiligen Geists / wel-  
che er über vns vßgossen hat rychlich / durch  
Jesum Christum vnsern heiläd / vff das wir  
durch des selben gnad grächt gemacher / er-  
ben syend nach der hoffnung des ewigen lās-  
bens / 2c. Vñ diser gnad Gottes hab ich ouch  
erwz daoben im 2. artickel anzogen im 7. cap.

Das Gott von ewigkeit angesehen / sin  
Gnad der wält durch Jesum Christum  
bewysen. Cap. III.

**S**ömliche sin Gnad aber hat Gott (als  
in anzognen sprüchen der heiligen  
Schrift schon benamset ist) in si-  
nem ewigen radtschlag beschlossen /  
durch Jesum Christum / zü gelägner zyt die  
im gefiel / der wält zü leisten. Dan wie Gott  
von ewigkeit har des menschen faal vnd ver-  
derbung sach / also rust er ouch von ewigkeit  
har die artzney zü / damit er der verlornē wält  
widerum hälffen wolt / vnd schlug an das er  
wölte sinen Sun lassen mensch werde / in die  
wält kommen / vñnd den faal widerbringen.  
Darnon redt der heilig apostel Paulus also  
zü den Ephes. 1. cap. Gott vñnd der vatter  
vnser Herr Jesu Christi / hat vns in im  
erwöllet / ee dan der wält grund geleit was /

Der ewig  
radtschlag  
vom heil  
des mens-  
schen.

## Der V. Artikel

Das wir soltind syn heilig vnnnd vnsträfflich  
 vor jm/in der liebe/ vñ hat vns vorbestimpt/  
 Das er vns zu kindern annehmen wolte durch  
 Jesum Chrustum / nach dem wolgefallen sei-  
 nes willens/ zu lob d herligkeit seiner Gnad/  
 Durch welche er vns hat begnadet in dem ge-  
 liebten : in welche wir habend die erlösung/  
 Durch sin blüt/ die vergebung d sündē/ nach  
 der rychtum seiner gnad/ welche er über vns  
 überschütt hat/ &c. Vnnnd so dem also ist/ sol  
 man von der grächtmachung nit also redē/  
 als ob wir durch Gottes ynwonende gnad  
 vnd wäsen from werdind/ d mitter Chrustus  
 muß heiter gemeldet werdē: Durch welchen  
 vns Gott gnädig ist vnd vns für from halt.  
 Es gond ye alle verheissungen Gottes von  
 anfang der wält vff Chrustū / Das Gott vns  
 wölle/ vmb sinent willen/ vnnnd in jm allein/  
 gnädig vnd barmherzig syn. Darvon ouch  
 Daoben gesagt ist im 2. articke am 7. vnnnd  
 10. cap.

Das in Christo Jesu sye alle vollkommene  
 heit / er dem g'agt gnüg gechon vnd vnsere  
 gerächtigkeit worden sye. Cap. 1111.

In Christo  
 ist alle voll-  
 kommen-  
 heit.

**N** Je ist aber das mittel/ das heil/ oder  
 der heiland vñ die artzny dardurch  
 der verloznen wält widerumb solt  
 geholffen werden / namlich vnser  
 Herr Jesus Chrustus mit seiner gehorsame  
 vnd

Von der Gnad in Christo: 78

vnd erlöfung dermassen frefftig vnnnd voll-  
 kommenlich zügerüst/das jm gar nüt deren  
 Dingen manglet/die zü diser widerbringüg/  
 Begnädigung/erlöfung/reinigung vnd er-  
 nütwerung/ja zü verlyhung der gerächti-  
 keit vnnnd deß ewigen läbens dienend/oder  
 norwendig sind. Dann in vnserm Herren  
 Christo/als in dem waaren läbendigen sun  
 Gottes vñ Marie der jungffrouwen/sind  
 verschlossen alle gnaden vnnnd alle himmeli-  
 sche schätz/welche er ouch jm nit selbs bhalt/  
 sunder vns/nach sinem wolgefallen vnd vns-  
 er nodturfft/mitteilt/also das wir überall in  
 feinen Dingen/die da dienend zü vnser ger-  
 rächtigkeit/vollkommenheit vnd sälligkeit/ei-  
 nichen mangell habend. Er ist vnser mittler/  
 vnser erlöser/vnser künig vnd priester/vnser  
 retter/verträter/fürbitter/opffer/vnsere Be-  
 gnädigung vñ bezalung/vnser einiger trost  
 vnd heiland/in welchem wir alles das rych-  
 lich habend/das zü volkommenem vnserm heil  
 dienet. Das züget er alles selbs im heiligen  
 Euangelio/vnd spricht/er habe allen gwalt  
 in himmel vnnnd vff erden/darumb solle ye-  
 derman zü jm kommen/er wölle all vnser  
 mängel erstatten/vnnnd rächte rüw gäben/er  
 sye das rächt himmelbrot/welches ersettigen  
 könne zum ewigen läben/ja das aller hun-  
 ger vnd durst hinfalle/vñ vollkomne ersettig-  
 ung volge. So spricht der heilig Joannes

Matth. 28.  
 vnd 25.

Joan. 6.

## Der V. Artickel

**Joan. 1.** im heiligen Euangelio/ Von seiner völle habend wir alle genommen / gnad vmb gnad. Dañ das gsatzt ist durch Mosen gegäben/ Die gnad vnnnd warheit aber durch Jesum Christum erworben oder entstanden vñ kommen. Item / Der vatter hat den sun lieb/ vñ hat jm alles in sin hand gäben. Wår nun in den sun gloubt / der hat das ewig läben/ ic. So züget auch Paulus vnd spricht/ Es hat Gott dem vatter wolgefallen / das in Christo alle völle wonen sölle / vnd das alles durch in versünnet wurde/ es sye vfferden od im himel / damit das er frid machte / durch das blüt an sinem crütz / durch sich selbs. Dann in jm sind verborgen oder behalten alle schätz der wyßheit vnd der erkanntnuß. Vnd in jm wonet die ganz völle der Gottedheit wäsenlich / vnd jr sind in dem selben erfüllt oder veruollkömnet. Der selb Apostel Paulus erwist auch in der epistel zu den Hebricern / das welcher den Herren Christum mit waarem gloubē besitzet / in jm alles das habe / das in dem gsatzt / im priesterthumb vnd opffern / ja mit allen ceremonien sye angebildet worden / vñ deßhalb bedd:ffe der mensch keinen andern dingen / nach Christo / nit nachzefragen.

**Christus**  
 unsere ges  
 taltigkeit.

Vnd wie Christus unsere vollkömne volle kommenheit ist / also hat er dem gsatzt Gottes gnüg gethon / vnnnd vns auch das gsatzt erfüllet

Von der Gnad in Christo. 79

erfülle / vnd sin erfüllung vnd gerächtigkeit  
wirt / vß sinen gnaden / durch den glauben /  
vnsere. Dann Christus ist vnser gerächti-  
keit vnd vollkōmenheit oder erfüllung deß  
gesagtes: wie heiter bezüget wirt Jerem. 23.  
vnd 1. Cor. 1. da Paulus spricht / Christus  
Jesus ist vns gemacht von Gott zur wyß-  
heit vñ zur gerächtigkeit / vnd zur heiligung  
vnd zur erlösung / vff das wie geschubten  
stätt / wår sich rümpet sol sich deß Herren rü-  
men. Hie von redt noch mee Paulus zu den  
Rōmern am 8. vnd zu den Galatern am 4.  
Darvon ist ouch vor gesagt im vierdten ar-  
tichel am 15. capitel.

Das Christus Jesus für vnser sünd ge-  
storben / die bezalt vnd vollkōmen verthigen  
habe. Cap. V.

**D**amit aber noch heiterer verstanden  
werde wie Gott vns sin gnad in  
Christo Jesu sinem Sun bewisen  
habe / vnd mit was form wyß vnd  
maaf wir erlöset sy ed / Bericht vns die heilig  
geschafft / das Gott sich über die Sünd (wie  
ouch im dritten artichel gesagt) erzürne / vnd  
diewyl er gerächt / sy vngestraafft nit lasse.  
Dannenhär ouch Paulus gesagt / one blüt- Hets. 2  
uer giessen beschähe kein verzybüg. So nun  
die strafft vff vns gefallen / wåre durch die  
menschē / von wegen irer anerbornē prästen

## Der V. Artikel

Statt 11.

vnd verderbung/mee der straff vnd Sünd,  
vff dann abgeleit: darumb hat Gott sinen  
Sun geordnet/den vnschuldigen vñ reinen/  
das vff in vnser Sünd gelegt/ vñ er einmal  
für vns litte vñ vns alle damit reinigete/ od  
die schuld vnd pyn bezalte vnd Gott versü-  
nere. Welches er auch allein vermochte.

Christus ist  
für vns ge-  
storben.

Das aber Christus Jesus vnser Herr ge-  
litten habe vnd vmb vnser aller willē gestor-  
ben sye/dz er Gott versünere/vnsere sünd be-  
zalte vñ volkōmen verzige/ vergābe oder rei-  
nigete/ züget das gsagt mit sinen vilfaltigē  
opfferen für die Sünd: item es zügend som-  
liche auch die heiligē propheten in iren pro-  
phocyen / auch das heilig Euangeliū vñ die  
leer der vßerweltē apostlen. Solich lyde vñ  
der vnschuldig tod oder die gehorsame Chri-  
sti ist die begnädigung für vnser sünd/die be-  
zalung die Gott annimpt/ ja die ranson die  
Christus am crütz erlegt/ darumb auch Gott  
die gefangnen/ja zum tod vnd verdammnis  
verurteilte/ledig vñ fry onentgultē gō last/  
darzū wider zū sinen kinden vnd erben an-  
nimpt. Ja Christus ist am drittē tag von tod  
widerum auferstandē/ damit wir heiter  
sāhind das er herte mit sinem tod den ewi-  
gen tod/ sünd / rüfel vñnd hell überwunden  
vnd den gläubigē zerträtten:wie der heilig  
Paulus vilfaltig erkläret 1. Cor. 15.

Vnd hie ist kein ander ding in himel vnd  
vff

Christus ist  
die bezalung  
vnser sün-  
den.

Von der Gnad in Christo. 30

offerden das Gott ansäbe vnd darumb er  
vns gnädig ist/die sünd verzycht vñ vns für  
die sinen erkennt/dann allein das blüt / das  
lyden vñ der tod oder die gehorsame Christi.  
Das vnd kein anders mittel hat allen denen  
geholfen von anfang der wält denē geholfen  
wordē ist. Darumb auch Joānes spricht/ *Apoc. 13*  
Christus sye das lam / das von anfang der  
wält geopffert oder getödt/das ist / welches  
tod vnd offer von anfang an allen gldubi  
gen freffig gynn sye. Also spricht auch Pau  
lus/Glych wie durch deß einigen menschen  
vngheorsame vil zū sündern wordē sind: also  
auch durch deß einigen gehorsame werdend  
vil gerecht gemacht. *Rom. 5 cap.*

Hiehar hörend die offer im gsatz/vñ in  
sunders das allgemein groß jürlich offer/  
von dem geschribē ist *Leuit. 16.* vnd welches  
Paulus oflegt zū den Hebreern/vñ spricht/ *Heb. 10*  
Christus hat ein offer für die sünd geopffe  
ret/vnd sich ewiglich gesetzt zur rechten  
Gottes. Dann mit einem offer / hat er in  
ewigkeit vollkommen gemacht alle die gebeil  
get werdend. Hiehar dienend die herrlichen  
sprüch vß dem Euangelio vñ vß der leer der  
heiligen apostlen/welche vnsern Herren/sin  
tod/blüt vñ lyde / neñend ein begnädigung/  
danne nämlich die gnad vnd versünungers  
woben/vnd der zorn vnd aller vnwill Got  
tes abgestellt wirt / vñ darumb auch die ver



## Ser V. Artickel

2. Pet. 1.

sunung vnd bezalung vnd ranson oder loß  
gält heist/welchs so es erlegt wirdt/die ge-  
fangne onengoltē vß gelassen werdēd. Dar-  
von sind zügnussen Matt. 20. Luc. 1. 1. Tim.  
2. Heb. 9. 1. Ioan. 2. 4. 1c. S. Peter begryffe  
das alles mit wenig worten vnd spricht/Ze  
sind nit erlöst mit zergänglichē silber oder  
gold/sunder mit dem thüren blüt Christi/also  
deß vnschuldigen vnd vnbesleckten lambes/  
der zwar vorhin versähē ist vor der wält an-  
fang/aber yetzund erst zü den letzte zyten ge-  
offenbaret ist/1c. Darumb sich ye billich die  
tibel schämen söltend/so ächt einiche scham in  
inen wäre/die ablaß der sündē vmb gält ver-  
kouffend : von denen aber ouch S. Peter  
gnügsam vnd wyter sagt Act. 8. vnnnd 2. Pet.  
2. cap.

Wie die bezalung Christi vnser werde/vnd  
welcher gestalt wir vnser sünden gelediget  
rein vnd gerächt werdind. Cap. VI.

**W**id so wir yetzt bericht sind/welcher  
form/wyß vnd gestalt Gott vns sin  
Gnad in Christo bewisen/wie Chris-  
tus vns mit sinem tod erlöst/ all  
vnser sünd bezalt vnd hingenommen habe/  
so vil sin person vñ werck belangt: also müs-  
send wir ouch wyter wüßsen/so vil vnser per-  
sonen belangt/wie söliche bezalung oder be-  
gnädigung vff vns komme/ vnser werde/  
oder

## Von der Gnad in Christo. 81

oder welcher form / wyß vñ gestalt wir vnser  
sünden gelediget / rein vñ gerächt werdind /  
also das nit nun die bezalung vnd erlöschung  
in Christo / sunder ouch in vns / ja vnser sye /  
in vns mit heil empfunden werde. Dauon  
ist ouch vor etwas gesagt / namlich das vns  
die sünd nit dermassen verzigē werdend / dz  
sy nit geschähen syend / oder das die sündig  
art gar vß vns genommen / oder vßgerütet  
werde / sunder also / das wenn sy begangen  
sind / oder so sich der präst in vns übt vñ rodt /  
Gott vns vnser begangne sünd / vnd ouch  
yngewurgte prästē nit zum tod oder zur ver  
damnuß verrächnen wil: vnd das wir durch  
den waaren glauben sölicher gnadē teilhafte  
vnd also Christo yngelybet / das wir warlich  
vor Gott / von Christi wägen / rein vñnd ge  
rächt geschetzt werdend.

Wie vns  
die sünd  
vergäben  
werde.

Dann also spricht Paulus / Gott was in  
Christo / vnd versünēt die wält mit jm selber /  
in dem / das er jnen jr sünd nit zürächnet.  
Vnd widerumb / David beschrybt ouch die  
säligkeit des menschen / welchem Gott zür  
ächnet die gerächtigkeit / one die werck / vnd  
spricht / Sälig sind die / welchen jre misstha  
ren nach gelassen sind / vnd welchen jre sünd  
bedeckt sind. Sälig ist der mann / welchem  
Gott die sünd nit zürächnet.

2. Cor. 5.  
Vns wirt  
vnser  
sünd nit  
verrächnet

Das vntre  
die geräch  
tigkeit Chri  
sti vßgeräch  
net.

Sprichst / Ich bin wol rein von sünden /  
Diewyl mir Gott min sünd nit verrächnen

## Der V. Artikel

wil von Christi tods vnnnd gehorsamme wä-  
ge: wo hab ich aber yetzt ouch gerächtigkeit?  
Dann ob ich glich wol güts würcken vß der  
gnad Gottes / ist doch in mir biß in minen  
tod der präst so starck / das er mir alle mine  
werck verhönt / das ich sy / als ein vollkomne  
gerächtigkeit / für Gottes ougen / nit bangē  
gedar: wo hab ich nun gerächtigkeit? Vor ist  
dir gesagt / das Christus dem gesetzt habe  
gnüg gethon / vñ sye worden vnser geräch-  
tigkeit / ja in jm sye alle vollkommenheit. Das  
wüß yetzdan / das Gott die vollkommen ger-  
ächtigkeit Christi dir verrächnet für din ei-  
gne gerächtigkeit: darumb bist du vollkom-  
men / gerächt / ja veruollkommet in Christo / so  
du in jm gloubst. Daruon ouch daoben ge-  
sagt / vnnnd Paulus wytlouffig schrybt Ro-  
man. cap. 4. vnd Galat. 3. Rom. 8.

Das durch den gloubē / mit durch die werck  
die gerächtigkeit Christi oder die erlösung  
angenommen vnnnd vnser eigen werde.  
Cap. VII.

Durch dē  
glouben  
nemmend  
wir an das  
heil.

**D**As aber der gloub das mittel sye  
dardurch wir der gnaden Gottes  
teilhaft / das ist das wir durch den  
tod Christi erlöst / Gott vereiniget  
vnd von sünden gereinigt werdind / darzu  
die gerächtigkeit Christi vnd das ewig läbē /  
vnser / als kindern vnd erben Gottes / eigen  
werde /

Von der Gnad in Christo: 82

werde/leert vns vnser Herr vilfaltig im heiligen Euangelio. Dañ weñ anders nüt wärs re dañ das 6. cap. Joānis/ soltend wir gryffen das Christus mit dem glauben angenomen wirt/ glych wie die spyß mit dem ässen/ vñ sunst mit keinem anderen mittel. Er legt aber heiter das ässen vß mit dem glauben/ vnd spricht / Warlich sag ich üch/ wår in mich gloubt der hat das ewig läben. Item/ Warlich warlich sag ich üch / wo jr nit das fleisch deß suns deß menschen ässend / werdend jr kein läben in üch haben/ &c. Vnd widerumb/ Wår zü mir kumpt / den wirt nit hungern: vnd wår in mich gloubt/ den wirt nimmermer dürsten. Sahin dient ouch das dritt capitel Joannis. So spricht der Herr allenthalben im Euangelio / Sin gloub hat dir geholffen. Allein gloub so wirt dir geholffen. Magst du glauben? Gloubst das ich das thun möge? Marc. 6. läsend wir/ Vñ er fonde in sinē vatterland einiche thaat nit thun/ onet das er etliche siechē heilet. Vnd et verwunderet sich jres vnglaubens.

In Geschichten der heiligen Apostilen spricht Petrus/ Von Christo zügēd alle Propheten/ das durch sinen nammen alle die in gloubend vergabung der sünden empfangen söllend. Vñ zü Paulo spricht Gott / Ich schicken dich zü den Heyden/ daß sy sich bekeerind zü Gott/ vö dem gwalt deß Tüfels/

## Ser V. Artickel

vnd empfahind vergabung der sünden vnd  
das erb mit denen die geheiligt werdend  
durch den glauben in mich.

Durch die  
werck nem  
mend wir  
mit an das  
heil.

Dañ so vil die werck betrifft/weiß menig  
lich wol das mit inen die verheissung wer  
der angenommen wirt/nach sy vor dem glou  
ben gond/ sunder erst nach vnd vß dem  
glauben volgend / vnnnd von denen besche  
hend/ die fromm gemachet sind: so müßend  
ye die sy thünd vor den wercken fromm syn/  
frylich vß der gnad Gottes in Ch:st) durch  
den glauben.

Das die heilig Apostolisch geschriffte ein  
hällig züge/ das wir allein durch den glou  
ben vnd nit durch die werck geräch: fertigt  
werdiind. Cap. VIII.

Warumb  
man sage  
allein der  
gloub ma  
che fromb.

**D**iewyl dañ Christus Jesus vnser  
einige ewige geräch: tigkeit ist / also  
der für vns gestorbe vnd widerum  
von todten vferstanden ist/ vnd hies  
mit vnser Stünd vns abgenomē hat/ das  
vns die Gott nit mer rechnē / sund mit vns  
zü fridē/ vns die geräch: tigkeit Christi vfräch  
nen wil: vnnnd aber der gloub ( vnd nit die  
werck die wir vß dem glauben thünd) Chri  
stum Jesum annimpt/ vnd vns sin vñ siner  
geräch: tigkeit ja alles heils teilhafft macht/ so  
sagt die heilig apostolisch geschriffte/ das wir  
durch den glauben vnd nit durch die werck  
from

Von der Gnad in Christo. 85

from gemacht od gerächtfertiger werdind/  
oder dz vns der gloub zur gerächtigkeit ver  
rächner werde. Dann so das vnser werck  
thätend/dö:ffrend wir Christi nüt mee vnn  
wäre. der gloub abgethon/wie ouch Paulus  
schlüßt Gal: 2. Rom. 4. cap. Darum weiß  
wir sagēd allein der gloub mache from/wöls  
lend wir mit dē wörtli Allein/alle eer Gott  
vñ dem lyden oder verdienst Christi zügäbē  
vnd rein behaltē/damit/als Paulus Rom. 3.  
spricht/ Gott gerächt sye vnd gerächt mache  
der da ist deß gloubens in Christum. Wir sa  
gend darum aber nit dz der gloub allein/dz  
ist one güte werck/sye/od dz die güten werck  
nüt vnd zeuerachten syend. Von jnen wurde  
ouch an sinē ort gesagt werdē. Einmal aber  
sol vnuermischt luter vñ rein alles heil allein  
der gnad Gottes in Christo durch den glou  
ben zügäben werden.

Das aber sölich/namlich das der gloub  
allein rächtfertige/vilsaltig vnd einhällig in  
der apostolischen geschüfft Bezüget werde/  
sindt sich besonders in dem heilige Euange  
lio Joannis/als im 3. vnd 6. capitel. Im 17.  
spricht der Herr/Das ist aber dz ewig läbē/  
dz sy dich/der du allein warer Gott bist/vñ  
den du gesende hast Jesum Christum/erken  
nind. Dann Isaias am 53. cap. spricht/Min  
gerächter Knächt wirt durch sin erkantnuß  
die gemeind rächtfertigen/od gerächt machē.

## Der V. Artikel

Dañ er wirt jr sünd hintragē. Der prophet  
Abacuk spricht/ Der gerächte wirt deß (od sine)  
gloubens geläben. S. Paulus handelt  
diesen artikel insonderheit zū den Römern  
vnd Galatern. Vnder anderem spricht er zū  
den Römern/ Wir werdend vergäbens/ od  
one vnsern verdiens/ from gemacht vß sine  
gnad durch die erlösung in Christo/ 2c. Vnd  
bald darnach/ Wir beschliessend/ dz d' mensch  
gerächte gemacht werde/ one die werck deß  
gesetztes/ durch den gloubē. Was köñte aber  
klärsers gesagt werdēt? Vnd so yemants solte  
durch die werck gerächte fertigt worden syn/  
wäre frylich Abraham / d' auch vor dē gesetzte  
gsyn/ durch die werck sines gloubēs grächte  
fertigt worden. Nun aber wirt im sin gloub  
verrächnet zür gerächtekeit/ vnd sagt die ge  
schafft/ er habe sich hierin d' werckē vor Gott  
nit zerümē. Dañ dem d' wercke vn arbeit/  
werde d' lon nit vß gnad zü gerächnet/ sünd  
als ein schuld: dem aber d' nit wercke/ gloubē  
aber in den d' die gottlosen from mache/ dem  
werde sin gloub grächnet zür gerächtekeit.  
Vñ über das alles schlüßet er im end deß ca  
pitels/ das Abrahams kinder werdind auch  
glycher gestalt wie der vatter gerächte ferti  
get/ also/ das auch vns der gloub/ dē wir ha  
bend in tod vnd vristende Christi/ verrächnet  
werde zür gerächtekeit. Zū den Ephesern  
am 2. cap. spricht der selb Paulus/ Vß gnadē  
sünd

Rom. 8.

Rom 4.  
Galat. 3.

Von der Gnad in Christo. 84

sind jr sällig worden/durch den glauben:vnd  
dß selb nit vß üch. Es ist Gottes gab: nit vß  
den werckē/vff dß sich nit yemants rüme/2c.

Vñ ist disem allem das S. Jacob in dem  
2.cap. seiner Epistel schrybt nit zū wider. Dañ  
der Apostolisch geist jm selbs nit widerwärtig/  
wie an anderen orten anzeigt ist. Von di  
sem heitern Bericht/den wir yetz vß der apo  
stolischen leer empfangē habend/sol sich nie  
mants abwysen lassen.

Das wir durch den tod Christi ledig von  
schuld vnd pyn durch Gottes gericht ge  
sprochen syend. Cap. IX.

**W**iewol ouch heiter genug in vor  
gender handlung anzeigt ist/das  
vnser Herr Jesu Blüt/lyden/  
gehorsame vñ tod/ aller vnser sün  
den völlige bezalung vnd ranson ist/er vns  
ouch von der sünd tod vñnd hell ja von aller  
flag vollkommenlich erlößt/vñ vns Got durch  
sin vßspruch an sinem gericht ganz ledig ge  
sprochē hat/diewyl aber etwan geleert wirt  
die schuld der sünd sye vns allein abgenom  
me/die pyn aber müßind wir noch lyde oder  
ablegen mit vnserer gnüghung/dann wir  
mögend vnd müßind für vnser sünd genug  
thün/vñnd bezalen:wil ich darwider allein  
das anzeigen/das sich menglich hüre vor  
sömlicher schädlicher meinung. Dann sy nit

von vnser  
gnüghung  
für die  
sünd.



## Der V. Artikel

allein vertilget die Begnadigung vnd Bezalung das ist die vollkōmen gnügthūng für pyn vnd schuld vnseres Herren Jesu Christi/ sunder richt in vnsern hertzen vñ an statt des crützes vnseres Herren Christi vnser eigne menschliche gnügthūng / deren wir dann auch vertrwēnd / vñnd iren zūgābē / das wir sōltend allein dem lyden Christi zūgābē: zū dem wir ouch den abblasträmeren den wāg vffschliessend das sy mit irem Simonischen contract sōliche gnügthūngen vñ ablegen vmb gālts willen nachlassend.

Der glōubigen pyn vñnd lyden.

Es ist wol war / das Christus denen die er vollkōmen erlöset vñnd für sy die ranson gelegt vñnd schuld vñnd pyn bezalt hat / allerley lydens zūfallen last: aber nit darumb das sine erlösete jr sünd damit ablegind oder die pyn ablösend (wie mā das klarlich schliessen mag vñnd dem 17. cap. Luce vñnd Rom. 8.) sunder das er sy übe in gedult vñnd tugenden / vñnd sines lydens teilhafft mache. Dann sunst ist allein Christus vnser Bezalung vñnd gnügthūng / vñnd die er sōllend wir keinem andern / vil minder vnsern armen eignen prästern werckē gābē. Dañ also redt Isaias / Er ist verwundet von wāgen vnserer überträttungen / vñnd ist zerknisset von wāgen vnserer lasteren. Die straff od züchtigung das mit vns sōlt gefridet oder gescheiden werdē wirt ob jm syn: vñnd durch sine wunden oder blütmaa

Isa. 53.

Vonder Gnad in Christo. 85

Blütmasen sind wir gearznet od geheilet/2c.  
Also wirt noch mee vnnnd wyter im selben 33.  
cap. gemaldet/Christus habe vmb vnser wil  
len pyn vnd marter vnschuldig gelitten/dar  
umb das vns wurde verschonet. Darumb  
blybt der tod / das blüt vnd gehorsame oder  
lyden Chusti/die rächt/einig/ewig gnügthü  
ung oder Bezahlung für schuld vnd pyn aller  
sünden. Was aber wyter von den gute wer  
cken (welche die gerächtfertigten vnd ernü  
werten vß dem gloubē vnd krafft des heili  
gen geists/ der inen gaben ist/würckend) zu  
sagen ist/ wirt hernach volgen in dem 9. arti  
ckel dieses büchs.

Das die gläubigen alles in Christo allein  
habind. Cap. X.

**M**it dem beschluß ich yetz disen arti  
ckel / vnnnd sag / das alle gläubigen  
alle vollkommenheit der gerächtigt  
keit vnnnd sälligkeit / dermassen in  
Christo allein habind / das sy die vsser Chri  
sto nit bedörffend zu sūchen / ja ouch nit sū  
chend : diewyl sy sich des einigen Herren  
Chusti vernügen lassend/als in dem sy erset  
tiget/nit wyters zur gerächtigkeit vnnnd säll  
igkeit norwendigs wünschen könnend noch  
mögend.

Christus  
Jesus ist d  
gläubigen  
gnüge als  
lein.

Dann es empfindend ye alle gläubigen/  
(sagend ouch lob vnd danck vnd frolockend

## Ser V. Artickel

Joan. 4.  
vnd 7.

Joan. 6.  
Rom. 5.

Joan. 10.

Joan. 14.

Offet Chri  
sto ist kein  
heil.

Act. 4.

one vnderlaß ) Das wär von dem wasser  
trinckt das vns Christus gibt / nimmer mee  
dürst : Das er in vns läbt vnnnd wir in jm lä-  
bend / deßhalben frid / rüh vnd sicherheit der  
consciengē habend. Dañ vnser Herr spricht  
selbs / Warlich warlich sag ich tich / ich Bin die  
thür : wär nit zur thür hinyn gadt in schaaff-  
stal / sunder stygt andersch wo hinyn / der ist  
ein dieb vnd ein mörder. Ich Bin die thür / so  
yemants durch mich yngadt / der wirt sällig  
werden / vnd wirt yn vnd vßgon / vnd weid  
finden. Ich Bin ein güter hirt / vñ erkenn mi-  
ne schaaff / vnd wirt von den minen erkennet.  
Dann mine schaaff hörend min stim / vnd ich  
kennensy / vnd sy volgend mir nach. Vnd ich  
gib jnen das ewig läben / vnnnd sy werdend  
ewigklich nit verdärben / vnnnd niemant wirt  
sy mir vß miner hand rouben. Ich Bin der  
wäg / die waarheit vnnnd das läben. Nieman  
kumt zum Vatter / Dañ durch mich. Dar-  
umb schlüßet der heilig Petrus rächt vnnnd  
spricht / Es ist in keinem anderen das heil.  
Dann es ist ouch kein anderer nammen vn-  
der dem himmel den menschen gegäben / dar-  
inn wir müßend sällig werden. Dem  
sye eer vnd pryß von ewig-  
keit zu ewigkheit /  
Amen.

Von

Von dem Glouben/vnd  
der predig des heiligen Euangs  
gelij vnd der Büß.

Der VI. Artickel.

**A**lle vnd yede Chriz  
sten söllend wüssen/  
das d̄ Gloub/durch  
den wir gerächtferti  
get werdēd/nit nur  
ein wüssen oder ver-  
stand ist des gemüts / sunder auch  
ein vest vertruwen vnnnd sicherlich  
verlassen des hertzens/vff Gott vn̄  
sin waarhafft wort / insonders vff  
die verheißung vns vonn Gott in  
Christo beschähen / vn̄ vff alles das/  
das in articklen des heiligen Chriz-  
stenlichen gloubens begriffen wirt.  
Vnnnd empfindt der rächtgläubig  
Christi vnd läbt in Christo. Söli-  
cher gloub aber wirdt geleert vnnnd

## Der VI. Artickel

gepflantz mit 8 predig des warhafft-  
ten wort Gottes/ gäbe vnd gemeere  
mit dem läbendigē geist Gottes/ bes-  
gärt mit dem empfigen gebärt/ vnd  
angebildet ouch versiglet mit den  
heiligen Sacramenten. Dann vn-  
ser Herr Christus hat/ disen Glanz-  
ben zü pflanzen vnd zü erhalten/ si-  
ne vnd der kyrchen diener yngesetzt/  
denen die schlüssel geben zum him-  
melrych/ das ist/ daß sy predigen sol-  
lind das heilig Euangelium von  
der verzyhung der sünden/ im nam-  
men Jesu Christi / vñ von der Büß  
oder besserung vnd rüwen der sün-  
den: vff das der mensch so dick er in  
sünd fällt/wid vffgericht/ gestraafft  
vnd getröst/ja ouch zü nützem stryct/  
wider den Tüfel / wider die wälte  
vñnd wider das fleisch / vermanet-  
getriben vñnd gesterckt werde / das  
er fürhin Gott all sin läbenlang die-  
ne in aller heiligkeit vnd gerächtig-  
keit. Sarzū hat er den dienern ouch  
die

die Sacramenten züzedienen be-  
folhen. Das aber dem allem also sye/zei-  
gend wir an durch folgende Capitel mit  
kunderschaffe heiliger gschrifft.

Das der gloub nit nun ein wüssen des ge-  
müts / sunder auch ein vest vertrauen des  
herzens sye. Cap. I.

**N**Je erforderet die noturfft auch et-  
was wyters / doch vff das aller für  
zist / züsagen von dem Glouben/  
durch welchen wir vor Gott wer-  
dend gerächtfertiget. Diser Gloub ist nit  
von vñnd vß dem menschen / sunder ein frye  
gab Gottes / durch den heiligen Geist / wel-  
cher durch sin gnad vñnd das wort / des mens-  
schē gmüt erlüchtet / das es Gott / sin gnad /  
Christum sin gerächtigkeit vñnd das heil wol  
vñ räch verstadt: vñ also ist dan der Gloub  
ein erkänntnuß vñnd wüssen des gemüts. Vñ  
darumb nennt Isaias am 53. vñ vnser Herz  
Christus Joan. am 17. den Gloubē ein wüß-  
sen oder erkänntnuß. So spucht Paulus / Ich  
biten Gott den vatter / das er ouch gäbe den  
geist der wyßheit / vñ der offenbarung in si-  
ner erkänntnuß / vñnd erlüchte die ougen üs  
wers verstands / dz ir erkenen mögind / wel-  
ches da sye die hoffnung sines beruffs / &c.

Doch ist gedachter Gloub nit nun ein ver-  
stand / erkennen vñnd wüssen des sinns oder

Der gloub  
ein erkännt-  
nuß.

Ephes. 2.

Der gloub  
ein vest ver-  
trauen vñ  
sicher ver-  
lassen.

## Der VI. Artickel

gemüts/ sunder ouch ein vest vertruwen vñ  
 sicherlich verlassen des hertzes vff das/ das  
 du/ als waar/ erkennt hast. Dann das/ das  
 der verstand gemerckt oder verstanden hat/  
 daruf verlast vñ vertröst sich yetz dz hertz/  
 ja gibe sinen willen daryn vñnd setze daruf/  
 er gryfft es vñ ergibt sich daryn mit allen si-  
 nen krefftien. Vnd hiehar dienet das der hei-  
 lig Paulus den gloubē erkläret mit der hoff-  
 Rom. 8. nung: von deren er anderswo sagt/ So  
 wir aber das hoffend/ das wir nit sehend/ so  
 wartend wir daruf durch gedult: da ye der  
 will würckt/ nit nun der verstäd merckt. So  
 Heb. 11: sprich Paulus/ Es ist aber der Gloub ein  
 gwüsse zäuersicht deren dingē die man hof-  
 fet/ vñd ein gwüsse er gryffung derē dingē  
 die man nit sieht. Item/ One gloubē ist vñ  
 möglich Gott zū gefallen. Dann welcher zū  
 Gott komē wil/ der müß glouben das er  
 vergälter sye/ vñ das er denen die in süchēd ein  
 lich exempel des gloubens Abrahe/ welches  
 Paulus beschrybt Rom. 4. cap. da heiter an-  
 zeigt wirt das Abraham nit nun gehört vñ  
 verstanden/ was im Gott verheissen/ sunder  
 ouch das selb gehoffet/ ja daryn verwilliget  
 vñd sich mit ganzem hertze daruf verlassen/  
 vñ mit allen sinen krefftē daryn begäben ha-  
 be. Frylich küpt dahar das wörlly Glouben  
 vom Globen. Globen aber ist verheissen vñ  
 versprochen

versprechen: Darumb ist yetzund Glouben  
 Das vertruwen vnd verlassen/ Damit sich ein  
 ner vff das/ das im Gott gelobt vñ verspro-  
 chen hat/ vnd das er für styff vnd waar halt/  
 mit allem sinem hertzen müt vñnd sinn ver-  
 last/ daruff sicherlich haffet vnd nit dar von  
 wycht.

Das sich der Gloub gründe vnd verlasse  
 vff Gott vnd sin wort: vñ von den articlẽ  
 deß h. Christenlichen gloubens. Cap. II.

**D**ann der recht waar gloub verlast Waruf  
 sich der  
 gloub  
 gründe.  
 vnd ergibt sich gantz vñnd gar vff  
 Gott (welcher der einig vnd recht  
 grund oder gegenwurff deß glou-  
 bens ist) vnd vff sin warhafft wort/ also das  
 der gläubig/ Gott/ als sinem einige ewigen  
 obristen warhaffte vñ allmächtigen gut vere-  
 truwet/ By jm / als by einem vatter/ alles das  
 er zu seel vñ lyb bedarff/ sucht vñ hõuscht/ da  
 nãben ouch allen sinen Worten/ als der vnge-  
 zwyffletẽ warheit/ gloubt/ ja daran nit zwyf-  
 let/ vñ ob jm etwas zwyfels vß menschlicher  
 Blõdigkeit zúfiele / widerficht vñ vßschlacht.  
 Insondarheit aber die wyl Gott sich vff das  
 aller klarist außhüt durch die verheissung in  
 Christo/ gründet der gläubig für auß vff die  
 selben verheissungen / vnd halts grundtlich  
 dar für/ das er in Christo alle himlische schätz  
 habe/ in jm veruolk omnet sye/ vñ jm zúm heil  
 nüt mangle.



## Ser VI. Artickel

Gott vnd  
sinem wort  
glauben.  
Joan. 5.  
Joan. 17.

Rom. 10.

Ephes. 2.

2. Cor. 1.

Dañ also spricht der Herr selbs/Warlich  
warlich sag ich üch/wär min wort hört/vnd  
gloubt dem der mich gesend hat/der hat das  
ewig läben/Item/die wort die du mir  
hast/hab ich inē gäben/vnd sy habends ange  
nomē vnd warlich erkennt/das ich von dir  
vßgangen bin/vnd habend gloubt/das du  
mich gesend hast. So spricht Paulus/der  
gloubtump vß dem hören/das hören aber  
durch das wort Gottes. Dann in der 1. zu  
den Corinth. am 2. cap. wil er gar nit/  
der gloub der Christen stande vff menschen  
wyßheit/sund vff d' krafft Gottes. Darumb  
redt er ouch zu den Ephesern/die gloubigē  
syend erbawē vff den grund der propheten  
vnd apostlē/vff Jesum Christum/in welche  
alle Gottes verheissungē ja vñ amen syend.

Vnd hie ist trāffenlich zu rümen die über  
schwāncklich groß gnad vñ erbärmbd Gots  
tes. Dann diewyl sich yemants bekümmern  
möchte/wie er alle vñ yede wort Gottes/wel  
che so rychlich von prophetē vnd apostlē ver  
fündt vnd beschribē sind/Behalten könne/so  
er ye allen vñ yeden worten Gottes glauben  
müsse/hat Gott ein kurze sum alles des d's  
in sinem wort vilfaltig geleert vnd wir glou  
ben söllend/fassen/vñ wunderbarlich kurz/  
doch vollkōmen/Begryffen lassen/damit sich  
niemants eines vnendlichen handels befla  
gen möchte.

Soliche

Von dem Glouben. 89

Söliche Summa wirt genennt der heilig  
 Chrustlich/ ouch d' heilig apostolisch Gloub/  
 frylich das in die heiligē apostel also geleert  
 vnd angäben habend. Swaren findt sich dise  
 Summa gar klar in der heiligē apostlē leer  
 oder gschrifft. Die vialtē habend sy genennt  
 Traditionem apostolicam: wir nennents dis  
 ser zyt Die heiligen 12. artickel Des waare/al  
 ten/vngezwysletē Christenlichen gloubens.  
 Da ouch zemercken ist/ daß dise artickel nit  
 ein gebät sind/wie etlich vnwüssend wäned/  
 sunder ein bekänntnuß/ die wir vor Gott vn  
 den menschen thünd/ zü Bezügen was vnser  
 Gloub/ trost/ vertruwen vnd hoffnung ist.  
 Wol mag der mensch in sinem hertzen begä  
 ren/wen er den glouben spricht oder bekent/  
 das jm Gott gäbe also vest zü glouben/vnd  
 in waarem glouben zü verharren. Es ist  
 ouch billich vnnnd notwendig/ das ein yetlic  
 cher mensch dise artickel vssen/wol vn rächt  
 zellen/dar zü ouch zimlich verston könne. Vn  
 sind das die 12. artickel Des heiligen waaren  
 Chrustenlichen gloubens.

Don den  
 12. artickel  
 Des v hristē  
 lichen glom  
 bens.

Ich gloub in Gott vatter all-  
 mächtigen: der ein schöpffer ist him-  
 mels vnd der erden.

Vnnnd in Jesum Christum sinen a  
 eingebornen sun vnsern Herren.

## Ser VI. Artickel

- 3 Ser empfangen ist von dem heiligen geist: geboren ist vß Maria der jungkfrauen.
- 4 Ser gelitten hat vnder dem richter Pontio Pilato / ist crüzget / gestorben vnd begraben / abgefaren zu den hellen.
- 5 Am dritten tag widerumb vferstanden von den todten.
- 6 Ist vßgefaren in die himmel: da er sitzt zu der gerächten hand Gott des allmächtigen vatters.
- 7 Sañenhar er künfftig ist zu richten die läbendigen vnd die todten.
- 8 Ich gloub in heiligen geist.
- 9 Ein heilige allgemeine Christenliche kyrchen: gemeinschaft der heiligen.
- 10 Ablass der sünden.
- 11 Vrstände des lybs.
- 12 Vnd das ewig läben. Amen.

Von der abteilung des Gloubens. 2te.  
klärung des ersten teils vnd artickels von  
Gott vnd der Schöpfung. Cap. III.

**D**ieser Christenlich gloub wirt mer-  
 reils abgeteilt in 12. artickel: Die ar-  
 tickel aber werdend in 4. teil oder  
 stuck gestellt. Der erst teil ist von  
 Gott vnd der Schöpffung/hat nit mee dan  
 nun ein artickel. Der ander teil ist von Chri-  
 sto Jesu de sun Gottes vñ vnser erlösung/  
 vñ begryfft 6. artickel. Der dritt teil ist vom  
 heiligen Geist vnd vnser heiligung / nun in  
 einem artickel verschlossen. Der vierdt teil  
 aber zeigt eigentlicher die heiligung/ouch die  
 frucht vñnd würckung dieses heiligen glou-  
 bens/vnd hat 4. artickel.

Abteilung  
 des Glou-  
 bens.

Der erst teil vñnd artickel im glouben be-  
 fennt was wir von Gott vnd der Schöpff-  
 ung gloubind. Von Gott gloubēd wir das  
 er einig sye im wāsen. Dann wir sagend ye/  
 Ich gloub in Gott/vñ nit/ Ich gloub in die  
 Götter. Wir gloubēd ouch das er tryfalt sye  
 in personen/namlich/Vatter/Sun vnd heil-  
 liger Geist. Vnd ist hie wol zū mercken/das  
 vnser yetlichs spricht/ Ich gloub in Gott vā-  
 ter/vñnd nit/Wir gloubend in Gott vatter.  
 Dann von vnser yetlichem wirdt erforderet  
 der gloub/nālich das vnser yetlichs in Gott  
 gloube/nit nun das er sye/sunder das er vn-  
 ser Gott sye. Dañen hār sprichst du nit/ Ich  
 gloub Gott/sunder/ Ich gloub in Gott/als  
 in den ich allein all min hertz/sinn vnd mūt/  
 ja allen minen trost setzen. Dann der vatter

Ich gloub  
 in Gott  
 vatter alle  
 mächtigen

## Der VI. Artickel

Ist nit nun ein vatter vnser Herren Jesu Christi von ewigkeit / sunder er ist auch vnser yetlichs vatter / nit nun deßhalb das er vns erschaffen hat / sunder auch das er vnser yetlichem wol wil / vns allen gnädig vnnnd barmhertzig ist / vnnnd vns alles das wir bedö:ffend an seel vnnnd lyb ersetzen / vnnnd vor allem bösen behüten wil : welches alles er auch wol vermag / dan er ist allmächtig. Also ist der will vnd das vermögen by einander ren. Hiehär dienet besunders das daoben gesagt ist im 2. artickel am 2. vnd 8. cap. vnnnd im 3. artickel am 3. cap. 2c.

Von der  
Schöpffung.

Von der Schöpffung aber bekennend wir / das wir gloubind das Gott himel vnd erden habe erschaffen / vnnnd deßhalb alles das da ist / auch den menschen vñ vnser yetlichs. Dann mit himel vnd erden begryffend wir alles das darinn ist / es sye sichtbar oder vnsichtbar. Da bekennend wir auch / das alles das / das wir gebrauchend vnd bedö:ffend zu seel vñ zu lyb / von Gott als vnserem vatter habind. Dann er regiert noch himmel vnnnd erden / vnnnd erhalt alles das da ist. Daruon liß daoben im 2. artickel am 3. 4. vñ 5. cap. 2c.

Erklärung deß anderen teils vnd anderen artickels deß gloubens / von vnserem Herren Jesu Christo vnnnd von vnser erlösung.  
Cap. IIII.

Nach

**N**ach der Schöpfung bekennend wir in vnserem glauben auch die Erlösung. Von der Erlösung Dañ nachdem d̄ mensch in anfang von Gott rächt vnd gut erschaffen was / fiel er durch eigne schuld in sünd tod vnd verdammuß / das er (wie auch wir / als die wir in sünden empfangen vñ geboren sind) eines erlösers notturfftig was: den bestimpt Gott in sinem ewigen radt / vñ ordnet der ganzen wält zum erlöser Jesum Christum: den selben hat er den vralten verheissen durch die patriarchen vñ propheten / vñ vns geleistet. Den selben vnseren heiland bekennend wir yetz vnnd verjähend in / Ich glaub in Jesum Christū Gottes vatters ein gebornen sun vnsern Herren / ic. das ist / Ich erkenn nit nun Jesum Christum syn den sun Gottes / den Herren / den Messiam vñ erlöser oder heiland der wält / sund all min hertz / trost / hoffnung / züuersicht vñ vertruwē setz ich vff in / ich glaub dz in Gott geleistet habe wie er in verheissen hat / vñ den selben vñ feiden andrē halt ich für minē heilad / vñ glaub vest dz mir Gott der vatter von sinen lieben suns wägē gnädig vñ barmhertzig sye / min sünd mir zur verdammuß nit verrächne / sun der das ewig läbē gāben werde: wie Daoben im 2. 3. vnd 5. artickel heiterer erklärt ist.

Sie aber in disen sechs articklen bekennend wir auch eigentlich / kurz vnd verständlich /

## Der VI. Artikel

wär vnser Herr Iesus Christus sye/wozfür wir in haltind/was wir vñ der erlöschung be-  
kennind/wie er vns erlöset vnd in das ewig  
In Christo läbe widerum yngesetzt habe. Wie wir nun  
glauben. vom Vatter bekennt/Ich glaub in Gott vater  
ter allmächtigen:also sagend vnd bekennend  
wir ouch von dem Sun vñ sprächend/Vnd  
in Iesum Christum sinen einigen sun:nam-  
lich glaub ich. Dann vnser Herr Christus  
Joan. 14. spricht im heilige Euangelio/Glaubed jr in  
Gott/so glaubend ouch in mich. Dann bald  
Joan. 10. spricht er ouch/Ich bin im vatter vñ der vater  
in mir. Ich vñ der vatter sind eins. Dar-  
umb als d Herr den blindē fraget/Glaubst  
Joan. 9. du in den Sun Gottes?vnd der blind ant-  
wortet/Herr welcher ist/s / vff das ich in in  
glaub? sprach Iesus / Du hast in gesehen/  
(Dañ der Herr hatt in gesehen gemacht)  
vnd der mit dir redt/der ist/s. Da volgt yetz/  
Vñ der blind sprach/Herr ich glaub:vñ bät-  
tet in an. Hierum sagend vnd bekennend wir  
rächt / Ich glaub in Iesum Christum sinen  
einigen Sun.

Der Sun  
ein vnder  
scheidne  
person.

Hiemit aber bekennend wir ouch den vñ  
derscheid der personen. Dañ der sun nit der  
vatter/sund des vatters sun ist. Ja wir nen-  
nend in nit nun ein sun / sunder ein einigen  
Sun Gottes / oder eingebornen Sun des  
vatters. Dann wir werdend ouch genennt  
Gottes kinder/doch als angenomme vñ an-  
gewün

gewünschte vß gnaden. Diser Sun Gottes  
aber/ist der rächt ewig/natürlich/ der einge-  
born Sun Gottes/ von ewigkeit vß Vatter  
erborn/ glychs gwalts vnd herrligkeit mit  
dem Vatter. Darvon liß wyter Ioan. 1.3.5.  
6.8.10.12.cap.

Wir Bekennend ouch heiter vñ vßerschei-  
denlich wår der Sun Gottes sye/ kein ande-  
rer dann der Jesus heißt/ vnd Christus oder  
Messias ist/ vñ zñ seiner zyt mészliche natur  
angenomen hat. Den namē Jesus gibt vn-  
serem Herren Christo der engel/ee dan er in  
müter lyb empfangen ward/wie Matthens  
züget cap.1. vnd Luc.cap.2. vnd zeigt damit  
wår er syn wurde/der Heiland/namlich der  
sine gläubigen heilet von allen jren pñsten.  
Also ist Jesus der eigentlich / vnd wie wirs  
nennend / der Touffnamē: Christus aber  
heißt ein gesalbeter/vñ ist deß ampts namē/  
dann es heißt als vil als ein priester vnd kün-  
ig. Dann die priester vnd künig wurdend  
gesalbet im alten Testament. Vñ also ist ouch  
Christus vnser Herr/namlich waarer Gott/  
rechter priester vñ künig/vñ erlöser/schützer  
vnd schirmer/heil vñ läben. Das alles Beken-  
nend wir in disem artickel von Christo / vnd  
also gloubend wir in in.

Jesus.

Christus

Christus  
Jesus ist  
vnser Herr

Erklärung deß dritten artickels deß glou-  
bens/wie Christus empfangen vnd geborn  
worden. Cap. V.



## Der VI. Artickel

**D**Olgt yetzüd wie der ewig sun Gottes in dise wält kommen/ vnd vnser erlöser wordē sye/ welches ouch die wyß vñ maasß der erlösung sye. So bekennend wir im 3. artickel/ das der einig sun Gottes empfangen vom heiligen geist/ vnd vß Maria der jungkfrauen erbozen/ vnd also waarer mensch worden sye.

Zwo nature  
ren in Chri  
sto.

Vnd hie bekennend wir in vnserm Bero-  
ren Christo zwo vndercheiden arten vnd na-  
ture/ namlich die Gottheit vñ Menschheit/  
das er waarer Gott vnd waarer mensch sye/  
in einer vnzertrennten person. Dann vnser  
Herr: laßt sich nit teilen: er ist nit Gott allein  
oder mensch allein / sunder Gott vñ mensch  
mit einanderen/ doch das die bed arten vnd  
naturen nit vnder einandriē vermischet oder  
verlozen werdind/ sunder vnzertrennt vñ vñ  
uermischt by einanderen bestandind/ vnd also  
so vnser Herr Christus gantz / als waarer  
Gott vnd mensch/ vnser einiger mittler vnd  
heiland sye. Darvon sind züg: nussen Isaie 7.  
Michee 5. Matth. 22. Ioan. 1. 6. Rom. 1. 1. Ti-  
moth. 2. 1. Ioan. 4. Vnnd hiedurch kan man  
vndercheiden vñ rächt verston die gschrift.  
Dann vnser Herr Christus wirdt genennet  
ewig vnd zytlich/ stärblich vnd vntödelich/  
item der da sye allenthalben/ vnnd der da sye  
vfferden oder im himmel vnd nit allenthalb-  
ben. Dann nach der Gottheit ist er ewig vñ  
tödelich

tödelich vñ allenthalbē: nach der menschheit  
 ist er zylich/stärblich vfferden oder im him-  
 mel vnd nit allenthalben. Si ewyl aber vnser  
 Herr vnzertrennlich/gantz/vnnd nit halb/  
 vnser heyland vñ erlöser ist/so gibe die heilig  
 geschrifft (welches die alten Communicatio-  
 nem idiomatum genennt habend) das/das  
 der einen natur eigē ist/ouch der anderen zu  
 vñ spricht/Maria sye ein müter des Herrē/  
 das ist Gottes / vnd der Herr der eeren sye  
 crüziget / vnd Gott habe mit sinem blüt sin  
 kyrch erlöset: nit das die Gottheit an iren ei-  
 gnen natur möge geboren vnnd gecrüziget  
 werden/sterben oder jr blüt ver giessen/sun-  
 der das der/der hie nach menschlicher art vñ  
 natur geboren vnd crüziget ist/ vnd sin blüt  
 vergossen hat/nit nun menschliche natur ge-  
 hebt habe/sunder ouch waarer Gott sye:vnd  
 deßhalb der gantzen person Christi als ge-  
 mein zügäben wirt/das aber vnder scheiden  
 vñ vnuermischt in den beden naturen blybt  
 vnd würckt/ze.

Luce 1.  
 1. Cor. 2.  
 Acto. 20.

Diser sun Gottes ist rein empfangen/nit  
 von einichem man/sunder durch krafft des  
 heiligen geists / welcher die jungkfrouwen  
 hat befruchtiget/das ist/ fruchtbar gemacht/  
 daß sy in irem lyb/vnd vß irem geblüt / em-  
 pfangen / vñ also gäben hat menschliche art  
 vnd natur dem läbendigen sun Gottes/wel-  
 cher ouch vnser fleisch warlich vß Maria an-

Sie em-  
 pfangnuß  
 Christi.

## Der VI. Artikel

genommen/ vnnnd warhafftiger mensch von lyb vnnnd seel worden ist. Darvon liß wyter Joā. 1. Luc. 1. Matth. 1. Heb. 2. Da mögend wir yetzund vest gloubē/ das wir durch den erlöst syend/ der nit nun warer Gottes sun/ sunder das fleisch/ das er angenommen vnd für vns zur bezalung vsgelopfferet/ gar reine sünd vnd prästen angenommen hat/ des halb er ganz rein vnd heilig/ das allerheiligst opffer/ ein vollkömme verzyhung vnd bezalung vnserer sünden ist.

Die geburt Christi.

Vnnnd wie er ein waarer mensch in mürer lyb worden/ also ist er von Maria ein waarer mensch erbornen / doch also das sy ein jungkfrouw gebliben ist. Dann wir ye zü der geburt setzend das wörtly Jungkfrouw. So spricht Isaias/ Sich/ ein Jungkfrouw wirt empfahen vnnnd gebären einen sun. Darvon liß wyter Luce 2. Wir bekennend das ( wie auch der Engel Luce 2. züget ) er vns zum heil erbornen sye.

Isaie 7.

Erklärung des 4. artickeles des gloubens von dem lyden vnd tod Christi. Cap. VI.

Das lyden vnd der tod Christi.

**D**iewyl er nun von vns hatt angenommen das er wolt opffern vnnnd vns also ver sünen mit Gott: dann die püester namend von dem volck das sy opffertend/ vnd one blütuergiessung geschicht kein verzyhung: so hat sich Herr

Herr Christus in allerley lydens / vñ zů last  
 in den tod begäben / sin blüt vergossen / vñnd  
 ist warlich gestorben vñnd begraben / damit  
 wir wurdind gereiniget von sünden / vñ er  
 löst vom ewigen tod. Davon liß Isaie 53.  
 Psalm. 22. Luc. 22. 23. vñnd zů den Hebreern  
 am 9. vñd 10. cap. Besich ouch Daoben im 5.  
 artickele das 3. vñd 5. cap. 20. Darumb ob wir  
 glych wol sterben vñ begraben müßend wer  
 den / söllend wir vns doch nit fürchten. Dan  
 Christus ist ouch gestorben vñnd begraben /  
 aber im tod nit gebliben / in dem selben wer  
 dend wir ouch läben / nach lut der geschriffte  
 Psalm. 16. Rom. 6.

Vñd ist diser gloub vom tod Christi so ge  
 wuß vñ waar / das wir ouch zyt benamsend  
 wenn vñ wo er gelittē habe / zů Hierusalem  
 vñd der Römern herrligkeit / welche dahin  
 Pilatum zum Landtuog gesetzt hattēd. Vñ  
 also hat Daniel gwyssaget / Messias wurde  
 kommen vñd lyden vnder der Römern mo  
 narchy / Danielis 2. vñ 9. Wir verichēd ouch  
 die wyß vñd maas sines lydens vñd todts /  
 namlich so sye er crüziget. Dan sölichs was  
 ouch vorgebildet im Isaac / Gen. 22. vñnd in  
 dem / das die opffer vff das holtz wurdend  
 gelegt vñd geopfferet / daß die schlang was  
 in der wüste erhöcht. Daruon vnser Herr  
 Jesus redt Joan. 3. cap. Von der begrebd  
 aber Christi liß Matth. 27. Luc. 22. 20.

Christus ge  
 tödt vnder  
 Pontio Pis  
 lato.

Christus ist  
 crüziget.

## Der VI. Artickel

Christus  
für hinab  
zu den hel-  
len.

Wir bekenend ouch / das vnser Herr Chri-  
stus hinab gefarē sye zu den hellen / nit allein  
darumb / das er warlich gestorben vnnnd sin  
seel vom lyb gescheiden / gesamlet worden sye  
in die schooß Abrahe in die rüw zu d' gemeind  
vnd gesellschafft aller heiligen abgestorbenen  
vätertern / sunder das sin tod vnd lyden zur be-  
zalung vnnnd erlösung aller heiligen vätertern  
gnügsam kreffrig sye / vnnnd deßhalb alle die  
ye von Adamen har sälig wordē / durch Chri-  
sti erlösung sälig worden / ja das wir alle  
durch in von der hellē pyn erlöset syend. Dar-  
uon wyter gesagt wirt 1. Pet. 4. cap. In der  
Offenbarung am 13. spricht Ioannes / Chri-  
stus sye das lam̄ gemetzget von anfang der  
wält / das ist / desse erlösung kreffrig gsyn sye  
von anfang der wält / &c.

Erklärung des 5. artickels des glauben /  
von der vserstennung Christi von todten.  
Cap. VII.

Christus  
stade vf vñ  
todten.

**D**och das wir gewüßlich wüßend  
vnd keines wägs zwysletend / das  
vns die sünd durch den tod Christi  
vergäben / abgethon / der tüfel / tod  
vnd hell überwunden wäre / ist Christus vn-  
ser Herr am dritten tag von todten vserstan-  
den: welches er nit vermögen hette / wen die  
sünd noch kreffrig gsyn. Dann sy würckte den  
tod / Bingt in die verdammung vnd hell. *Da-  
aber*

Aber Bekennend wir / das vns Christus von  
 todten vserstanden/vns stünd / tod vñ hell tñ 2.Tim.2.  
 verwunden/1a vns das läben dermassen wi  
 dergebracht / das ob wir schon ouch sterben  
 müßend/doch des ewigē tods nit sterbend/ Joan:11.  
 sunder des ewigen läbens läbend.

So norwendig ist ouch diser artickel von  
 der vrsünde / das der heilig Paulus den  
 ganzen glauben daruf setzt/Rom.4. vñ 10.  
 1.Corinth.15. Das ouch die heiligen vier E-  
 uangelisten kein andern artickel so vilfaltig/  
 als disen/Beuestnet habed. Daruō liß Mat.  
 28. Marc.16. Luc.24. Joan.20. vnd 21. Liß  
 aber insonderheit die predigen Petri Act.2.  
 vnd 10. vnd Paulum 1.Cor.15.

Erklärung des 6. artickels des glaubens/  
 von der himmelfart Christi vnd der geräch-  
 ten Gottes. Cap. VIII.

**D**A das wir nach minder vrsach hät-  
 tünd zū einichē zwysel vnser heils/  
 sunder heiter wüßtünd das vns dz  
 ewig läben durch Christum erlāgt  
 vñ vsgethon wäre/ so fart Christus vf in die  
 himel/vnnd setzt sich zū der gerächten hand  
 Gottes allmächtigen. Vñ so wir das bekens-  
 nend/ glaubend wir/ das Christus vns den  
 himmel vfgeschlossen/ vnnd mit dem das er  
 mit sinem waaren menschlichen lyb den him-  
 mel besäßen/habe er ouch vns widerumb in

Christus ist  
 hinuf in  
 den himel  
 gefaren.

## Ser VI. Artickel

die himmelisch besitzung yngesetzt. Dann  
Joã. 14. spricht er/ in seines vatters huß syed  
vil wonungen/ die gange er vns zü bereiten  
oder vf züschliessen/ vñ wölle vns zü jm nem  
men/ das wo er ist/ wir ouch syend. Von der  
himmelfart liß Marci 16. Luc. am 24. vñnd  
in Gschichten der H. Apostlen am 1. cap.

Von der  
rechten hand  
Gottes.

Die gerächte hand Gottes aber wirt vff  
zwen wäg in der gschriffte gebrecht. Zum ers  
sten für die Götlich mayestat vñ allmächtig  
keit/ ja für das rych vñ für den gewalt den  
Gott übt vñ gebrecht in allen sinen gschöpf  
ten. Vnd also ist Christus zür gerechte hand  
Gottes geschaffen/ dz ist/ er hat das ewig rych  
yngenommen/ vñ alles das da ist in himmel  
vñ vfferdē/ ist jm vnderthon/ also das er hat  
alle göttliche macht/ das rych vñ die herrlig  
keit. Darvon liß Ephes. 1. vñ Philip. 2. Vnd  
also ist die gerechte Gottes an kein ort ange  
bunden/ dan sin gwalt vñ rych ist ewig vñ  
allenthalb. Zum anderen heist die gerechte  
Gottes dz ort der sälligkeit in himlen/ da wir  
werdend rüw vñ eer habē in ewigkeit. Also  
spricht der Herz selbs/ wo er sye/ da werdind  
wir ouch syn. Vnd Paulus spricht/ wir wers  
dind in den wolckē dem Herren entgäge in  
dem luffte übersich gen himel kumen/ vñ all  
wäg by dem Herren syn. Wyter spricht er/  
So wir tod warend in den sünden/ hat vns  
Gott in Christo läbendig gemacht/ vñ hat  
vns

uns mit ihm vserweckt/vnd mit ihm gesetzt in  
 das himelisch wäsen/2c. Ephes. 2. Vnd also  
 ist die gerächte Gottes nit allenthalben: wie  
 auch der lyb Christi nit allenthalben ist. Dañ  
 das ort vnserer rure vñ sälligkeit ist ein gwüß  
 ses ort/also das wir nit zūmal vnd glych mit  
 einandren in himel vnd vff erdē/ja allenthal- Joan. 24  
 ben syn werdend. Dañ der Herr spricht/ Ich  
 gon üch ein statt od̄ out zū bereitē. So spruche philip 3  
 Paulus / Vnser burger schafft ist im himel/  
 von dannen wir wartend des Herren/wels  
 cher wirt vergstalten/2c.

Erklärung des sibenden artickels des glou-  
 bens von dem Jüngsten gericht. Cap. IX.

**D**as aber Gott v vatter vnsern Her Christus ist  
der richter.  
 ren Jesum Christum gemacht hat  
 zūm erlöser mittler vñ heiland/dies  
 wyl dise wält stadt vnd wäret/also  
 hat er in auch zū end der wält zūm richter ge-  
 setzt über die läbendigen / namlich die den  
 jüingsten tag erläbend/ vnd über die todten/  
 die von anfang der wält bis an das end ab-  
 gestorben sind/ aber yetzt werdend vferston:  
 die all wirt er richtē/sine gläubigen erretten  
 schirmen vnd belonen/ die vngloubigē aber  
 (die in nit als den einigen mittler vnd erlö-  
 ser erkennen wöllē/in yetz als ein gerächten  
 richter empfinden müßend) ewigklich ver-  
 dammen. Dañ wär in Christum nit gloubt/  
 ist verdampft. Joan. 3. Vnd also sähend wir



## Der VI. Artickel

ouch wie Christus der rächte Herr sye in himmel vnd vfferden. Hiemit bekennend wie ouch / das wir gloubind die wält werde enden / vnd Gott werde die gūten belonē / vnd die Bösen straaßen / 2c. Daruō wyter Joan. 5. vnd 2. Cor. 5. Malach. 3. vnd 4. Von diesem gericht vnd gantzen handellicß Matt. 16. 25. Act. 17. 1. Thess. 4. 2. Thess. 1. vnd in 8 Offensbarung Joan. cap. 19. 20. 2c. Vnd hiemit hab ich mit Gottes hilff erklārt den andrē teil desß gloubens in 6. articklē begriffen von Christo Jesu vnserē Herrē vñ vō vnserer erlösung.

Erklärung desß dritten teils vnd achten artickels desß gloubens / vom heiligen geist vñ vnserer heiligung. Cap. x.

Wir gloubend in den Heiligen Geist.

**I**n achten artickel bekennend wie die dritte person in der heiligē Trinität / namlich den H. Geist / welcher ein Gott ist mit dē Vatter vñ Sun. Von wēlchē vnser Herr Christus gar vil geredt hat Joan. am 3. cap. am 7. 14. 15. 16. cap. Vnd wie desß Vatters eigen ist die schöpffung / desß Sūns die erlösung / also desß Heiligē Geists die heiligūg. Wie aber der Vatter alles erschaffen hat / aber durch den Sun / vñnd alle ding bestond im geist sines munds : also heiliger ouch der Vatter / aber durch das blūt sines einigē Sūns / vnd verlycht vns / ja gūßt vns yn die waar heiligkeit durch

Durch sinen heiligen geist. Dann also rede Paulus/ Ir warend wol verunreiniget mit lasteren/ yezund aber sind jr abgewäschē vñ geheiliger/ ja ouch gerächtfertiger durch den namen des Herrn Jesu/ vñ durch den geist vnseres Gottes. 1. Cor. 6.

Darumb wenn wir bekennend vnd sprächend/ Ich gloub in heiligen Geist/ zügend wir das wir vnsern trost setzind in den heiligen Geist als in den waaren Gott/ ja das wir vest gloubind dz vns Gott innerlich vñ waarlich durch sinē geist heilige/ alle gnaden Christi mitteile/ gloubē verlyhe/ widergebäre/ tröste/ stercke vnd besigle. Daruon (als obgesagt) vil im Euangelio Joannis geschriben/ ouch vom heiligen Paulo geredet wirt/ Rom. 8. 2. Cor. 1. Ephes. 4. vñ insonderheit 1. Corinth. 12.

Sie aber sollend wir nit mit den Messalianern vñ Eduffern dermassen Spirituoser werde/ das wir/ darumb dz der geist Gottes innerlich heiliger / die gschirr die der Herr vfferlich in der heiligüg bruchē gheissen/ als das wort Gottes/ vnd die heiligen Sacramenten/ verachtind/ verwärffind vñ vernütind. Herwiderum sol man ouch den instrumenten nit zü vil/ das ist mee zügäben/ Dann die gschriff/ der geist vnd gloub erlyden mag. Die heiligung ist des gheistes.

## Der VI. Artikel

Erklärung des vierdten teils vnd nündten  
artickeles des glaubens / von der kyrchen.  
Cap. XI.

**W**iewol in vorgehendem erkläret der  
acht articcklen des glaubens / die  
würckung vnd frucht des glou-  
bens mithinzü yemerdar anges-  
rürt worden ist / wirt doch die selb erst hie zü  
end in den vier letzten articcklen eigentlicher  
vnd vollkominer erzelt vnd vßgelegt. Dann  
nach dem wir bekennet habend Gott vatter  
vnsern schöpffer / sinen einigen Sun vnsern  
erlöser oder Herren / vñ sinen heiligen Geist  
vnsern heiliger vnd tröster / vñnd das wir in  
disen einigen waaren Gott gloubind / all vn-  
sern trost / vertrauwen vñnd hoffnung setzind  
vnd gründind / so verläßend wir fürhin was  
frucht wir von Gott vß disem glouben emp-  
pfahind oder empfindind / vñnd was Gott in  
Christo vñ in krafft seines geists in vns durch  
den waaren glouben würcke / namlich waar-  
re heiligung / gemeinsame oder gemeinschafft  
mit Gott vñ allen heiligen / ablaß der sünd-  
en / vferstendnuß des fleischs / vñnd das  
ewig läben.

Summa.

Man sol  
nit in die  
kyrch  
glouben.

Da ist aber in dem nündten articckel wol  
zueerhüten das wir nit sagind / Ich gloub  
in die Christenlich kyrchen. Dann in nieman  
gloubt man / dann in Gott allein / darumb  
findt sich das wörtlly In / allein by den dry  
götelichen

Gödelichen personen/ Ich glaub in Gott vater/ vnd in sinen einige Sun/ vnd in den heiligen geist. Die kyrch aber ist nit Gott/ sund die gmeind der erlösten von Gott. Noch vil minder sol man gloubē in die heiligen. Dañ sy jrer art vnd natur halben sündler/ aber vff Gnaden von Gott geheiligete mensche sind. Solichs zeig nit nun ich hie/ sunder abē das habend ouch die heiligen lieben Väter vnd Leerer der kyrchen anzeige/ das man ja inn Gott allein/ vnd nit in die kyrch oder in die heiligen gloubē solle. Wol mag man der kyrchen vñ der heiligen leer glouben/ ja man sol jren/ weñ sy vß Gott vñ sinem wort ist/ leert oder redt/ gloubē: aber in sy kan noch sol man nit glouben. Dann das gebürt allein Gott/ der es mit nieman gmein hat.

Das gloubend wir aber in disem artickel/ dz nit nun ein kyrch/ ja ein heilige kyrch Gottes sye/ sunder ouch das wir diser heilige kyrchen yngelybet/ mit Gott vñ allen sinen heiligen gmeinschaft habind/ vñnd deß geists vñnd aller der heiligung teilhafft werdind/ (deßhalb wir ouch warlich heilig syend) die er seiner kyrchen mitreilt hat. Dañ Gott hat seiner kyrchen vff erden alle himelische schätz in Christo gäben/ sinen geist/ sin wort vñnd Sacrament/ das gebürt vnd andere gaaben geordnet/ sampt dem ganzen handel der gerächtmachung vñnd sälligkeit/ das sy die ges

Ich glaub  
ein heilige  
kyrch.

## Ser VI. Artickel

meinvonder jren haben solle. War nun in der  
gemeinsame der kyrchen ist/der ist heilig vnd  
in der gemeinsame mit Gott vndd aller siner  
vßerwöltren/ ouch irer gütern. Vñ wie vffet  
der Archa Noe kein heil was/ also ist vffet  
waaren Christlichen kyrchen gar kein heil.

Van der rē  
chten waare  
kychen.

Es sind aber von yewälte här vil kyrchen  
gesyn. Dan das wörtly kyrch/ heist ein ge-  
meind oder versamlung deren die vnder ein  
houpt vnd religion verbunden sind. Da ist  
yetz ein Jüdische vnd Türckische kyrch/ item  
alle vnd yede Sectar habend ire winckelkyr-  
chen. Sie bekennend wir aber/ das nun ein  
ware rächte kyrch sye/ namlich die Heilig/ fry-  
lich die allein/ die vō Gott dē vatter/ in Chi-  
sto Jesu sinem einigen sun/ vnd in krafft des  
heiligen geists / durch den glauben/ als das  
oben gehōrt/ geheiliger ist: vndd das ist kein  
andere dann die Christliche kyrch.

Die zeichē  
der waaren  
kychen.

Die Christlich kyrch hat ire innere vñ vffe-  
re zeichen by denen sy erkent wirt/ füruß an-  
ber die gemeinschafft des geists / das heilig  
göttlich wort/ durch welches sy zur kyrchen  
wirt/ welchem sy ouch so styff vnd einig an-  
hangt/ das sy kein anders hōrt. Sy gloubt  
allein in Gott/ vertrouwt vñ buwt allein vff  
den lebendigen velsen Jesum Christum/ als  
die grundlich weist/ das kein ander fundam-  
ent mag gelegt werden. Sy rufft einig an  
den nammen Gottes durch Christum. Sy  
geb:ucht

Matth. 26.  
2. Cor. 3.

gebraucht sich der heiligen Sacramenten/nit  
 anders dan wie sy die von Gott empfangen  
 hat. Sy läbt in der forcht Gottes/in der lie- Joan. 19.  
 be vnd einigkeit mit allen menschen / Beson- Rom. 12.  
 ders aber mit jren mitgliedern. Sy dienet  
 Gott mit sinem dienst/im geist vñ in der vn-  
 schuld/ouch mit gedult im lyden. Sy wachet  
 vnd bessert sich/ vnd thut Büß für vñnd für.  
 Von disen zeichen findest du vil in Gschichtē  
 der heiligen apostlen/2c.

Darum sind in der gemeinschafft diser kyr-  
 chen alle die nit/die kein gemeinsame vnd gly-  
 che des geists vnd glaubens habend/als die  
 frömbder leer anhangend / nit rächt haltend  
 noch leerend von der heiligen Dryfaltigkeit  
 vnd einigkeit Gottes/ von der Gottheit vñ  
 Menschheit Christi/von seiner erlösung/vnd  
 was anders derglychen im Glauben ver-  
 griffen ist / darwider gschriben habend Pra-  
 xas/Sabellius/Valentinus/Martion/A-  
 rius/Macedonius/Nestorius/Eutyches/  
 Donatus/Pelagius vnd vil ander mer. In  
 diser kyrchē sind ouch die nit/die sich vß hoch-  
 fart vnd kyb von jren sündierend/vnd ein bes-  
 onders (wie ouch die Tuffer) haben wdl-  
 lend/one not. Item die schandlich vñ laster-  
 lich läbend/darinn verharrend vñnd sich nit  
 besserend. Ja ouch alle die vorernennete zeis-  
 chen nit an jnen habend/2c. Da lüge ein yetli-  
 cher verirrter / das er widerkeere vnd kome

## Der VI. Artickel

in die gemeinſchafft d̄ roaare heiligen kyrche.  
Dise kyrch wirt mit allerley parablen vnd  
Byspylen in der heilige geschriffte angebildet/  
vff das wir sy wol vnd rächt erkennind. Sy  
wirt geneit d̄ Schaffstall Christi / desse hirt  
allein Christus ist. Joan. 10. Sy wirdt ge-  
neit ein Lyb Christi / desse houpt allein Chri-  
stus ist. Ephes. 1. vnd 5. Die kyrch lebt von  
dem Geist Gottes: vñ alle die d̄ geist Got-  
tes habend vñ vnder dem houpt Christo bly-  
bend / sind glied der kyrchen. Sy wirt geneit  
ein Spons od̄ Brut Christi / deren Brutigam  
vñ Zeman allein Christus ist. Joan. 3. 2. Co-  
rinth. 11. Sy wirt genennt ein Geislich huf  
Gottes / als das Gott mit sinem geist ynwo-  
net / darin er ouch hufuatter ist vnd hufbal-  
tet. 2. Cor. 6. 1. Pet. 2. Sy wirdt genennt ein  
Sul vnd pfimet der warheit. Dan sy allein  
gründt vff Gott vñ sin warheit / vff Christi-  
den waren felsen / furt ouch kein andere dan  
Christi leer. 1. Timoth. 3. Vñ so dise kyrch ein-  
einigen rächten Legmabel hirtten vñ houpt  
hat / bedarff sy keines anderē honpts vñ hirt-  
ten vff erden. Deshalb sich der Bapst wider  
disen artickel vnd wider die leer S. Peters  
vnd S. Pauls zum allgemeinen hirtten vnd  
houpt der kyrche vfgeworffen hat: wir ouch  
gnüg an der Christliche kirchen habend / vnd  
keiner Römischen beddriffend. Dise Christen-  
liche kyrchen neitend wir die Allgemein / dar  
umb.

Anbildungs-  
gen der kyr-  
chen.

Der hirt  
vnd das  
houpt der  
kyrchen.

Die allge-  
meine kyrch.

Von dem Glouben. 100

umb das sy begryfft alle vßerwölte Gottes/  
 ja alle gläubigen die ye gsyn/noch sind / vnd  
 syn werdend. Dan die allsamen sind ein lyb  
 vnd ein gemeind Christi. Wirt deßhalbē also  
 daruon geredt/Es sye ein kyrchen deren die  
 überwunden habind vnnnd yetz die sälligkeit  
 herrlich besizend : vnd sye ein kyrchen deren  
 die noch im stryt hie vfferden vnd der gehor  
 same göttlichs woirts Gott dienind. Yhens  
 sye die kyrch in himlen/dises sye die kyrch vff  
 erden. Vñ die kyrch vfferdē habe ouch jr ab  
 teilung. Dann es syend die gläubigen vor  
 Christi geburt/vnd syend die gläubigē nach  
 Christi geburt. Item es sye die allgemein kyr  
 chen zerströwt durch die ganzen wält: vnd  
 syend besondere kyrchē/als in allen vñ yeden  
 stetten/fläcken/differrn vnd hūseren. Doch  
 syend die alle nun ein kyrch vnder dē einigen  
 Gott vatter vnd sinem Sun vnserm einigen  
 erlöser/vnd vnder der heiligung deß Heili  
 gen Geists. Vnd ist zwaaren allen menschen  
 trostlich/das sy sähend / das sy ein lyb sind/  
 vnd gemeinsame habend mit allen den heili  
 gen in Gott die ye gsyn sind/noch sind / vnd  
 syn werdend.

Darumb das wir hinzü setzend/Gmeins  
 schafft der heiligen / ist als vil als ein erklä  
 rung was wir durch die kyrch verstandind:  
 anders nit/dann die ganz versamlung der  
 heiligen / die eines geists vnder ein einigen

Gmeins  
 schafft der  
 heiligen.



## Der VI. Artickel

houbt Christo vñ in der Christlichē religion  
lībend. Da die heilig gschuffte nit nun die in  
himlen sind/sunder alle die vfferdē vñ rācht  
gläubig sind/heiligen nennt. 1. Cor. 6.

Die falsch  
kyrch.

Vnd wie wir ernstlich trachtē sollend / vñ  
wir in die rācht kyrchen komind vnd in iren  
blybind / also sollend wir vns hūten vor allen  
frōmbden kyrchen / das wir weder teil noch  
gmein mit inē habind. Das aber sind frōmb  
de kyrchen / die nit des einige Christi (als Bis  
har gehōrt) kyrchen sind / ouch die rāchtē zeis  
chen der waare kyrchen nit habend / sund vil  
mee die kyrchē Christi veruolgend. Daruon  
besich wyter Apocalyp. 17. 14. 18. 20. Darumb  
lasse sich nieman bedurē / wenn er schon von  
dem Bapst vnd Rōmeren vñ geschlossen ist.

Erklärung der dñ lezstē articklen des glou  
bens / Ablass der Sünden / 20. Cap. XII.

Ablass der  
sünden.

**W**elche nun in der heiligen gemein  
schafft der heiligē kyrchē sind / die  
habend ouch verzyhūg aller irer  
sünden. Das bekennend wir mit  
dem zāhendē artickel des gloubens / vñ sprā  
chend / Ich gloub ablass oder verzyhung od  
vergābung der sünden: vñnd haltend es für  
gwiß vñ warhafft / das vns Gotte nit mee  
werde zūsuchen von wāgen vnserer sünden /  
sunder darfür nemē die bezalūg Jesu Chri  
sti / vnd also mit vns zū friden syn. Das glou  
bend

bend wir von ganzē hertzen/vnd verlassend  
vns gētzlich daruf.

Vnnd hie ist zū mercken das so wir glou-  
bend ablaß der sünden / frylich onch bekē-  
nen müßend/das wir sündler sind. Dañ was  
wurde Gott vns nachlassen / wenn wir nit  
sündler wärind : Darum sollend wir hie vn-  
ser sünd erkennē vnd vor Gott veriāhē : wie  
vns d' heilig prophet Dauid onch leert im 32.  
Psalmen vñ der heilig Joannes in siner er-  
sten Epistel am 1. cap. Soliche Bycht/ da wir  
Gott mit rüwen vñ von hertzen in waarem  
gloubē vnser sünd Bychtend/vnd vns gāgen  
vnserm nächsten den wir erzürnt der schuld  
begābend ( als der Heilig Jacobus leert 5.  
cap.) vnd der versünung begārend/ ist not-  
wendig vnnd onch im heiligen Vatter vnser  
Begriffen. Von der Bāpstischen Bycht vnd  
absolution weißt die Heilig gschrift/ vñ die  
erst apostolisch kyrch nüt: noch vil mind' von  
dem ablaß der vmb gālt feil ist vnd mit gālt  
erlöst wirt. Wir gloubend/ lösend mit ablaß  
der sünden. Besich Act. 8. vnd 2. Pet. 2.

Myter ist zū mercken das allein Gott die  
sünd durch Christum verzycht : dz onch kein  
ander mittel ist. Ja die verzyhung ist der lu-  
tern gnad Gottes vñ verdiensts Christi/ nit  
vnser verdiensts. Darum werdēd onch die  
wörtli gebucht Ablaß/ Nachlassung/ Vergā-  
bung vñ verzyhung. Wār nit bezalen mag/

Bekann-  
niß der  
sünden.

Waare  
Bycht der  
sünden.

Allein  
Gott ver-  
zycht die  
sünd.

Inc. 7.  
Rom. 4.

## Der VI. Artickel

Alle sünd  
werdend  
verziget.

De last mā nach vñ schenckt jm die schuld/te.  
So ist insonderheit ouch das zu mercken/  
Das allen gläubigen menschen / zu allen zyt  
ten/nit nun ein oder wenig sünd / sunder ab  
leire sünd verzigē werdend/ja das jnen pyn  
vnd schuld nachgelassen wirt: wie Joannes  
heiter züget 1. Joan. 1. vñnd 2. vñnd Paulus  
Rom. 5. Darvon ich ouch daoben im 3. vñnd  
5. artickel gesagt hab: darumb ich ouch hie in  
ditem artickel von verzyhung der sündē des  
ster kürtzer bin.

Vferstende  
nuß des  
fleischs.

Volgt wyter vff die heiligung vnd reini  
gung/die widerbungung des gantzen men  
schen. Dann in dem eilfften artickel bekenn  
end wir vfstende des lybs/oder vferstende  
nuß des fleischs. Da wir gloubend/das nit  
nun die seel des menschen/ sunder ouch der  
lyb oder das fleisch/vñ also der ganz mensch  
sölle selig werden. Dann darumb stadt der  
lyb der gläubigen widerumb vf von todren/  
das er mit der seel ewig läbe. Vñnd das ist  
ouch vnser trost vñnd hoffnung/welche vns  
nimmermee sälen wirt.

Vnsere lyb  
werdend  
offen.

Wir Bekennend aber vstruckenlich die vñ  
stände des lybs oder fleischs / das wir yetzt  
tragend/vñnd das einmal durch den tod zu  
äschē oder nüre wirt. Dan der lyb wirt am  
jüngstē tag vns widergäbē/durch die krafft  
Gottes/durch welche er/von anfang / alles  
vf nüt/das ist/da nüt was/vñnd den mens  
chen

schen vß dem stoub der erden/erschaffen hat.  
 Das wir aber das vest glouben köndind/ist  
 vnser Herr am dritten tag von todten vfer-  
 standen/vñ hat sich sinen jüngern fürgestelt  
 vñ anzeigt/das er nit ein geist/sunder fleisch  
 vnd Bein wäre / vnd in sinem waaren lyb da  
 stünde. Daruon läse man Luce 24. vnd Jo-  
 an. 20. Dan Paulus erwyst vilfaltig/1. Cor.  
 15. Das auch wir/die glider Christi sind/gly-  
 cher ggestalt von todten werdind vferston/wie  
 vnser houpt Christus vferstanden ist. Vnd  
 2. Cor. 4. spricht er vstruckentlich / Dann wir  
 die da läbend / werdend ymerdar in tod gä-  
 ben vmb Jesus willen/vß das auch das lä-  
 ben Jesu offenbar werde an vnserem stärblt  
 chen fleisch. Vnd im 5. cap. Wir müßend alle  
 erschynē vor dem richterstül Christi/vß das  
 ein yetlicher empfabē das / so er mit sine lyb  
 gerhon hat/es sye güt oder böß. Item Phil.  
 3. Vnser burger schafft ist im himel/von dan-  
 nen wir auch wartend des Heilands Jesu  
 Christi / welcher wirt ver gestalten vnsern nie-  
 derträchtigen lyb / das er gleichförmig wer-  
 de dem lyb seiner Klarheit/2c.

Darumb werdend vnserē cözpēl / die vns  
 in der vstände gäben werdend / glantz vñnd  
 herrlich / vnd von aller blödigkeit / ansechtüg  
 vnd zerbrüchligkeit / vnggestalt / verwyssen / be-  
 schwärd / mangel vnd prästen gelediget wer-  
 den. Daruon auch Paulus wyteren bericht

Vnserē lyb  
 werdend  
 verklärt.

## Ser VI. Artikel

thüt 1. Corinth. 15.

Wät vnd  
böß wer  
dend vfer  
kon.

Es werdend aber alle menschen/güt vnd  
böß / vferston zü dem jügsten tag / Das ein  
yetlicher an seel vnd lyb/nach dem er gehand  
let hat/empfahe. Wär lust hat läse vollkom  
ne zügnuß hievon/ Job 19. Psal. 16. Isa. 26.  
Ezech. 37. Matth. 22. 24. 25. Joan. 5. 11. Acto.  
26. 28. Rom. 6. 8. 1. Thess. 4. 12.

Wand das  
ewig läben.

Vnd hieruf beschliessend wir vnsern glou  
ben vnd bekenend ein ewigs läben / nit nun  
das es sye/sunder das es vns bereit vnd vn  
ser eigen sye. Darum volgt in krafft des wa  
ren vngewyßletē gloubens/das so bald vns  
sere seelen vom lyb scheidend/in das ewig lä  
ben vfgnommen werdend : wie ouch heiter  
im heiligen Euangelio geschubē stad/ Joo  
an. 5. vnd die byspil des armen Lazari Luce  
6. vnd des mörderis am crütz Luce 23. vnwie  
dersprächlich bezügend. Darum schlaaffend  
vnser seelen nit/vil minder sind sy stärblich/  
sunder vnstärblich. Sölich ewig läben wirt  
ouch dē lyb vff das jüngste gericht zügeteilt.

Hievon be  
sieh den 10.  
artikel.

Das ewig läben begryfft alle fröud vnd  
vollkomne wunn/deren wir warlich ymmer  
vnd ewig one end/lieblich vnd trostlich oder  
ergetzlich werdend geniessen/hie in zyt aber  
nit vßsprächen könnend : wie ouch Paulus  
vß Isaiä züget 1. Cor. 2. Glycher gestalt mag  
ouch die ewig pyn (die kündschafft hat Mar  
ci 9. 2. Thess. 1. 2c.) nit vßgesprochē werden.  
von

Von der selben Bekennend wir in disen artic-  
cklen nit / nit das sy nit sye/ sunder das die  
gloubigen von der ewigen pyn vñ verdame-  
nuß erlöset / mit dem Tüfel vnd der hell nüs-  
sid zeschaffen habend.

Vnd das wir bißhär in den zwölff arti- Vngläubig.  
cklen begriffen habed / ist der rächt war Chri-  
sten gloub: wär also gloubt / gloubt rächt / ge-  
falt Gott / ist gerächfertiget vñnd hat das  
ewig läbē: wär nit also gloubt / ist vngerächt /  
vollen sünden / Gottes synd vnd ewig verlo- Räch.  
ren. Soliche vngläubige all habed die altē /  
was schönen schyns sy joch gefürt / verworff-  
sen / vnd desiglychen alle die / die wider dise  
artickele geleert vnd gehalten / habend sy für  
fäßer gehalten. Welchen wüsten vnd syndsä-  
ligen nammen die menschen diser zyt vil zee-  
vil vñ zegering einandern vñflegend: da aber  
wäger wäre bescheidner gefaren / vñnd die  
sach baß ermässen / ic Darvon noch vil zere-  
den vnd zü schreiben wäre / ich setzen aber al-  
lein ein kurze Summam.

Das der rächtgloubig Christi empfinds  
vnd in Christo läbe. Cap. XIII.

**D**ieser waar Christen gloub / yngegei Das der  
gloub nit  
ein wñhon  
sye.  
ster von dem heiligen geist / vnd ge-  
gründet vff Gott vatter / Sun vñ  
heiligē Geist / ist nit nun ein wñhon /  
wie ouch daoben im 1. cap. dises artickeles ge

## Der VI. Artikel

sagt ist/welcher müßig vnnnd one würcfung  
vnd frucht im gmüt des menschen schwäbel/  
wie wir dan gemeinlich das wörlin Glaub  
gebrauchend/vnnnd sprekend / Ich glaub nit  
daß der kōmen werde/ Ich glaub der werde  
nit lang läben/ Ich glaub schier du syest vns  
trüw vnd vngstalt/ ic. vff welches alles wir  
wenig oder gar nit setzend/es sye glych oder  
nit / desse wir ouch in vns mit keiner würc  
ckung oder ergetzligkeit empfindend : sun  
der der waar Chusten glaub ist ein warhafft  
ige erkāntnuß/vnd ein görtliche krafft vnd  
er getzliche würcckung in vns/ja ouch ein vers  
sicherung des gnādigen willen Gottes/der  
verzyhung der sünden vnd des ewigen lä  
bens. Dan der gläubig verstadt nit nun das  
er glaubt/sunder er empfindt ouch der gnas  
den Gottes vnd des läbens Christi in sinem  
hertzē/hat frid vñ fröud/ vñ läbe in Christo.

Sölichs züget die erfahrung/von welcher  
alle die gar nit wissend / die da schryend/  
Was ist der glaub? Sölte mich der wohn et  
was hälffen? oder/ Sölte mich der glauben  
heilen vnd so grosses würcckē? ic. Höre man  
aber hierum den mund der warheit vnseren  
Herren Christum: der spricht in dem heilige  
Euangelio zü der Sünderin/Gang hin im  
friden/din glaub hat dich geheilet. Darum  
ouch Paulus spricht / So wir dann sind ge  
rächt worden durch den glauben/ so habend  
wir

Luc. 7.

Rom. 5.

Wir frid mit Gott/durch vnsern Herrn Jesum Christum. Wyter spricht vnser Herr im Euangelio/War in mich verträwet/den hun geret nit mee/vñ hat das ewig läben. Item/War min fleisch isset vñnd trincket min blüt/der Glybt in mir vñ ich in im: Vnd war mich essen wirt/der wirt ouch vmb minentwillen läben. Darumb spricht ouch Paulus vß den propheten/Der from wirt sines gloubens gesätzt/ dem gesätzt abgestorben / vff das ich Gott läbte: ich bin mit Christo gecrüziget: ich läben aber/doch yetz nit ich/sunder Christus läbt in mir. Was ich aber yetz läb im fleisch/das läb ich in dem gloubē des Sins Gottes/der mich geliebet/ vnd sich für mich dargäben hat.

Joan. 6.

Rom. 2.

Galat. 2.

Galat. 2.

Vnd hie acht ich nit notwendig syn wyter von der vilfaltigē würckung des gloubens zeschryben: war lust hat läse das 5. cap. der ersten epistel Joannis/vnd Paulum zu den Hebreern am 11. cap. 12. So wirdt harnach volgē der 9. artickel von den güte werckē 12.

Von der ordnung Gottes/wie der gloub gäben/ gepflant/gemeeret/vñnd erhalten werde. Cap. XIII.

**D**ie hie muß der Christ ouch eigentlich erlernen/wie der waar Christen gloub den menschen gäben oder gepflantzet/gemeeret vñnd bewaret



## Der VI. Artikel

werde. Es sind etlich Spirituöser/die wann  
derbar ding spiritisierend von dem geist vnd  
innern glauben/hienäben aber ringfüg ma-  
chend das predigen/vnd den ganzen dienst  
der kyrchen vast zühin vernütend.

Gott ger  
brucht die  
mittel im  
handel des  
glaubens.

Es möchte Gott wol heil machen das  
menschlich geschläch mit dem wort vnd si-  
nem geheiß/volgt aber daruñ daß das mit-  
tel das er von ewigkeit angesehen hat/allein  
durch Christum sätlig zemachen / ytel vñ nüt-  
tze? Oder möchte Gott dē mensche nur ouch  
one lybliche spyß erhalten? Oder ist nit Mo-  
ses vnd Helias one lybliche spyß lang erhal-  
ten? So wöllend wir den ackerbuw/maien  
vnd bachen abgon lassen: Gott wirt vns one  
die ding wol erhalten: er mag doch wol.  
Wär verlast sich aber daruf? Niemand dan  
der vnfinnig ist vñ verdärbē wil. Also möch-  
te zwarē Gott one mittel heilen vñ den glou-  
ben innerlich vnd wunderbarlich den mens-  
chen yngiessen / das sy weder predig bdrēns  
läsens noch bätrens beddriffend. Thüt ers ar-  
ber? Gar nit. Dan hat er schon einmal Paul-  
lum wunderbarlich bekeert vor Damasco/  
schickt er dennoch Ananiam ein diener zū  
im. Darzū ist offenbar / das wenig besun-  
dere thaten vnd fryheiten/gemeinē ordnung  
gen vñ gsatzē nüt abbrächend. Gott schickt  
zū Cornelio in Gschichten der heiligen apost-  
len einen Engel/ durch den er Corneliu wol  
hätte

Acto. 9.

Acto. 10.

hette mögen berichten/one predigen Desß die  
ners/wunderbarlich/er wyßt in aber zu Pe-  
tro/der prediget dem Cornelio vñ toufft in.  
Darumb sollend alle gläubigen By der ord-  
nung Gottes/one arguierē von der allmäch-  
tigkeit/gho:samlich blyben / vñnd die mittel  
die jnen Gott den Glauben zeitberkommen  
oder zu pflanzen Bestimpt hat/gebrauchen.

Das ist aber die ordnung Gottes/dasß das  
heilig Euangelium geprediget / vñnd damit  
die menschē berichtet werdind/was Gottes  
verheissungen syend/vñ was sy glauben soll-  
ind. Dann er schickt vß sine Apostlen vñnd  
spricht zu jnen/ GOND hin in alle wält vñ pre-  
digend das Euangelium allen creaturen/  
welcher glaubt vñ toufft/wirt/sällig/1c. So  
Beschrybt Paulus gar klar diese ordnung vñnd  
spricht zu den Römern / Welcher den nam-  
men Gottes anrufft/wirt sällig. Wie werdēd  
sy aber den anruffen in den sy nit gloubend?  
Wie werdend sy aber glauben / von dem sy  
nit gehört habend? Wie sollend sy aber hō-  
ren one prediger? Wie sollend sy aber predi-  
gen/wen sy nit gesendt werdend? So kumt  
der glaub vß dē hōren/das hōrē aber durch  
dß wort Gottes. Vñ findt sich/wen Gott ein  
volck hat wollen zu jm befeeren vñ gläubig  
machen / das er jnen habe prediger gesandt.

Davon besich Act. 16.

Doch vermag das vßer wort wie es von

Die orde-  
nung Got-  
tes/das  
wort hōrē

Marc. 16.

Rom. 10.

Dem vßer  
ren wort  
nit jñ wil  
zūgäben.

## Der VI. Artickel

Joan. 6.

Matt. 26.

Act. 16.

2. Cor. 3.

Dem menschen verkündt wirt/allein für sich  
selbs/nüt/der heilig geist bewege dann ins-  
nerlich die hertzen vnd ziehe sy. Dann vnser  
Herr Christus spricht/ Es mag nieman zu  
mir kommen/ es ziehe in dann min Vatter.  
Es stadt geschriben in Propheten/ Sy wer-  
dend all von Gott geleert. Vnnd zu Petro/  
Fleisch vñ blüt hat dir das nit geoffenbaret/  
sunder min Vatter der in himlen ist. Darum  
läsend wir in Gschichten der heilige Aposto-  
len von einem wyb/Lydia genaüt/ das sy zu  
gehör habe der predig Pauli/vnd der Herr  
habe iren das hertz vsgethon/2c. Also spruch  
Paulus/Wär ist Paulus/wär ist Apollo?  
Diener sind sy/durch welche jr sind gläubig  
worden: vnnd das selb wie der Herr einem  
yerlichen gäben hat/Ich hab gepflantz/Apol-  
lo hat gewässeret: aber Gott hat das wach-  
sen gäben. So ist nun weder der da pflantz/  
noch der da wässeret etwas/sunder Gott der  
das wachsen gibt. Darum ye gewiß ist/das  
der Gloub ein frye schencke Gottes ist/ die  
nieman von jm vñ vß jm selbs hat/sunder al-  
lein von Gott vß gnadē. Darvon ouch Pau-  
lus wyter meldung thut Phil. 2. 2. Cor. 3. 2c.

Von der  
gaab des  
gloubens.

Vnd hie bedarffst du nit pynlich vnd ge-  
wünderig fräglen vnd disputieren/ob Gott  
yederman ziehe/oder nun wenigen den glou-  
ben gäbet? Vnd wenn du glych sichst das nit  
yederman gloubt/ ja ouch die/die das wort  
Gottes

Gottes täglich hörend / sich darwider setzē /  
 solt du denocht nit verzwyslen / vñ sprechen /  
 Dise gloubend daruñ nit (wie es dan ouch  
 waar ist) dz sy nit der schaaften Christi sind / Joan. 10.  
 so bin ich ouch erwan nit der vßerwöltrē / dar  
 umb wirt mir Gott den glouben nit gāben /  
 was wil ich dann der predig zelosent / sunder  
 vnser yetlicher sol sich vil mer tröstē d' trosts  
 lichen verheissungen Gottes / vñnd von im  
 hoffen vñd glouben alles gūts. Der Herr  
 selbs spricht / Ich wil nit des sündigen men- Ezech. 18  
 schen tod / sunder vil mee / das er sich befeere  
 vñd läbe. So spricht S. Peter / Gott ist gā- 2. Pet. 2.  
 gen vñs langmütig vñ wil nit das yemāts  
 verloren werde / sund' das sich yederman bes-  
 sere. S. Paulus spricht / Die gschrifft sagt / Rom. 10.  
 Wār im vertruwt / wirt nit zeshanden wero-  
 den. Es ist kein vnderscheid / weder des Zus-  
 den noch des Heyden. Dan es ist ein einiger  
 Herz jr aller / rych über alle die in anruffend.  
 Darumb habe an yeder ein gūt vertruwent  
 zū Gott / er werde im den glouben gāben.

Vñnd ob wir glich wol nit durch vnserē Vmb den  
glouben  
bitten.  
 werck oder anruffen / sunder vil mee vß sinē  
 gnaden / vñd von wāgen siner zūsag vñ war-  
 heit glouben empfabend / sollend wir doch  
 aber nit kleinmütig werden / sunder on vßhö-  
 ren vmb gnad vñd vmb den glouben bāren  
 vñd anruffen / ja alle zyt die herrlich verheis-  
 sung Christi vor ougen haben / Ich sag ouch

## Der VI. Artikel

(spricht der Herr im Euangelio) Bittend so wirt üch gäben: süchend so werdend ir findē: klopfend so wirt üch vsgethon. Dann wär da bittet/der empfaht: vñ wär da sücht/der findet: vnd wär da anklopffet/dem wirt vsgethon. Besich wyter Luc. 11. Da ouch im 17. cap. vns allen die heilige Apostel ein byspyl vortragend / vñnd sprächend zum Herren/ Meer vns den glauben. Vnd als der Herr Marci 9. zu einem spricht/ Magst du glauben? Alle ding sind möglich dem der da glaubt: schryt er zum Herren vñ spricht/ Ich umb ouch Paulus vilfaltig in sinen Episto len leert vmb den glauben bitten.

Die Sacra  
ment nit vn  
nütg.

1. Cor. 1.

1. Cor. 1.

Vnd ob nun glych wol das wort vfferlich dē mensche des glaubē's rächt Bericht/ vñ d' geist Gottes inerlich zücht/ bewegt vñ verfi cheret: wie gschribē stadt vñ Paulus spricht/ Ich dancken Gott das jr in Christo rych gemacht sind/ in allen stucken/ in allerley wort/ vñnd in allerley erkannnuß (wie dann die zügnuß von Christo in üch bestäret worden ist) das jr keinē mangel habend an einichey ley gaab. Item/ Gott ist's der vns beuestiget vnd vns versiget / vñ in vnser hertzen das pfand des geists gäben hat. Dennocht sind in der pflanzung oder meerung vnd erhaltung des glaubens die heilige Sacrament nit vergäblich oder vnnütg. Dann der Herr

Der nit vnützes noch vergäblich vsgesetz/  
 hat die Sacramenta vsgesetzt. Es beschicht  
 ein zusag von einē künig/ welcher ouch mit  
 hinzu ein lähen lycht: da yetzt der lähenmañ  
 an der zusag des künigs kein zwysel hat/vñ  
 des lähens das er yetzt inhat versicheret ist:  
 nitdestminder werdēd vom künig vsgericht  
 Brieff vnd sigel/ vnd dem lähenmañ gäben:  
 welcher sy mit danck annimpt/ vnd sy nit vn  
 nötig oder vnütz rächnet. Also sind die heilic  
 gen Sacramenta im handel des gloubens/  
 als Brieff vnd sigel/ der himelischen vnricht  
 baren gütern anbildungen vñ sichtbare züg  
 müssen/nütz vnnd traffenlicher frucht in den  
 gläubigen. Von welchem hernach an irem  
 ort volgen wirt.

Vnnd vß disem allem ist ouch gut züuer=  
 ston/das vns das wort vnd die Sacrament  
 für sich selbs allein/weder die gnad Gottes  
 gäbend/nach vns rächtfertigend. Darumb  
 wenn geläsen wirt das Wort heile/der Prie  
 diger Befeeere/vñ die Sacramenta heiligind/  
 sol verstanden werde/das Gott allein durch  
 Christum in Krafft seines geists die gläubigē  
 heile/Befeeere vnd heilige/gebruche aber dar  
 zü das Wort/den Priediger vnd die Sacra  
 menta. Darumb habend die vralten Leerere  
 gesprochen/sölichs Beschähe dienstlicher vnd  
 Sacramentlicher wyß. Vnd muß der rächt=  
 gläubig die eigētluch sorg habē/ das er Gott

Das wort  
 vnd Sacra  
 ment rächte  
 fertigen nit

## Ser VI. Artikel

Sin eer nit abnemme vnd andern vssern Ding  
gen/ als instrumenten oder geschirren/ oder  
menschlicher würckung zügäbe: härwidere  
umb aber das er ouch die instrumenta / die  
Gott brucht / nit verwerffe/ noch die gehors  
same vnd das werck/ das Gott von vns for  
deret/ vernüte oder als vnnötig achte.

Der gloub  
nimpt zu  
vnd ab.

Das aber der Gloub zu vnd abnemme/  
klein vnnnd groß sye oder werde/ erschynt ale  
lenthalben in dem heiligen Euangelio/ vnd  
wirt in menschē täglich durch die erfahrung  
empfundē. Das er aber gemeerer vnd era  
halten/ oder gesterckert werde durch oberzelte  
göttliche ordnüg/ ist ouch kunndtbarer/ dan  
es vil bewärens bedürffe. Zu Petro spricht

Luc. 22.

Herr / Wenn du dich der mal eins bekerckst  
so sterck dine brüder. Vnd von Paulo vnnnd  
Barnaba schrybt Lucas/ Sy predigeret das  
Euangelium vñ machted vil junger. Item  
Sy starckend die seelen der jüngern/ vnd er  
manerend sy das sy by dem glauben slibind.  
Dann durch vil trübsal müsse man in das  
rych Gottes gon/ze.

Acto. 14.  
vnd 15.

Von den Dieuern Christi vnd der tyrcken  
vnd von irem ampt. Cap. XV.

Von den  
Predigern.

**D**ad diewyl das predigē müß durch  
die gesandten/ wie Paulus spricht/  
Prediger / vßgericht werden/ volge  
yetzund was die gschufft von den  
Predigern sage.

Sum

Zum ersten sol menglich erkennen/dz das ampt des predigens nit ein menschliche ordnung/sunder ein göttliche ynsatzüg sye. Dann Gott hat gibē siner kyrchē prediger/leerer/pfarrer/hirtē/2c. daruō Paulus züget 1. Cor. 12. vñ Ephes. 4. cap. Der Gott würckt noch hüt by tag in siner kyrchē/durch sine diener/in siner ordnung. Hierum werdend die prediger genennet Diener Christi vñ der kyrchē.

Das ampt  
d̄ prediger  
ein göttlich  
ampt.

1. Cor. 4

Berühg  
vnd waal  
zum ampt

Zum anderen sol nieman eigens gwalts vñ gefallens sich yntringen in dises ampt. Dann rächte Diener werdend ordenlich gewölt vñ gesetzt nach Christlicher vñ apostolischer ordnung. Vnd werdend alle die tröfflich übel geschulten von Gott in sinem wort/die vnberüfft/selbs louffend/oder allein dem nachtrachtend das sy pfründē überkömind/vñ kein rächnung habend/wie geschickt sy zü disem ampt/vil frucht schaffen mögind.

Unser Herr Christus hat jm selbs vberkören apostel vñ jünger / vñ die zü predigen gesendt. Matthias der apostel ward vō der ganzē kyrchen erwölt. Etwan werdend die diener gesetzt von dienern vñ fürgesetzten in der kyrchē/als von predigern/rädren vñ lüten vß der ganzē gmeind vßgeschossen 2c.

Titum 1.  
Acto. 14.

Zum dritten sol zü disem dienst nieman erwölt vñ gesetzt werden/onet der von Gott darzū begaabet ist. Da so hat der heilig apostel Paulus heiter fürgeschribē/wie der Die-



## Der VI. Artikel

ner syn solle. Darvon Besich die erst vnd ander Epistel zum Timotheo / vnnnd die er geschrieben hat an Titum.

Die Hand  
vfflegung.

Zum vierdten sollend soliche erwölte diener ordenlich mit d' Eltern händē vfflegung vnd gemeinem gebärt der kyrchen yngegesetzt werden/nach dem byspil der heiligen apostelen. Vñ bedarffhie gar keiner Bischofflichen wyhe / wie die bißhar im bruch gewäsen ist.

Das ampt  
vnd die  
pflicht der  
Dieneren.

Zum letzten ist solicher yngegesetzter diener ampt / über die händ Gottes wachen vnd sy weiden/in gffundheit behalten/vnnnd vor allem prästen vnd schaden vergoumē/ mit leeren/vermanē/straaffen/Beschälten/stercken/trösten/mit bärten vnd mit züdieneren der heiligen Sacramenten/ouch mit gutem exempel oder byspil eines frommen wandels vnd wäsens: wie das alles vilfaltig in der heiligen apostlen leer vnd byspil anzeigt angegäben vnd funden wirt.

Act. 1. Wyter sollend die diener jnen ouch die armen trüwlich befolhen haben. Dan ob glich wol Perrus sampt den andern apostlen den tischen zedienen sich wideret/forderet er doch

Galat. 2.

von Paulo/ das er jm ließe befolhen syn die armen. Des glich sollend sy insonderheit die jungen flyssig in dem Catechismo berichten/welches ein besonder herrlich gut werck ist/vnnnd dem pfarrer wol anstadt. Ja so es die notturfft erforderet oder des Lads bruch ist/ das

Das man auch erwan die alten im glauben vnd bärten verhöret oder Bericht/ Dz der pfarrer sömlichs mit höchstem flyß thüye/vñ der sines glaubens rathenschafft zü gäbē/od Bericht zeempfaben/geforderet wirt/sich mit gebürlicher ghorzame vñ bscheidēheit erzeige.

Dañ darumb werdend die Diener in der heiligē gschufft genennt Väter/ als die mit höchster truw liebe vñ sorg die kyrchē Gottes versorgen söllend. Darvon liß 1. Corin. 4. vnd Galat. 4. Sy werdend genent Hirten/ als die über die hārd Gottes wachē söllend. Also werdend sy auch Pfarrer genennt/von dem pfärrich oder schaaffstal Christi/ dem sy vorstond od dienend. Darvon liß Ezech. 34. Joan. 10. 21. Pet. 5. Sy werdend genent Bischoff/wächter od vffsäher / als die tag vñ nacht wachend vñ gewarend woran die kirch mangel habe/vñnd worinn man jren hälffen vnd radten müsse. Die Türschē nennend frylich einen Bischoff den / d stāts by dē schaaffsen ist vnd sy radtsamet. Besich Act. 20. 1. Timoth. 3. Sy werdend genent Doctorn/das ist Leerer/als die die ganz kyrchē vnderrichten vnd leerē söllend. Darvon besich Ephes. 4. Titum 1. Sy werdend genent Bwrlüt/ als die die kyrchē Christi bwwe söllend. Darvon besich 1. Corinth. 3. cap. Also werdend sy auch Säyer vnd Ackerlüt vnd Käblüt vnd Arbet vnd in vil ander wäg genent.

Die namē vnd Titel der predigern. Väter.

Hirt.

Bischoff.

Doctorn.

Bwrlüt

## Der VI. Artikel

Was man von dē Dienern der kyrchē auch  
von der Oberkeit halten solle. Cap. X V I.

Man ist d  
Dienern  
notwändig.

**D**ß disem alle k̄a auch ein yetlicher ver  
ston wie diser dienst vñ die diener d  
kyrchen Christi / so gar notwendig  
syend. Kan man der vätteren / der hit  
ten / der wächtern / der leereren / der buwolt  
ten vñ artzten manglen / so kan man auch der  
dienern der kyrchen manglen.

Wie man  
sich gagen  
de: Diene  
ren halten  
solle.

Vñnd ist hie notwendig das ein yetlicher  
Christ wüsse wie er sich halte gagen den die  
nern / ja was er vff inē halten solle. Vorab sol  
lend wir in jre dienst nit ansāhē jre personē /  
sunder vil mee den / d durch sy mit vns hādē  
let / das ist Christus. Darum sollend wir jres  
predigē (so sy anders das luter wort Gottes  
vns predigē) annehmen / als die leer Christi  
welcher heiter im Euāgelio spricht / Wār tuch  
hört / der hört mich: Wār tuch verschmācht / d  
verschmācht mich. Hierüb sollēd wir nit war  
ten biß Christus widerum vō himlen k̄apt /  
vñd mit vns redt. Dāñ in seiner kyrchē redt er  
tāglich mit vns durch sine diener die vns d  
wort Christi verkündēd. Dāñ Paulus spricht  
heiter / Gott hat im in Christo die wāle versü  
net / vñ hat vns empfolhē das wort d versü  
nung. So sind wir nū Gottē im nāmen Chri  
sti / als vermanete Gott durch vns So hit  
tend wir nun im nāmen Christi / Lassend tuch  
versünē mit Gott / 2. Cor. 5. Vñ hiehar die  
net

net auch d; bald volge wirt vō dē Schlüßle.

Hierum̄ sol ein yeder von sinem Pfarrer/  
Prediger oder Leerer / oder Diener Christi  
vñ siner kyrchen/die leer deß heiligen Euan-  
geliums mit ernst hören/willig annehmen/  
die strafft zū gutem vsnehmen/ sich Besseren  
vnd mit dem wort Gottes wysen lassen/ nit  
Bumlen/fluchen/tübelredē/sunder den Die-  
ner als ein geistlichen vatter lieben/vnnd im  
sin narung vnd notturfft nit verbotten od  
versagen. Hierumb hast du heitere gebott  
Gottes/ Hebr. 13. 1. Thess. 4. 1. Cor. 9. 1. Tim. 5.

Es züger auch die heilig geschriffte vilsal-  
tig/das Gott vngerochen nit gelassen / weñ  
man die leer vnd trüwe warnung der Die-  
nern veracht/vnnd sy von irer trüw wägen  
schmächlich gehalten hat. Ir Blüt hat er in  
sonderheit ernstlich gerochen. Daruon sind  
zügnussen 2. Paral. 36. 4. Reg. 2. Matth. 10.  
23. Luc. 19. 2c. Es hat auch Gott vntrüwe  
vnd Bosshaffte Diener allwäg zum träffen-  
lichsten gestraafft/2c.

Die Die-  
ner verachte-  
ten.

Darumb sollend sich auch die Diener ge-  
bürlich/eerlich/recht vnd Christenlich in irer  
leer/ vñ in allem irem wandel/thun vnd las-  
sen halten. Sy sollend Christi eer vñ der kyr-  
chen nutz/nit jr eigne eer vnnd iren nutz bes-  
trachten. Sy sollend nit meinē das sy nit ir-  
ren Könnind / sunder sich auch wysen vnnd  
straffen lassen/vnnd insonderheit weder eis

Wie sich  
die Diener  
halten söle-  
lind.

## Der VI. Artickel

genrichtig noch stolz syn / fräuel noch Bde  
chig. Sy sollend jnen nit zeuil zümässen / sun  
der in aller demüt beston / from / ernsthafte /  
arbeitsam vnd trüw syn.

Nit zeuil  
oder zeroes  
nig zügäbe  
den Die  
neren.

Dann hie muß man äben als güt sorg ha  
ben / das man den Dienern nit zeuil zügäbe /  
als das man verhütē sol / das man sy in jrem  
ampt nit zewenig vnnnd zü ring scherze. Als  
das Gott vnd dem geist Gottes zugehör /  
sol dem menschen nit zugeeignet werden.  
Der Diener sol sich in siner Berüffung demü  
tig enthalten / vnd wüßsen das er ein diener  
ist. S. Johans sprach / Ich touff mit dem  
wasser / er wurde touffen mit dem heiligen  
geist. Ich bin ein rüffende stimm in der wü  
ste / c. So spricht S. Paulus / Darfür halte  
vns nun yedermā / namlich für Christi dien  
er / vnd hußhalter über Gottes geheimnis  
sen / c. 1. Cor. 4. Der selb apostel wil ouch nit  
herrschen über den glauben der gläubigen /  
sunder jren mithälffer syn / c. 2. Cor. 2. Desse  
lasse sich ein yeder vernügen.

Unterscheid  
der Diener  
ren.

Man muß ouch hie vnder scheiden vnder  
den Dienern. Dann erstlich sind trüwe dien  
er / die rächt leerend vnnnd wol läbend. Die  
sind ein grosse Gottes gaab : vñ er zürnt sich  
Gott übel über die sich fräch vnnnd verachte  
lich wider sy setzend in vnghehorsame. Dem  
nach sind Diener die wol vnd rächt leerend /  
vnd aber übel vñ ergerlich läbend. Da heiße  
vns

vn̄s Chrustus das th̄in das̄ sy vn̄s leerend/  
 aber nach irem läben oder wercken sollind  
 wir nit th̄in. Matth. 23. Das Wort vnd Sac-  
 rament das rächt von inē/die böß sind/zü-  
 gedient wirt/verlürt sin krafft nit. Doch sol  
 man sy ouch ernstlich straaßen vn̄ züchtigē/  
 das̄ sy ires bösen wandels abstandind / als  
 Paulus leert 1. Tim. 5. Beschuffe aber kein  
 warnung / sol man sy ires ampts entsetzen/  
 vnd fromme diener an ire statt annemmen.  
 Zum letzten sind etliche diener die übel lees-  
 rend vnd schantlich läbend / die sol man nit  
 dulden. Kan man sy aber nit mit sügen abse-  
 ren / sol man sy doch nit hören / vnd nach der  
 leer des̄ Herren / als schädliche wolff vnd  
 blindenführer fliehen. Darvon stadt Matth.  
 7. Luc. 6. Rom. 16. 1. Tim. 6. 2. Tim. 4. 2c.

Hie sol ouch ein Christenliche oberkeit ire  
 trüwe dienst dem Herren Chrusto vnd seiner  
 Christlichen kyrchen trüwlich bewysen. Ich  
 weiß aber hie wol wie etliche von der Ober-  
 keit redend / sy solle ires radthuses / wärlliche  
 schwärts / vn̄ zytlichen gericht̄s gewaren / vn̄ die-  
 warten / vn̄ sich der kyrchen händlen vn̄ die-  
 nern gar nit beladen / sunder sy selbs schaltē  
 vnd walten lassen / one alles ynredē. Darwis  
 der lut aber gar klar der befelch Gottes / wel-  
 cher beißt den oberkeiten das̄ gsatzbüch gä-  
 ben : vnd nit allein das / sunder der oberkeit  
 gebür zeuerschaffen mit irem dienst / das̄ die

Die Christo-  
 licho oberkeit  
 sol ouch be-  
 woen an der  
 kirchen.

## Der VI. Artickel

Ding im gsatz gebotten in gang kummt  
vnd in wäsen beston mögind

Es warend zwärē vndercheidne ämpter  
des puesters vnd des richters. Dañ als der  
künig Ozias od Azarias rouchē wolt/ward  
es im nit gestattet. Herwiderum sagrēd sich  
die propheten nit vff den künigstul/sund lar  
rend der oberkeit gehorsam syn/vnd warend  
sy selbs jren ouch nach dem wort Gottes ge  
horjam. Da so verschicktēd sy von der kyrchē  
händlen die künig vnd richter nit. Dañ läse  
man in dem büch Josue / wie vil sich Josue  
der kyrchen händlen vñ gloubens sachen an  
genomēn habe: desglichen im ersten büch  
Chronica wie vñnd was Dauid gehandelt.  
Solomon sagz vñ entsagz den obristen prie  
ster: handelt ouch der kyrchē händel mit gros  
sem lob. Lāse mā in den Künigbüchern was  
die heiligē künig Asa/Josaphat/ Ezechias/  
Josias gethon habind in der kyrchen mit res  
formieren. Vnd wie die fürsten vnd die prie  
ster mit einandern einhällig den gottesdienst  
gefürderet habind. Welches alles Gott in  
jnen trāfflich rümpf.

Wār wölte aber sagen gedören/ die exem  
pel des alten Testaments giengend in disem  
sal (weiß wol das die exempel der Ceremo  
nien nit schliessend) die Christenlich oberkeit  
nit an? Dann diewyl der geist im nūwen  
Testament rychlicher gāben ist/ warum wöl  
tend

tend daß die Chriſtenlichen oberkeiten min-  
 der thun/daß die Jüdiſche gethon habend?  
 Die propheten habend doch heiter gewyſſa-  
 get/es werdind die künig der Heiden in die  
 kyrchen Chriſti kōmen/vñ ſy mit irem dienſt  
 trüwlich fürderen. Darvon läſe man Iſaiam  
 am 49. vnd 60. cap. vnd andere propheten.  
 So iſt es vnwiderſprächlich das ſich Con-  
 ſtantinus/Theodoſius vñ andere Chriſten-  
 liche Keiſer vñnd künig der religion beladen  
 habend/ordnungen gemacht/nach deß Her-  
 ren wort in kyrchenhändlē/gezüchtiget/ge-  
 ſetzt vnd entſetzt die diener der kyrchē nach  
 rächter ordnung der kyrchē/darzu auch Sy-  
 nodos berufft vñ gehalten. Deſſe findt man  
 vil zūgnuffen noch in Büchern deß Keiſers  
 Juſtiniani vnd anderer/2c. So ſchrybt auch  
 vil vff diſe meinung der heilig Auguſtinus  
 wider Perilium vnd wider die ganz Sect  
 der Donatiſtern.

Darum nach vßwyſung Göttlicher war-  
 heit ſöllend Chriſtenliche oberer ſich der kyr-  
 chen händlen beladen: doch die allein helffen  
 nach dem wort Gottes richten/leiten vñ er-  
 halten/vñnd nit nach irem gütduncken oder  
 gefallen / damit jnen nit widerfare wie dem  
 künig Hierobaā/Ahab/Saul/vnd andern  
 ſre glychē. Gott gebüt der oberkeit zehand-  
 len nach ſinem wort. Da ſöllend ſy trüwlich  
 anhalten das gſunde leer vnd die rächte kyr-

2. Reg. 23.  
 vnd 14.  
 4. Reg 19  
 1. Reg. 23.



## Der VI. Artickel

henbüch ein für gang habind / falsche oder ergerliche leer vnd leerer / vngheorsame / vnzucht / schand vnd laster abgestelt vnd gestraafft / ouch der kyrchen güter zür leer vnd trost der armen rächt verwalte / ouch Christuslicher frid vnd wolstand alle zyt gefürdere werde. Yezund kommend wir wyter vff die Diener des worts.

Vonden Schlüsslen zum himmelreich die der Herr den Dieneren gäben hat.  
Cap. XVII.

Die schlüssel des huses sind des huses verwaltung

**D**id der handel der Schlüsslen / des der Herr gedencft im heiligen Euangelio / ist nit anders / dann die verwaltung des diensts der Dienern Christi im huse Gottes. Im propheten Isaia am 22. cap. wirt dem Eliachim verheissen / das im solle werden der Schlüssel des huses Dauids / damit er werde vstün / vnd nieman werde es döffen beschliessen. Was war das aber anders / dann das im verheissen ward / er wurde huse od hofmeister werden / mit vollkommener verwaltung des ganzen küniglichen hofs: Dan welche zü husemeister gesetzt werdend / denen werdend die Schlüssel zum huse gäben / das vff vnd zü beschliessen / doch ouch nach dem befälch vnd ordnung des künigs / der herr über den hof oder über das huse blybt. Dann der husemeister allein ein diener ist.

Da

Da so hat Christus der künig der eerē ein rych vnd huss oder hof/namlich das himmel rych/das ist die kyrch hie vff erden/vnnd die sälligkeit daobē in himlen. Sises rych bestadt in siner hand/er erwölt aber diener/denē er die Schlüssel zū diesem sinem rych gibt/in sin rych/namlich/ in die kyrch vnnd sälligkeit die menschen ynzelassen vnd daruß vßzūschliesen/doch ouch nach siner bestimmung. Dan die gläubigen heißt er ynlassen / die vngläubigen vßschliessen / yhenen verbeissen die sälligkeit / denen aber erduwen die verdammuß/zc.

Die schlüs sel zū himo melrych.

Das vff vnd zūschliessen aber stadt in dem bericht oder im dienst der predig / dardurch wir den wäg zur sälligkeit erkennind vñ ouch wandlind. Dann der Herr spricht im Euan gelio wider die Leerer des Jüdische volcks/ Wee iuch gschrifftgeleerten / dann jr habend den schlüssel der erkanntnuß hingenommē: jr sind nit hinyn gangē/ vñ habend geweert denen die hinyn woltend. Luce 11. Siewyl dann Christus die einig thür in himmel ist/ vnd wir durch dise thür gond/wenn wir sin erkanntnuß vnnd glauben in in habend / so schliessend vns ye die diener / als mit schlüs sen/den wäg oder die thür in himel vff/ weñ sy vns die erkanntnuß Christi predigend vñ den glauben leerend. Dann ye gewuß ist/so wir glaubend/das wir rächte glüder der kyro

11 vnd 34 schliessen.

## Der VI. Artikel

den / darzu erben des ewigen lebens sind.  
 Dargege schliessend sy vns den himmel zu/  
 wenn sy vns Bezügend / so wir in de vnglou-  
 ben verharrind / Blybe ouch der zom Gottes  
 vff vns / deshalbē vns gar nit zühälffen sye/  
 vnnnd werdind ouch keine glider Christi syn/  
 noch kommen in die seligkeit.

Wo die  
 Schlüssel  
 verheissen  
 vnd gelei-  
 stet spend.

Mathe 16.  
 Marci. 2.

Dise Schlüssel hat vnser Herr verheissen  
 sinen jüngern zu gäben / Matth. 16. also das  
 was sy bindind oder entbindind vfferden/  
 ouch in himlen solle gebunden oder entbun-  
 den syn. Vnd gibe sy den jüngern Joan. am  
 20. da er spricht / Welchen jr die sünd nachlas-  
 send / denen sind sy nachgelassen: vñ welchen  
 jr sy behaltend / denen sind sy behalten. Sic  
 weist aber menglich wol / das nieman die  
 sünd / dann allein Gott / nachlasst / die diener  
 aber söliche verzyhung verkündend / vñ also  
 entbindend. Dann wenn man besicht die an-  
 dern Euangelisten was sy von disem ort sa-  
 gind / befindet man das Marcus am 16. vnd  
 Lucas am 24. redend von der predig des hei-  
 ligen Euangeliums / das welcher derē glou-  
 be / verzyhung der sünden erlange. Darumb  
 lassend die diener die sünd ab / wenn sy den  
 mensche die grächtmachüg in Christo durch  
 den glauben Bezüged mit der predig des hei-  
 ligen Euangeliums: namlich / weñ sy in Chri-  
 stum gloubind / sye jnen ire sünd vergäben.  
 Dann söliche Bezüfung befrefftiget Gott  
 vnd

vnd halt die in himmlen für ledig/ die durch die warhafft predig des heiligen Euangelij vff erdtrich vom diener ledig der sünden/ vnd für from vnd gerächt gesprochen sind.

So ist yetz die gantz summa des handels der schlüßlen kein andere dann diese/ Vnser Herr Christus behalt allen gwalt in himmlen vnd vff erden/ als der einig oberist künig vñ priester zü der gerächten Gottes/ von welchem geschriben stadt/ Er ist der heilig vnd der warhafftig/ der da hat den schlüssel Das rüchs/ der vffhüt vnd niemants züschlüßt/ vñ züschlüßt vñ niemants vffhüt: aber die schlüssel/ das ist die verwaltüg in d' kyrchē / hat er sinen Dienern/ die er in der kyrchē gsetzt vñ geordnet/ Befolhē/ daß sy durch ire befolhne dienst vnd ampt/ die menschen der gerächtmachüg berichtind/ ja in die gemeinsame der heiligen bringind/ vñnd ouch in das himmelrych ynfürind. Da wil der Herr krefften vñ würcfen/ vñ das waar vnd stät halten oder bekrefftigen/ das in diser verwaltung in sinem namen vñnd mit sinem wort zügesagt vnd gehandelt wirt. Dann also spricht der Herr zü Paulo/ Darumb bin ich dir erschinen/ das ich dich bestelle ein diener vñnd zügen/ vñ schicke dich vnder die Heyden vñ zerbün ire ougen / daß sy sich bekeerind von der finsternuß zü liecht/ vnd von dem gwalt des Tüfels zü Gott/ zü empfaben die ver gä

Summa was die schlüssel syend.

Apoc. 2:

Die schicksel Pauli gäben.

## Der VI. Artikel

bung der sünden/ vnd das erb zu erlangen  
mit denen die geheiligt werdend durch den  
glauben in mich/ Acto. 26. cap.

Stefalsche  
Schlüssel.

Vnd hie weiß ich wol das vil anders von  
den Schlüssel/ vom Papsst vñ den sinen/ ge-  
schriben vñ geleert wirt: aber damit sozgend  
sy nit so vil wie sy die lüt bringind in das him-  
melrych / als das sy überkomind vnd behale-  
tind den obristen gwalt/ herrlichkeit vnd das  
irrdisch rych: welches doch d. Herr inē zum  
höchsten verbotten hat/ Matth. 18. 20. Luce  
22. Dar zu ouch S. Peter/ desse sy sich inson-  
ders rümend/ also zu herrschen inen glatt vñ  
bar abgeschlagen hat / vnd noch vil mee den  
feilen kouff vnd mäckt in der kyrchen. Dar  
von liß Act. 8. 1. Pet. 5. vnd 2. Pet. 2. cap.

Von der Predig des heiligen Euangeliums.  
Cap. XVIII.

**D**arum weß der diener sinen dienst  
in der kyrchē übt/ insonderheit aber  
mit dem predigen des heiligen Eu-  
angelij/ so übt vnd gebrecht er die  
schlüssel/ schlüßet vñ vñ zu das himmelrych.  
Dan die Predig des heilige Euangeliums  
anders nit ist/ dan die verkündung der gna-  
den Gottes/ mit deren er vns zu gnade vñ ge-  
nommen / vnd durch Christum erlöset ouch  
heil gemacht hat / so wir anders in in glou-  
bend. Vnd also beschrybt vns das Euange-  
lium

Was die  
predig des  
heiligen E-  
uangeliums.

lium der Engel Gottes Luce 2. da er spricht er verkünde den hirtten das Euangelium/ namlich daß Christus der heiland / zu heil v menschen geboren sye. Derglychen beschrybt vns das Euangelium vnser Herz Christus selbs / Luce 4. vß dem heiligen propheten Isaiä/vñ am 16. Marci/da er heißt sine jün- ger das Euangelium predigen/vnnd darauf spricht/Welcher gloubt vnd toufft wirt/der wirt sällig/2c. So spricht der heilig Apostel Paulus/Das Euangelii ist ein krafft Got Rom. 1. tes zum heil einem yeden der daran gloubt. Solich Euangelium (als auch Paulus spricht) hat Gott durch die Propheten von anfang verheissen /in Christo aber in letzten zyn geleistet/vnd den Apostlen/ als gelei- stet/Befolhen zu predigen/ Rom. 1.

Es wirt aber im Euangelio nit nun ges prediget die verzyhung der sünden / sunder auch die erkännuß der sündē/damit ein yet- licher verstande das er nit durch sin krafft oder sinen verdienst/sunder durch die gnad Gottes in Christo/heil werde / vnd das wir durch vnserē verdienst/namlich vnser sündē halb/söltind verdampft worden syn: ja auch durch vnserē krefft nimmermer in himel kom- men wärind. Desß habend wir ein schön by- spil in vnserm Herre Christo/welcher Joan- 3. dem Nicodemo das Euangelium also pre- diget/das er jm vor allem sagt/wo er nit wis-

Das Euan- gelium pres- diget auch die erkän- nuß der sün- den.

## Der VI. Artikel

Der gebore werde/ möge er nit in himel kom  
men. Darnach erkläret er jm die gnad Gottes  
in Christo / vnd das die durch den glauben  
angenomen werde. Also prediget auch das  
Euangelium denē die vß den gnaden Got  
tes durch den geist widergeboren/ vñ durch  
Christum von sünden gereiniget vñ im glou  
ben erben worden sind deß ewigen läbens/  
Besserung ires läbens/ vñnd das sy sich nach  
empfangner gnad all jr läbenlang haltind  
wie es gebürt vnd rächten Gottes kindern  
wol anstadt. Darnach auch vnser Herr  
Christus die verzyhung der sünden vnd Bes  
serung deß läbens/ als vil als hauptartikel  
deß heiligen Euangeliums benamset/ Luce  
24. Matth. am 3. vnd Marci am 1. cap.

Von der predig der Buß / vnd wie sich der  
Sünder zu Gott schickē solle. Cap. XIX.

Der Sünder  
der mag al  
le zyt zu  
gnadē kom  
men.

**D**ad die sol nieman verston / daß das  
heilig Euangelium vns also die gnad  
Gottes predige / das wir nun eins  
mal/ vñ das von anfang allein/ weñ  
wir zum glouben komē sind / von Gott zu  
gnaden vßgenommen/ nach begangner sünd  
aber von jm verlassen werdind/ vñ kein hoff  
nung mer habind. Es sind zwarē vor zytē  
Sector gsyn/ vñ möchtend noch funden wer  
dē/ die also hieltē. Aber die heilig Götlich  
schafft züget heiter vnd vilfaltig/ das so vil  
vnd

vnd dick der Sünder falt/vñ widerumb vñ  
 stadt vnd sich zu Gott bekeert/das im der zu  
 gang zu Gott vñnd sinen gnaden offen stan  
 de. Vnd darumb wirt vns durch das heilig  
 Euangelium die gnad Gottes/ Büß vñ Bes  
 serung all vnser läben lang geprediget.

Dañ alle die zu gnaden von Gott in Chri  
 sto durch den glouben vnd durch die wider  
 geburt angenömen sind/legend dz fleisch nit  
 so ganz vnd gar dahin/das sy keiner an fäch  
 tungen mee empfindind oder sich schwärer  
 selen nit mee zu besorgen habind. Dann die  
 sündig art blybt in vns / biß in vnser grab.  
 Darumb empfindend wir in allem vnserm  
 läben allerley versuchung/vnd fallend offrt in  
 schwäre sünd. Das züget die täglich erfa  
 rung in allen gläubigē. Das züget auch der  
 Wyß man da er spricht/ der from od gerächt  
 fällt sibem mal (das ist vilfaltig) der stadt aber  
 wider vñ: die gottlosen fallend dermassen dz  
 sy verdärbend. Deren dingē habend wir vñ  
 zalbare in der gschrifft byspil.

Die frome  
 me habend  
 auch it ane  
 sächung  
 vnd sal.

prou. 24.

Arzny der  
 sünden vñ  
 sündern.

Was die  
 bag 192.

Da so hat yetzund Gott diesem prästen vñ  
 schadē ein herrliche vñ gewüsse arzny bereit/  
 namlich die predig der penitenz/das ist der  
 büß vnd besserung / welche die gefallen vñ  
 prästhaften vfricht vñnd arznet / oder wi  
 der zu Gott vnd vff den wäg der gerächtig  
 keit wyßt. Dann die penitenz od büß ist nit  
 anders dan der rüw vnserer sünden vnd die



## Der VI. Artikel

Bekierung vom Tüfel vñ bösen/ zu Gott vñ  
dem guten.

Don der  
straff den  
worten.

Vnd hic ist das erst/wenn der Sünder in  
der sünd yetzund ligt vñnd eintweders ent-  
schlaaffen vñ sicher/ der sündē nit empfindet/  
od aber iren schmerzlich empfindet/doch sich  
anhebt zur verzwyflung oder verrückte nei-  
gen/ das er mit dem wort Gottes / das ist  
durch die predig der besserung/erweckt vnd  
gestraafft/siner sünden erinnert vnd anklagt  
werde. Dann die straff der worten sol ent-  
lich dahin gericht werde/das der sündler ver-  
stande was/wosiñ/ vnd wie schwär er wider  
Gott gesündet habe/dz er darumb rüwe tra-  
ge/nit in sinen sündē verzage/ sunder sich zu  
Gott wende/den vmb gnad bitte/in Christi  
gloube/vom Tüfel vñnd dem bösen ablasse/  
vnd das gut widerumb thūye. Vñ ist hic kein  
andere rächtfertigung od grächtmachung/  
dan die daobē anzeigt in der gnad Gottes/  
durch den verdienst Christi vñ dem waaren  
glouben: ja dise Bekierung ist ein vernüwe-  
rung der ersten rächtfertigung.

Don der  
Bekieren  
straff.

Es begibt sich aber offte das der sündler so  
gar erstarcket vnd fräch in sünden wordē ist/  
das er ab worten vñ ringer arzney nüt thut/  
vnd deshalb schnydens/Brennens vnd ru-  
ber arzney notwēdig ist. Darumb tröuwend  
erwan die prophete schwäre sachen/vñ heisse  
Paulus den lasterhafften menschē zu Corin  
them

Matth. 18.  
2. Cor. 7.

then übergäben dem Tüfel/ zum verderben  
des fleischs. Doch das alle zyt der wäg zu  
Gott offen behebt/ vnd der rüwer zu gnaa-  
den vsgenomen werde. 2. Corinth. 2. 7.

Hieruß ist nun güt zeuerston/wie sich der Wie sich d  
sünder zu  
Gott schio  
cken solle.  
Sünder zu Gott schicke. Er bestadt nit in si-  
nē sündē/ja die wyl er siner sündē täglich em-  
pfindt/ wachet er vñ hört gern dz wort Got-  
tes/er hat rüw vñ leid siner begangnen sün-  
den halb/er bekeert sich zu Gott vnd begärt  
durch waaren glauben deren gnaden/die er  
weist vnd von anfang bericht ist/allen glöu-  
bigē in Christo völliglich bereit syn: er bych-  
tet Gott sin sünd täglich/vnd empfacht trost  
vß der predig des heiligen Euangeliums:  
Christum erwölt er zum bychtuatter/ als dē  
einigen obristen priester/ sin warhaffte zusas-  
gung der verzyhung der sünden vñ sin blüt  
halt er für sin absolution. Dan die erst kyrche  
die die allgemein bycht der sünden vnd abso-  
lution/die in der kyrchen in vñ zu der predig  
gesprochen wirdt/gehebt hat/ von der oren-  
bycht vñ privat absolution gar nüt gewüßt:  
mit hin zu stadt der rüwer ab vom bösen vnd  
flyßt sich das güt zethün. Vñ eines sömliche  
bekeerens vom bösen zum güte/habend wir  
nit allein in Dauiden/in Petro/in Magdas-  
lena/in Zacheo vnd Matheo/sund in vnzäl-  
ber vilen heilige alts vñ nürws Testaments/  
schöne byspil.

## Der VI. Artikel

Was ein rächt büßfertig Christen läben  
sye. Cap. XX.

**D**id ist das ein rächt rüwrig büßfer-  
tig läben/das einer nit allein sin be-  
gangne sünd bekeñe/sunder vil mee  
des achte/das ein abgrund der süns  
den in jm/yimmerdar nütwe sünd vsequille/vñ  
das er deshalben ernstlich wache vnd arbeits-  
te. Sie muß nū vnser yetlicher wyter betrach-  
ten was er für synd habe/mit denē er stryten  
muß. Wir habend vnser eigē fleisch vñ blüt/  
zū allem bösen gar geneigt. Wir habend den  
bösen synd den rusiglistigen geist/der nit vñ  
hört in all wäg vns zū versuchen/reitzen vñ  
ziehen zū der sünd. Wir habend die schant-  
lich Boshaft wält/mit iren bösen byspilē vñ  
wollüsten / mit welchen sy vns vom güten  
zum bösen abfür.

Was synd  
wir habend

Die waafs-  
en der büß-  
fertigen.

Der Chris-  
ten stry-  
t.

Darnābed müßend wir ouch wüßend/das  
wir wider dise synd tag vnd nacht stryten sö-  
lend/vnd deshalb ouch müßend mit geistli-  
chen gweeren vñ harnesch versähē syn. Wel-  
ches aber die rächten gweeer/vnd der gebür-  
lich harnisch des Christenliche kriegsmans  
sye/erlern vñ dē 6. cap. Pauli zū den Ephes.  
Da so für nun der büßfertig Christen  
mensch disen krieg vnd stryt nach dem byspil  
Christi/das er vns vortragen hat Matth. 4.  
cap. Er sicht in allem sinem thün vnd lassen  
vff das wort Gottes/daruon laßt er sich nie  
nan

nan abfüren. Er sicht vff Gott allein/ vñ vff  
 sin hilff: er bätet one vnderlaß/ vnd rufft an  
 Gott vmb radt vñnd hilff/ sagt ouch Gott  
 danck so er deren empfindt: er thüt jm selbs  
 abbruch in äffen/ trincken/ rüwen (welches  
 das rächt fasten ist) vnd in allem sinem wä-  
 sen / damit er sin fleisch dem geist gehorsam 2. Cor. 9.  
 mache: er gibt ouch allmüsen/ vñnd übt sich  
 stäts in allerley arbeit / damit er dem Tüfel  
 vñ fleisch allen anlaß abschnyde. Vnd hiemie Ius. 2.  
 diener er Gott (wie Zacharias leert) in der  
 gerächtigkeit vñ heiligkeit all sin läbenlang.  
 Das ist ouch das rächt Christenlich läben.

Darvon besich wyter Paulum Rom.

6. 7. 8. vñnd 1. Thessal. 4.

capitel.

# Von dem Anruffen vnd gebätt der gläubigen.

## Der VII. Artickel.

**A**lle vnd yede Chris-  
ten söllend wüssen/  
das die Anruffung  
des namen Gottes  
oder das gebätt vß  
dem waren glauben  
volget / als ein fürneme würckung  
des glaubens vnd vereerung Got-  
tes: vnnnd das die gläubigen bätten  
söllend / vnd in irem gebätt vnnnd in  
allem irem anligen / nit die creatu-  
ren / sunder allein Gott anruffen.  
Dann allein Gott / als die vollkom-  
ne gnüge aller gütern / gibt dē men-  
schen alles güts / vnd was sy bedörfe-  
fend. Sy söllend ouch Gott allein  
durch Jesum Christum anruffen.  
Dan Gott hat in himlen allein Je-  
sum

sum Christum zum mittel vñ für-  
bitter der mensche gesetzt. Der rufft  
ouch allen armen sündern zu jm/ver-  
heißt inen alle gnad vñ alles güts:  
vnd leert vns ouch die aller best-  
form des bätrens / namlich das hei-  
lig Vatter vnser. Das aber dem allem  
also sye/zeigend wir an durch folgende Ca-  
pitel mit kundtschafft heiliger gschufft.

Das das Anruffen Gottes vñ dem glou-  
ben volge / vnd ein waare Gottes veree-  
rung sye. Cap. 1.

**D**es den Glouben sol billich vnd zu-  
nächst/von dem Gebätt oder anruffe-  
sen des namen Gottes / g sagt wer-  
den. Dann der gloub würcet aller-  
ley güter wercken/wie hernach an sinem ort  
volgē wirt/insonderheit aber die Bekänntnuß  
vnd das anruffen Gottes. Also spricht Sa-  
uid / Ich hab gloubt / darumb hab ich ouch  
geredt/ic. Vñ bald hernach/Was sol ich dem  
Herren gäben oder vergälten vmb alle die  
gütthaten / die er mir gethon hat? Ich wil  
den Bächer des heils nemen / vnd den nam-  
men des Herren anruffen. Psal. 116.

Darumb scheidet sich die Anruffung des  
namen Gottes nit vom glouben / sunder

Die bekän-  
nuß vñ An-  
ruffen vñ  
dem glou-  
ben.

## Sec VII. Artikel

Nieman  
anruffen  
dan Gott

hange im ymmer an/ gebürt auch niemant  
dan Gott allein. Dan als Paulus sagt Rom.  
10. ruffend wir den an / in den wir gloubet.  
Wir gloubend aber in nieman dan in Gott/  
Darumb ruffend wir nieman an/ dan Gott.  
Darnon hernach mee volgen wirt.

Wie & an-  
ruffung  
Gottes ee-  
rend wir  
Gott.  
Joan. 3.  
v. Joan. 5.

Vnd halt Gott solich anruffen siner glöu-  
bigen nit für die minste eer/ die wir im bewy-  
sen könnend. Wir vertruwēd im ye aller wars-  
heit vñ alles gūten. Dan als Joānes spricht/  
Wār Gott nit gloubt / d̄ hat in zum lugner  
gemacht. Vñ so wir Gott anruffend/ erhört  
er vns/ gibt vns also wyteren anlaß in zū ee-  
ren vnd zū prysen. Darnū spricht der Herr  
durch sinen propheten. Opffer Gott lob vñ  
Danc̄/ vnd bezal dem hōchsten dine glūbe/  
vnd ruff mich an in der zyt der not/ wen̄ du  
sin bedarffst/ so wil ich dich retten/ vñ so wirst  
du mich eeren vñ prysen. Welcher nun Gott  
nit anrufft/ der gibt Gott sin eer nit.

Psalm. 50.

Das man bāten solle/ vnd der glöubigen  
gebātt nit ytel oder vnnütz sye. Cap. II.

Das man  
bāttē solle.

**N**Je sind aber vil ding die den mens-  
chen vom gebātt oder anruffen ab-  
wendend / als ob es ytel/ vnnütz vñ  
gar nit notwendig sye vñ vor Gott  
nit gälte. Darwid ein yetlicher Chriſt glöu-  
biger sich waaffnen vnd ruffen sol/ das er in  
so trāffliche irrthum̄ nit falle/ vñnd also dem  
Tüfel

Vom Anruffen vnd bätten. 120

Tüffel frönd mache. Dañ der Tüffel ist ein besonder grümmiger deß gläubigē gebätts synd vnd hasser.

Helich sprachend/wz im Gott in siner ewigen vnfälbaren vorordnung fürgesetzt hat/ das muß ein fürgang habē. Darumb wenn im Gott etwas fürsetzt zethün/ laßt er sich nit anbättrē/ deßhalb sye das gebätt der menschen ver gäbens. Dañ es wirt vnd muß gon wie Gott wil. Darwider gedencē ein yeder/ ob glich wol alles in Gottes verwaltung stad/ ist doch das gebätt der gläubigen darumb nit vnnütz/ diewyl es ouch in der ordnung vnd im willen Gottes begriffen vnd von Gott selbs als nütz gebottē ist. Zu dem habend wir schöne exempel die vns hie tröstend Deut. 9. spricht Moses/ Gott habe im fürgenömen das volck Israels vßzerütē/ er aber habe gebätten den Herren/ vnd gnad funden. Jonas ward gesandt gen Ninive/ den vndergang der Statt den d Herr nach 40. tagen im fürgenömen hat/ zü verkündē. Aber die Niniviter gloubtēd Gott/ruffend zü im/vnd blibend vßrecht. Isaias sagt zü Ezechia/vß dem müd Gottes/ Du müst sterben/vnd wirst nit läben. Als er aber den Herren anrufft/wurdend im 15. jar zü sinem läben gethon. Vnd das söliche gnad Gottes allen denen bereit sye die sich befeerend vnd Gott anruffend/ liß Jerem. 18. vñ Ezech. 18.

Die best  
ordnung  
sint vß ges  
bätten ist.

Isaie 38



## Ser VII. Artikel

Das vor  
wissen  
Gottes  
nimpt das  
gebätt nit  
hin.

Etlich sagend /  $\text{D}$  Gott /  $\text{D}$  alles weißt /  $\text{D}$ er  
weiß ouch vorhin / ee dan wirs im erzellend  
mit vnserem gebätt / weiß wir bedörffend / w $\text{z}$   
dörffend wir im dan daran vil zu sage $\text{z}$  / Dar  
wider gedenc $\text{t}$  ein yeder /  $\text{Dz}$  der Herr selbs /  
der Matth. 6. gesagt /  $\text{V}$ wer himelischer vater  
te $\text{r}$  weißt was jr bedörffend / ee dann jr bät  
tend / nürdestimind leert wie man bätte solle.  
 $\text{V}$ nd vermanet vns ouch darzu das wir bät  
tind. Darumb sollend wir bätten / vñ im vn  
ser anligen / nit als dem vnwüßend $\text{e}$  / sunder  
wüßenden erzellen / dann die gehorsame ge  
fallt Gott.

Gott laßt  
sich bewegt  
g $\text{e}$  mir dem  
gebätt.

Etlich sagend / Gott laßt sich nit mit vns  
sern Worten bewegen / vñ habe selbs verbot  
ten vil wort zetryben. Darwider gedenc $\text{t}$  ein  
yeder / das wenn Gott vnser gebätt nit ange  
näm wäre / hätte er es nit von sinen dienern  
alle zyt für wärd vfgenoimen / hätte sich ouch  
nit bewegen lassen / wie daoben gehö $\text{r}$ t von  
Mose / von Ezechia / vnd sunst ouch vilfaltig  
funden wirt im Psalter / insonders Psal. 145.  
So hat vnser Herr Christus nit verbotten  
wort zetrybē / sund das wir nit / wie die Hei  
den / vil blapperind / vñnd denn vermeinind /  
das wir von vnser vil Worten wägen erhö $\text{r}$ t  
werdind.

Wie Gott  
die Sünde  
der nit hö $\text{r}$ .

Etlich sagend / Im Euangelio star geschri  
ben das Gott die Sünder nit erhö $\text{r}$ e. Die  
wyl wir dan alle Sünder sind / ist vnser gebätt  
vnnütz.

Vom Anruffen vnd bätten. 121

vnnütz/ Dann Gott erhört nit. Dargegen  
gedeck ein yeder dz zweyerley sündern sind/  
zu erst verruchte gottlose/ die erhöre Gott  
nit: dan sy fragend ouch Gott nit rächt nach.  
Zum andern sind sündern/ denē es leid ist dz  
sy also sind/vñ begärend der gnadē Gottes.  
Die selben erhört Gott. Dann er hat sy ye ge  
leert bättē/ Vñ vergib vns vnser schuld/rc.

Hierumb sol sich vnser yetlicher rüsten vñ  
vestnen zum gebärt/mit dem das Gott vns  
bätten heist/ vñ vns alles güts verheist/sa  
züget das im vuser gebärt angnām sye: das  
ouch alle gläubigen ye vnnnd ye gebärtet / vñ  
das gebärt als nütz/norwendig vnd krefftig  
gehalten/vñ darzü empfunden habend. Dar  
von ouch S. Jacob schrybt am 5. cap.

Was bätten sye / wie das gebärt abgeteilt  
werde/vnd wo/vnd wenn man bätten solle.  
Cap. 111.

**D**id so wir yetzūd genügsam Bericht Was das  
Gebärt  
196.  
sind/das man bätten soll / volgt ye  
zund was das gebärt der gläubigen  
sye. Das Gebärt ist nüt anders  
dann ein hertzlich oder ynbrünstig gespräch  
des gläubigen gmüts/mit Gott/ damit der  
gläubig etwas von Gott begärt/vnnnd vmb  
das er empfangen hat/lob vnd danck sagt.  
Dann das gebärt hat zwen teil / das An- Anruffen  
vnd danck  
sagen.  
ruffen vñ das Lobē oder danck sagen. D

## Der VII. Artikel

Paulus spricht Philip. 4. In alle gebätt vñ anruffen lassend iwer anligen mit dancksagung kundt werden vor Gott. Mit dem Anruffen begärend wir in allem vnserem anligen für vns vñ für vnserer nächstē / das vns Gott das güt gäbe / vnd das böß von vns wēde. Mit dē dancksagē/lobend wir Gott/ sin krafft vnd gnad/ vñ danckend vmb alles güt das er vns bewyßt. Vnd hiehar hörend die wort Pauli/ Ich vermanen das man vor allen dingen thūye bitt / ernstlich anhalte im gebätt/fürbitt/vñ dancksagūg für alle menschen/für die künig vñnd für all oberkeit/ 1. Timoth. 2.

Zweyerley  
geschläch  
des Bät  
tens.

Vnd hie sol man wüssen das zweyerley geschläch des Bätens sind. Dan es ist ein Besonders gebätt / da du allein by vnd mit dir selbst vffter dem kyrchgang Bättest: vñ ein allgemeins/da du in dem kyrchgang by vñ mit der ganzen gemeind Bättest.

Wom ort  
da man bät  
ten sol.

Dann deß orts halben / stadt es also/das du an kein ort gebunden bist / vñnd deßhalb Bätten magst an allen ortē / in dinem huß/in diner kammer/in diner werckstatt/an dinem Bett/vff dem völd/an diner arbeit/ vñnd wo dich die notturfft vñ der andacht ankumpf. Das züger vñnd leert vnser Herr Christus Matth. 6. Joan. 4. vnd Paulus 1. Timoth. 2. cap. Vß der fryheit aber deß orts sol nieman den kyrchgang verachtē: welche vnser Herr Christus

Vom Anruffen vnd Bätten. 122

Christus selbs gebucht/den Befolgen/vnnd den die Apostlen gebucht vnd den kyrchen verlassen habend. Das erlernt man in den heiligen Euangelien vnd in den Geschichten der heiligen Apostlen / Besunders 1. Cor. 11. vnd 14. cap. Herwid erumb sol nieman ver- meinen/ das er mee an einem/ dann an dem andern ort / als von desß orts wägen/ erhört werde.

Also ist auch die zyt desß gebätts fry/ Das du magst am morgen/mittag vñ abend Bät- ren / so du vffstaast vñ nider gaast / über tisch vnd daruon gaast. Villit verstand die fry- heit nit rächt/vnd stand also vf/ vnd gond ni- der/gond über vnnd ab tisch/das sy nimmer Bätted. Das ist nit ein fryheit/sund ein gotts- lose verachtung desß gebätts: anders istts nit weñ du auch zu der zyt mit der kyrchen nit Bättest/weñ sy pfligt zu Bätten. Die alten ha- bend ernstliche gemeine kyrchgang vnd ge- bätt zu der zyt grosser gfarengesähē / wie man das selb sicht in den histouen der Pro- pheten vñ Apostlen. Sölichs mag die kyrch noch thün:vnd sol sich da gfarlicher wyß nie- man überal üßern. So habend die alten dry- zytten im tag gehebt zum Bätten/den morgē/ mittag vnd abend/ Dan. 6. Act. 3. 10. 20. An söliche zyt wirt der gldubig wol nit gebun- den/er sol aber morgens vnd abends / ja one vnderlaß / nach dem gebott Christi/ Bätten:

Von der  
zyt desß ge-  
bätts.

Joelis 26  
1. Cor. 7.  
Act. 4. 126

## Der VII. Artickel

Von dem  
Wien zum  
gebärt.

Luce 18. Insonderheit aber ist das gebärt  
an kein glüt gebundē. Es ist ouch sölich glüt  
in der ersten kyrchen nit gsyn/insonders das  
Aue Maria lüten. Man schrybt das es erst  
yngesürt sye von Gregorio 9. anno domini  
1139. vnd von Joanne 22. anno domini 1330.  
Das wir frylich vff Gottes wort vnd vff die  
lange zyt/ da sölich lütē nit gsyn/mee setzēd/  
dann vff des Papssts gebort vnd vff so fur  
32 zyt.

Wie das rächt gebärt / vnd der/der bätter  
gestaltet syn solle. Cap. IIII.

Der da bät  
det sye der  
müsig.

**S**etzund wil ich ouch anzeigen durch  
etliche puncten/wie der/der bätter/  
vñ das gebärt solle gestaltet syn vor  
Gott/ damit es rächt sye vnd Gott  
wol gefalle. Zum ersien sol der/der vor  
bätter/nit buwē vff sin fromkeit/als ob Got  
jn von der selben wägen erhören müsse/sun  
der in aller demüt/niderträchtigkei vñ rich  
tigkei/sol er sine sünd vnd prästen/vnd das  
er alles gütē mangle/erkennen/welches als  
lein by Gott funden werde / vnd sich also an  
die einig gnad vnd barmhertzigkeit Gottes  
ergäbē. Also bätter Daniel/Danielis 9. cap.  
Also bitter der Prophet im 79. Psalme/Mit  
gedenck vns an die alten missthaate/ sunder  
yl vñnd fürkum vns mit diner barmhertzig  
keit. Dan wir sind träffenlich ellend worden.  
Hilff

Vom Anruffen vnd bätten. 123

Hilff vns / o Gott vnser Heiland / vmb der  
eeren willen dines namens / 2c. Der Phari-  
seer rümpf sin gerächtigkeit Luce 18. vnn  
missiel Gott: der arm Publican vnd sünd  
sprach / O Gott biß mir armen sünd  
gnädig vnd ward erhört.

Zum anderen / söllend wir vnser gemüt  
von den irrdischen dingen ziehen / vñ setzen  
in die himelischen / nit den fleischlichen / sun-  
der den geistlichen Betrachtungen statt gä-  
ben: vnd nit allein mit der stim / sunder mit  
dem andacht / nit mit dem mund allein / sun-  
der mit dem geist vñ hertzen bätten: wie der  
Herr vnd Paulus leered / Matth. 15. vnd  
1. Corinth. 14. cap. Darzü hilfft aber fasten  
oder abb:uch / welches die gschrifft vil zum  
gebätt setz. Dann vß vollem Buch kumpt  
kein ynbrünstig gebätt.

Das gemüt  
in himmel  
erheben.

Zum dritten / das doch das vorderist ist /  
sol der da bätet vesten glauben zu Gott ha-  
ben / das im Gott das gwüßlich gäben wer-  
de / das sin heil / vñ im güt ist. Dan one glou-  
ben kanst du nit rächts bätten vnd empfa-  
hen: wie der Herr selbs im Euangelio sagt /  
vnd ouch S. Jacob am 1. cap. Das aber din  
glaub vest werde / müst du bitten mit den  
Apostlen / Her: meer vñ sterck vns den glou-  
ben: du müst die herrlichen verheissungen  
für ougen nemen / da dich der Herr bätten  
beiß / vnd verheißt er wölle dich hören: als

Gott vnd  
siner ver-  
heißung  
glauben.

## Der VII. Artikel

Psal. 145. Matt. 7. Marci 11. Luce 11. Jo<sup>h</sup>  
an. 16. Nim auch für dich die herrlichen By  
spil deren/ die mit traffenlichem glauben ge  
bätet habend/ vnd erhört sind worden. Dar  
von Psal. 22. vnd 107. 26.

Der bätend  
söl liebe ha  
ben.  
Zum vierdten sol der bätend ouch liebe  
haben / vnnnd allen vnwillen / so er einichen  
gägen sinem nächsten gefasset herte / ablas  
sen. Dann das erfoderet vnser Herr heis  
ter Marci 11. vnd Matth. 5. ouch 6. cap. So  
verwirfft Gott das gebät deren die blütige  
händ zü jm streckend/ vñ forderet durch Jes  
remiam von sinem volck das in anbätet/ vñ  
aber mithinzü abgöttery vnnnd Bübery treib/  
Besserüg.  
Besserung des läbens. Daruon besich Jere  
mie 7. vnd 11. Isaie 1. Prou. 18. vnnnd Ezech.  
14. Vnd darumb weñ wir vns nit besserend  
vnd rüwen vnserer sündē tragend/ werdend  
wir one frucht schryen / Libera nos domine.  
Te rogamus audi nos, &c.

Das ges  
bät sye fry  
willig.  
Zum fünfften sol vnser gebät weder era  
erschunden syn. Dann Gott wil kein Kräme  
ry in sinen göttlichen händlen haben/ wie et  
das selbs züget Matt. 21. vnd 23. vnd Jo<sup>h</sup>  
2. So sagt alle geschriff/ vnd der gemein vera  
stand aller menschen / Gott wölle haben ein  
frywilligen diener. Also söllend wir ouch nit  
vermeine / das wir daruñ erhört werdind/  
Das wir vil vnd lang gebätet habend/ vnd  
also

1. Cor. 9.

Vom Anruffen vnd bitten. 128

also vmb der vile der worten willen erhört werdind. Darwider redt der Herr (als ouch obgesagt) Matth. 6. Darum̄ aber werdend wir erhört/ das Gott gnädig vnd warhafftig ist/ vñ wir mit waarem glauben im vereiniget sind.

Zum sechste sol der da bätet nit vō Gott begären/ das wider Gottes eer vñ sinen willen/ böß vñnd üppig ist. S. Johans spricht darumb/ Wir wüßend das so wir etwas begären werdend nach sinem willen/ das ers vns gäbe wirt. Vnd hie ist zū ermäßen worumb vñnd für wān wir bitten söllend. Alles das vns der Herr erlobt hat/ darumb söllend wir bitten/ vmb geistliche vnd lybliche güter/ vmb gnad vnd meerung ouch bestand in der gnad/ vmb gsundheit vñ vmb all vnser notturst/ vmb fridē/ vñ was im Vatter vnser vnd in den gebätten der heilige Bibel begriffen ist. Für alle menschen aber söllend wir bittē/ das inē Gott gnad gäbe. Paulus heist für die oberkeitē bitten/ für sich vñ alle prediger/ daß dz Euangelium ein sürgang habe/ für gefangne/ francke/ angefochtne/ &c. Niemants aber kan die gschlächte alle in kürze erzellen.

Zum sibenden sol sich der gläubig ernsthaft/ demütig vnd züchtig vor Gott stellē/ er sol sich vor Gott demütigen/ alle hochfart vñ allen pracht hinlegē/ er sol niderknüwen/

Nit volder  
Gott begä  
ren.  
1. Joan. 5.

Worumb  
wir bitten  
söllend.

Für wān  
wir söllend  
bitten.

Nit eer vñ  
zucht bätē  
ten.



## Ser VII. Artikel

sine händ zū Gott vshoben/nach dem Byspil  
 Chusti vnd der heiligen apostlen. Da sol er  
 aber kein vssere glychßnery trybē/sunder vō  
 yngrund vnd hertzē thūn was er thūt. Doch  
 kan vnd mag er lybs vñ anderer gelāgenheit  
 halb vorgeschribne wyß nit komlich zū wāgē  
 bunge/ist das gebätt an die sitten nit gebūn  
 den. San wir läsēnd das die heiligen ligēnd/  
 sitzēd/stānd vñ gānd gebättet habēd. Glych  
 2 Sam. 1. wie ouch Anna gebättet hat in irem hertzen/  
 das sich die lästzen regtēnd/die stim aber nit  
 Exodi 14. gehōrt ward. Von Mose ward ouch die stim  
 nit gehōrt: vnd sagt doch Gott/ Was ruffst  
 du zū mir?

Verständt  
 lich bitten.

Zūm achten sol das gebätt nit in vnuer  
 ständlicher frömbder/sunder in verständli  
 cher landsprach beschāhen. Darnon Paulus  
 vil schrybt 1. Cor. 14. Darwider sich übel ver  
 sündēnd alle die so die Latinisch sprach/wel  
 che die kyrch nit verstadt/yederman vstrā  
 chēnd. Dann damit machēnd sy das gebätt  
 vnd alle kyrchenhāndel vnnütz/also das we  
 der andacht noch frucht darby syn kan.

Vom Sin  
 gen.

Zūm nündten mag der gläubig syn lob  
 vñ dancksagung ouch singē. Doch ist hierin  
 die fryheit/das welcher bättet vnd nit singt/  
 sich nit wider Gott versündet. Dann das  
 Esang ist lang in Quēt oder Vfgang gsyn/  
 das man darumb in den landen deß Nider  
 gang nit sang. So ist ouch das gesang nit  
 allen

Vom Anruffen vnd bätten. 125

Allen Fyrchen Buwlich / Darzū nit allen mensche Komlich. Darum wār da singt/verachte vnd verdamē den nit/der nit singt/ vnd der nit singt/richte den nit/der da singt. So ferr das dennocht ouch ein maas im singen gebrucht/vnd nūt wider die warheit gesungen werde. Dann von dem Bāpslichen singen/ das vß der maas vil māngel hat/vnd von vielen Fyrchen nit vnbillich verlassen ist/ wil ich hie nūt sagen.

Zūm zehendē sol der gläubig vil vnd dick vnd in allem sinē anligen bätten/vñ in sinem gebätt verharre vñ nit ablassen/wie vns dan der Herr selbs leert Luc. 18. Vnd ob du vmb dz du vð Gott begärst/nit gwāret wurdist/so gedencē das es din nutz nit wāre/ das dir wurde das du von Gott begärst:vñ dz dich Gott in ander wāg/dz dir baß kūpt/ gewāren werde. Dan er ist ye trūw vnd warhafft.

Wil vñ dick bätten / vñ im gebätt verharren.

Das man Gott allein vnd nit die creaturen anruffen solle. Cap. V.

**D**ad hie ist voruß notwendig zewißen wān wir anruffē oder vor wān wir vnser gebätt vßgiessen sollind. Dan hie vnderscheidēd sich die Christen von allen andern völkere vnd religionen. Dan die Heydē ruffend vor zytē Gott vnd creaturen an: die Christen aber ruffend Gott allein an. Die Juden vnd Tūrkē ruf-

Wān wie anruffen sollend vñ durch wān

## Ser VII. Artikel

send ouch Gott allein an: aber die Christen ruffend in durch Jesum Christum allein an. Welches ouch die Jude vnd Türcken verlaßend vnd schendend. Darumb stadt der vndercheid vnd der Christen eer vnnnd religion darinn/das sy allein Gott vnd keine creaturen/ja Gott allein durch Jesum Christum anruffend. Dann das thünd sunst gar keine vöcker noch religionen nienen überal in der ganzen wält.

Das man Gott als kein anruffen solle.

Das man aber Gott allein vnd keine creaturen/das ist geschöpfften/sy syend heilig oder vnheilig/anruffen solle/wirt vō dē glöubigē ioch daruß erlernet/das die anruffung deß einigen Gottes heitere gebott/vñ trostliche verheissungen/vnd aller Gottes heiligen dienern byspil hat: die vereerung aber der creaturen verbotten vnd verflucht worden/ouch die darmit vmbgangen von Gott gestraafft sind.

Die heiligen habē Gott als lein angerufft.

Die heiligen Patriarchen habend nit ire vorfaren/Adamen/Abel/Enoch/Noe/vnd andere angerufft/sund allein Gott. Also hat ouch Moses geleert vnd gethon. David erzelt in sinen Psalmē vilfaltig die verheissungen vnd gebott Gottes/von dem anruffen deß nammen Gottes/wie in Gott nie verlassen habe/vnd alle die in anruffend erhalte werde. Besich Psal. 18. 22. 107. 20. Solomon thüt der glychen. Besich 3. Reg. 8. Prou. 30. stadt

Vom Anruffen vnd bätten. 126

Stadt geschriben / Der namen Gottes ist die  
sterckist veste / der from lufft deren zu / vnd  
wirt erhalten. Joel / wie auch andere prophe-  
ten / spricht / Ein yetlicher der den nammen  
Gottes anrufft / wirt heil. Vnd disen spruch  
habend die heiligen Apostlen vil vnnnd dick  
anzogen. Dann auch vnser Herr Christus  
vns nit anders geleert hat / dan den einigen  
Gott anruffen / wie auch er allenthalbē zum  
vatter in himmel rufft.

Mit dem Anruffen begärend wir / das  
vns das gut gäben / vnnnd das böß von vns  
genommen werde. Das kan aber niemants  
dann Gott allein / wie er selbs vilfaltig er-  
klärt Iſaie 40. 41. 42. 43. 44. Er wil auch die  
sin einige eer keinem andern gäben / also / das  
do die müter des Herrē an dem hochzyt zu  
Cena in Galilea wyn vom Herren begärt /  
er doch vff jr begären / das zeichen domals  
nit thün wolt / sund verzog / das menglich  
sähe das er allein das gut würckt / vn̄ im al-  
lein alle eer one gmeinschaft zugelegt wur-  
de. Darumb auch die müter rächt lart / vnnnd  
sprach / Was er üch heist das thünd.

Item das rächt vnnnd wolgefellig opffer  
Gottes / ist das gebätt der gläubigen. Das  
züger die geschriffte heiter Psal. 50. 15. 140.  
Oſeas. 14. Hebr. 13. Nun aber ist es by yeder  
man fundtbar / vnd im gsatz Gottes vßge-  
trüct Exodi 20. 30. 20. Das man nieman /

Joan. 21

Man sol  
Gott als  
lein opffern

## Der VII. Artikel

Dann Gott allein opffern sol: Darumb so ist  
verzund erhalten / Das man nieman dann  
Gott allein anruffen sol.

Das man by Gott allein alles güts/ vnd  
was der mensch bedarff/ finde. Cap. VI.

Gott gibe  
alles güts  
allein den  
menschon.

**D**ie gröste vrsach aber / Das nit die  
creaturen / sunder Gott allein sol  
angerufft vnd gebäret werden / ist  
die / Das Gott die vollkōmen gnü-  
ge ist aller gütern / vñ daß der mensch allein  
by jm alles das findt / das er bedarff / das sel-  
lichs ouch Gott jm gern vnd gütwillig / vnd  
rychlich mitteilen vñ gäben wil. Was vrsach  
hat dan der mensch / das er nit allein by Gott  
blybe? Oder findt er neißwan vffet Gott by  
den creaturen bessers oder glichs? Gott be-  
klagt sich durch Jeremiam wider sin volck /  
Das es vil ellender an Gott gfarene sye dann  
die Heyden an jren gdttern. Dann die Hey-  
den lieffend sich benügen jrer gdttern / Das  
volck Gottes aber ließ sich nit vernügen si-  
nes Gottes / vñ machts in dem vil böser / Das  
es sich zü denē wädte / die jm nit hälffen moch-  
tend / da es doch ein Gott hatt der jm hälffen  
mocht / vnd spricht daruf / O jr himmel erstu-  
nend vnd erschräckend darab / dan min volck  
hat zwey grosse laster gerhon / Mich einen  
brunnē der läbendigen ymerwährendē waf-  
seren (aller gnaden vnd gütern) habend sy  
verlassen /

Jerem. 1.

Vom Anruffen vnd bitten. 127

verlassen/ vñ habend inē Sifternē gmacht/  
die kein wasser habend oder behaltend. Sie  
verglycht sich Gott einem läbenden Brunnen/  
ymerwährenden wassers. Dann er ist ye der  
vnerschöpfft Brunnen aller gnaden vnd gü-  
tern/ vñ nimmer/ wie vil joch daruß geschöpfft  
werde/ er sygt/ sunder der ymmerdar frische  
vñnd vollkomne güter den Begärenden ver-  
lycht. Die creaturen aber/ die sin volck vere-  
ret vnd anrufft/ verglycht er einer Siftern/  
welche man in den schlösseren vñ etlichen or-  
ten hat/ darzü/ dz man das rägenwasser o-  
der sunst wasser das man daryn tragē muß/  
samlet/ vñ es aber die Siftern nit behalt/ vñ  
deßhalben den durstigen nit trenckt. Dann  
also sind alle creaturē/ die ob sy glych wol et-  
liche güter habed/ welche sy ouch nit von inē  
selbs habend/ köñend sy die doch andern nit  
mitteilen. Dann der Herr von den Siftern  
nen redt/ die das wasser nit behaltend/ das  
ist/ die gnadē nit mitteilen köñend. Ob glych  
wol die säligen in himmlen selbs die gnaden  
vñ läben Gottes empfangen/ habed sy doch  
die selben nit also empfangen/ das sy zü göte-  
ren gemacht/ angerufft söllind werden/ vñ  
die gnaden söllind vñ mögind jren dienern  
vñ freilen. Vnd daruß blybt es endlich dar-  
by/ dz der mensch by Gott allein alles güts  
suchen sölle vnd finde.

Darzü werdēd von dem der angerufft sol

## Der VII. Artikel

Wie es  
müsse den  
mā anrufft

werden in allerley anligens folgende stück  
erforderet. Zum ersten/ das er aller menschē  
hertzen/ die in anruffend/ in einē punctē wol  
vñ eigentlich wüsse: ja dz er yederman hōre/  
vnd mit einanderen all jr anligen vñ scharren  
mercke / ja baß verstande dan sy selbs sagen  
kōnnind. Zum anderen/ das er allenthalben  
in himel vñ vff erden gegenwirtig/ ouch alle  
mächtig sye/ vñnd alle die wāg deß hālfens  
wüsse/ bereit vñ in sinem gwalt gerüst habe.  
Zum dritten/ das er nit nun möge vñ kōne/  
sund ouch wolle hālfen / ja das er deß aller  
besten willens zū den menschen sye / vñ nit  
wolle/ dan das dem anruffenden wol kumē.  
Welcher nun nit also ist vñ jm in deren dy  
stückē tūzid abgadt / der wirt zwaren vers  
gābens angerufft. Das ist klärer dan das es  
vil bewārens bedōrffe. Wār ist aber der  
sōliche eigenschafften habe/ one Gott allein?  
Darumb volgt das man in allein solle an  
ruffen. Wen man den Creaturen ja den Sā  
ligen im himel sōliche götliche krefft zūgibt/  
macht man sy zū Götten / wider Gottes vñ  
jren willen. So nun allein in Gott erzeltē  
krefft funden werdēd/ so istes gewiß das wir  
alles das wir bedōrffend / By jm allein sinē  
dend/ ouch in allein anruffen sollend.

Das Gott Jesum Christum in himelen al  
lein zum mittler vnd scharbitter gesezt habe.  
Cap. VII.

Wenn

Vom Anrufen vnd bitten. 124

**W**enn aber die Sündigen armen Menschen erkennend Gottes herrlichkeit vnnnd heiligkeit / dargegen auch empfindind irer nichtigkeit / Blödigkeit vnd unreinigkeit / schühend sy des herrlichen Gottes angesicht / vnd dörffend darfür als vnwürdige nit kommen. Dahar erwöllend sy inē hie mittler / vnderhandler / fürsprächen / fürbitter oder patronen / durch welche Gott inen gnädig werde : vnnnd also erwidre diser im ein apostel / der ander ein heiligen marterer / ic. Das alles aber thünd sy nit vß dem Bericht des göttlichē worts / sunder vß inen selbs / das ist vß irem gütduncken. Darumb mißfalle dise wyß Gott dem allmächtigen.

Wohar  
nen die  
menschen  
fürbitter er  
wöllend.

Gott vnser trüwer vnd gnädiger vatter / der vnser mangel vnnnd prästen wol weißt / auch was vns vor im notwendig ist / hat de menschlichen geschlecht ein mittler / vnderhandler / fürsprächen / fürbitter vñ patronen / vor sinem angesicht / in dem himmel / gesetzt / namlich Jesum Christum sinen sun vnseren Herren : vnnnd wil auch das wir durch disen allein zu im kommind vnd mit im handlind. Vnangenäm / widerwärtig vnd verhasset ist Gott / was man vnderstadt vßset Christo im fürzebringen. Dann er wil das wir vß dem einigen altar alle vnser opffer vßopfferind / vnd allein durch disen einigen ewigen prie-

Christus vñ  
geordnet  
von Gott  
zum einigē  
mittler vñ  
fürsprächē

Joan 8



## Der VII. Artickel

ster zū jm komind/ ja wår disen einigen priester nit hat/ kumpt zū Gott nimmermee: welcher aber ein anderen an sin statt stellt/ der bricht Gott sin ordnung vnnnd versündet sich schwärlich.

Das wir aber durch den fürbitter Christum/ vnnnd durch sin fürbitt allein für Gott komind/ Gott angenām werdind/ vnd vnser gebätt erhört werde/ mag ein yedlicher vff dem fürnämlich erlernen/ das wir ein heiter gebött habend zū Bittē in dē nāmē Christi/ darzū ouch ein klare verheißung/ Gott werde vns hören. Kein gebött aber noch verheißung habend wir weñ wir andere anruffend. Vñ hie setzt der gläubig sin grund sinces anruffens vnd gebätts vff Gottes wort/ gbeiß vñ verheißung. Vñ diewyl er im wort Wortes kein gbeiß noch verheißung hat/ onet allein weñ er bättet im nāmē Jesu Christi/ so bättet er allein im nāmē Christi. Darvon besich Joan. 16. cap.

Zū dem ist kein anderer wäg noch zügang zūm vatter. r onet allein durch den Sun: darumb gadt zwaren der gläubig kein anderen wäg/ dan durch den Sun zūm vatter. Darvon besich Joan. 10. 14. vñ Paulum zū den Ephes. am 4. Zū den Hebr. am 5. cap. stelle er Christum als den gnadenthron allen menschen für/ als in mittē der kyrchen/ vñ vermanet yeder mā zū jm zū komē/ da werde man finden

## Vom Anruffen vnd bitten. 129

finden gnad vnd hilff. Also am 7. vnd 9. cap. zeigt er wie Christus allein vnser einiger ewiger oberister priester / vnd allein für Gottes angesicht zekommen würdig sye / vnd ouch allein trüwlich für vns bitte in himmlen. Wår wil hie so vnbedacht syn / der einiche creaturen / wie heilig sy ioch syend / zü Christo in dz priesterlich ampt vnd wurde setze wölle / das er aber allein vnd mit nieman gemein hat?

Oder wår wil einiche creaturen / wie heilig sy ioch syend / zum Herren Christo in himlen zü der gerächten Gottes in glyche eer setzen? Das thüst du aber / weñ du sy zü mittlern oder fürbittern nähend Christum setzst. Dann Paulus setzt die grächte Gottes vnd die fürbitt zesamen / Heb. 7. vnd spricht ouch Rom. 8. Christus istis / der zü der grächten Gottes ist / vnnnd vertritt vns oder bittet für vns. Besich ouch Ephes. 1. cap.

Es muß ouch der mittler zwüschen Gott vnd den menschen beider arten vnd naturen syn. Das ist aber kein heilig / es istis kein creature: allein Christus ist waar Gott vñ mēsch: Darumb blybt er ouch der einig ewig mittler vnd fürbitter vor Gott für alle menschen / die Gott allein durch Christum anruffend. Vñ dahin wyßt vns Paulus 1. Timoth. 2.

vnnnd Joannes 1. Joan. 2.

R

## Ser VII. Artickel

Das Christus allen sünderen zu im ruffe  
vnd sich aller gnaden vnd alles guten gä-  
gen jnen embiete. Cap. VIII.

Ich darff  
nit zu Chri-  
sto gon/  
daruff ich  
ein sündere  
bin.

**D**id ob yemants hie sagen wölte / er  
dörffe zu Christo nit kommen / von  
wägen der herrligkeit Christi / vnd  
von wägen menschlicher sünden / so  
gedencke der selb wenn er also in sinem vns  
glauben blybt / also das er zu Christo durch  
den glauben nit genahen / vnd nit glauben  
wil das er jm sin sünd verzyhen vñ dem vater  
verfünen wölle / das weñ sich sin die Sei-  
ligē glich wol belüdetind / vor Gott doch nit  
schüffind. Dann der Herr forderet glauben  
von vns / vnd one glauben / spricht die ges-  
schufft / ist es vnmüglich das yemant zu  
Gott komme oder jm gefalle. Darzu wil er  
im handel die sünd belangend / nieman hören  
noch annemmen / dann allein Christum / als  
die einig Begnädigung.

**Jerem. 17.**  
**Ezech. 14**  
Darumb schicke sich ein yeder zu Christo /  
vnd lüge das er glauben habe. Dann sunst  
hilfft weder Noe noch Job / weder Moses  
noch Samuel oder auch Daniel / wie Gott  
selbs durch sine Propheten redt. Das wir  
aber Christo mit glauben zufallen mögind /  
sollend wir hören sin trostlich / gnädig / ertriwe-  
lich laden / damit er vns zu jm lader oder Bea-  
rufft / vnd spricht im heiligen Euangelio /  
**Matth. 9.** Die gesunde dörffend des arzters  
nit /

Vom Anruffen vnd bätten. 130

nit/sunder die Francken. So bin ich nit kom-  
men die fromen zu beruffen/sunder die sün-  
der zur büß. Das redt d' Herr aber vff das  
die Phariseer übel zu Friden warend/ das er  
die sündler annam vñ mit inē früntlich was.  
Hiehär dienet ouch der spruch Pauli/1. Tim.  
1. Dises ist ein gewüsses warhaffrigs wort/  
vñnd würdig das mit allem ernst angenom-  
men werde / das Christus Jesus komen ist  
in die wält/die sünd sällig zemachē/1c. Matt.  
11. spricht der Herr Christus / Alle ding sind  
mir übergabē von minem vatter/so komend  
här zu mir/ jr alle die da arbeitend vñnd be-  
laden sind/ich wil üch rüw gäben/1c. Hiehär  
dienend ouch die wort Isaie 55. cap. vnd die  
wort Pauli Hebr. 2. Christus müßt aller din-  
gen sinen brüdern glych werden/ vff das er  
Barmherzig wurde / vñnd ein trüwer hoher  
priester/in allem dem das vor Gott zu hand-  
len ist/zü versünen die sünd des volcks. Dāñ  
diwoyl er gelitten hat vñnd versucht ist / mag  
er hällffen denen die versucht werdend. Dar-  
umb vermanet yetzt vnser Herr Christus  
selbs sine jünger/dz sy wöltind in sinē nam-  
men höuschen oder begären/ was sy bedürf-  
sind/ das müsse inen werden. Item alle die  
sündler die ye zü jm kommen sind / die hat er  
gnedigklich vfgnommen/vñnd im Friden/al-  
so das sy ersettiget vñnd wol zü rüwen kom-  
men warend/von jm gelassen. Die aber die

## Ser VII. Artickel

im nit vertruwen wöllen/hat er in jren sünden vnd ellend verlassen.

Sie merck  
den rächten  
grund.

In summa Gott der himmelisch vatter hat vns Christum Jesum sinen sun vnseren Herren geordnet zum einigen/ewigen fürbitter/mittler/schützer vnd schirmer. Der ist der aller best/liebste/werdigste vnd angenämste dem vatter. Disem manglet nit an keinen Dingen / die ein rächter mittler vñ fürspräch haben sol/überal. Er ist aller Dingen mächtig/ ja gar fründlich vñ allen armen sündern gnädig/ladet sy all zu jm/ vnd verheißt jnen alle trüw vnd liebe. Das ist gewiß vnd war. Wär nun dem nit gloubt / vnd in sinem vnghouben verharret / ist ein vndanckbarer mensch vnd keiner gnaden wärt. Wär aber dem gloubt / der laßt sich Christi vernügen/ vnd begärt keines anderen fürsprächen.

Der Heilige  
gott fürbitt.

Darum salt hie hin alles disputieren von der fürbitt der heiligen. Dann was darffst nun von jren zu reden? Christus ist doch dein fürspräch/was manglet dir doch an Christo? So du Christum nit wilt/so ist dir nit zehälfffen/vñ mag dir kein heilig hälfffen. Oder verstest du daß die lieben heilige sich an Christi statt stellind? Sy begärend derē eere nit. Sy wysend dich selbs zu Christo/welche sy allein für jren fürsprächen ouch gehebt habend / vnd darzu nie kein heilig den andern angerufft hat. Dan sy ouch allein durch Jesum

Vom Anruffen vnd bitten. 131

sam Christum sind zu Gott gefürt. Sy wö-  
lend auch nit daß man sy also eere. Vnd das  
ist kundbar vß iren selbs leer vnd Exempel.

Vñ so wir das hie sagend/ verschmehend  
wir darumb die lieben heiligē in himlen nit/  
sunder weered allein das nit vß vnbedachte  
inen das vō vns zugelegt werde/ das allein  
Christi ist: vñ sy deßhalbē deß nit begärend.  
Sunst sind wir syend aller derē/die die heis-  
ligen verachtend vnd schmehend. Dann wir  
habend sy lieb in Gott/wir erkennend sy als  
tröstliche Gottes fründ / die yetzund in d  
seligkeit sind / deren glauben vnd tugenden  
wir in der Fyrchen rümen vñ nachuolgen  
söllend/ouch Gott in inen loben/ vnd bitten  
das er vns zu inen nemme / das wir ewige  
fröud mit Gott By inen habind/ıc.

Der Heil-  
gen 100.

Wie man bitten sölle / vnd das vns Chri-  
stus die beste form dā bitten angäben habe.  
Cap. 1 X.

**D**och mag vns in disem handel deß  
Anruffens / den bestē Bericht gäben  
das heilig Vatter vnser. Das Be-  
richt vns aber / das wir allein Gott  
durch Christū söllind anruffen. So kan hie  
nieman lougner daß das Vatter vnser das  
rächt vñ vollkōmen gebäte der Christenheit  
sye. Vñ un aber müßend alle menschē ouch d  
bekenē / das es dermassen vom Herren ges

Das Vate-  
ter vnser  
entscheidet  
in dē span  
deß anruffe-  
sens vñnd  
sichbinen.

## Der VII. Artikel

stellt ist vnd luter/ das wir es liberal nieman  
dann allein Gott bätten könnend. Dann zu  
welchem heiligen könnend wir sagen/ Vatter  
vnsere der du bist in himlen/ geheiliget werd  
din nam: &c. Diewyl es dann die wort Chris  
ti sind/ vñ wirs bättend vß dem geheiß Chris  
ti/ so bättend wir ye Gott allein im namen  
Christi vñnd durch Christum. So nun dem  
allem vnwidrsprächlich also ist / so fallt ye hin  
alles anruffen d creaturen/ &c. Vñ blybt also  
vnwidrsprächlich/ das Gott allein anruffen  
durch Christū die aller eltest vnd best leer sye/  
das heilig Vatter vnsere leere vns dann nie  
rächt. Welchs doch kein Christē mensch in sin  
hertz nit sol kumen lassen: Darumb muß es  
rächt syn allein Gott durch Christū anruffen.

Es sind noch vßset dē Vatter vnsere vilers  
ley formen zu bätten in der heiligē gschafft/  
doch alle vß Gott allein gericht/ deren mag  
sich der gläubig wol gebrauchē. Vnder allen  
denē aber fürtrifft das heilig Vatter vnsere.  
Dan alles das ye vnsere Herr Christus, ge  
leert vnd gewürckt hat / hat er vß das aller  
best vnd vollkömniß geleert vnd gewürckt.  
Dan er ist Gottes sun vñ die ewig wyßheit  
des Vatters/ der oberist einig vñ ewig price  
ster seiner Kyrchen.

Es sol aber nieman meinen dz er grad an  
dise wort des Vattervnsere gebundē sye/ vñ  
nit auch Psalmē bätten/ od̄ joch andere wort  
gebun

Das Vat-  
ter vnsere  
die beste  
form gebä-  
ten.

Vom Anruffen vnd bätten. 132

gebuchē möge. Vnser Herr selbs gebucht  
mer vnd andere wort Ioan. 17. mindere  
Matth. 26. deßglych ouch die Apostolisch  
Fyrch Act. 4. Sy Bättend aber mit anderen  
worten mindern oder meerern nüt frömbds  
noch anders/dann eben das hierinn begrif-  
fen ist. Darumb sol man nit anders bätten/  
dann wie vns hie der Herr geleert hat: wel-  
cher ouch alles das das sunst wyrlouffig  
möchte gesagt werden vns hie in ein kurtze  
summe gefasset hat.

Wie köndte aber dem vatter yenen ein ge-  
bätt vffgeopffert werden/das jm angenämer  
wäre/dann das Vatter vnser? Dañ es sind  
die wort sines geliebten Suns: der hat die  
dise wort in dinen mund gäben/ vñ du redst  
vß sinem mund vñ mit jm wenn du bättest  
Vatter vnser/2c. Dises bätt keñt der Vatter/  
vnd nimpt es vß vnd an von dir/als sines lie-  
ben Suns wort vnd gebätt/ in welchem du  
lieb vnd werd bist.

Darumb welcher mich fragt / die wyl alle  
gebätt söllind durch Christum beschähē/ wo  
wir dañ im Vatter vnser/ deß namens Chri-  
sti gedenckind? Dem gib ich antwort/ das  
wir da nit dörfind deß namens Christi bloß  
gedencken/ vnd sagen/ Durch Christum Ie-  
sum vnsern Herren/ da das ganz bätt selbs  
Christi ist/ vnd wir das vß sinem geheiß vnd  
mit sinen worten bättend: da wir ouch sunst

Wie das  
Vatter vn-  
ser im nam-  
men Chri-  
sti gebäret  
werde.



## Ser VII. Artikel

nie dörffend sagē Vatter vnser/onet in Christo/in welchem wir Kinder Gottes worden/also anruffen dörffend. Vnd lut das allerheiligist gebätt d̄ Christenheit also/wie es Christus vns vorgesprochen hat/Matth. 6. cap.

Vatter vnser der du bist in den himlen / Geheiliget werde din nam̄. Zukum̄ din rych. Sin will beschäbe vff erden / wie in himmel. Vnser täglich brot gib vns hütt. Vnd vergib vns vnser schuldē/ wie ouch wir vergäbend vnsern schuldern. Vnd yns für vns nit in versuchung/sunder erlöß vns von dem bösen / Amen. Vnd dises ist die aller beste form / wyß vnd maaß zū bätten.

Kurze erklärung des heiligen Vatter vnser. Cap. X.

**D**Olgt yetzund ein kurze erklärung des heiligē Vatter vnser/welches sin vorred vñ sechs bitten hat. Darin one verstand bätten/Binget kein angedacht. Darum̄ müßend wir mit verstand der worten die wir bättend/Bättē. Vñ grad mit der vorred ruffend wir Gott an/falld̄ im zū füssen/vñ ergäbend vns an in/als vnderthänige

Vatter vnser.

Vom Anruffen vnd bitten. 133

nige Kinder an jren lieben vatter. Dann wir  
sagend nit Allmächtiger ewiger Gott/sund  
Vatter/vñ nit nun Vatter/sunder vnser Vat-  
ter/verrenwend vns/ als kind/ jm als einem  
gnädigē Vatter/zū dem wir vns versähend/  
das er vns wol wolle/ vñnd alles das thūn  
werde/das ein vatter sinen kindē thūt. Wen  
wir dan sagend/ Der du bist in den himlen/  
Bekennend wir das er alles vermöge/ vns  
wüsse allenthalben/sähe vnd höre/ vnd ouch  
yetzund lose was wir begärind.

Der du bist  
in himlen.

Da ist ouch zū merckē das wir nit sagend  
Min vatter/sunder Vnser vatter. Dan die-  
woyl wir alle eines vatters kind vñnd ein lyb  
in Christo sind/Bättēd wir nit allein für vns/  
sunder für alle gläubigen vfferden: vnd alle  
gläubigen Bättēd ouch für vns. Da wir a-  
ber sagend/Vnser vatter sye im himel/vnder  
scheidend wir den himmelischen Vatter von  
dem irdischen/vñ Bekennend daß der himel  
sye vnser rächt vatterland: erinnerend vns  
ouch das wir vnser gemüt im bitten von  
dem irdischen abziehen/ vnd in die himme-  
liche ding setzen sollend.

Vnd diewoyl wir yetzund Gott für vnsern  
Vatter bekennend habend/ sol billich den kindē  
des Vatters eer vor allen dingē angelägen  
syn/Darum bittend wir in der erste bitt/Ge-  
heiliget werde din nam. Der Nam/das ist/  
die eer vnd maiestat Gottes/ist an jren selbst

Geheiligt  
get werde  
din nam.

## Der VII. Artikel

alle zyt heilig/fürträffenlich vnnnd groß:wir  
aber erkennend das nit alle zyt/vnd gäbend  
Gott nit sin gebürliche eer vnnnd herrligkeit/  
sunder vil mee vß vnser art entheilgend wir  
in/mit gedancken/worten vnd wercken:dar  
umb bittend wir das Gott sin gnad darzü  
gäben wölle/das der nam̄ Gottes der an im  
selbs heilig vnd herrlich ist/ouch in vns here  
lich vnd heilig erkennt vnd gehalten werde/  
vnd wir sinen nammē anruffind/predigind/  
vnd prysind : vnd das alles/das den namen  
Gottes schmächt/aller vngloub vnd vnreis  
nigkeit hinfalle/waarer gloub/heiligkeit vñ  
gerächtigkeit rychsne in aller wält.

Zukomme  
in rych.

Doch mag der heilig Gottes nam̄ nit also  
so in vns geheiliget werden/der Herr rychß  
ne dan in vns:darum̄ bittend wir in der ans  
deren bitt/Zukomme din rych. Es hat der  
Tüfel ouch sin rych in der wält / vñ rychßnet  
in den vngloubigen durch sünd/schand vnd  
laster / fürt sy ouch zü letst in sin herrligkeit/  
in ewige verdammuß. Dargägen hat Chri  
stus ouch hie in zyt sin rych/vnd rychßnet in  
den gloubigen durch sinen heiligen geist in  
allerley tugenden / fürt ouch sine vndertho  
nen zü letst in sin ewig rych in die sälligkeit.  
Da so bittend wir yetzund das Gott vnser  
vatter hälffen wölle/damit des Tüfels rych/  
alle tyrannische vñ des Antichrists Bosshaff  
te regierung/zerstört werde/aller irrtumb/  
tätzery/

Vom Anruffen vnd bitten. 134

fäzery/schand vñ laster abgestelt/ wir ouch vor hellischer pyn erlöset werdind/ vnd Christus mit sinem geist hie in zyt in seiner kyrche vñ in vnsern hertze ryche/sine wort/heiligkeit/frid vñ gerächigkeit/ zucht vnd alle eer überhand nâme/vnd das vns Christus nach diser zyt in sin ewig rych vñ sâligkeit ynfüre.

So aber das ouch nit mag vollbracht werden one rächte gehorsame vnd gantzliche ergâben in den willen Gottes/ so bittend wir in der dritten bitt/Din will geschâhe vff erden als im himmel. Damit bittend wir nit das Gottes will ein für gang habe/ der alle wâgen ein für gang haben muß/ wenn wir schon nit wöllend: sund damit Gott in vns ryche vnd lâbe/Begârend wir der gnaden das er vns verlyhe das der will Gottes/der an jm selbs alle zyt sin für gang hat vnd gut ist/ mit dem er ouch wil vnd gebüt das wir rächt thügind/ ouch von vns als gut erkent werde/ vñ in vns ouch ein für gang habe/also das wir in thügind/vnnd vns gantz vnd gar in sinen willen ergâbind/vnsern willen/als der böß ist/Bâchind. Also das weñ vns Gott ouch crütz vñ lyden vilfaltig vñleit/wir sin heiligen willen ouch hierin erkennind/vñ vns gern vñ gedultrig daryn Begebind. Itz so wir ymmer in vnserm gebâtt üzid wider Gottes willen begârtind/das wir yetzt daron abstond/vnnd vns gantzlich in den wil-

Din will  
beschâch  
vff erden  
wie im him  
mel.

## Der VII. Artickel

len vnd gwalt Gottes Befelhend / Das er es  
alles mit vns vnd den vnsern mache nach sei-  
nem gefallen.

Vnd ist wol nit minder / Das fleisch stryct  
wid den geist so häfftig / Das wir ouch thünd  
Das wir nit wöllend: daruñ bittend wir vñ  
grosse stercke / vñ sprächend / Din will beschä-  
he vff erden wie im himel. Im himel widero-  
setzt sich nieman dem willē Gottes / ja jr grō-  
ste frōnd ist in dem willen Gottes läben. O  
vatter gib vns armen p̄sthafftē angefocht-  
nen lütē / Das wir vns ouch nit widersetzind  
dinem willen / sunder gelassen ston vnd vns  
in dich allein begäbē / vnser grōste frōnd sye.

Unser täg-  
lich brot  
gib vns  
hüt.

Dises aber als ein trāfflich göttlich werck  
mag in vnserm sterblichen lyb nit wol sin für-  
gang haben / wir werdind dann alle ougen-  
blich gesterckt vnd gemeert von himlen här-  
ab / darumb bittend wir in der vierdten bitt /  
Gib vns hüt vnser täglich brot. Die gnad /  
Das wort / d̄ geist vñ stercke Gottes / ist das  
täglich brot / dz ist die vferhalt / one die wir  
nit blyben vñnd läben mögend. Dann der  
mensch geläbt nit allein deß brots / sunder eis-  
nes yerlichen worts das vß dem mund Got-  
tes gadt / Deut. 8. Matt. 4. Darumb müß-  
send wir das ouch hüt vnd alle zyt hōuschē.  
Söliches brot nennend wir Unser / nit das  
es vß vns sye. Dann es ist allein vß Gott /  
von dem wirs begärend / vñ sprächend / Gib  
vns:

## Vom Anruffen vnd bitten. 135

uns: sunder daruñ nemmend wirs vnser/  
Das wir sy so notwendig sind / das wir von  
nie läben mögend.

Hien Abend begärend wir ouch die lyblia  
che tägliche narung / spyß / tranck / Kleid / her  
berg / vernunfft / verstand / geschickligkeit / ge  
suntheit / schutz vnd schirm / vñnd alles das  
wir täglich zü vnserer vfhenthalt bedörfend.

Darumb bittend wir ouch vmb Friden vnd  
wolstand / für die diener des worts / für die  
oberkeiten / für vatter vñ mäter / vnd für alle  
die dem menschlichen läben nützlich vñnd güte  
sind / daß sy Gott erhalte / vnd zü seiner eer vñ  
der menschen heil leite. So wir aber der din  
gen täglich nottürfftig sind / söllend wirs  
bitt / das ist alle tag für vnd für begären.

Siewyl wir aber in denen grossen bitten /  
gedenckē möchtē / Wir sind sündler ja hund  
vñ nit wärt / dz vns Gott söliche grosse ding  
gäbe / fürkumpt der Herr söliche sorg / vñnd  
heißt vns in der fünfften Bitt begären / Vnd  
vergib vns vnser schuld / c. O vatter / es ist  
war / wir sind sündler / vñnd dir vil schuldig /  
deshalb nit wärt / daß du vns ützid güts  
rhügest: aber o vatter / wir bekenend vnser  
sünd / vnd bittend dich vmb verzyhung / er  
barm dich vnser. Wir wüssend wol das wir  
nit bezalen mögend / daruñ bittend wir vñ  
nachlassung vnd gnädigs verzyhen.

Das nun hinzu gesetzt wirt / Wie wir ver

Wñ vergib  
vns vnser  
schulden.

Wie wir  
vergeben  
vnser  
schulden

## Ser VII. Artickel

gäbend vnsern Schuldneren/hat nit den ver-  
 stand/das vns Gott vñ vnfers verzyhens/  
 (als vmb vnfers wercks willen) vnser sünd  
 verzyhe. Dañ das wäre den verdienst Chris-  
 sti vmbkeert vñ vßgelärt: sund diewyl wir  
 angsthaft sind ob vns villycht vnser schuld  
 von Gott verziget sye oder nit / vergwüßet  
 vns der Herr mit dem/das so gwüßlich dir  
 din schuld nachgelassen sye / so gwüßlich du  
 weist/das du dinem nächstē sin schuld nach-  
 gelassen hast. Die gnad das du dinem näch-  
 stē sin schuld nachgelassen hast/hat dir Gott  
 gäben in din hertz / vñ wil ouch yetzund mit  
 der selben dir das anzeigen/das er dir ouch  
 din schuld vergäbe habe wie du dinem näch-  
 sten vergäben hast. Damit wirdt ouch von  
 vns erfordert das/diewyl vnser schuld vns  
 Gott nachgelassen hat/wir ouch anderen ire  
 schulden nachlassen söllend. Darvon besich  
 Matthei 5.6. vnd 18. Sie söllend wir ouch  
 innigklich Bittē/das vns Gott die gnad des  
 verzyhens vnd nachlassens gäbe/vñ vns bes-  
 hute vor zorn nyd vñ hassz/dargegē verlybe  
 liebe vnd einigkeit. Dañ die fridsamen sind  
 Gottes kind/die vnfridsamē Tüfels kinder.  
 Sie müßend wir vns aber des widerum  
 erinnern das daoben ouch gesagt ist / das  
 vns vnser sünd nit dermassen werdē nach-  
 gelassen / das kein lust oder begird in vns  
 mee überblybe. Dann der sündig präst vnd  
 die

Matth. 5.

Joā. 8. 13.

Vnd yn für  
 vns nit in  
 versüchüg.

Vom Anruffen vnd bätten. 136

Die glüß oder begird blybēd biß in das grab.  
Die selben werdend durch all vnser läben/  
Durch anfächung deß Tüfels vnd der wält  
in vnserm fleisch vfgeweckt/ Darum bittend  
wir in der sechßten vnd letzten bitt/Vñ ynfür  
vns nit in versüchung. Es ist zu wüßsen das  
ein vndercheid ist zwüßchen dem versüchen  
oder versücht werden/ vnd dem ynfürē oder  
yngesürt werden in die versüchung. Dañ es  
mag einer versücht werden / das er darumb  
nit in die versüchüg yngesürt wirt. So wirt  
der in die versüchüg yngesürt/ der nit allein  
versücht / sunder hinder das gebracht wirt  
das ers thüt damit er angefochtē wordē ist/  
als mit sünd schand vnd laster/ ja das er das  
yetzund ouch thüt. Vñ also ynfürt Gott nie-  
man in das böß. Wen wir aber vns vnd vns-  
fern krefftē gelassen werdend/ deñ komend  
wir hinder das böß. Darum bittēd wir vn-  
sern vatter/ das er in der versüchung/ durch  
die wir versücht werdend/ vns nit verlassen/  
sunder vns byston vñ hällffen wölle/ das wir  
nit überwunden in die sünd fallind/ oder der  
Tüfel vnser meister werde/ vñ wir sinen wil-  
len thügind.

Jacobi 2;

Dañ wir sagend das noch klärer mit vol-  
genden wortē / Sunder erlöß vns von dem  
bößen. Der Tüfel ist der böß/ als d vrsprung  
alles bößen: glych wie Gott vom güten hat  
den nammen hat / als der ein brunn ist alles

Sunder er-  
löß vns  
von dem  
bößen.



## Ser VII. Artikel

güthen. Darum bittend wir Gott wölle vns vom Tüfel vñ allem Bösen erlösen. Deshalb wir ye ouch darumb bittend/ das vns Gott beschirmen vñ behüten wölle vor allem dem das vns schaden mag an seel/ eer/ lyb/ vñnd güte/ es syend vffsätz/ praticken/ verrädrerey/ krieg/ Brand/ hūger/ gfencknuß/ jamer/ leid/ vñd was vns schad ist: dargegen wölle vns Gott (der es allein weißt vñd vermag) gaben was vns güte ist.

Amen.

Das alles beschliessend wir mit dem gemeinen wörtli Amen/ das heißt als vil/ das beschähe: oder/ das alles ist warhaft/ vñnd halts darfür das es mir waar werde. Wie das wörtli von den alten gebrecht sye/ findst Deut. 27. Nehemie 8. 1. Cor. 14.

Die danck  
sagung.

Sich also ist nüt überbliben alles desß das du in allem dinem Bätten vñ anruffen bitten kanst. Die dancksagüg magst du/ nach diesen bitten/ formen oder gestaltē/ vñ von hertzen vmb die stuck/ die du vom Herren empfangen hast/ danck sage. Du findst ouch ein selbne allgemeine dancksagüg im 107. Psalmen.

Dz gebätt  
veracht vñ  
schilt kein  
wächrglöu-  
diger.

Wär verstadt aber nit vß diser handlung liberal/ dz vnserer leer wid das gebätt nit gerichtet ist/ wir ouch das Bättē wed verbietet noch schältend (als man aber von vns vßgibt) sund allein die mißbrüch desß gebättes widerfächrend/ namlich dz man es in vnuerstendiger spraach übt/ den creaturen vffopfferet/

## Vom Anruffen vnd bätten. 137

fert/ das man es an statt der erlöfung Chri-  
sti verdienstlich macht Des ewigen läbens/  
deshalb veröldet/ koufft vñ vertoufft/dar-  
zu Gott vorzellt/vnd in vile der worten mee  
dann in andacht stellt/vnnd was derglychen  
mißbrüchen mee sind. Dann sunst weñ man  
rächte bätter/ istis fundtbar / das die heilig  
kyrch am gebätt ein besondern trost vñ schatz  
hat/ vnd das die diener Gottes in den grö-  
sten nöten besonders vñ gemeinlich zum glöu-  
bigen gebätt ( das ist zu Gott/den sy ernste-  
lich mit dem gebätt vmb hilff vnd radt ange-  
wendt habend) geflohen sind. Darumb muß  
es ye ein verflüchter mensch syn/ der

Das Christlich gebätt ring-  
wigt vnd veracht.



Von den heiligen Sacra-  
menten Christi vnd seiner heilic-  
gen Christenlichen Kyrchen.

Der VIII. Artickel.

**A**lle vnd yede Chris-  
ten söllend wüßsen/  
das vnser Herr der  
Predig des heiligen  
Euangeliums züge-  
thon hat die heilige  
Sacramenta / nämlich den Touff  
vnd das Nachtmal Christi. Sise  
Sacramenta sind heilige actionen/  
würckungen oder übungen der glöu-  
bigen in der Kyrchen Christi: welche  
der Herr selbs yngesetzt hat / als  
zeichen vnd sigel der warbafften Pre-  
dig / das er vnser Gott sye / vns zu  
gnaden in pündtnuß vfnäme / von  
vnsern sünden reinige / vns wider-  
gebäre/ernüwere/vnnd als sine kind  
in

Von den H. Sacramenten. 183

In sin gmeinschaft empfabe / deren  
wir vns ouch allein halten vnd vn-  
schuldig vor jm wandlen söllind  
item das wie Gott den alten Väter-  
tern / vō anfang den Messiam ver-  
beissen / yetzund der Christenlichen  
Eyrchen warlich geleistet habe vn-  
sern Herren Christum / welcher sin  
fleisch vnd blüt warlich in tod gä-  
ben habe / vff das er vnser heiland  
wäre / vns spysste vnd tranccke mit  
sinem fleisch vnd blüt zum ewigen  
lāben / vnd das wir / als siner löste  
gmeind / disen vnsern Herren tod  
alle zyt in frischer gedächnuß be-  
hieltind / in lobtind vnd im danck-  
sagtind : darnābend vnser pflicht  
vnd schuld erinneret wurdind / vnd  
also in einigkeit dess lybs Christi /  
in rächter gottsforcht vnd brüder-  
licher liebe wandletind / vnd vns  
allein diser religion / mit deren Sa-  
cramenten wir von allen anderē re-  
ligionen ab gesünderet sind / hieltind.

## Der VIII. Artickel

Das aber dem allem also sye/zeigend wir an  
durch folgende Capitel/ mit kundtschafft  
heiliger gschrifft.

Von den heiligen Sacramenten/ das; sy  
der Predig des; heiligen Euangeliums zu  
gethon / von dem Herren selbs ynge-setzt  
syend. Cap. I.

**I**n dem 6. artickel dieses wercks / ist  
gesagt das die heiligen Sacramen-  
ta dienind zu der ordnung / pflanz-  
ung vñ meerung des; glaubens/  
diewyl sy syend zu der Predig des; glaubens  
gethon: yetzdan wöllend wir das selb eigene-  
licher erläutern. Unser Herr Christus hat  
selbs zu dem predigen des; heiligen Euange-  
liums die Sacramenta gebrecht / vnd sinen  
Apostlen gebotten das; sy predigetind / vñnd  
darnäbend die Sacramenta zudientind.

Christus  
hat die Sa-  
cramenta  
zu der Pre-  
dig gethon.

Marc. 1.

Joan. 7.  
vñ 4.

Matt. 28.  
Marc. 16.

Von dem ersten Prediger des; heiligē E-  
uangelij stadt geschriben / Joannes was in  
der wüste vnd toufft / vñ prediget den touff  
der büß / zu verzyhung der sünden. Von uns-  
serm Herren Christo stadt geschribē / Jesus  
vnd sine jünger kamend in Judeam / vñ hat  
daselbst sin wäsen mit inen / vnd toufft / wie-  
wol Jesus selber nit toufft / sunder sine jün-  
ger. Vñ Jesus macht mee jünger / vñ touffe  
me dann Joannes. So ist kundtbar das;  
der Herr nach siner vñstände sinen jünger  
besücht

## Von den R. Sacramenten. 139

Befilcht das Euangelium zepredigen vñ zetouffen: item das er nähend dem predigen/ das Nachmal mit sinen jüngern begadt/vñ das selb sy heist glycher gestalt halten oder begon. Darumb ist's klar vñ vnwider sprächlich/das die heiligen Sacramenta zur Predig/vom Herren selbs/gethon/mit derē soltend geübt/vñ nit abgesünderet/oder als vn nötig oder vnnütz vnderlassen werden. Also sol auch das gebätt in diser Gottes ordnüg yngeschlossen syn.

Doch ist hie zü merckē/das das wort des Herren fürträfflicher ist / dann die Sacramenta syend. Dahär spricht Paulus/ Christus hat mich nit gesandt zetouffen / sunder das Euangelium zü predigen: mit das Paulus nit getoufft habe / oder den Touff verachte / als den Christus nit gebotten habe/ sund das mee an dem predigen/dañ an dem zü dienen der Sacramenten gelägen ist.

Das wort ist me dann die zeichen. 1. Cor. 1.

So sol nun der gldubig wüssen / das die heilige Sacramenta Christi vñ seiner Christlichen kyrchen/keinen anderen anfang od vrsprung habend/dañ Gott allein. Allein von Gott habend wir vnser Sacramenta/vnd nieman sol / kan noch mag ynsetzen Sacramenta/dann Gott allein. Dann die Sacramenta sind ceremonie der Christen/dienende zum dienst Gottes/vñ zeichen/anzeigun gen oder zügnussen des willē Gottes. Wäre

Ursprung der Sacramentē von Gott.

## Ser VIII. Artickel

Kan aber sagen oder wüssen/wie vñ was der willen Gottes ist/dañ Gott allein: als auch Paulus sagt/1. Cor. 2. Wär kan od sol Gottes dienst ynsetzen/ onet Gott allein: als der in aller geschufft züget/ das jm die dienst missfallind/ welche der mensch für sich selbs vñ vß jm selbs erfindt vñ vffsetzt/oder thüt.

Gott wolle  
cker in glöu-  
bigen die si-  
ne Sacra-  
menta ge-  
bruchend.

4. Thess. 2.

Vnd Gott hat sine Sacramenta nit also yngesetzt das er iren nit mee achte/sunder er wil in sinen gläubigen/die sich seiner ordnung nachmals haltend/ würccken/ wie vñ was er in sinem wort zügesagt hat. Darum wie die gläubigen das wort Gottes nit hörend predigen als der menschē wort/oder als ob inen vom Dannhuser gesagt wurde/ sunder als von dem höchsten Gott/vñnd als das wort Gottes: also empfabend sy wol von d hand der Dienern die Sacramenta / erkennend aber nit hinzü/das dises also Gottes ordnung ist/vñ Gott in sinen gläubigen würcckt/ deß halbē sy die Sacramentē/ als von der hand deß Herren/vff den sy einig sähend/empfabend vñnd gebrauchend: also das ob glich wol mangel/ sünd vñnd prästen am Diener sind/ sy (so die Sacramenten empfabend) doch vergwüßet sind/das in der ordnung vñ ynsetzung Gottes gar kein mangel noch prästen ist/ sunder das Gott in seiner ordnung würcckt/vñnd das der mangel deß Dieners wils nit verhindecet.

Die Sa-  
cramenta  
als r. 3. deß  
Herren  
t. vñnd emp-  
faben.

Wie

Von den 8. Sacramenten. 140

Wie die Sacramenta geheiliget oder gewycht vñ gewandelt werdind. Cap. 11.

**N**Jeruß ist yetzund das ouch ring zeuerston/wie die Sacramenta Christi vnd siner kyrchen geheiliget oder gewycht vnd gewandelt werdind. Heiligen ist Gott vnd heilige Brüchen zueigenen/ Das ist von dem gemeinen Bruch absondern/vñ nach der ordnung Gottes zu einem besondern heiligen Bruch widmen oder verwenden. Also züiget die gantz heilig gschrieffe vnd spricht/ der Tabernackel/die priester vñ anders der glychen syend geheiliget/ das ist Gott besonders zu sinem dienst geeignet vñ gewidmet. Das heist zu Tütsch sunst ouch Wychen. Dañ wasser/Brot vnd wyn/ weñ sy als Sacramenta gebrecht werdend/vñ das gebäret der gläubigē ordenlich beschicht/wychend sy von irem gemeinen Bruch/vnd kummend durch Gottes ordnung vnd gheiß/zü einem andern vñ besondern Bruch/werdend also das sy vor nit warend. Vor warend sy nun schlächt gemein wasser/Brot vñ wyn/in gemeinē Bruch der menschen / welche sich vsserlich mit dem wasser gewäschē vnd darinn gebadet/ Brot vnd wyn aber zü lyblicher narung gebrecht habend. Darvon wychend sy aber yetzt/wenn sy zü Sacramenta angenommen werdend: dañ sy werdend das durch die ordnung Gottes/das sy vor nit warend/

Was heiligen sye

Was wyche heisset



## Der VIII. Artickel

vnd deshalb auch vff andere wyß gebrauchet  
als namlich ist der Touff nit mee wie vor: nū  
ein lyblich Bad/sund ein zeichen oder Sacra-  
ment der widergeburt vnd verzyhung der  
sünden: vnnnd das brot vnd der wyn in des  
Herrē nachtmal sind nit me wie vor/ein lyb-  
liche spyß/damit man gemeinlich den lyb spyß  
set vnnnd trānckt/sunder ein Sacrament des  
lybs vnd blūts Christi/welcher vns geistlich  
spyßt vnd trānckt zum ewigen läben: darūm  
geb:uchends yetzt auch die gläubigē nit wie  
vor: lyblicher gestalt / sunder mit glauben vñ  
nach d̄ wyß form vnd ggestalt/wie sy der Herr  
geleert/vnd inen bestimpt hat. Vnnnd das ist  
yetzt auch vil ein anders/dañ wēn man sunst  
vffet des Herren ordnung wasser angüßet/  
brot vnd wyn isset vnd trinckt.

Wortū die  
Krafft der  
heiligung  
stande.

Vnd stadt deshalb die krafft der wyhung  
oder heiligung der Sacramenten in keinen  
charactern/sāgnē/oder worten von mensche  
gemacht oder gesprochen (Dañ auch die heil-  
ligen apostlen sich des nit geb:ucht habend)  
sunder in dem willen/wort/geheiß oder yn-  
satzung vñ anruffung Gottes: also das die  
gemeinen elementa/wasser/brot vñ wyn/dar-  
umb heilige Sacramenta heissend vnd sind/  
das sy Gott darzu bestimpt/vnd sin bestim-  
mung durch sin wort täglich ernüweret/Be-  
züget vnd heiliget: daby die gläubigē ire ge-  
bätt zū Gott thünd / 1c. Dem wort Gottes  
gläubend

Von den H. Sacramenten. 141

glaubend die gläubigē/ vnd gebrauchend die Sacramenta/nach dem Befälch des Herrn/ mit dem heiligen gebärt/ welches auch inen diener zur heiligung/ glych wie de Naaman 4. Reg. 7. in gehorsam gläubig wäschen im Jordan dienet zur reinigung des vßsatzes.

4. Reg. 7.

Daruff auch das gut zeuerston ist / dz ein wandlung in heiligen Sacramenten ist / nit das das wasser im Touff/ oder Brot vñ wyn im Nachtmal Christi/an irem wäsen also ver wandlet werdind/ dz sy nit mee wasser/Brot vnd wyn syend. Dann die gschriffte gibet inen dise namen / darzü empfindend wir alle kein sölich verwandlen/sunder (wie auch vorges meldet worden) das sy yetzund das nit mee sind/das sy vor warend. Dann vor warend sy nit Sacramēta/ yetzūd aber sind sy durch den ynßatz Christi Sacramenta wordē: vnd wirt dz wasser im Touff angegossen/nit zur lyblichē reinigung/sunder zur ernüwerung vñ innerlicher reinigung: also wirt das Brot vnd der wyn im Nachtmal gässen vnd trincken/nit zur lyblichē sund geistlichē narung.

Von der wandlung in Sacramenten.

Warumb die Sacramenta von Gott yn gefeget syend / vñ wie sy zeichen heissind. Cap. III.

**D**ann es ist ein alter Bruch Gottes/ Die Sacramenta en er von anfang geübt hat / das zur anbil dung gäbe  
S p

## Der VIII. Artickel

Joan. 3.

Sacramen-  
ta uisibilia  
uerba.

worten oder mit der predig/sunder ouch mit  
zeichen oder Sacramenten handel. Dann  
wie erst gemeldet ist/thüt der Herr die Sac  
ramenta zü d' predig/vnserer Blödigkeit et  
licher maaß zü hälffen: die woyl ein yetlicher et  
handel durch By spil vil baß dann one By spil  
verstandē wirt. Dannenhar vnser Herr sye  
lich so vil By spilen in siner leer gäben hat: fei  
ner anderen gestalt hat er vns ouch die Sac  
ramenta gäbē: dannenhar die alten sy sicht  
bare wort genennt habend. Wir erfarend ye  
an vns selbs/das wenn man vns ein handel  
nit nun mit worten sagt/sunder ouch mit zei  
chen oder etwas vsserer anbildung / als für  
ougen stellt / sölicher handel nit nun ringer  
vnd rächter verstandē wirt/sunder ouch baß  
haffret/vns ynildet/vnd bewegt. Darumb  
das der handel vnser heils durch Christum  
gewürckt/ouch vnser pflicht vñ schuld rächt  
wurde verstandē / vns wol ynildete vñ alle  
zyt in frischer gedächtnuß blibe / hat Chris  
tus vnser Herr siner kyrchen sine Sacra  
menta gäben.

In Sacra  
menten sän  
hen vff  
zwey ding.

Darum sol man in den Sacramenten sän  
hen vff zwey ding / namlich vff das zeichen  
vnd vff das das mit dem zeichē verzeichnet  
wirt. Dann ye so hat man ye vnd ye gesagt/  
wie ouch die warheit ist / dz Sacrament sye  
ein zeichen eins heiligen dings/ja des heili  
gen dings / das mit dem wort Gottes bes  
timpt

Von den H. Sacramenten. 142

stimpft ist. Dañ das zeichē ist das vsser sicht- Das zeichē  
bar / das der Herr zū sinē wort gesetzt hat/ chen.  
als wasser/brot vñ wyn/ ja die ganz action/  
wie die nach der bestimung vñ fürschrybüg  
des Herren geübt vñ gebucht wirt/als das  
das wasser dem menschen angegossen / das  
Brot in der gemeind gebrochen/ vßgeteilt/ vñ  
geäffen / der wyn vßgossen vnd getruncken  
wirt. Das verzeichnet aber / dz durch soliche Das ver-  
action oder übung bedütet vñnd yngebildet zeichnet.  
wirt/ist der handel vnser heils durch Chri-  
stum vollbracht/als die widergeburdt/die rei-  
nigung der sünden / oder das vns Gott in  
pündnuß vnd zū kinderen angenömen hat/  
vnd das Christus für vns gestorben ist/wel-  
ches hingegäbner lyb vñ vergosses blüt / die  
rächte spyß vñ das rächte tranck sind zum ewi-  
gen läbē. Welche heilige ding vns nit allein  
verkündt werdend mit den worten Christi  
die in der action Christi allein gemeldet wer-  
dend/sunder durch die ganz predig des heil-  
ligē euangeliums/ welche doch hic im bruch  
der heiligē Sacramenten in ein kurze sum-  
man gefasset vnd gebracht ist.

Siewyl dann ein yetlichs zeichen nit sin- Die zetchē  
selbs/sunder eines anderen dings zeichē ist/ empfahend  
desse namlich das es verzeichnē bedüten vñ den namen  
anbildē sol/so empfacht das zeichē ouch den verzeich-  
namen des verzeichneten/also das es mit sin- neren dinge  
nem namen geneñt wirt/als das wasser des gena

## Der VIII. Artickel

Touffts/heißt das Bad der widergeburt/ vñ  
 die reinigung/ das Brot vñ d wynn im Nachtmal/  
 der lyb vñ das blüt Christi: nit daß das  
 zeichen vñ syre vñ nit mee de sye dan allein  
 das verzeichnet (dann also wäre es kein Sa-  
 crament mee/ als das nit nun ein ding/ sans  
 der zwey anzeigt) sunder das wir in dem  
 Bruch der Sacramenten erweckt werdind/  
 nit allein vff das zeichē zū sähē/ sunder vil  
 mer vff das verzeichnet/ vnd wüssen das es  
 yetz nit mee gemeine elementa/ sunder Sacra-  
 menta Christi sind.

Sacramen-  
 ta sind sie-  
 gel.

Vnnd als ein Bruch by den menschen ist/  
 dz sy ire zusagunge/ verträg/ pündtussen/  
 gmächte oder testamenta/ nit nun mit wortē  
 vñsprächend/ sunder auch in Brieff verassen  
 vnd schryben lassend/ die sy dann wyter auch  
 besigled/ vff das söliche Bueff vñ sigel/ auch  
 by den nachkōmenden zūgnuß/ vnd gewü-  
 sen Bericht der warheit gābind: also hat vn-  
 ser Herr: mündtlich seiner kyrchē sine zusagun-  
 gen gethon/ einen ewigen pundt/ vñnd ein  
 ewig testament oder gemacht gemacht vnd  
 vffgericht/ darzū er yetzund sine Sacramen-  
 ta/ an statt der Brieffen vñnd siglen thāt/ zur  
 zūgnuß d warheit vñsers heils/ &c. Darum  
 heißet der heilig Paulus das Sacrament der  
 beschnydung nit allein ein zeichē/ sund auch  
 ein sigel d gerächtigkeit deß gloubēs. Dan-  
 nenhār werdend auch die Sacramenta war-  
 zeichen

Rom. 4.

Sacramen-  
 ta warzei-  
 chen.

Von den 8. Sacramenten. 143

zeichen von vilen genennt. Dann sy sind ye  
kundeschaften oder sigel vnd sichtbare züg-  
nussen/das/wie das wort Gottes lut/Gott  
vns gnädig ist/das wir gereiniget Gottes  
kinder sind/das Christus warlich für vns in  
tod gäben/vns wider läbēd gemacht habe/  
also das wir in jm läbend vnd er in vns.

Vnd also Beuestnend ouch die Sacramen  
ta vnsern glauben / nit das die zeichen das  
für sich selbs allein thügind ouch in den vn-  
gläubigen/sunder das die gläubigē Beuest-  
net durch den geist vñ glauben im hertzen/  
die Sacramenten als vssere warzeichen er-  
kennend vnd gebrauchend/die vssen für (vff  
ire wyß vñ gattung als Sacramenta) äben  
das zügend als warhaft/das der geist inere  
lich in irem hertzen redt / züget vnd würckt.

Es wil ouch Gott vff erdterych ein sicht-  
bare kyrch vñ besondertrut volck haben/das  
abgesündert oder gescheiden von allen ande-  
ren völekeren vñ religionen / in bekenne/  
verjāhe/pryse vñ lobe/in anbätte vnd verree-  
re. Darum hat er von anfang geordnet den  
kyrchgang/das sine gläubigē in sin gemeind  
vnd sinen dienst vnd lob zü üben versamlet  
werdind : darumb hat er ouch die heiligen  
Sacramenta yngesetzt / als zeichē/damit er  
sin volck wil verzeichnet/vnd von anderē re-  
ligionen abgestünderet / vnd in sin gemein als  
lein yngelybet werden. Dañ Paulus spricht 1. Cor. 12.

Welcher  
gestalt die  
Sacramen-  
ta vnsern  
glauben be-  
uestnend.

Die Sac-  
ramenta  
samlend die  
kyrch vnd  
haltend sy  
zesamen.

## Der VIII. Artikel

1. Cor. 10. Dahär/wir syend alle in einē lyb getoufft: vñ wir alle syend ein gmeind vñ lyb/diewyl wir von einē Brot ässind. Vnd dises sind die fürnemmen vrsachen/ daruñ Gott siner kyrchen die Sacramenten yngesetzt oder gāben hat.

Wie vil der Sacramenten by den alten gsyn/vñ noch in der kyrchen syend/ ouch von iran vnderscheid. Cap. IIII.

Der alten Sacramen  
14.

**S** sind aber ouch Sacramenta by den alten/im alten Testament gsyn. Das elstist vnd das von anfang der wält gewāret hat/ wz das Opfferz besunders aber wurdend dem volck Gottes hernach yngesetzt vom Herrē zwey/die Beschnydung vnd der überschritt oder das Osterlamb. Von welchen die kürze nit zūlast nach der lenge zū reden: sy warē alle vorbildungen des künfftigen Messie oder Christi/ vnd siner gnaden.

Der alten Sacramen  
ta abgethō.

Vnd diewyl sy vff den künfftigē zeiget/ gebur sich nit das sy vom Herren Christo/ als der yetzūd der wält geleistet was/ in der kyrchen gelassen wurdend: daruñ hat vnser Herr Christus das ganz priesterthūm/ alle opffer vñ Sacramentē des alten Testaments alles mit einanderen abgethon: vñ an statt d. Beschnydung den Touff/vñ an statt des Osterlambes sin Nachtmal gesetzt: welche ouch die zwey rächte Sacrament des nūwen Testaments

Nun zwey Sacramen  
der Chris  
ten.

# Von den 2. Sacramenten. 144

staments heissend vnd sind.

Dann Paulus sagt ye/wir syend beschnitten one händ/mit der Beschnydung Christi/ das ist wir syend toufft: vñ widerumb vnser Osterlam̄/namlich Christus/ sye geopferet: ja der selb Paulus gibt auch vnser Sacrament den vralten/vnd spricht/Vnser vätter syend all durch Mosen geroufft/vnd habind einerley geistlicher spyß vnd tranck mit vns gassen vnd truncken / namlich von dem velsen/Christo.

Vnser  
Sacrament  
an der alte  
statt gestelt  
Coloss. 2.  
1. Cor. 10.  
1. Cor. 10.

Vnd wiewol die Sacramenta der vralten des alten Testaments/vñ vnser des nūwen Testaments/ vil glychnuß miteinander habend/fürträffend doch die Sacramenta der Christlichen kyrche in volgendē stucken. Die alten Sacrament sind nun vff ein gewisse bestimpte zyt gāben: vnser sind vñ wandelbar vnd blybend biß in das end. Die alten bedutend vnd zūgerend vff das künfftig güt: vnser aber vff das gegenwürtig / ja geleistet güt. Dann der alten verhiessend Christum: vnser zūgend/das er/sampt allen gnaden/vns geleistet sye. Der alten warend dunkel vnd durch vil ceremonien vnd kosten beschwarlich: vnser sind klar vnd schlacht/wesder mit vile der ceremonie noch kostens überlestig. Der alten dienetēd allein der kyrchen Israels / vnser Sacramenta sind vil einer größern gemeind. Dañ das Christenthumb

Vñscheyt  
der alten  
vñ vnserer  
Sacramen  
ten.

1. Cor. 10.



## Der VIII. Artickel

herrlicher vñ grösser ist dan dz Judenthüm  
gewesen sye. Es hat ouch die Christenheit  
rychlicher die gaab des geists empfangē/ 2c.

Von den  
übrigē Sa-  
cramenten

Das aber etliche zü disen zweyen Sacra-  
mentē/ namlich zü dem Touff vñ Nachmal  
Christi/ noch fünff Sacramentē zellend/ das  
jren aller sibne werdend/ ist von den heiligen  
apostlen von anfang nit also geleert. Hiemit  
erkennend wir aber ouch das die Büß/ die  
Ordnung d' Dienern/ die Ke/der Bericht der  
Kinden/ vnd der Krancken Besüchung/ gute  
Ordnungē sind/ derē in der heilige gschiffte  
gedacht wirt/ aber nit das sy darüm Sacra-  
menta syend/ wie wir hic von Sacramenten  
redend: oder das sy von anfang aller dingen  
also gebrecht wordē syend/ wie sy yetz geübt  
werdend. Darüm was d' glöubig vß kund-  
schafft des Götlichen worts erlernen mag/  
das nimpt er an vñ behalts/ was nit grund  
hat in Gottes wort/ das laßt er faren.

Zwey Sa-  
crament.

In summa/ Christus hat siner kyrchen ge-  
ordnet zwey heilige Sacrament/ den heilige  
Touff/ durch welchen wir in die pündnuß  
Gottes yngeschribē/ ouch zür reinigung ver-  
zeichnet werdend/ vnd in die kyrchen Christi  
kommend: vnd das Nachmal/ welches vns  
die rächt spyß vnd narung Christum Jesum  
zeigt/ welcher vns spyset züm ewigen läben/  
sin erlösung ouch in frischer gedächnuß be-  
halt/ vnd die glöubigen in rächtem Gottes  
dienst

Von den H. Sacramenten. 145  
Dienstübr. Von derē yerlichem volget fürhin  
Besondere erlüterung.

Von dem heiligen Christenlichen Touff/  
vñ das man ouch die kinder touffen solle.  
Cap. V.

**D**er heilig Touff hatte sin vrsprung  
oder anfang vß Gott: wie dan vn-  
ser Herr Christus im Euangelio  
sagt/der touff Joannis sye nit von  
den menschen/sunder vß dem himel. Dar-  
non ouch in ersten capitel gsagt ist. Darumb  
ist der Touff ein gheiß vñ ordnung Gottes.  
Wie sol aber nieman vermeinē dz der H.  
Touffer erst nach der vrsände Christi/als er si-  
ne jünger zü predigen in alle wält vßsandt/  
vßgesetzt sye. Dann mit der Predig deß heili-  
gen Euangeliums / hat Joannes angehebt  
touffen: vnd hat aber mit wasser toufft zür  
büß vnd verzyhung der sünden. Da hernach  
die Apostilē nit anders getoufft habend. So  
ist nit mee dan nun ein Touff/ wie die heilig  
geschrifft züger: vñnd ist Christus in keinem  
andern/dann in vnserm Touff getoufft/vnd  
werdend wir in keinem andern / dan in dem  
Touff Christi mit Christo getoufft.  
Darumb setzt vnser Herr Christus den  
heiligen Touff nit erst vñ nach siner vrsände  
von todten/sunder ernüweret vnd erlüteret  
vil mee/dz sine jünger ouch sollind fürfaren

Der Touff  
ist vß Gott

Matth. 28

Wenn der  
Touff vßge-  
setzt.

Marci 2.  
Matth. 3.  
Joan. 1.  
Act. 19.  
vnd 2. cap.  
Ephes. 4.

## Ser VIII. Artickel

mit touffen/vnd wie sy sollind touffen. Dars  
von schrybend Marcus vnd Mattheus im  
16. vnd 28. cap. also/

Der Herr sprach zü sinen jün-  
geren/ Gond hin in alle wält/ vnd  
predigend das Euangelium aller  
creatur/ welcher gloubt vnd toufft  
wirdt/ der wirdt sällig: wår aber nit  
gloubt/der wirdt verdampft werden.  
Vnd Jesus sprach zü sinen jünger-  
n/ Wir ist gåben aller gewalt im him-  
mel vnd vff erden/ darumb gond  
hin vnd leerend (oder machend mit  
zü jünger) alle völcker/ vnd touf-  
fend sy in dem namē des Vatters/  
vnd des Suns/ vnd des heiligen  
Geists. Vnd leerend sy halten alles  
was ich iuch befolhen hab.

Wie man  
touffen solle  
is.

Vß disen Worten Christi erlernend wir/ß  
der heilig Touff in der Christenliche kyrchen  
fürhin vñ allwåg sol gåben werden von dem  
Diener Christi vnd siner kyrchen/ mit angief-  
sen des wassers in den namē/oder im name  
men des Vatters/ vnd des Suns/ vnd des  
heiligen Geists/ zur verzyhung der sünden  
vnd besserung des läbens.

## Von den 8. Sacramenten. 146

Es heißt aber getoufft werde in den nam  
men deß Herren/yngeſchribē/ ja verpündet  
werden Gott/vnnd diewyl wir yetzund vß  
Gottes gnaden vnd annemen/ Gottes kin  
der ſind/ den namen empfabend im Touff/  
das wir fürhin Gottes kinder heiſſend vnd  
ſyend. Wenn man vorzytē beſchneid/ als man  
ouch Luce 2. ſicht/gab man dem Knäblin den  
namen / ſeylich das ſo vil vñ dick er ſinen et  
gnen namen horte nehen / gedächte wo jm  
worden wäre/ vñ das er yngeſchriben ſye in  
das register der verpündeten vnnd kindern  
Gottes. Also ſollēd ouch wir/die vnſere nam  
men im Touff empfangen habend / gedens  
cken / das wir in Gottes namen/in Gottes  
ſchutz/ſchirm/heil vnd troſt getoufft/vñ dar  
umb als ſin eigenthüm worden ſind: als die  
ſinen nammen/als die ſinen/tragend.

Darumb welche getoufft ſind oder ge  
toufft werdend/habend oder empfabend das  
zeichen deß pundts vñ der kindern Gottes  
ja das ſigel der widergeburt vñ reinigung.  
Wir alle werdend in vnſer lyblichen geburt  
vom Adamē vnrein zum tod geboren vñ zur  
verdammuß: Gott aber wid gebirt vns mit  
ſiner gnad / vñ reiniget vns durch ſinē geiſt  
mit dem Blut Chriſti/er ernüweret vns iner  
lich/welches offerlich der Touff als ein war  
zeichen bedüret vñ Bezüget. Dañ der Touff  
iſt ein kunderschaffe vnſers pundts mit Gott/

Wan ſye  
in den nam  
men deß  
Herren  
touffen:

Die wider  
geburt/rei  
nigung vñ  
ernüwer  
ung.

## Der VIII. Artikel

welcher vns reiniget. Dañenbär er ouch mit wasser gäben wirt. Dañ wie das wasser ansgegossen den onmächtigen erkickt / vnd den menschen reiniget / also thüt ouch die gnad Gottes durch sinē geist mit dē blüt Christi.

Die glübi-  
gen mit als-  
len Christi  
verpündet.

Vnd so wir mit Gott verpündet sind / sind wir ouch ein lyb mit im vñ allen glüubigen. Dannenbär Paulus spricht / Wir sind in einem geist alle zü oder in einen lyb getoufft / wir syend Juden oder Giechen / knecht oder fry / vnd sind alle mit einem geist getränk. 1. Cor. 12. Dann wie alle glider von einem geist läbend / also der lyb Christi / namlich die heilig Kyrch.

Der Touff  
nun einist  
empfangen  
wäret all-  
wäg.

Wiewol nun der heilig Touff nun einist beschicht oder empfangen wirt im läben des menschen / so wäret er doch durch das ganz läben des menschen / biß in tod. Dañ wir habend an vnserem lyb biß an vnser end / den pundt vnser Herren Gottes / als ein zügnuß / das er wil vnser Gott syn / vns für sine kind erkennen / von vnsern sünden reinigen / ernüweren / schützen vnd schirmen / 2c.

Der Touff  
ein bekant-  
nuß vnser  
glaubens.

Es ist ouch der Touff ein bekantnuß vnser gloubens / das wir vns allein Gottes vñnd seiner religion halten wollind / das wir vns / als sündler / die der reinigung vnd wärschens bedürffind / Bekenend / ja die reinigügnienen anderswo här hoffend / dann von dem Vatter / Sun vnd heiligen Geist. Also stude

Von den H. Sacramenten. 147

stadt Matth. 3. daß das volck toufft worden  
sye/ vnd sine sünd bekennet habe. Dann ye be-  
darff der keines wäschens der suber vñ rein  
ist. So sagt Paulus / wir syend nit anders  
dann im nammen Christi getoufft. 1. Cor. 1.

Der Touff erinnert vns ouch / durch vn-  
ser ganz läbē/vnserer pflicht vñ schuld / das  
diewyl wir von sünden gewaschen vnd glia-  
der Gottes vnd siner kyrchen worden sind/  
billich vns hütind vor aller Befleckung / vnd  
vnschuldig wandlind / den alten Adam täg-  
lich tödind / vñnd in einem nūwen menschen  
vferstandind. Daruon liß wyter Rom. 6.  
cap. Vnd also pflicht vns der Touff vnd ein  
imerwārende büß / in deren wir alle ougen-  
blick sollend stryten wider den tüfel / wider  
die wālt / vnd vnser eigen fleisch / 2c.

Der Touff  
erinnert  
vns vnser  
pflicht.

Diewyl aber der Christen kinder in der  
pündtnuß mit Gott sind / Christus ouch der  
kindlinē heiland ist / inē ouch die verheißung  
der reinigung von sünden / in denen sy erbo-  
ren werdend / vnd des läbens dienet / als alt  
vnd nūw Testament Bezüget: warum wolte  
man dan inen abschlahē den touff / dz punde  
zeichen / das Sacrament der reinigung vnd  
widergeburt: Daruon anderswo mer ge-  
sagt ist. Sie warnē ich alle fromen Christen/  
daß sy sich wol hütind vor der giffrigē häde-  
rigen Sāct der Widertouffern / die wol ein-  
schyn vnd grosse glychßnery fūrt / im grund

Man sol  
ouch der  
Christen  
kinder touf-  
fen.

## Ser VIII. Artickel

Aber ein verderbliche Sect ist/die auch vil al-  
ter Secten/welche vor vil hundert jaren die  
Fyrchen Christi auch Beunrühiger vnd tränk  
habend/Begryfft vnd ernüweret / vnnnd also  
vil lüten vergiffet.

Von des Herren Nachmal/ vnd wie es  
vom Herren vsgesegt sye. Cap. VI.

Wohar d  
nam/ das  
Nachmal  
kürze.

1. Cor. 10.

**D**as Nachmal vnseres Herren Jesu  
Christi/das ander Sacrament der  
heiligen Christlichen Fyrchen/hat  
difen sinen namen empfangen vnd  
Behalten von dem letzten Nachmal vnseres  
Herren Christi/welches er mit sinē jüngern  
grad vor sinem tod begangē hat/in welchem  
er dises Sacrament vnsetzt. Es wirdt auch  
genēnt d Tisch des Herren vom S. Paulo/  
vñ die Dancksagung. Was aber in dem lets-  
ten Nachmal Christi gehandelt vñ geredt  
wordē sye/beschrybt Joannes der heilig apo-  
stel vnd Euangelist insonders wyrlössig/  
Joan. am 13. 14. 15. vnnnd 16. cap. Desß Bro-  
tens aber gedenckt er allein daruñ nit/  
als etliche sagend/dz die anderen dry Euan-  
gelisten vñ auch Paulus eigentlich daruon  
geschribē hattend. S. Augustin spricht/das  
er daruñ von dem Sacrament desß lybs vñ  
Bläts Christi nüt gesagt habe / das er zū vor  
im 6. cap Joan. gnügsamen Bericht daruon  
gäben hatt: aber die anderen dry Euangeli-  
sten

sten vnnnd Paulus / schrybend einhällig von dem Nachtmal Christi vnd sinem vffsatz wie volget/

Als es abend worden was / der nacht als Jesus verradren ward / ist er zu tisch gesessen mit den zwölffsen / vnnnd als sy assend / nam Jesus das brot / vnnnd dancket / vnd brachs / vnnnd gab es sinen jüngerem / vnnnd sprach / Nimmend / ässend / das ist min lyb / der für üch gäben oder gebrochen wirdt. Das thünd miner zur gedächtnuß. Also hat er ouch den bächer genommen / als sy zenacht gassen hattend / vnnnd hat gedanckt / vnnnd jnen gäben vnnnd gesprochen / Trinckend daruß all. Vnnnd sy trinckend daruß all. Vnnnd er sprach zu jnen / Dann das ist min blüt des nüwen Testaments ( Lucas vnd Paulus setzend den spruch also / Der bächer ist das nüw Testament / in minem blüt ) welches für üch vnnnd für vil vergossen wirt zur verzyhung der sünden. Vnnnd so vil vnd dick jr das thünd /



## Der VIII. Artickel

so thunds miner zur gedächtnuß.  
Dann so vil vnnnd dick jr von disem  
broz ässend / vnnnd von disem bächer  
trinckend / söllend jr den tod des  
Herrn verkündē bis dz er kumpt ꝛc.

Der vrbab  
des Nach-  
mals.

Im Nach-  
mal sol mā  
sähen vff  
Christum.

Hie habend wir zum ersten den vrsprung  
oder anheber dises vnfers Nachmals vnnnd  
Sacraments/Christum Jesum/ der setzt es  
vff vnd heiligets/ als ouch daoben gesagt ist.  
Zu Christi tisch vnd maal kumptst du/Christi  
gast bist du/so vil vnd dick von dem Nach-  
mal Christi issest vñ trinckst. Darumb nennt  
es Paulus des Herren Tisch. Vff Christum  
solt du mit den ougen des glaubens sähen/  
vnd nit vff den diener/oder nun vff das ele-  
ment/dann es ist ein Sacrament. Dannens  
har die vralten / wenti sy das Nachmal an-  
heben woltend/yederman vermanē ließend/  
jre hertzen oder gemüt übersich in himel zu  
erheben vnd stellen/ vnd sprachend / Sursum  
corda.

Mit was maass/wyß/ form vnd gestalt das  
Nachmal Christi sölle begangen werden.  
Cap. VII.

Wie das  
Nachmal  
sölle in der  
kyrchē bes-  
gangen  
werden.

**D**ß obermelten worten des ynsetzes/  
vnd vff dem byspil Christi/ist güt zu  
verston wie fürhin in der Christen-  
lichē gemeind od kyrchen das Nach-  
mal

Vonden H. Sacramenten. 149

mal sol begangen werden. Dañ wir habend  
ein heiter gebort/das der Herr zum andern  
mal meldet/vnnd spricht/ Das thünd. Das  
thünd. Was? Das ich mit minen worten üch  
vorschryben oder bestimmen/vñ das ich mit  
minem byspil üch vorgethon hab. Darumb  
wår nun das vnd also thüt/ was vñ wie der  
Herr befolhen vnnd vns vorgethon hat/der  
thüt rächt: wår anders thüt/ der thüt vns  
rächt. Darff yemants sagē / Dife vnd yhäne  
heiligen vätter habend also vnnd also Messz  
gehaltē / Darumb sol man also vñ also Messz  
halten: gilt sölich vil by den menschen: wie  
vil me dō:ffend wir sagen: Also vnd also hat  
Christus vns geleert das Nachtmal halten/  
vñ also hat ers selbs gehalten. Sin wort/ge-  
bort vnd byspil/gilt billich me/dañ aller men-  
schen vfferden. Dann er ist vnser oberister  
puester/er ist vnser lerer/vñ die wyßheit deß  
vatters. Darzū setz er hie vf sin Testament.

Galat. 3.

Da wir wol wüßend ( wie ouch Paulus  
sagt ) das wir einem menschen zū sinem te-  
stament nüt thün / ouch daruon nüt neñmen  
söllend : wie vil minder sol de restament deß  
suns Gottes/tüztid zū od von gethō werdē?  
Vnnd muß hie zum ersten in deß Herren  
Nachtmal syn ein samlung oder kyrch der  
gläubigē. Dañ ouch Christus die sinē zamē  
in ein gemeind gsamlet hat: so erforderet ouch  
Paulus 1. Coynth. 11. ein gemeind zū dem

## Der VIII. Artikel

Nachtmal/vñ das einer deß anderen wartet  
ja er gebüt das sy das Nachtmal mit einan-  
deren begangind/keiner damit fürfare / vñd  
das maal als sin eigen maal halte. Darumb  
ist es der ersten ynsatzung nit gemäß / so ye-  
mants allein vñnd vffer der gemeind dieses  
Nachtmal nützt.

Demnach sol in diser gemeind geprediget  
werden der tod Christi / wie er vnser spysß  
worden sye / oder das werck vnser erlöschung  
durch Christum/ouch von rächtem glauben/  
von ynbrünstiger liebe/waarer hoffnung der  
gläubigen/ von vnser pflicht vñd schuld/die  
wir vnserm erlöser schuldig sind. Dann dar-  
uon hat vnser Herr Christus ouch vilfaltig  
in sinē letzten Nachtmal geprediget/als Jo-  
annes beschrybt. Hie sol ouch menglich ver-  
manet werden/das yederman sich hütet/da-  
mit niemäts dieses Nachtmal jm züm grichte  
empfabt. Da wir ouch das Christenlich ge-  
bätt ynschliessend. Dañ one das gebätt/kan  
weder die predig noch das Nachtmal syn.  
Dann das Nachtmal forderet insonderheit  
Dancksagung/ze.

Darumb söllend vñd müßend ouch zu die-  
sem handel Diener syn/welche dise ding alle  
übünd/vñd in dem geheiß vñd nach dem by-  
spil Christi alles das notwendig ist vormäl-  
dind vñ thügind. Dañ in der kyrche sol ouch  
ein tisch syn/daruff Brot vñd wyn. Der Die-  
ner

Von den 2. Sacramenten. 150

ner sol nach gethoner predig vñ volbrachten gebätt/ des Herrē ynsetzung eigentlich melden: er sol nach dem byspyl des Herren das Brot brächen vñ vñ vñ vñ / also ouch das tranck darbietē. Die kyrch sol nach dem geheiß Christi/ das Brot vñ das tranck empfangen/ äßen vñ trincken. Vñ vñ den tod des Herren vñ vñ die spys des lebens Gott lob vñ danck sagen.

Vñ diese form / wie im anfang dieses Capitels ouch gesagt/ ist die einig vñ allein gericht form: derē sich billich alle gläubige soltend vernügen lassen. Doch sol man das hie ouch fry bekennen/ das in etlichen stuckē/ die zu dem Nachtmal dienend / die Christen fry vñ vnuerbunden sind: als in der zyt/ wenn oder wie dick man es begange. Dañ die geschrifft setz sömlich in yeder kyrchē gefallē/ vñ spricht/ So vil vñ dick jr das thünd/ ic. item in der form des gebäts ouch d' danck- sagung / welche man in dem Nachtmal gebucht: item in dem sitzen oder zügen/ in der gestalt des Brots / in der farw des wyns / in geschirren/ vñ was derglychen ist. Doch ist nimmermee fry od zügelassen / das man tüzid deren dingen vñ vñ / die der Herr gebucht vñ yngesetzt hat/ als das er nit nun geheissen das Brot äßen / sunder ouch das tranck trincken. Da hat yetzt niemā gwalt das trincken abzüstellē: besonders so er dütlich sagt/

Die form  
des Herren  
nachtmals  
vollkommen

## Der VIII. Artikel

Trinckend daruß all. Vnnd Marcus darzü  
setzt/ Vnd sy trinckend all daruß. Man sol  
ouch das Nachtmal zü feinem anderen end  
hin/dann allein zü dem gebrochen/darzü es  
der Herr geordnet vnd selbs begangen hat.  
Vnd diewyl er es nit anzübärtē oder für die  
todten zü haltē yngesetzt hat/sol es by siner/  
das ist Christi / ynsetzung blyben / one alles  
arguieren vnd zanken.

Warumb das Nachtmal von Christo vff  
söliche wyß vfgesetzt worden sye: vnd wie  
der lyb Christi geassen werde. Cap. VIII.

Deß nacht  
mals ge-  
heimnuß  
vnd bedü-  
nung.

**A**llemest aber ist an dem gelägen/  
das wir die geheimnuß dises Sa-  
craments rächt verstandind/ vnd  
wüßind warumb es der Herr also  
vfgesetzt habe. Vorhin im 3. cap. hab ich in  
gemein die vrsachē der Sacramentē erzelt/  
darum wil ich hie kurtz erkläre/ warum der  
Herr im Nachtmal Brot vnd wyn genömen/  
die gebrochen vñ vßgegossen habe/ vnd sy ge-  
heissen äßen vnd trincken. Er selbs meldet  
zum anderen mal die aller fürnämst vrsach/  
vñ spricht/ Dz thünd miner zü gedächtnuß.  
Darum wil der Herr mit disem Nachtmal  
in siner kyrchē in frischer gedächtnuß behal-  
ten sinen tod/durch welchen wir erlößt/ ge-  
spyst vnd getrenckt / vnd heil worden sind:  
er wil ouch das wir das thügind das er vns  
hat

## Von den 2. Sacramenten: 151

hat geheissen thün/ja das wir gloubind vnd  
im lob vñ danck sagind. Da so nimpt er Brot/  
bricht es/büt es inen dar/vnd heist sy ässen.  
Vnd setzt hinzu sin vßlegung/ Das ist min  
lyb/der für üch gäben oder gebrochē/ das ist  
Bemarretet vñ getödt/wirt. Das thünd mi-  
ner zur gedächtnuß. Also nimpt er den bä-  
cher/büt den inē dar/heist sy all daruß trin-  
cken. Vnd setzt hinzu sin vßlegung/ Das ist  
min blüt/ das für üch vergossen wirt: oder/  
Das ist das nütze testament in minem blüt/ *Hebr. 9. vñ*  
welches vergossen wirt zur verzyhüg vñ süne *9.*  
den der vile oder gemeind. So vil vñ dick je  
dz thünd/so thünds miner zur gedächtnuß.

Vnd darff hie keiner angsthafftē sorg vnd *Dz ist min*  
frag/ob hie das Brot vnd das tranck der na- *lyb/das ist*  
türlich lyb vnd dz wäsenlich blüt Christi wer *min blüt.*  
dind vñ sygind. Dañ es ist vorgemeldet/das  
in den Sacramenten die zeichen den namen  
der verzeichneten dingen empfahind / doch  
in jr wäsen nit verwandelt werdind. Wel-  
ches die allgemein regel ist die Sacramentē  
vßzelegē/welche ouch von anfang der Chris-  
tenheit gewäret vnd iren grund in byspilen  
der gschriffte vilfaltig vnd einhällig ouch in  
zügnuß der alten leererē hat. Es habend ye  
die zeichen ein glychnuß mit den verzeichne-  
ten dingen/daruf sy ouch wysend. Dañ wie  
das Brot vnd der wyn den menschen lyblich  
spysend/tränckend/vñ erhaltend/also erhals

## Der VIII. Artikel

vns geistlich der hingäbe lyb vñ das vergossene blüt Christi. Wie das brot brochen wirdt zur spyß/vñ der wyn vßgossen zum tranck: also wirt Christi lyb getödt/vnd sin blüt vergossen / daß sy mögind vnser spyß vñ tranck syn. Wie das brot vñnd der wyn weder spyßend noch tranckend / sy werdind dann geassen vñ truncken: also weñ wir nit ässend den lyb Christi vnd trunckend sin blüt / werdend wir kein läbe in vns haben. Vñ wie die gläubigen vfferlich mit dem mund ässend das brot des Herren / also essend sy innerlich durch den glauben den lyb Christi.

Von dem  
lyblichen  
essen.

Vñ hie muß man vnder scheidē zwüschen dem lyblichen vnd geistlichen ässen. Der lyb Christi vnd sin blüt/mögend lyblich mit des menschen mund / weder geassen noch truncken werden. Der lyb Christi ist in himlen in der herrligkeit/vnd nit hieniden vfferden in der zerstörligheit. Geistlich aber sol vñ muß Christi lyb gassen vñnd sin blüt getruncken werden. Vnd beschicht solich ässen/von menschen/mit vñnd durch den glauben. Da der Herr/der ein waaren lyb hat/vñ warlich einmal gelittē hat/ yetzt von himlen durch sine geist würckē innerlich in hertzen der menschen/also das er inē das läben vñ alles das er inen mit sinem heiligen fleisch oder lyden erworben hat/mitteilt: die menschen aber solichs mit dem glauben annemmend. Dann  
wie

Von dem  
geistlichen  
essen.

Von den 8. Sacramenten. 152

wie die lyblich spyß durch das ässen ange-  
nommen/vñ im menschen freßtenlich würckt  
vnd empfunden wirt: also wirt Christus der  
mit sinem tod vns läbendig gemacht/ durch  
waaren gloubē von vns angenommen/ das  
er entpfündlich in vns würckt/ in vns wo-  
net vnd läbt/ vnd wir in jm läbend. Dann al-  
so spricht Christus selbs / Ich bin das brot Joan. 6  
deß läbens/wär zū mir kumpt/ den wirt nit  
hungern: vnd wär in mich gloubt/ den wirt  
nimmermer dürsten. Vñ wär mich ässen wirt/  
der wirt auch vmb minerwillē läbē. Da auch  
mencklich verstadt/ dz wir durch den glou-  
ben nit versted ein lār gedicht oder müßigs  
anschouwen (als man vns vstricht) sunder  
ein göttliche krafft vñ entpfündliche genieß-  
ung der himmelischen gaaben/ wie auch an-  
derschwo vom glouben gesagt/ vnd geschri-  
ben stadt/ Der from̄ geläbt sines gloubens.  
Vnd solichs ässen deß lybs oder fleischs  
Christi/ vnd trincken sines blüts ist notwen-  
dig zur sälligkeit: also das welcher das fleisch  
Christi nit isset/ vnd sin blüt nit trinckt/ nim-  
mermee das läben haben wirt: als der Here  
selbs vstruckentlich sagt Joan. am 6. cap. Sol-  
lich ässen aber beschicht zū allen zyten / vñnd  
an allen orten/ auch vffer dem Nachtmal/ so  
vil vnd dick der mensch gloubt. Daruon hat  
S. Augustin geredt vnd gesprochen / Quid  
paras dentē & ventrem? crede & manducasti.



## Der VIII. Artickel

Du darffst den mund vñ buch nit zürüßent/  
gloub so hast in genossen.

Dem Sacramentli-  
chen äffen.

Es ist aber ouch ein Sacramentlich äffen/  
als da der gläubig nit nū inderlich gloubt/ dñ  
der tod Christi sin läben sye / sunder ouch vñ  
sömllichem sinē glouben vfferlich zū des Her-  
ren tisch gadt/ oder in des Herrn maal sitzt/  
vnd da gehorsamlich vnd mit fröuden des  
Herrn maal/nach sinem wort/empfacht/als  
ein Sacrament des waaren lybs vnd blüts  
Christi/ welche für in am crütz zum heil gā-  
ben vnd vergossen sind. Da der mund vffera-  
lich des Herren brot vnd tranck empfacht/  
die seel aber innerlich des Herrn Christi ge-  
nüßt/sich in jm ergetzt/vnd in jm läbt/als in  
der einigen/rächten spyß vnd tranck des lä-  
bens: welche spyß vnd tranck des läbens er  
ouch vorhin/ do er gloubt/empfangen hatt/  
yetzund aber in disem maal söliche sinē glou-  
ben wyter übt/vnd Christi tod vnd erlöschung  
genüßt/ouch mit fröuden darumb dancket/  
welches tod vñ lyden jm ouch hie ernüwert/  
vnd widerumb zū frischer gedächtnuß ge-  
bracht wirt. Da ouch menglich sicht/ dñ wir  
hie nit läre zeichē (als man vns aber vfflegt)  
habend/ vnd nun brot äffend vnd wyn trin-  
ckend. Dann diewyl Christus in siner yn-  
satzung krefftig würckt/ vnd die gläubigen  
der würckung empfindend/also dñ Christus  
in jnen läbt vñ sy in Christo läbend/ ja ein lyb  
mit

Von den H. Sacramenten. 153

mit Christo vnnnd allen gläubigen sind / wär  
kan nit sähen das der gläubigen Nachtmal  
nit nun ein lars Brotassen ist / sunder ouch ein  
niessung Christi? Welche aber keinen glou-  
ben habend / empfabend wol des Herren  
Brot vnd tranck / sy empfabend vnnnd empfin-  
dend aber Christum vnnnd seines läbens nit:  
darumb versündend sy sich am lyb vnnnd blüt  
Christi / welche sy mit waarem glauben nit  
niessend / vnnnd deshalb den tod Christi ver-  
schmähend / welches inen zum vtheil reicht/  
Heb. 10. cap. 1. Cor. 11.

Also zwingend wir den lyb Christi nit in  
das Brot / wir mischlend ouch das natürlich  
blüt nit mit dem wyn / so stellend wir den lyb  
vñ blüt Christi nit zum Brot vñ wyn vn sicht-  
barer / doch lyblicher wyß / vñ machend ouch  
dß Brot nit zum lyb / noch verdeckend in mit  
den gstatē Brots vñ wyns. Dañ des alles be-  
darff sy zur veruolkommnüg des Sacramēts /  
als wenig als daß der heilig Touffe ein voll-  
kommen Sacrament sye / erforderet wirt / daß  
das wasser des Touffs in das blüt Christi  
lyblich vnd wäsenlich verwandelt werde / o-  
der vnder der gstat des wassers natürlich /  
aber vn sichtbar / verborigen lige. Unser Herr  
Christus hat einē waren natürlichē mensch-  
lichen lyb / welchem er sin waarheit vnd wä-  
sen ouch nach d vstände / in der verklärung /  
nit genommen hat : als die heilig geschufft

Von der  
gegenwärtig-  
keit Chris-  
ti im nachs-  
mal.

## Der VIII. Artikel

Christus  
ein vnzere  
treute per-  
son.

vnd vnser waarer Christenlicher gloub heiter züiget/vñ alle alte Leerere leerend. Welche gar heiter andingend/das wir die Gottheit vnd Menschheit vnseres Herren Christi in der einigen vnzertrennten person also erkennind vñ veriahind/das wir darumb die beiden arten vñ naturen/namlich die Gottheit vnd Menschheit Christi/nit vermischind/vñ eine oder die ander vnder inen abthügind. Dan ob glich wol Christus in himlen gsyn/als er vff erden gewandelt/vñ yetzund auch/so er zu himmel gefaren/by sinen gläubigen nit destminder sye bis zu end d welt: volge darumb nit das die menschlich natur in himlen daoben lyblich gsyn/do sy hieniden an das crüz genaglet wz/als wenig sy yetzund mee vff erdterich sye/so sy in dem himmel ist: das mit auch die einigkeit der person vnzertrennt blybe/diewyl sy die blybende eigenschafft der naturen nit trennen könnind. Dan man sage rächt der sun Gottes habe gelitten/vñ der Herr der eeren sye gecrüziget: nit das die göttlich art vñ natur wandelbar sye vnd lyden möge:sunder diewyl der gelitten hat/nit nun mensch was/sunder auch waarer Gott blybt/sagt man Gott habe gelittē/vnd wüßend aber alle gläubigen wol/das Christus/der vnzertrennt waer Gott vñ mensch was/an dē gelitten hat/das lyden fonde vñ mocht/namlich an dē fleisch (wie auch daoben

Von den A. Sacramenten. 154

ben gesagt ist im 6. artickel) vnd an dem vn-  
lydenhafft bleib / das vnlydenhafft ist / an  
geist. Hierumb sagt aber nieman / das vmb  
der zwo blybende eigenschaffren willē Chris-  
tus darumb in zwo personen zertrennt sye.  
Also wiewol Christus waarer Gott vnd  
mensch ein vnzertrennte person ist vnd blybt/  
volgt doch nit daß der lyb Christi darumb hie-  
niden vnd allenthalben / glich wie die Gotte-  
heit / sye. Dann die menschlich natur in Chris-  
to behalt jr eigenschafft. Darumb ist sy nit  
lyblich in oder by dem brot.

Nürdestminder habend wir nit ein Nacht-  
mal one Christo. Dañ äben der Christus der  
zur grächten Gottes lyblich ist / hienidē nach  
menschlicher natur nit ist / d selb ganz Chris-  
tus ist mit sinem geist / krafft / läben vñ würs-  
ekung als die rächt Soñ der gerächtigkeit in  
dem Nachtmal / namlich in der gläubigē ge-  
meind / in der gläubigen hertzen / deren die  
das Nachtmal mit waren glauben begond.  
Da läbr vñ ist er / wie die gläubig seel sin hie  
geniessen mag. Vnd anderer ggestalt / form vñ  
wyß können die gläubigen Christum zeha-  
ben nit begären.

Dann wie der Herr selbs von dem ässen  
vñ trincken seines fleischs vñ blüts sagt / redt  
er vnder anderem / Das fleisch ist nit nütz;  
nit allentlich / sund nun lyblich geässen / dañ  
sunst ist es vil nütz: vñ setzt hinzu / Der geist

## Der VIII. Artickel

ists der da läbendig macht. Darumb wenn wir sagend/wir niessind Christi fleisch vnnnd blüt geistlich / verstand wir nit ein lár geschicht vnd als vil als nüt. Dañ Christus der warlich gelitten vnd vns warlich erlöset hat/ der macht vns mit sinē geist siner erlöschung teilhafft vnd läbend/ꝛ.

Vnd in disem sinem letzten Nachtmal/da er sagt / Das ist min lyb : Das ist min blüt: gibt er den sinē noch vil wylschuffiger eigentlichen Bericht/ das er lyblich vff erdterich nit me syn werde: er wölle aber durch sinē geist/ biß an das end/ by siner kyrchē syn/ vñ durch disen alles/ ja alles/ ersetzen das sy beddiffe. Darumb besähe man Ioan. 14. 15. vnnnd 16. Solliche wort vñ sprüch söllend nit minder/ dañ ouch der/ Das ist min lyb/ eigentlich ermaßsen werde/ das man kein widerwertigo im glouben ynsüre oder zülasse.

So ist das die ganz hauptsum der ganzen Christenlichen leer vñ vnsers gloubens/ das wir durch den hingäbnen lyb vnd vergossen blüt Christi/ erlangt habind verzyhüg der sünden vñ die erbschafft des ewigen läbens/ welches wir annemmind allein durch den glouben/ vnnnd das Christus durch den glouben vnnnd sinen geist in sinen gläubigen läbe/ welcher doch lyblich in himlen wone/ vñ nit me vfferdē sye. Ja so yemārs daruftringen wurde/ zū der gerächtmachung des sundigen

Von den H. Sacramenten. 155

digen menschens sye nit nun notwēdig/ Das  
Christus dem gesatz gnüg gethon / einmal  
am crütz gestorben sye/ durch sinen geist vns  
siner gerächtigkeit od̄ siner lydens teilhaft  
mache/ oder vns geistlich sin blüt anspränge/  
wir aber sölichs ouch geistlich / durch den  
glauben empfabind vñ annemmind/ sunder  
es sye ouch notwendig das Christus täglich  
vnd lyblich oder fleischlich in vnser yetlichem  
wone / ja vns sin blüt wäsenlich ansprünge/  
welchs wir ouch nit nun geistlich/ durch den  
glauben / sunder lyblich mit dem mund em-  
pfaben müßind/ also das ouch sin fleisch lyb-  
lich in vns sye/ wurdend nit alle verständige  
sprächen/ sölichs wäre ein vnnötige vnd vn-  
heilsame leer/ ouch nit gemäß d̄ leer des nū-  
wen Testaments: ꝛc. Diewyl dann die Sa-  
cramenta der Christlichen leer / als zeichen/  
zügert hon werdend / könnend sy zwaren nit  
das widerspil zügen oder zeichnen.

Vber das alles sagt die heilig prophetisch 3. Reg. 8.  
Isaie 66.  
Act. 7. 17.  
Dan. 12.  
vñ apostolisch geschufft/ das Gott nit wone  
in hūßern die mit menschen henden gemacht  
sind/ jm werde ouch mit menschē händen nit  
gepflāgē. Vber das alles warnet vns vnser  
Herr im Euangelio vñ sagt / Wen man sich Matt. 24.  
sagt/ Sich Christus ist in der wüste/ so gond  
nit hinuß: sich er ist in verschloßnen gehalten  
ren/ so glaubends nit/ ꝛc. Darum̄ hättē die  
gläubigen den Herren Christum Jesum an

## Ser VIII. Artikel

zu der gerächte Gottes: vnd äßend vnd trinckend hie vff erden sin fleisch vñ blüt geistlich durch den glauben/ ja sy äßend ouch vñ trinckend nüt dest weniger in dem Nachtmal des Sacrament sines lybs vnd blüts/ zur widergedächtnuß sines lydens vñ sines hingegabnen lybs vnd vergoßnen blüts/ mit lob vnd dancksagung/ze.

Wxter von der geheimnuß vnd frucht dess Herren Nachtmals. Cap. IX.

Das nacht  
mal ein widergedäch  
nuß des  
opfers  
Christi.

**D** An die gläubigē habend des Nachtmal Christi nit für des lyblich opffer selbs/ da Christi lyb vñ blüt zur verseyhung der sünden täglich vsgesopfferet werde/ so dick vñ vil das Nachtmal begangen wirt. Dañ Christus hat sich selbs nun einist vsgesopfferet: nieman mag in mee opffern / er darff ouch nüt mee vsgesopfferet zewerden: diewyl sin einist beschähen opffertreffig gnüg ist aller wält sünd zu begnädigen vnd hinczenemmen. Daruon beschähen wil den heiligen Paulum zu den Hebreern am 7. 8. 9. vñ 10. cap. Darum ist das Nachtmal ein widergedächtnuß des einist beschähen vñ ewig treffigen opfers Christi am crütz. Vnd wie die alten vil opffer vor Christi zukunfft ghebt habed/ zur zügnuß das Christi kumen wurde/ vnd mit sinem opffer alle opffer abthün vnd alle wält von sündē reinigen

Von den 8. Sacramenten. 156

Gen: also habend wir yetzt dz Nachtmal zur  
kuntschafft dz Christus kommen ist/alle opffer  
erfüllt vnd abgethon / vnd das er sich vfgew  
opffert vnd alle gläubigen der ganzen wält  
Gott versünet habe.

Darumb sagend wir/als sine erlöste/lob  
vnd danck in dem Nachtmal. Vnnd ist sölich  
loben vnnnd dancksagen das rächt opffer der  
Christenheit: welches nit der Diener allein/  
oder er allein für die gemeind/sund die ganz  
gemeind/die das Nachtmal begadt/Gott vff  
opfferet. Die selb opfferet sich ouch selbs vff/  
zum vernünfftigen vnnnd geistlichen opffer/  
sampt allerley fruchten deß geists vnd glou  
bens. Dannenhar das Nachtmal(in welche  
sölich opffer beschicht) ein opffer geneit wor  
den ist:vnd nit der gestalt/das der priester et  
was habe umb widergält für die gemeind  
vffgeopfferet/2c.

Dancksag  
ung.

Rom. 12

In dem Nachtmal werdend wir ouch vn  
ser pflicht vnd schuld erinneret. Dan diewyl  
wir ein gemeind Christi sind / mit dem lyb vn  
durch das blüt Christi gereiniget/ vnnnd also  
Christo yngelybet/gebürt sich das wir gotts  
föchtig/eines heiligen wandels syend / wie  
dann geheiligeten vnnnd glidern Christi wol  
anstadt. Diewyl wir ouch von einem brot  
ässend/vnd von einem bächet trinckend/ sö  
lend wir allen vnsern mitbrüdern verzyhen/  
eins mit jnen syn/vñ jnē in der liebe dienen.

Einigung  
verzyhung  
vnschuld  
vnd liebe.



## Der VIII. Artickel

Vnnd von disem glouben Christi söllend wir keins wägs wychen / noch einiche gemeinsame haben mit andern religionen / Sacramenten / opfferen / zc. Daruon wyter lässet magst Paulum / 1. Cor. 10.

Das sich der mensch bewären sölte ee dann er von disem maalt ässe. Cap. X.

Sich selbs  
erinnern  
vnd bewären.

**D** Vnd diewyl dem allem also ist / so der mensch / wie ouch Paulus leert / vor vñ ee er zu disem maalt gadt / sich selbs probieren / erinnern vnd bewären / vnd als dann erst daruon essen vnd trincken. Es gebüt aber Paulus nit das wir andern bychtind / vnnd die selben vns vff die bycht probieren lassind / sunder das vnser yetlicher / vor dem angesicht Gottes / das nieman triegen mag / in sich selbs gange / vnd sich erinnere ( diewyl doch nieman baß weißt wie es vmb sin hertz stadt dann ein yeder selbs ) wie vnd was er in jm selbs finde. Vnd zwaren werdē wir in vns selbs nit anders finden / dann sünd vnd verderbung: diewyl in vnser art nit ist dann sünd vnd fluch. Vnnd nach der selben rächnung wurde vnser Feind zum Nachtmal Christi nimmermee kommen. Sie müßend wir vns aber ouch deß erinneren / das Christus kommen ist in dise wält / die sündler sälig zu machen / vnd sin lyb vñ blüt zur bezalung vnser sündē zegäben. Sie erschüch.

Von den H. Sacramenten. 157

ersuch yetzund din lâr hungerig hertz/ ob es  
begäre Christum die spyß des läbēs zü nies-  
sen/vñ durch den glauben anzunehmen/ ja  
ob du schon yetzund ouch gloubē habist/vnd  
Christi trost vñ stercke in dir entpfindist/vnd  
darumb ouch begärst Gott lob vnd danck  
zefagen in seiner ordnung wie er die selbs an-  
gesähen hat: item ob du in dir ein gottsförch-  
tig büßfertig läben fürgenommen/darzü ye-  
derman verzigen habist/ vnd wöllist dinem  
nächsten in liebe dienen. findst das nit alles  
in dir / verzwyfel darumb nit/ flüch nit des  
Herren tisch: bitt in vil mee vmb gnad/ vnd  
das er dir din glauben meere/vnd dine män-  
gel ersetze. findst du aber etliche anfäng / so  
gefall dir nit zewol / bitt abermal vmb mee-  
rung der gnaden / vnd gang hinzü  
in der forcht des  
Herren.

# Von den Güten wercken der gläubigen.

## Der IX. Artickel.

**A**lle vnd yede Christen söllend wüssen/ das ob glichwol die Güten werck den gläubigen nit rächtfertigend/ sunder der gloub allein/ volgend sy doch vß waarem glouben / vnnnd sind nit vnnütz noch zü verwerffen. Sann welcher vß gnaden in Christo durch den glouben from worden oder gerächtfertiget ist/ der würckt grächtigkeit/ oder Güte werck. Vnd söliche werck gesallend Gott also / das er inen ouch belonung verheißt vnd ouch leister. Soch vergässend hie die gläubigen des verdiensts Christi nimer: wider welchen sy iren eignen verdienst nit vfrichtend/

vfrichtend/noch ützid gestattēd das den verdienst Christi verduncklen mag. Sann sy erkennend jr eigne blödigkeit wol/vnd gäbend darumb jren wercken das nit zü / das allein dem lyden Christi zühört. Sy erkennend ouch nit alle die für güte werck / die gemeinlich darfür vßgäben werdend. Sann wie sich d̄ gloub allein vff Gottes wort verlaßt / also erdenckt im selbs der gläubig kein Güte werck / sunder die er im wort Gottes erlernet / die thüt er: namlich so dienet er Gott mit geistlichē gotsdienst / er vertruwt Gott wol / er bätet Gott an / rufft ouch zü Gott in allē sinem anligen / er dancket Gott / so heiliget er zü aller zyt sin seel vnd lyb / darumb thüt er ouch abbruch : er duldet vñ lydet willig was im Gott zü lyden gibt : in summa er wandlet in den gebotten Gottes / er dienet dem nächsten in der liebe / vñnd flyßt sich in allem sinem läben der ämp-

Der IX. Artickel

tern pflicht vnnnd schulden die im  
Gott vorgeschriben hat / vnnnd er  
weist das er Gott schuldig ist.  
Das aber dem allem also sye/zeigend wir an  
durch folgende Capitel / mit fundtschafft  
heiliger gschriff.

Das die gütten werck vß dem glauben vol  
gind/ nit vnnütz sygind / sunder Gott wol  
gefallind. Cap. I.

Die Predig  
von der  
gnad vnnnd  
von dem  
gloubē ver  
nützet die  
werck nit.

**I**n der heiligen Christenlichen Kyr-  
chen sol einig vnd vor allen dingen  
klar vnnnd rein geprediget werden/  
Das auch mit den heiligen Sacra-  
menten Bezüget wirt / namlich das wir vß  
der latern gnad vnd barmhertzigkeit Got-  
tes in Christo Jesu / allein durch den gloub-  
ben/vnd nit durch die werck gerächtfertiget  
werdēd. Solche Predig aber sol nit dermass  
verstandē werden/ wie es vil verstand/ das  
der gloub one güte werck nun ein wbon sye/  
oder als ob man allein sage sölle/ Ich gloub/  
vnd fürhin nienan me keine güte werck ze-  
thün beddiffe/oder das grad die güte werck  
nüt syend vnd nüt nützind. Dann die heilig  
Göttlich geschriffte / welche dem glauben als  
lein die grächtmachung zügibt/forderet nüt  
destminder Güte werck von den gläubigē.  
Sant Johans der töuffer forderet von alle  
denen/die er in Christum toufft hat/ rächtfertige  
schaffne

Güte  
werck wers  
dend gefors  
deret.

Matth. 3.

schaffne frucht der büß oder besserung: er sagt ouch allen vñ yeden ständen was sy für werck zethün schuldig syend. Daruon besich Luce 3. cap.

Vnser Herr Christus der im Euangelio Joānis sovilfaltig sagt/ Wer in mich gloubt vnd vertruwt/ der hat das ewig läben: der vermanet ouch zur liebe / wil das wir vil frucht in jm tragind/ vnd sygind wir kinder Abrahe/ das wir Abrahams vnfers vatters werck thügind. An dem Berg in Galilea thet er ein lange Predig von der gerächtigkeit/ vnd beschlüßt sy damit/ das wir nit nun zülosen oder zühören / sunder ouch alles das thün söllind/ das wir gehört habind. Daruon besich Matthei 5. 6. vnd 7. cap.

Deßglychē wie Petrus gar ernstlich prediget das Gott vnser hertzē durch den glouben reinige/ vñ wir werdind durch die gnad vnd nit durch das gsatz heil: also forderet er ouch von denen/ die also begnadet sind/ aller ley tugenden oder gütter wercken/ vñnd sagt daruf/ Welcher sölichs nit hat/ der ist blind/ vnd dappet mit der hand/ vñ vergißt der reinigung siner vorigen sünd. Also spricht ouch Paulus / Welche Christi sind die habend jr fleisch crüziget/ sampt iren ansächrungē vñ begirdē. Vñ widerum/ Die sünd sol nit herrschen in üch. Dañ jr sind nit vnd dem gsatz/ sunder vnder der gnad. Item / Sy sagend

Joan. 6.

Joan. 14. vnd 15.

Joan. 8.

1. Pet. 2. Acto. 15.

2. Pet. 2.

Galat. 5.

Rom. 6.

Titum 2.

## Ser IX. Artickel

wol sy kennind Gott / mit den wercken aber  
lougnerend sy syn.

- 1. Joan. 1.** Mit diser leer stimpt ouch der heilig apos-  
stel vñ euangelist Johannes vñ spricht / So  
wir sagēd wir habind gemeinschaft mit im/  
vnd wandlend aber in der finsternus / so lies-  
gend wir. Lieben kinder / lassend üch nieman  
**2. Joan. 3.** verfürē / wår rächt thüt der ist gerächt / glych  
wie er gerächt ist : wår sünd thüt / der ist vß  
dem Tüfel / ic. Also spricht der heilig Apostel  
**Jacobi 1.** Jacobus / Sind thäter deß worts vñ nit hō-  
ter allein / die jr üch selbs Striegind. Der selb  
Apostel widerfichtet ouch häßrig alle die /  
die allein sich deß gloubens rümprend / vnd  
aber den mit gūten wercken nit erzeugend.  
Da er Bericht gibt / dz die werck den waren  
gerächtmachendē glouben anzeigend. Dāñ  
er mit Paulo nit vneins / die allgemein apos-  
tolisch leer widerfichtet / sunder die falschen  
gläubigen. Daruon anderschwo wytläuffi-  
ger gesagt ist.

Die gūten  
werck sind  
mit vnnütz.

Darum ist es gewiß / das alle rächtgläu-  
bigen nit ful vñ träg / sunder yferig sind / vß  
jrem waren gloubē gūte werck zewürcken.  
Vnd soliche gūte werck der gläubigen sind  
nit vnnütz oder vergäbenlich. Dāñ sy ge-  
fallend Gott / vñnd deß habend wir in dem  
wort deß Herrē vilfaltige kundtschafft. Sy  
gefallend aber Gott / daß sy vß dem gloubē  
Beschäpēd von denen / die in Christo / Gott  
lieb

lieb sind. Dann ob glych wol in gläubigern  
 prästen überblybend/vnnd sich in jnen biß in  
 Das end erzeigend/rächnet jnen doch sölichß  
 Gott nit/vñ das vß gnadē. Daruon Rom.  
 7. vnd 8. meldung beschicht.

Das aber Gott die werck seiner gläubigē Gott gefal  
 lend die  
 werck der  
 gläubigen;  
 Act. 10.  
 gfallind/züget das gfarzt Deut. 12. vnnd die  
 prophetē/als Isaias am 56. cap. vnd andere.  
 S. Peter spricht / Ich erfahren an der thaat/  
 dz wo oder in was volcks/lüt sind/die Gott  
 fürchtend/vnd rächt thünd/im lieb vñ ange- 1. Pet. 2.  
 nām sind. So spricht er auch vnserer geistli-  
 che opffer sygind Gott angnām/durch Chri-  
 stum. Also redt auch Paulus zü den Col. am  
 1. cap. vnd spricht/ Wir bittend das jr erfüllte  
 werdind mit erkänntuß sines willens / dz jr  
 wandlind würdiglich dem Herren zü allem  
 gefallen/te. Vñ ist in disem allem füruß wol  
 zeachten vñ zü behaltē/ das weder wir noch  
 vnserer werck/Gott für sich selbs allein/sund  
 als die in Christo sind vñ blybend/gefallend.

Das Gott die gütten werck der gläubigen  
 belone/die gläubigen aber keinen eignē ver-  
 dienst wider den verdienst Christi vstrich-  
 ind. Cap. 11.

**S**o wol gefallend wir vnd vnserer Gott belo-  
 net die güt-  
 ten werck;  
 werck/ die vß dem glauben beschä-  
 hend/Gott/das Gott sinen gläubi-  
 gen lon vnd vergältung verheißt.



## Ser IX. Artickel

Leuit. 26.

Isaiez.

Matth. 26.

Rom. 2.

Matth. 5.

Wider den  
verdienst d  
wercken.

Dañ in sinē gsatz sagt er für vnd für/Wirst  
du in miner forcht vnd in minen gebotten  
wandlen/so wil ich dich benedyen. Der gly-  
chen findest du vil in den prophetē. Im Isais  
läsēd wir/Sagēd dem fromen/dz im wol  
wirt ergon: Dann er wirdt niessen die frucht  
siner thaten. Wee aber dem boßhafften gott  
losen/denn im wirdt nach seiner hāden wer-  
cken vergolte. Vnser Herr spricht im Euā-  
gelio / Vnd denn wirt der richter yedem gā-  
ben nach sinen wercken. S. Paulus spricht/  
Wer pryß vnd frid sye yedem der gūts thūt.  
Dañ ouch der Herr widerum im Euāgelio  
spricht/Vwere Belonung im himel ist groß.  
Vß sömlicher Belonung aber machēd die  
gläubigē kein eignen verdienst irer werckē/  
als mit denen sy den himel verdienen. Dañ  
sy lassēd nüt zū / das den verdienst Christi  
abthūt oder ioch verkleineret vnd verdünck-  
let. Dañ sy behaltēd styff vnd in frischer ge-  
dächtnuß den honptartickel der waarē Chri-  
stenlichen leer/das alle menschē/vß gnaden/  
fry/one verdiēst/sālig werdēd: als Paulus  
heiter zūget Rom. 3. vnd 11. cap. Es ist kein  
vndercheid/sy habēd alle gsündet vñ mang-  
lend der eer Gottes/ werdēd aber vergābēd  
from gemacht vß seiner gnad durch die erlö-  
sung Christi. Ist aber vß gnadē/so ist mit  
vß den wercken/sunst wurde gnad nit gnad  
syn/xc. Item/die gläubigen erkennēd/das  
Ser

Der verdienst Christi / oder sin menschwer-  
 dung/lyden/sterben/Bezaltung/vrständi vnd  
 erlöfung/den himel allein verdient hat. Da  
 behaltend sy vest den spruch Pauli / Ist die *Galat. 2.*  
 gerechtigkeit durch das gesatz / so ist Chri-  
 stus vergäbens gestorben. Wyter erkennend  
 sy/das wen sy glych wol ernüweret den waa-  
 ren glauben vnd geist Gottes habend/nüt-  
 destminder das fleisch blybt/widerstryet vñ  
 nach siner art also würckt vñ fürtruckt/das  
 die Güten werck der gläubigen dahar an  
 jnen selbs vnuollkömner sind/also das sy die  
 gläubigen nit gedörend für Gott zur wider-  
 gält der sälligkeit fürbringen. Nütdestweni-  
 ger diewyl Gott den werckē der gläubigen  
 die Belonung verheißet vnd ouch leistet/ouch  
 vnser vnuollkömnenheit nit rächnet/nemend  
 söliche Belonung die gläubigē mit danck/vñ  
 ouch als ein gnad/an. Dan sy wüßend dz sy  
 an jnē selbs prästhafft sind/ aber das gut vß  
 der gnad Gottes vñ nit vß jnē selbs thünd:  
 diewyl der Herr spricht / One mich vermd: *Joan. 15.*  
 gend ir nüt. Item die thaaten der gläubigē *Isaie 26.*  
 beschähēd durch Gott. So spricht Paulus/ *Joan. 3.*  
 Wir vermögend vß vns selbs das gut ouch *2. Cor. 3.*  
 nit gedencken/sunder all vnser gnügsame ist  
 vß Gott. Vñ/Gott würckt in vns das wöl. *Philip. 2.*  
 len vnd das thun. Ja von wägen der blödig  
 keit die in gläubigen überblybt/nennend sy *Isaie 64.*  
 ire gerechtigkeit vnreinigkeit. Vñ wen jnen

## Ser IX. Artikel

Demüt der  
gläubigen.

Gott anbüt die Belonung/vnd erzelt inē ire  
gerächigkeit/Slybend sy in jr demüt/vnd ers  
hebend sich gar nüt: wie man sich an den  
frommen am letzten gericht / das Matthei  
25. beschriben wirt. Vñ htehar dienet die leer  
vnser Herr Chusti vß dem euangelio Lu  
ce 17. die er also beschlüßt/Also ouch jr/wenn  
jr alles gethon habend/das sich besolhen ist/  
so sprächend / Wir sind vnnütz knächt / was  
wir habend gethon / das warend wir schuld  
dig zethen.

S. Augu  
stin vnd Pe  
lagius vß  
verdienst  
des mens  
chen.

Sabar spricht S. Augustin rächt/Dona  
sua coronat Deus, non merita tua. Gott belon  
net sine gaaben/nit dine verdienst. Vnd wilt  
du versälen der Gnaden/so rüm dinen vers  
dienst. Diser heilig bischoff hat gar häfftig  
gestritten wider die kätzerij Pelagij/welcher  
hielt/der mensch möchte durch sinē verdienst  
erlangen oder verdienē das ewig läbē. Wel  
che meinung er häfftig mit der geschufft mis  
derlegt vnd vertilcket.

Welches die rächt Gütten werck syend/wil  
der die falsch Gütten werck / vñnd von der  
Ergernuß. Cap. III.

Werket vñ  
teil von gū  
ten werckē.

**M**Ze aber muß man ouch flyssig vero  
hüten/das wir nit alles das für gü  
te werck haltind/die darfür vñ men  
schen gehalten werdend. Dan mer  
teils gadt es also zū in der wält / das man die

Die werck nit für gute werck halter/die Got  
gebüt / oder joch iren nit häfftig achtet : die  
werck aber die wir selbs erdenckend / für die  
rächten güten werck haltend. Man findt lüt  
die beredt durch falschen wohn / sprächend/  
Ich weiß das was ich umb Gottes willen  
thün / das es ytel gute werck sind. Vnd was  
ich thün / nach dem byspil der vätern / das  
ist alles gut. Darwider aber Paulus redt zu  
den Coloss. am 2. cap. Der ouch anderswo  
sprucht / Was nit vß dem glauben / ist sünd.  
Ja vnser Herr Christus Jesus spricht / Ver  
gäblich dienend sy mir / diewyl sy leerend söli  
che leer / die nit dann menschen gebott sind.  
Noch dennoch gedörend sich vil rümen / mit  
sölichen wercken verdienend sy das ewig lät  
ben : sy verkouffend ouch söliche ire werck an  
deren zum heil : wider die Apostolisch vnd  
Euangelisch leer / Act. 8. cap. vnd Matt. 23.  
Welches so wir schälted / tricht man vns ein  
schwären lümbden vf / wir schältind gute  
werck : vnd schältend aber wir nit rächt gute  
werck / sunder falsch genannte gute werck.

Rom. 14.

Matt. 23.

Kram das  
Güten werck  
ten.

Wider die  
fälsch Güt  
ten werck.

Gott erforderet von vns glauben vnd ge  
horsame / welche wir sinem heiligen wort söli  
ch lind leisten / vnd das thün das er vns gebüt /  
vnd das lassen das er vns verbüt. Wen nun  
wir sin gebott habed / vß dem wir wüßend /  
was er vns gebüt / vñ lassend söliches ston / er  
wöllt vns darfür andere werck die wir er

## Der IX. Artikel

Marc. 7.

denckend/vnnd vns gut bedunckend/thünd  
wir nit allein kein gute werck / sunder wir  
versünded vns an Gott/ wie die kinder Is  
raels mit irem gottsdienst vff den höbinnen/  
wie Hieroboam vnd ouch Saul mit sinem  
opffer / 1. Samuelis 15. Vnser Herr spricht  
send die gebott Gottes/vñ haltend der men  
schen satzungen von frügen vnd trinckge  
schirren zewäschen/vnd derglychen thünd ir  
vil: verwerffend also Gottes gebott/ vff das  
ir tiwere satzungen haltind/1c.

Dez Mäns  
ehenthüm.

Vnd was ist anders disers zyt das ganz  
München vnd Nonnenthumb: Dann was  
Gott yngesetzt vnnd gebotten hat/ das acht  
das volck für ring / iren orden vñ patronen/  
oder ordens stifter/ reglen/ sirten vnd Bruch  
achtend sy hoch/vnd für die rächten vollkom  
nen güten werck: welche aber ouch mertheils  
stond in kleidern/ ässen/trincken/ in gschirre/  
vffern gebrüchen/im geliger/im zyt/ort oder  
statt/vnd derglychen. So doch zyt vnd ort/  
spyz vnd tranck/ kleidung vnd gliger/vnnd  
was derglychen ist / dem gläubigen also fry  
ist / das wenn sy die mit Bescheidenheit zur  
notturfft gebrauchend/vñ kein ergernuß an  
richtend/nieman sy darumb billich richten sol  
noch mag darumb habend wir heitere leco  
ren vnseres Herren Christi / Matth. 15. cap.  
vnd Pauli Coloss. 2. vnnd Titum 1. Der selb  
apostel

Zyt/ort/  
spyz/klein  
des/16. fry.

apostel nennt das verbieten der spysen vnd Verbieten  
der spysen.  
 der ee / Tüfels leeren. Darvon besich wy-  
 ter 1. Timothei 4. vnnnd wuß daß dir der  
 Papsst/die spyß die dir Gott geschaffen vnd  
 gesägnat hat/nit verbieten mag/vñ du zü al-  
 len zyten fry mit dancksagung äßen magst/  
 was dich Gott beradt. Es laßt es jm doch  
 der Papsst mit gält wider abkouffen/vñ hat  
 glych zü Rom in der Fasten ein so fleischine  
 fuchy/das es hieruß vnser yedem wol möch  
 te fastnacht heissen. Darumb laß faren der  
 menschen gebott / halt dich Gottes gebott/  
 vnd isß deren dingen keins die dir Gott ver-  
 büt/als blüt/durch wücher/betrug/blütuers-  
 giessen vnd vndertrucken/2c.

Es ist aber die Ergernuß ein red oder Was die  
Ergernuß  
spe.  
 thaat/dardurch der mensch verergeret/ das  
 ist verböseret/oder der louff des heilige E-  
 uangelij vfgelalten oder verhindert wirdt.  
 Sölich reden aber vñ thaaten werdend fun-  
 den in der Leer vnd in den Sitten der men-  
 schen. Die Leer ist ergerlich/wen sy falsch ist  
 vñ die menschen verfür: oder so sy rächt ist/  
 aber nit rächt gefürt vñ dargethon wirt/als  
 zü vnzyten/mit vnfügen vnd aller vnbeschei-  
 denheit:dardurch die menschen ein hassz le-  
 gend an des Euangelium von wägen des  
 vnkomlichen Predigers/vnd also ymmer vñ  
 ewigklich in irrthumen stäckē blybend. Dise  
 ergernuß ist ein grosse sünd/vñ ein traffenlis

## Der IX. Artikel

Der Schad/den Gott hasset vnd auch häffrig  
 straaft. Darumb sich yederman daruo: hüt-  
 ten sol. Die Sitten vnd reden der menschen  
 sind ergerlich/ weñ sy beschähend wider das  
 gebott Gottes/wider zucht vñ erbarkeit/als  
 so das sich andere darab böserend: als so ein  
 ander by dinem schweeren/by dinem süffen/  
 by dinem hürē/by diner hoffart/ouch lernet  
 glychs thün/ oder er wirt durch din böß by-  
 spil böser oder vngottsfürchtiger dan er vor  
 was. Wie schwär das sye liß Matth. am 18.  
 cap. Es sind aber ouch etliche von Gott era-  
 loubte ding/welche so mans gebrecht zu vns  
 zytten oder mit vnfügen/andere damit verer-  
 get: als so du fleisch issest vor einem schwä-  
 chen im gloubē. Daruon liß Paulum Rom.  
 14. vnd 1 Cor. 8. 10.

Wenn man  
 der erger-  
 nuz nit och-  
 ten solle.

Doch sol man ouch hie wüßsen/das ein era-  
 gernuß ist die von vngloubigē empfangen/  
 nit von gloubigen gäben wirt: als so sich der  
 gloubig güter dingen vnd siner fryheit ge-  
 brucht/mit keinen vnfügen / meinan zetrats  
 noch zu leid/sunder allein zu der eer Gottes  
 vñ siner norturfft: als so einer von Gott vñ  
 sinen händlē rächt vñ bescheidenlich vß dem  
 Euangelio redt / oder ein Lewyb nimpt/od  
 fleisch isset zu verbottener zyt vom menschen/  
 vnd aber lüt die vngloubig/ja stettig/kybig/  
 nit einfalt/schlächet vnd schwach sind / sich an  
 dem güten das der gloubig gethon / verer-  
 gerend.

gered. Sollicher ergernuß leeret vnser Herr  
Christus vñ Paulus gar nit achten. Besich  
Marth. 15. vnd 1. Corinth. 10. Dann wo man  
sollicher eewigklich müßte schonen/ würde  
man nimmer von Gott reden/ noch die fry-  
heit/die vns Gott gäben hat/gebrauchē. Das  
aber Gottes meinung nit ist.

Wytter vnd mee von den rächt güten wer-  
cken. Cap. IIII.

**M**Je muß ich yetzund ouch etlicher  
maß benamsen die rächt güten vnd  
Gott wolgefelligen werck/derē sich  
die rächtgläubigen flyssend. Vñ ist  
aller güten wercken vrsprung vs Gott vñ si-  
nem geist/welchē wir empfabend durch den  
glauben/ vnd mit den güten wercken erwy-  
send. Darumb mögend wir one Christo gar  
nit/ durch in werdēd wir kressftig zū allē gü-  
ten. S. Paulus spricht/ wir syend in Christo  
zū güte werckē erschaffen/das wir in den sel-  
ben wandlind: vnd an einē andern ort spricht  
er/Die gnad Gottes ist erschinē/die da heil-  
sam ist allen menschen / die vnderricht vns/  
das wir verlougnē söllend das gottloß wā-  
sen/ vñ die wällichen gelüst/ vnd läben in di-  
ser zyt/mässig oder züchtig/ fromklich vñnd  
gottsaligklich/1c. In welchen Worten wir ein  
kurzen Bericht habend/was wir fliehen vnd  
wornach wir ringen vnd stellen söllend. Von

Vrsprung  
der güten  
wercken.

Ephes. 2.

Rom 2.

Welche gü-  
te werck  
Christus  
gleert habe



## Der IX. Artickel

art vnd natur ist vns angeboren gottlose vñ wälelicher wollust/ die stäckend vns in vnserem fleisch: aber deren söllend wir verlougenen/ vnd vns iren entschlahen: dargegen söllend wir vns flyssen aller mässigkeit/ in redē/ kleidern/ ässen/ trincken / vñ in allem zytlichē bruch: wir söllend fromtlich läben/ nit allein das wir nieman vnträcht thügind/ sunder vil mee das wir yederman früntschafft liebs vñ güts bewysind: wir söllend gotts fürchtig/ nit row vñ verrücht syn. Solche gute werck/ hat vns Christus vnser Herr geleert.

Die rächte  
güte werck.

Hiehar dienet d rächte geistlich Gott wol gefellig Gottes dienst/ daruon ouch gesagt ist in lersten capitlen im andern artickel. Die gläubigē söllend alle zyt / vñ insonders in d gefaar vnd widerwärtigkeit / Gott als dem allmächtigen getrüwen warhafften vnd gütigen von herzē wol vertruwē: den söllend sy anruffen in allem irem anligen: danck sagen vñ alles güts: dem söllend sy sich ergäben vñ vopfferen / vñ in sinem willen allein wandlen / iren eignen willen vndertrucken/ vñ sich in jm allein erfröuwen. Das sind die aller herrlichisten werck der gläubigen.

Heiligkeit.

Heb. 12.

Vnd hie hat platz die heiligung vnd reinität wider alle besleckung der seel vñnd des lybs vom fleisch tüfel vnd der wält. Vne die heiligung wirt nieman Gott sähen. Darum spricht d heilig apostel mit so grossem ernst/

Ich

Ich bitten vñ vermanen üch in dem Herren Jesu / das wie jr von mir erlernet habend / wandlind / vnd nämind ye lenger ye mee zü / das jr Gott gefallind. Dañ jr wüßend welscherley gebott wir üch in dem Herren Jesu gäbe habend. Dañ das ist der will Gottes / das jr üch heiligind / dz jr üch enthaltind vor vnkeuschheit oder hüry / vnd das ein yetlicher wüsse sin geschirr (sin lyb) zebesitzen in heiligung vnd in eer: nit in fleischlichem lust / wie die Heidē thünd / die vō Gott nüt wüßend. Dañ Gott hat vns nit berüßt zür unreinigkeit sunder zür heiligung.

1. Theß. 4.  
Ephes. 4.  
vnd 5.

Hierumb thünd die gläubigen jnen selbs in allē jrem läben abbruch / in äßen / trincken / schlaaffen / rüwen. Dañ sy wüßend wol das der Christen gloub nit ist ein prassz / mütwill / vnd wollust / sunder ein wacht / müy vñ stryct wider den Tüfel / die wält / vnnnd das fleisch. Daruon ouch daruor im sechßten artickele gesagt ist / was ein rächt büßfertig läben sye. Darumb welche hie vß dem Euangelio nüt anders erlernend dañ lybliche oder fleischliche fryheit / die mißbruchend Christliche fryheit / wider die leer Petri / der da spricht: Ir sollend syn als die fryen / vnd nit als hättend jr die fryheit züm deckel der Bosheit / sunder als die knächt Gottes. Liß wyter hieruō im heiligen Petro züm end des anderen cap. in der anderen epistel.

Abbruch  
od fasten.

Falsche  
Euangelio  
sche.

1. pet. 2.

## Der IX. Artickel

Von dem crüz oder lyden vnd gedult der  
gläubigen. Cap. V.

Der gläu-  
big sol im  
fürnemmen  
leyden.

Luc. 14.

Act. 14.  
2. Tim. 3.

Was für  
lyden vff  
pöterich.

**I**nsonderheit aber dienend die gläu-  
bigen Gott in dem lyde/das sy mit  
gedult in Christo tragend/vnd dara-  
mit allerley güter wercken wütcken  
könnend. Dann der gläubig sol im hie in zyt  
nit fürnemmen allein in wollust fröud vnd  
rürwen zü läben. Dann ob glych wol Gott  
sinen gläubigen erwan ein zytlang verlycht  
frid vñ fröud/versähed sich doch alle zyt alle  
gläubigen der trübsalen vñ allerley lydens/  
das inen Gott züsendet. Es weißt ye mengo-  
lich wie es ye vnd ye den heiligen Väteren  
ergangen ist/insonderheit aber Abrahamen/  
Joben vnd Jacoben / vnd den kindern Is-  
raels. Vnser Herr Christus spricht im heili-  
gē Euangelio/ So yemants zü mir kumpt/  
vñ hasset nit sin vatter/ müter/ wyb vñ kind/  
Brüdern vnd schwestern/ vnd dar zü ouch sin  
eigen läben/der kan nit min jünger syn. Vnd  
wår nit treit sin crüz vñ volgt mir nach/der  
kan nit min jünger syn. So spricht S. Pau-  
lus/das wir durch vil trübsal müßend in dz  
rych Gottes gon. Irē/Alle die gottfälig lä-  
ben wöllend in Christo Jesu / die werdend  
veruolgang lyden.

Da soust zü wößsen/dz die gemeinen trüb-  
fäligkeitē/als frost/hüger/blödigkeit/blöße/  
franchheit/tod/vnd was der glychen ist/der

Der sünd geuolget sind. Allgemeine trübsalen sind/krieg/thüre/hunger/Bräd/zerschleüzung/pestilenz/veruolgtig. Die Franckheiten sind vnzalbar/klein vnd groß/kurtz vnd lang. So sind vil lüten die sich selbs pynigend/als die angefochtner sind/ dan sy selbs gern habend: könnend jm aber nit anders thun/ Slybend also in jnen selbs pynlich vnd angefochten. Erwan werdend wir von vnsern kinden/fründen vnd verwandten gepyniget: erwan von frömbden heimlich vnd offentlich. Vnd ist des lydens vnzalbar vil/ darzü der mensch / als der vogel zü fliegen/ erbozen ist.

Sölich lyden legt Gott der wält vf/vnnd insonders den vngloubigen / das er damit ire mürtwillen demme vñ die vnschuldigen erlöse / ja das er erzeige das jm der bösen gößheit gar nit gefalle. Wenn er aber die bösen hie in irem mürtwillen vngestraafft fürsaren last/ists vngewyßler das er sy döit/wie den ryckenmann im Euangelio/mit ewiger strafft grewlich straffen wil. Dann erwan strafft Gott hie in zyt die sündler / das er sy mit siner strafft erwecke vnd mundter mache. Es beschicht ouch vil / daß sich die sünd vom bösen zum güten durch die strafft bekeeröd:wie wir des vil byspil in der gschrifft habend. Des glych legt Gott nit allein den bösen / sunder ouch sinen fründen allerley

Gott gebe  
den menschen  
schon zülyden.

Luc. 13.

## Der IX. Artickel

Wie die vn-  
gläubigen  
vnd gläubigen  
sich im  
lyden hal-  
ten.

lydens vnnnd trübsalen vf / inen zum heil.  
Vnd ist hie wol zegwaren wie sich die vn-  
gläubigen vnd gläubigen in der widerwärt-  
tigkeit od trübsäligkeit haltind. Die vngläu-  
bigen brümlend im lyden / flüchend / lesterend  
vnd schweierend / dan sy achtend inen beschä-  
he vnrecht / vnd habind söliche trübsäligkeit  
nit verdient. Habend ouch dem Tüfel vnnnd  
bösen vnglückhafften lüten die schuld. Wen-  
dend sich zu allerley / ouch vngbürlichē mitt-  
len vnnnd verbottnen stücken / damit sy inen  
selbs hälffen wöllend. Dann sy ye Gott nit  
still zehaltē vnderstond. Vnd sölichen ist die  
trübsal oder das crütz ein rächte straff der  
sünden / vnd ein anfang zu grösserm lyden in  
yhāner wält. Dargāgen erkēnend die gläub-  
bigē / daß sy nit lydind vnbeschuldt. Diewyl  
sy noch vil mee vn̄ grössers lyde verdient ha-  
bend. Ja sy achtēd sölich crütz yetz nit me als  
ein straff der sündē: diewyl sy gloubend dz  
inen Gott ire sünd verzigē habe / sunder als  
ein übung des gloubens / vnd als ein anlaß  
zu allerley tugendē vn̄ güter wercken. Dan  
sy habends darfür / Gott als ein trüwer vater  
ter habe inen sölich lyden zu gutem vffgelegt.  
Darumb sind sy gedultig / vn̄ wendend sich  
zu feinē vngbürlichē mittlen / sunder stönd  
willig in der hand Gottes / den prysend vnd  
rühmend sy / den rühmend sy an / vnd bittend in  
vmb meerung des gloubens / der gedult vn̄  
aller

aller gnaden. Gebrauchend sy dann etliche  
 arznyen oder mittel/so thünd sy das alles in  
 der krafft jres Herren/ dem sy sich todt vnd  
 läbend übergäben habend. Besunders aber  
 lobend sy Gott/wenn sy lyden müßend vmb  
 seines nammens / oder vmb seines heiligen  
 Euangeliums willen.

In dem vnd anderē lyden allem/tröstend  
 sy sich alle zyt mit dem willen Gottes/den sy  
 vß sinem wort erlernend / vnd wüßend das  
 es Gott also haben wil/das wir mit gedule  
 im lyden / sinen nammē heiligind : das alle  
 heiligen Patriarchē/Vätter/Propheten/ Apo-  
 stelen vñ sāligen beyder Testamentē vil er-  
 litten/durch gläubige gedultigkeit Gott ge-  
 fallen habend : ja das der sun Gottes selbs  
 vnser Herr Christus/ die sinen allenthalben  
 zum lyde vermanet/darin tröst/inē ein herr-  
 lich byspil vortragt / vnd grosses denen ver-  
 heißet / die biß an das end verharrend : das  
 auch dise zyt dises lydens kurz/ die herrlig-  
 keit ewig ist: vnd daß die gläubigen in dem  
 lyden/glych wie das gold im feür/gelütet  
 vnd gereinigt werdend. Darvon läse wy-  
 tern Bericht wär lust hat/Matt. 16. Ioan. 15.  
 16. 1. Petri 1. 2. 4. Hebr. 11. 12. 16.

Trost der  
 gläubigen  
 im lyden.

In summa/ der Christ schickt sich durch  
 all sin läben willig vnder das crüz/ vnd ver-  
 gibt nimmer diser trostlichē worten Christi/  
 In der wälte habend jr angst/ aber sind ges

Ioan. 16

## Der IX. Artickel

- Matth. 18.** tröst/ich hab die wält überwunden. Vñ was hulffe es den menschen/wenn er alle diese wält gewunne/vnd schaden aber an siner seel empfiengere? Ir werded wol gehasset von yederman: aber nit ein härle von irwerm houpt sol verloren werden. Vnd ich wil by üch syn biß zu end der wält.
- Luc. 21.**
- Matth. 28.**

Wnter vnd noch mee von den Gütten wercken/welche die gläubigen nach den gebotten Gottes vnd nach irem ampt vnd pflicht thund. Cap. VI.

Die gebott Gottes ein form der gütten wercken.

Die liebe.

1. Tim. 2.

Rom. 13.

Werk der barmhertzigkeit.

**W** S Bedarff aber nit vil abteilens d' gütten wercken/dann sy rächt von vns erkennt werdind/nemē ein yeder die zähē gebott Gottes/so wir er haben ein ryche vnd richtige form / rächt güter werckē: dargegen ouch ein rächte anzeigung der rächt bösen wercken/vor denen wir vns alle zyt hüren sollend. Wil aber yemants noch ein kürzere form haben der gütten werckē/der nāme für sich die Liebe Gottes vnd des nächsten/als von welcher Paulus schrybt / Die hauptsam̄ des gebotts ist die liebe/von reinem hertzen/von gutem gewüssen/vnd von vnglych̄nerem glauben. Item/Sind nieman nüt schuldig / dan̄ das ir einanderen liebend. Dan̄ wär den andern liebte/der hat das gsatzt erfüllt/2c. Rom. 13. cap. Vnd hiehar dienend ouch die werck der barmhertzigkeit

Barmhertzigkeit: welche vnser Herr erzelle  
Matth. 25. cap.

Sie habend ouch die guten werck platz/  
die rächte güte vñ Gott wolgefellige werck  
sind / mit minder dan allmüßen gäbe / Bätten/  
fasten / gedult / 2c. die wält sy aber nit für güte  
werck halt / vñ dargegen die für güte werck  
halt die zwaarē nit güte werck sind / vnd nit  
destminder für die höchste werck gehalten  
werdend. So yemants inn Testand geträ-  
re ist / eeliche beschwärd getragē / gearbeitet /  
gelitten / kinder vñ zogen / vñnd in ander wäg  
sin pflicht vñ schuld gethon hat / nach dē ge-  
bott Gottes / 2c. söliche werck hat man niener  
für gehebt. So aber yemants den Testand  
verlassen / sich der arbeit / hußhaltung / deß  
kinderziehens entschlagē / in ein kloster gan-  
gen / vnd da dises oder yhänes münchē vater  
regul angenömen hat / söliche werck die  
er in disem Orden gethon / hat man vñ gä-  
ben für die vollkommiste werck. Da söllend  
aber alle gläubigē wüßē / wie ouch im 3. cap.  
dises artickels gemäldet ist / das vnser Herr  
richtig spricht / Sy vereerēd mich vergäbes  
mit menschen sazungen: vnd das im die gü-  
ten werck gefallend die er yngesetz / vñ allen  
vnd yeden stenden vnd altern fürgeschriben  
hat: deren formen wil ich etliche melden.

Die Bischoff oder pfarrer vñnd prediger  
vñ diener der kyrchē söllend ernstlich anhal-

Güte  
werck die  
man nit  
halt für g-  
te werck.

Matth. 23

Deß pfarr-  
ers güte  
werck.



## Der IX. Artikel

1 Tim. 3.  
vñ 4. vñ 5.  
2. Tim. 2. cap.

ten mit der gesunde leer/die götlichen Em-  
pter vollbringē/die irrthumben vßrüten vñ  
erhaltē/vermanen/straaffen vnd trösten/vñ  
francken besuchē/die armen trüwlich besü-  
hen/ernstlich studieren/bätten/vnd zum ge-  
bätt vermanen/gastfry/fründtlich vnd in ale-  
lem ire ampt geflissen syn. Der zwaare wäre  
ein vntrüwer Gottes diener/der sölich not-  
wendig ampt verliesse vnd sich in ein kloster  
verschlusse/nit ander lüten zū läben / sunder  
siner rüw zepflägen.

Der Ober  
keit güte  
verlei:

Deut. 1.  
16. 17.  
Leuit. 20.  
21.  
Exod. 18.  
Rom. 13.

Die fürsten herren vnd oberkeiten söllend  
gottsföchtig syn/gern das wort Gottes hö-  
ren vñ selbs läsen/darnach ire sachē richten/  
Gott vmb wyßheit anruffen / willig syn mit  
allen denen die vor inen zū schaffen habend/  
sy söllend bed teil verhören/nit nach ansä-  
tung/sunder nach der gerächtigkeit vnd bil-  
ligkeit handeln vnd rächtsprächē/richt vnd  
rächt trüwlich halten/ Friden pflanzen/vnrü-  
wen vnd vnzuchten abstellen/die güten schü-  
tzen vnd schirmen/die bösen dämmen vnd  
straaffen/vnd alles das der Herr von inen  
forderet/willig thün. Welcher das trüwlich  
thüt/dienet Gott vil herrlicher dan so er sin  
berüffung verliesse vñ sich in ein kloster ver-  
schlusse: Dardurch er ouch mit nun Gott nie  
dienen sunder in erzürnen vnd schwär sün-  
den wurde.

Die

Die Ampelüt/ Schaffner vnd diener der Oberkeit sollend Gott fürchten/ iren Herrn trüw syn/ fründlich vñ gütig gägen dem gemeinen man: nieman trängen/ vñnd sich irer Besoldung vernügen lassen.

Der Ampelüt  
lütren güte  
werck.  
Luce 3.

Die vätter / müttern vnd vögr der kinden sollend die kinder lieb habē/ doch inen vß vnordenlicher liebe nit zeuill nachlassen/ sunder sy vßerziehen zur Gottsforcht/ arbeit / zucht vñ eer. Darum sollend sy sy straaßen. Doch auch ein maas haltē/ vñnd nit zescharpff oder zeruch syn. Die gröste rychtag verlassend sy inen/ weñ sy sy wol erziehend / vñnd zum gebärt/ zum wort Gottes/ zucht vñ eer gewend.

Vatter vñ  
müter vñ  
der kinden  
güte werck  
Ephes. 6

Die kinder sollend den elteren gehorsam syn/ sy lieben/ inen dienen vnd danckbar syn/ sich wysen/ ziehen vñ leerē lassen. Sy sollend syn schambafft/ züchtig/ rein oder künsch/ einfalt/ arbeitsam/ trüw vñnd gottsförchtig/ zc.

Die Herren/ meister vnd frouwē/ sollend gedencen daß sy auch ein Herren vnd meister in himlen über sich habend/ vñ gewüßlich straaßt / weñ man armē dienste vñbill thüt/ sy ires lidlons vñ haltung übel haltet. Gläubige lüt sollend den diensten/ die sich zimlich haltend vñ gern irs bests thätend/ fründlich syn/ vñnd inen güts thün/ sich auch vernügen lassen/ vñnd mitlyden mit inen habē. Gläubige dienst aber sollend willig vñnd geflissen im

Der Herren  
vñ dien  
sten güte  
werck.  
Job 31

Coloss. 3

Titus 2

## Der IX. Artickel

Dienst syn/nit brumlen/schnauwen/alles mit vnwillen thün/vnflß erzeigē / vntrüw syn/ abtragen oder verstålen/ vnd den hußplund der verderben/sunder in allem hußhabē/ also wenn sy inen selbs hußhieldind.

Der Xps  
den gute  
werck.

2. Tim. 6.

Von den Rychen schrybt Paulus also/ Den rychen diser wält gebüt/ das sy nit hoch tragen syend/ouch nit hoffind vff die vngez wüssen rychtag/ sunder auff den lebendigen Gott/ der vns rychlich dargibt allerley zenuessen: Ds sy gütz thügind / rych werdind zu gütten wercken/ frygäb syend vnd gemeinsam/ inen schätz samlind zum ewigē läbē/ etc. Dife sollend iren eigenlütē / lähenlütē oder zinßlütē/ iren verwandten/ nachpuren oder andern dürfftigen gütz thün. Herwiderum sollend dife inen ouch trüw/ dienstbar vnd fründlich syn. Sant Paulus gebüt ouch nit das du din haab vnd güt dahin gäbist vnd dann vß anderlütē läbist/ sunder das die dinen selbs erziehist. Besich 2. Cor. 8. vnd 1. Timoth. 5. cap. Er wil ouch nit das starcke Bättler/ die arbeiten möchtend vnd nit wöllend/ müßiggänd erzogen werdind: gebüt menglichem zearbeiten. Darum besich 1. Theß. 4. vnd 2. Theß. 3. cap. Es sollend sich ouch rüch arme in gedult trucken.

Der Geld  
den gute  
werck.

Die Lemann sollend mit vernunfft irer eewybern hdupter syn/ sy dulden/ vnderriichten/wysen/leeren/ vnd für güt von inen haben/

ben/ouch mitlyden mit jnen tragen / vnd sy lieben. Die eewyber söllend ire mann lieben/ fründlich vnd gürtig / nit Bosßhafft/ räß vnnd häderig syn/2c.

Ephes. 5.  
2. Pet. 3.

Die alten mann söllend erbar syn/ nüch- ter/züchtig / gsund im glauben vnd gedult/ die mit iren worten die jungen vff güts wy sind / vnnd mit irem wandel der jugend ein gürt byspil vortragind. Deßglych söllend die jungen nit hochmütig/fräch vñ vnuerntünfftig syn/sunder vnderdienstig/demütig/still/gwarsam/vnd sich vnderrichten lassen.

Der alten vnd jungen manien gütte werck.  
Tit. 2.

Von alten vnnd jungen wybern schrybt Paulus also / Die alten wyber söllend ein wandel haben der dem gloubē wol anstadt/ sy söllend nit lesterig/schwärzig vnd vßrichtig / ouch vilem wyn ergäben syn/sy söllend güts leeren / vñ die jungen wyber vff zucht wyfen/ daß sy ire mann vnnd kinder lieb habind/froñ/erbar/künßch/hußlich/gürtig vñ iren mannen gehörsam sy gind/2c.

Der alten vnd jungen wybern gütte werck.  
Tit. 2.

Wie sich aber die Witwen halten söllind/ mögend sy erlernen vß dem heiligen Paulo/ 1. Timoth. 5. cap. Da er vnder andern wortē spricht/ Der jungē witwen entschlach dich. Sañ wenn sy geil worden sind wider Christum/so wöllend sy mannen/vñ habend jr gericht das sy den ersten glauben gebrochē habend: darnābend sind sy ful/vnd lernend hin vñ hāt durch die hūser louffen. Darzū sind

Der witwen gütte werck.

## Ser IX. Artikel

sy schwarzig vnd zeuil geschäftig / vñ redend  
das nit syn solt. Darumb wil ich das die jun-  
gen wyber oder witwen eemannen nehind/  
finder ziehind/hußhaltind/vnd dem widere-  
sächer kein vrsach gäbind zeshalten/2c. Dars-  
uß ein yeder verständiger wol erlernē mag/  
wie wol dem heiligen Paulo die Frouwen  
Eldster gefallen hettend im Bapstumb/ weñ  
er sy gesehen hette/2c.

Der jungt  
frouwen  
güte werck.

Die jungtfrouwen sollend am geist vnd  
lyb rein/künsch vñ jungtfrouwen syn: vnuf-  
hö:lich Gott allein anhangen vnd nachtrach-  
ten/vnd sich in der wält händel nit suchen.  
Besähe man 1. Cor. 7. cap.

Summa.

In summa/Sind allsamē (spricht der heil-  
lig Petrus) glych gesinnet/mitlydig/Brüder-  
lich/Barmherzig vnd früntlich. Vergältend  
böses nit mit bösem. Dañ wär sines läbens  
wil gefrdurwt werden/vnnd güet tag haben/  
der meistere sin zung/ daß sy nit böses redet/  
er wende sich vom bösen vnd rhüye güts/ er  
süche Friden vnd süche dem nach/2c. 1. Pet. 3.  
Vnnd das sind die rächte güten werck/mit  
welchen alle gläubigen dermassen verhaßte  
sind/ daß sy nun nit gedencend andere zeo-  
dichten vnd zeerfinden. Sälig ist der  
mensch der in den gebotten  
Gottes wandlet.

Von dem sälligen Tod  
des menschen/ vnd End  
aller dingen.

Der X. Artickel.

**A**lle vnd yede Chri-  
sten söllend wüßsen/  
daß sy sterblich erbo-  
ren / einmal sterben  
müssend: vñ wie nit  
vngwüßers ist dan  
die Stund des todts/ also ist nit ge-  
wüßers dann der Tod. Darumb  
söllend sy allwäg den tod vor ougen  
haben/ vñnd sich alle zyt / insonders  
in Franckheiten / zñ dem tod rüsten/  
damit wenn der tod versähen oder  
vñuersähen herzñ kumpt / ein yetli-  
cher wol zñ friden/ zñ Gott/ in ewige  
fröud vñd sälligkeit abscheide. Desß  
gloch söllend alle glöubigen war-  
ten vff das End aller dingen / vñd

## Der X. Artickel

Vff das letzte gericht vnseres Herren Jesu Christi. Sann ob glich wol die vn Sinnig wält sölichs für ein fabel halt / vnd die stund des gericht vnd ends nit kan anzeigen werden / sind doch heitere vnd gewisse prophecye vnd zügnussen / von dem gericht vnd end aller dingen. Sarsü sind die zeichē / so dem gericht vnd end vorgon söllend / erfüllt. Seshalb alle glöubigen billich ire höu-  
pter vshabend / des gericht vnd ends / ouch des ewigen rychs Christi / mit wachen vñ bätten / wartend. Das aber dem allem also sye / zeigend wir an durch folgende Capitel / mit kundtschafft heiliger gschrifft.

Von dem Tod vnd das der mensch den al-  
lehy vor ougen haben soll. Cap. I.

**D**iewyllich mir fürgenömen hab von den fürnemmen stucken die ein Chust wissen sol / in diser miner arbeit / zereden / kan ich nit wol für-  
gon / dan das ich ouch von dem tod des menschen vñ end aller dingen etwas sagen müß.  
Die geschrifft gedenckt eins geistlichen vñ eines

Wie die ge-  
schrifft von  
dem Tod  
redt.

eines lyblichen oder natürlichen todts. Desß Der geistlich  
 Geistlichen todts gedenckt sy zu gutem vnd lich tod.  
 zu bösem. Zu gutem / als wenn sy sagt / die Rom. 8  
 menschen sollind dem alten Adamen abge-  
 storben syn / vnd in Christo läben. Zu bösem  
 aber / als so sy sagt / die in wollüfte diser wält 1. Tim. 5  
 läbind / syend läbendig tod. Der Herr spricht Gen. 3. 8.  
 auch / Ir werdend in ir weren sündē sterben.  
 Sölichē tod volget dan̄ ouch in yhäner wält  
 d̄ ewig tod: welcher nit ist ein vshören des lä  
 bens / also dz wir nit mee syn werdind in yhe Mar. 2  
 ner wält. Dan̄ vnser seelen blybend d̄ort im  
 läben vnd vergond nit / so werdend ouch vns  
 fere lyb am jüngstē tag von todte vferweckt.  
 Diewyl aber das läben das sy läbend in yhes  
 ner wält / nüt anders ist / dann ein angst / ja  
 mer / pyn vñ vnussprächliche not / nennt die  
 gschrifft sölich läben den ewigen tod.

Also ist ouch ein lyblicher oder natürlicher Der lyblich/natür  
 tod / welcher nüt anders ist / dan̄ das abschei- lich tod.  
 den der seel von dem lyb / daruf der lyb des  
 natürlichen läbens beroubet / anhebt verdrē  
 ben vnd verfulen. Die seel aber wenn sy vom  
 lyb abgescheiden ist / h̄ort sy nit vfläben / ver-  
 gadt ouch gantz vnd gar nüt. Darumb h̄ute Die Seel  
 sich hie ein yetlicher frommer Chust vor de- ist vniidm  
 nen vybischē reden / welche von erlichen seelo  
 sen menschen gebrecht werdend / Wenn der  
 mensch absterbe / so sye es vñ alles vß. Dan̄  
 in yhener wält sye kein ander läbe. Darumb



## Der X. Artickel

sterbend die menschē glich wie das ryck abt  
vnd wenn es sich wollybe so habe es sich wol  
geselet / 2c. Das doch gewlich verruchte lüt macht / vnd  
den Christen glouben schmächt / Das solis  
che redē nit söltend von der Oberkeit vnges  
straafft blyben. Dann ist dort kein ander lä  
ben / wie veriahend wir dan in articklen des  
gloubens / Nach disem läben das ewig lä  
ben? Ist kein ander ryck dann das irrdisch /  
warum bättend wir dan / Zukun̄ din ryck?  
Aber vnser Herr Christus gibe vns gnügsa  
men Bericht / dem wir billich für alles das  
gloubend / dz alle dise lycheferige wält schwä  
zen mag / vnd spricht / Fürchtend die nit die  
üch den lyb tödend / vnd aber die seel nit mö  
gend töden: fürchtend vil mee de / der lyb vn̄  
seel in der hell verdammen mag. Darumb  
werdend ye die seelen nach dem natürlichen  
tod erhalten / einwäders zur sälligkeit oder  
zur verdamnuß. Dan der Herr sprach auch  
zum mörd̄er am crüz / Bitt wirst by mir syn  
im Paradyß: frylich der seel vn̄ nit lybs halb.  
Darumb auch der heilig Stephanus zum  
Herrē Jesu schrey / als er versteiniget ward /  
vnd sprach / Herr Jesu empfach minen geist.  
Dann S. Paulus hat auch gesprochen / Ich  
hab lust vnd ein verlangen abzüscheidē oder  
vfgelöst werden / vnd by Christo zesy. Dan  
auch vnser Herr Christus als er am crüz  
scheidē

Matth. 10

Luce 27.

Act. 7.

Philip. 1.

1. Cor. 13.

scheiden vnd absterbē wolt / schrey mit luter  
 stūm / vnd sprach / Vatter in dine hānd Befilch  
 ich minen geist. Denen warhafften zūgnus-  
 sen der warheit / sol ein Chrust mee glauben /  
 Dann aller philosophy vnd allē vnbe Gründ-  
 ten geschwartz / aller seelosen verruchten Bü-  
 ben. Diewyl doch ouch kein wyser noch ver-  
 städiger nie die vntdrligheit der seel in zwy-  
 fel gestelt hat : wie ich das ouch wol möchte  
 vß den wysen der Heyden erwysen. Es be-  
 darff aber deß alles nüt / da wir so güte  
 gründ in dem warhafften wort Gottes ha-  
 bend. Dañ wār Gott nit gloubt / wām wirt  
 oder kan der selb glouben ?

Vnd der lyblich natürlich tod ist von Gott  
 allen menschen / als ein büß der sünden / vßge-  
 legt. Er sprach / Erdreich vñ stoub bist (fry-  
 lich vß der erden gemacht) zū erdē vnd stoub  
 müst wider werden. Dife büß müß zwaren  
 vnser yetlicher ein maal bezalen. Da schadet  
 sömlicher lyblicher tod dē gläubigē nit mee /  
 Dann einem kind die rüten / da es wol weißt  
 das der vatter mit jm wol zū friden ist / doch  
 das es einmal gehorsame thūye vnd die zūch-  
 tigung annāme. Dann der gläubig weißt  
 wol / das jm der ewig tod in Chusto abge-  
 nomē / vnd er läben wirt in Chusto / also dz  
 wenn er die schuld deß zytlichen tods bezalt  
 hat / vnd von hinnē geschēidē ist / dort keiner  
 pyn noch tods mee empfinden wirt : nit von

Der lyb-  
 lich tod ist  
 ein büß.

Gen. 3.

Süch hie  
 uor im 3.  
 articel im  
 3. cap.

Gen. 9.  
 Hebr. 2.  
 Rom. 8.

## Der X. Artikel

siner gehorsame vnd von seines willigen todes wägen / sunder von der gehorsame vnd des todes Christi wägen / in welchem der gläubig sich auch willig in den tod begibt / vnd also in Christo läbt.

Dem tod mag nie man entvinnen.

Vnd diesem tod mag nieman entfliehē / wie Job spricht am 23. cap. Der Herr hat dem mensche ein zil gesteckt / das wirt er nit übergon. Da hilfft ye kein wyßheit / kein stercke / kein güte / ja nit überal. Wider die syend kan man rüsten werinē / gschütz vñ heerzüg / sich zu retten : wider den tod ist kein weere noch harnisch. Wenn din stündle hie ist / so muß es syn. Dann wär ist ye aller deren überbliben die hie das zytlich läbē ye empfangē habed : Sy sind all gestorben / vnd manend vns all hernach.

Dem tod alle zyt vor augen haben.

Die wyl nun dem grotzlich also ist / so versume sich niemants. Dann die zyt ist vil kürzer dan du meinist. Etlich sind also in diesem armen stärblichen läben verirrt vnd verwildet / dz sy auch vom tod nun nit ein wort hören wöllend : vermeined sy syend entrunnen / wenn sy nit vom tod hörend. Du torächter mensch / du tragst den Tod by dir im büßen / vnd bist kein augenblick sicher wenn dir Gott din läbē abkündt. Lieber liß doch im 12. cap. Luce / wie im ein rycher man lang in freuden zeläben fürnam / vñ aber gächlingē von hinmen müßt. Darum feer dich zu deinem Gott vnd

vnd Herren. Volg dem wysen mann/der sagt  
 zu vns/Gedenck alle zyt an din tod vñ end/  
 so wirst nit sünden. Dan weñ du gedenckst  
 das din lyb bald der würmen spys wirt/vñ  
 din hab vnd güt verlassen müst / vnd dir nit  
 ein haller in din grab volgt / woz wilt du din  
 lyb pflantzē zum verderben/vnd durch aller  
 ley vngerächrigkeit zu schandē vñ dinē ewi-  
 gen schaden die zytlichen güter huffen? Zer-  
 brüchlich vñnd hinfellig ist alles das da ist.  
 Wår Gott liebet/Blybt ewigklich. Kurtz vñ  
 mee dann kurtz ist das zil dines läbens. Du  
 magst nit wüssen weñ dahin müst:vnd müst  
 aber dahin. Darumb gedenck daran/wach  
 vnd bätt.

Sarumb aber hat Gott nit wollen das vn-  
 ser yetlichs die stund seines ends vor wüßte/  
 zum teil das wir vnser besserüg nit biß vff  
 den letzten aathem spartind / sunder all tag  
 vñ ougenblick vns besseretind:zum teil ouch  
 das wir dester mee rüwen hättind. Dan die  
 wyl der tod allen menschen schüzlich vñnd  
 grüwlich ist von natur/vnd wir wüssen sol-  
 tend die stund vnser tods / o welch ein ellēd  
 läben wurdend wir haben? Sunst stond wir  
 in der hoffnüg/vñ sagend / Min läben stadt  
 in mines Herren Gottes vñ vatters hendē/  
 da stadt es mir wol: wenn er wil / so ist min  
 end vñ zil. Sarnäben tröstend sich die glöu-  
 bigē in der forcht deß todts mit Christo/ der

Warumb  
 die stund vn-  
 sers tods  
 vngewüß

## Der X. Artickel

**Marc. 13.** auch den tod entsäffen hat / doch gesterckt worden ist / vnd alle sine gläubigen stercken vnd trösten wil. Vnd hie tönt alle zyt in der gläubigen oren des Herren wort / Wachend vnd Bättend / jr wüßend nit weñ iwer Herr kumpt / ob er komme am abend oder zü mitzernacht / oder am morgen / oder im tag / vff das er nit schnäll komme vnnnd finde üch schlaaffen / &c.

Wie sich der mensch zum tod rüsten vnd sältiglich absterben möge. Cap. II.

**S**id hie wirt nutz vnnnd notwendig syn / das vnser yetlicher habe ein furzen Bericht / wie er sich zum tod rüsten solle / damit er sältiglich absterben möge. Vorab aber spare nieman dise rüstung vff die letzte not / sund empfälhe sich ein yetlicher alle tag vnd nacht so er vffstadt vnd ni der gade / in den schutz vnnnd schirm Gottes / mit gebürlicher trachtung sines tods / vnnnd das jm Gott ein sältig end verlyhen wölle.

**Eccles. 12.** Dan Solomon spricht / Bis in diner jugend yngedenck dines schöpffers / ee das alter / dz vollen üblen ist / kumme / vnd ee die jar hartzü ruckind / das du sprächen wirst / Mich verdrüßst zü läben. Vnd widerumb / Erfar vnd straff dich selbs ee vnd dir das vrtail kumme / so wirst du zü der zyt der straff gnad finde. **Ec** du krank wirst so demütig dich / vnd erzeig by zyten daß du von sündē abston list.

**Spar nie.**  
man die rü-  
stung vff die  
letzten not.

list. Laß dich nit hindern zü rächter zyt zebitten / vnd spar din Besserung nit biß zum tod. Das alles strydet richtig wider die gemeinen redē / Ich bin noch jung / es kumpt noch wol / Güter arbeiter kam nie zü spaat. Ist das end güt / so ist's alles güt. Cras cras Morn / Ein andermal / zc. Du magst doch nit wissen ob du noch morn läbst.

Hie stadt es eeren fromen lüten gar wol an / Daß sy alle zyt ire zytliche sachen vñ händel dermassen richtind vnd anschiekind / weñ sy mit gäher frantheit überfallē wurdend / nieman zü verlurft vñnd bärlichem schaden kume / vnd das man ouch vß den sachen sich verrichten könne. Dann etlich so ellend sind / dz sy alle ire händel verhinend / eins an das ander hencfend / vñ also ire sachē dermassen verwirred / dz sy nach irem tod gfarliche haderpil / verlurft vnd schaden den iren vñnd den fromden hinder inē verlassend. Darfür sol ein bißman all sin läbenlang husen / so vil möglich ist / vñ all sine sachē richtig machen.

So dan die züfāl kumend vnd die frantheit dich überfallt / solt dich richtig an Gott ergäben / vñnd dich yetz so dich schwach empfindst / noch vil mee rüsten dann vor / da du nit empfandest. Mit alle frantheitē sind tödlich / es schadet dir aber nit / weñ du dich zü tod wol gerüst hast / vnd glych wol widerum vffkumpst. Verderblicher vnd ewiger schad

Eine vortliche händel richtig machen.

By zyt dich rüsten zü dem tod.

## Der X. Artickel

aber volget dir daruß / wenn du frantz bist  
 vñ aber dich des tods nit versichst / dich nit  
 rüstest / vñ doch gächlingen dahin verzuckte  
 wirst. Darum so bald frackheit vff dich falle  
 so yl richtig zu Gott/ergib dich an in/ opffer  
 dich im tod vnd läbendig / wie er wil/vñ bitt  
 das du wollist was er wil. So er wil/ist er  
 allmächtig onnd mag dich wol wider gfund  
 machen vnd vfrichten:er wil ouch / diewyl er  
 din vatter ist/vnd wenn es din heil ist:wil er  
 dz nit/so ist nit din heil/vñ vertruw Gott/  
 der tod sye dir wäger / vnd werde dir Gott  
 Bessers gäben.

Alle ding  
 vñ Gottes  
 wollen ver-  
 lassen.

Hebr. 11.  
 Gen. 22.  
 Acto. 7.

Mat. 10.

Es sol aber der gläubig zu alle zytē Gott  
 vnd sin ryck lieber haben/ dann sin eigen lyb  
 vnd läben/wyb/kind/ fründ vñ alles was in  
 der wält ist:also das wenn Gott vns von di-  
 sen dingen Berufft / wir willig alles verlass  
 sind/vñ mit vnserm vatter Abrahamē Gott  
 nachziehind. Vnser Herr spricht in dem heil-  
 ligen Euangelio/Welcher wyb/kind/ vatter  
 oder müter oder hab vnd güt lieber hat dan  
 mich/der fügt mir nit. Darum lasse ein yed  
 die sorg zytlicher dingen hinfaren. Gedenck  
 do du gfund vnd frisch gsyn bist / hat Gott  
 durch dich din huß versähen/ yetzund wil er  
 dich von hinnen nämen/so wirdt er din huß  
 aber nit verlassen ( diewyl er doch ein Gott  
 vnd vatter ist der witwen vnd der weifen)  
 sunder das in ander wäg versähen. Do vñ  
 see

ser Herr am crütz sin müter Befolhē hat Jos  
 anni/ließ er es darby blyben. Also Befilch die  
 dinen Gott vnd dinen verrurten lütē / vñ  
 laß dich wyter nit bekümmern/sunder tracht  
 dem ewigen nach.

Vnd hie weiß ich wol das in des Franckē  
 menschen hertzen allerley gedancken / die sät  
 ligkeit belangend / vffstygend / als das er ges  
 denckt/wie im ouch im grūd ist/Du hast din  
 läbenlang übel zugebracht / bist voller sünd/  
 lastern/vnreinigkeit vnd wüsts : vñnd mag  
 aber by Gott kein vnreiner wonen. Darge  
 gen aber gedencke der franck hār widerum/  
 wir sind alle sündler vnd kein fleisch mag vor  
 Gottes gericht beston: Gott aber ist gnädig  
 vnd barmherzig/vnd wil den sündler/durch  
 Chustum/zü gnaden vfnemen. Dañ darum  
 hat Gott sinen Sun in die wält geschickt/dz  
 er die sündler sällig mache. Daruon besich wz  
 dauor hieuon gesagt im 5. vnd 6. articel.

Wie der  
 franck zü  
 gnade vor  
 Gottkumē

Es sol aber der arm franck sündig mensch  
 sine missethat vñ begangne sünd erkennen  
 in sinem hertzen/Bertüwen vnd bychten oder  
 verrißhen. Gott der himelisch vatter hat vns  
 allen gesetzt ein einigen ewigen priester/vn  
 sern Herren Chustum / welcher ist der einig  
 rächr bychtvatter / als der zü der gerächten  
 Gottes sitzt / vñ vns in vnser hertzen sicht/  
 ouch vns absolnieren oder ledigen mag vnd  
 wil von aller vnser sünd/ouch von der sündē

Dem räch  
 ten priester  
 bychten.



## Der X. Artikel

a. Joan. 1.  
vnd 2.

Schuld vñ pyn/ vñ darzū vns sin gnügthūng  
mitteilen: darnon ouch daoben gsage ist. S.  
Johans begryfft das alles mit wenig wort-  
ten vnd sprucht / Das blūt deß suns Gottes  
Jesu Christi macht vns rein von aller sünd.  
So wir sagend/ wir habend kein sünd/ so ver-  
fürend wir vns selbs/ vnd die warheit ist nit  
in vns. So wir aber vnser sünd bekenend/  
so ist er trüw vñ gerächt das er vns die sünd  
verzyhe/ vñ reinige vns von aller vngeräch-  
tigkeit. Dann wir habend einen fürsp:äch-  
ten: vnd der selb ist die versünung für vnser  
sünd / nit allein für die vnsern / sunder ouch  
für der ganzen wält.

Wie die  
sünder von  
pyn vnd  
schuld ab-  
soluiert  
syend im  
Evangelio.

Hiehar dienend die herrlichen byspil/ der  
armen sünderin Luce 7. die dem Herren zes-  
füssen fiel/ vñ vollkömne verzyhung der sün-  
den vnd gnad erlangt: item deß publicanen  
Luce 18. der sin angesicht nit gedo:fft vferhe-  
ben in himel/ sunder an sin Brust schlug / vnd  
sprach / O Gott biß mir armen sünder gnä-  
dig. Daruf erlangt er vollkömne gerächti-  
gkeit. Petrus gedacht an deß Herren wort/  
vñ als er in verlougnet hat/ weinet er bitter-  
lich/ vñ fand gnad by dem Herren. Der arm-  
mörder am crütz schrey zū dem Herrn/ Biß  
min yngedenck/ weñ du kumpst in din rych.  
Vñ der Herr Christus/ als der rächte oberist  
puester / der sich yetz am crütz vopfferet/  
absoluiert

absoluiert den armen mörder von schuld vñ  
 pyn/vnd sagt in yn in sin ryck / vñnd sprach/  
 Warlich sag ich dir/hütt wirst by mir syn im  
 paradyß. Si ewyl dann der Herr dise sin be  
 sondere verheissung anderstwo vßstreckt vff  
 alle arme sündler/die jr sünd bekenend/ glou  
 bend/vnd der gnaden begärend/das er ouch  
 den selben verzyhen vnd sin ewig ryck verly  
 hē wil/wir ouch heiter bekenend/ Ich gloub  
 ablaß der sünden vnd das ewig läben/so ruff  
 den Herrē an vñ gloub vest dz er dich ouch  
 von schuld vñ pyn absoluiert habe. Laß dich West am  
glouben  
hafften.  
 aber insonderheit hie von dem gloubē nit ab  
 tryben/biß vest/ empfindst glych wol blödig  
 keit des gloubens/so schry vñ meerung des  
 gloubens/vñ vñ gnad vñ barmherzigkeit.  
 Was dir ye fürfalt/so hafft yemer dar an den  
 articlē des gloubens/ Ich gloub ablaß oder  
 verzyhung d sündē/ vfersteintuß des lybs/  
 vñ das ewig läbē. March. 6. Gedenc̄ dz d Herr vns  
 geleert hat bättē vñ verzyhūg d schuld/das  
 er zwarē nit gethō hette/wen er vns nit nach  
 lassen vnd verzyhen wölte. Gedenc̄ das ein  
 yetlicher gläubiger dz pundtszeichē Gottes  
 vñ d reinigung / dē h. Touff an sinē lyb hat:  
 das vnser yetlicher von des Herren tisch ge  
 essen vnd truncken hat/vñ ein glid ist der er  
 löstē gemeind oder kyrch durch das blüt Chri  
 sti/xc. Hierinn stercke sich ein yetlicher: ruffe Gott am  
ruffen.  
 ouch Gott ernstlich an mit gläubigē gebätt.

## Ser X. Artickel

Vnd ob die Franckheit so groß wäre/ Das  
du ordenlich mit geleerten Worten nit bärten  
kündist/ so schry mit kurzē Worten/ Herr Jesu  
Christe erbarm dich min. O min Gott Biß  
mir gnädig/ vñ hilff mir. Allmächtiger Gott  
verlaß mich nit. Herr dir traw ich / errett  
mich: oder was derglyche ist/ als vß dē Vate-  
ter vnser/ für vns nit yn in verfürung. Er  
löß vns vō bösen/ &c. Dañ Gott rächet vns  
ser gebätt vō hertzen/ vñ nit nach der vile der  
Worten. Ist dann ouch das hertz verworen  
vnd erschlage/ so schry nitdestimunder / Herr  
Biß mir armen sündler gnädig.

Don dem  
Diener der  
zum Frans-  
cken sol bes-  
schickt we-  
den vnd vō  
Blen.

Marc. 16.

In diesem stryt vnd schwären Franckheit/  
mag der Franck nach dē Diener der kyrchen  
schickē/ Bericht/ sterckung vñ trost vō jm zeent  
pfaben. Dañ söllichen radt gibt ouch der h.  
Jacobus/ Jac. s. cap. Da er ouch vff das ges-  
mein gebätt wyßt/ mit anzeigūg / dß solichs  
vor Gott krefftig / vnd dem Franckē heilsam  
sy. An dem selben ort heist er ouch dē Fran-  
cken mit dem öl salbē. Welches kein anderen  
verstād hat/ dañ wie Marci 6. gelāsen wirt/  
Vnd die Apostlen salbtend vil sichē mit öl/  
vnd machtend sy gesund. Dañ in dē ersten kyr-  
chen was die gnad der gesundtheit/ das wēn  
die Apostle mit öl salbtēd/ gesund ward. Dese  
gnad aber/ wie ouch andere mee/ hat in dē kyr-  
chen/ in wunderzeichen/ vßgehört. Darumb  
habēd wir yetzt kein ander salbē dē Francken  
mee/

me/Daß das erlaben vnd radtsamen/Bätten  
vnd trösten/1c.

Es sol ouch ein yeder verzyhē sinem näch  
sten/vñ keinen vnwillen / nyd oder hassz gä-  
gen nieman behalten:wie ouch daruor:im 7.  
artickeľ gſagt wordē/ vñ Jac.5. gemeldet iſt.

So daß die ſchmertzen vñ das wee häßz  
tig trängend / ſo gedencē dich durch gedult  
zeerhalten / vnd dich Gott ein willig opffer  
vſzeopffern. Daruon ouch daoben im 9. ar-  
tickeľ von der Gedult geſagt iſt.

In ſumma/ nemme ein yeder für ſich das  
herrlich byſpil vnſers Herzē Chriſti/vñ flyſ-  
ſe ſich dem ſelben zeuolgen/ ja ouch zū bitten  
vñ krafft das er möge volgē. Chriſtus vnſer  
Herr reiß ſich von ſinen jüngern/ vñ als die  
todtsforcht vñ not groß in im was/ gieng er  
an den ölberg gen Bätten ſinen himeliſchen  
vatter. Daß in allē nöte/befonnds deß tods/  
ſol man zū Gott fliehen vñ den ernſtlich vñ  
Beharrlich bitten. Vnſer Herz empfieng ouch  
troſt/das er willig vñ troſtlich ſich in alles ly-  
den vñ in den bitteren tod begab. In aller not  
iſt er gedultig/ vor dem geiſtlichen vñ wälteľ-  
chen gericht/in anlagē/falſchen zügnuſſen/  
in verſchmächet/in ſtreichē/ geißlen/frönen/  
verſpüwen vnd in aller widerwertigkeit/ero-  
ſchinen: er widerſpricht vñnd brumlet nitt:  
ſetzt es alles ſinem vatter heim: wie es gade  
also nimpt ers vſ. So bald er an die richstatt

Verzyhen  
ſinem näch-  
ſten.

Gedult.

Die ſtra-  
benden  
nemind jnd  
für Ebit-  
ſtum.

## Der X. Artickel

Kumpt/Dahin er sin eigen crüz trüg/ vñ am  
 crüz yetz vñgericht wz/keert er sich grad wie  
 der zum gebärt/ bittet ouch für sine syend.  
 Bald empfilcht er Joanni sin müter. Nimpf  
 den mördter vñ (als obgemelder) zü gnade/  
 vñs allen zü trost. Vnd als das lyden groß  
 was vñnd lang wäret / rüfft er zum Vatter  
 vmb errettung vnd erlösung. Er lydet groß  
 sen durst: Bezüiget aber/ das alles das/ daß  
 zum heil dienet/ yetz durch sin lyden vervoll  
 kommet sye. Damit gibt er sinen geist vñ/vñ  
 spricht/ Vatter in dine händ besilch ich mine  
 geist. Das alles faß in din gmüt/üb es in die  
 nem hertze/so wirst one zwysel säliglich ab  
 sterben. Dañ Christus wirt dich an dinem  
 end trösten/stercken vnd erhalten / ouch vos  
 dem vatter für dich erschynē / dich retten vñ  
 sälig machen. Disem Herzē Christo sye pryß/  
 eer/lob vnd danck in ewigkeit/Amen.

Daß der gläubig gewüßlich vñ sinen tod  
 richtig abscheide vñd künne in das ewig lā  
 ben. Cap. III.

Der gläubig  
 kumpt  
 in kein Jäg  
 thär.

**D**ad diewyl v wält ein zythär ynges  
 bildet ist/daß sy not vñ pyn nach die  
 sem tod lyden werde/ee dañ sy in die  
 säligkeit künne möge / vñ deshalb  
 die gläubigen das nit glauben oder hoffen  
 gedörend das sy aber im gloubē verjähend.  
 Dañ sy ye beredt sind / sy künind nit richtig  
 vom tod in hūmel/sunder müßind vorhin im  
 Jägthär

Säg für gefäget werde/ vñ vñ jr sünd gnüg  
 thun vnd gantz rein werden: so ist's norwen-  
 dig das ein yetlicher Christen mensch sich hie  
 wol gründe vñ vestne/ damit er sinen letzten  
 tod endē/ nit in ein sönliche anfächtung vñ  
 pynlichen zwysel kumē/ sund by vnd in dem  
 warē gloubē trostlich vñ sicher beston möge.

Vnd zum ersten ermässe doch ein yetlicher  
 was er in sinem glouben bekenne. Unser yet-  
 licher bekenēt / Ich gloub ablaß od verzyhüg  
 der sündē. Gloubst das/ so beschicht dir nach  
 dinem glouben. Sind dir nun din sünd ver-  
 zigen/ so wirst du jren nüt entgälten/ od vñ  
 jren willē pyniget werden. Darum bekenēt  
 du ouch ein ewigs läbē/ vñ gedencst keines  
 säg fürs. Vñ das ewig läbē/ fröud vñ wun-  
 gadt grad an vff dises stärblich läbē. Ist nū  
 der gloubē gerächt/ als er nit kan falsch syn/  
 so kumpt der gloubig/ wie er gloubt/ in das  
 ewig läben. Hat er dann glychwol sünd ge-  
 hebt/ so hat jm Gott durch Christum die sel-  
 ben nachgelassen vñ verzigē. Da muß yetzt  
 volgē nit sbür/ od sägen/ diewyl der mensch  
 schon gefäget ist/ sund das ewig läbē. Hat er  
 den gloubē nit / so volgt gwüßlich die ewig  
 verdammuß. Besich Joan. 3.

Demnach neit der Herr die vollkōnnen  
 verzyhung der sündē das nūw Testament.  
 Darvon liß Jeremie 31. vnd Hebr. 8. vñ  
 10. cap. So züget das Euangelium/ dz das

Glouben  
 ablaß der  
 sünden vñ  
 das ewig  
 läben.

Die verze-  
 hung der  
 sünden das  
 nūw testam-  
 ment.

## Der X. Artikel

Blut vnsers Herren Christi/das Blut sye des  
Nüwe Testaments/ vergossen zur verzyhüg  
der sünden. Sol nun einē testament d' men-  
schen nit zū noch von gethon werde/vil me  
sol man Christo sin testament Glyben lassen.  
Diewyl er dan sinen gläubigen in sinem Te-  
stament ire sünd also verzigē hat/das er der  
sündē ouch nit mer gedencē wil:ists fundt  
bar/das die gläubigen von iren sünden wä-  
gen nit mer lydend in keinem fägspür.

Von dem  
heilvnsere  
worden.

Vnd die warheit des Testaments Christi  
tröst mich/das ich hoff das vnser gläubige  
vordern/ob sy glich wol in allerley irrthum/  
nach gelägenheit der ellendē zyt/gestäcke/so  
sy doch zelerst alle Superstitionen fallen/vñ  
sich der einfaltigkeit des glaubens vernüggē  
lassen/vnd in irem end den waren glauben  
verjāhen vñ gesprochen habend/ Ich glaub  
in Gott vatter/ıc. vß d' barmherzigkeit Got-  
tes in Christo /sālig worden syend. Zū dem  
die historia Helie vns ouch wol erdste mag/  
3 Reg. 19. Dann als er wond/ er wāre allein  
gläubig/ erzalt im d' Herr wie vil tusend er  
im vorbehalte hātte/die dem Baal ire knüw-  
nie gebogen hāttind. So werdend ouch vil  
tusend mensche der letzten gefārlichē zyt ver-  
zeichnet vom Engel Gottes zūm heil. Dar-  
von besich in der Offenbarung das 7. cap.  
Sdlichs alles redēd wir sūrnāmlich von de-  
ren wāgen/die vns syend sālig verunglump-  
fend/

send/als ob wir alle vnser vordern/als verdampfte/verurteilind. Lügind nū söliche dz sy der fromen altvordern exēpel nit muß büßwind/vnd so sy das Euangeliū heiter predigen hörend/durch verachtüg deß selbē/inen nit ein schwär vrtail Gottes vfladind. Dan es ist ein grosse sünd eroffneter häller waarheit widersprächē/vñ da dir d' Herr zeigt welche wäg du gö solt / abwäg vñ vßfluchtē sūchē. Doch keer ich yetz wid zū minē fürnemē.

Joan. 15.

Wie widerhole ouch ein yetlicher vß vorgehandelten articklen/das anzeigt vñ mit d' waarheit erhalten ist / das Christus allein sye vnser gnügthūüg/ dz wir allein durch sin/nit durch vnser lyden/heil werdind: item dz Christus allein vns habe erlöset von aller schuld vnd pyn / ouch das wir allein in dem blüt Christi gereiniget werdind/ vñ sunst weder in himel noch vfferdē kein reinigung od' sägung der sündē weder ist noch immermee syn kan. Deß vesten grunds/ ja deß Herren Christi vnd sines lydens vnd erlösens / halte sich der gläubig styff vnd allein/ vñ lasse sich keins wägs daruon abthädigen.

Durch Christi lyden vñ blüt allein werdē wir gesäget oder gereiniget.

Dz aber etlich sagēd/vnser gloub sye nimmer so vollkōmen / als er syn solte / darumb müsse der mensch gesäget werdē: hat keinen schyn. Dan man wol weißt/ das wie andere vnser präste / vns vß gnadē durch Christi geheilet werdēd/also ouch die blödigkeit deß

Vnuollkōmmenheit deß gloubens ersetzt die gnad Gottes.



## Ser X. Artikel

glaubens. Kurtz vñ gewiß Bericht vns das wort Gottes/dz wir durch die gnad Gottes in Christo/vñ nit durch vnser lyde/sällig werdind. Die hauptpuncte deß waare glaubens muß man rein styff vñ vnuerfelscht bewarē.

Die euan-  
gelisch leer  
von dem  
ewigen lä-  
ben.

Es darff aber nit vil disputierens. Ist die wort Christi Joan. 3. Wie Moses die schlange erhöcht hat in der wüste/3c. vnd ermissz alle wort eigentlich vnd wol/ so wirst du sēhen/das du dir nüt bedarffst zeentsitzen vor dem sājghür /sunder das du rächt glaubst nach disem läbē das ewig läben. Aber Joan. am 5. cap. redt hierum der Herr noch heiter vnd spricht/Warlich warlich sag ich üch/wär min wort hört/vñ gloubt dem der mich gesendte hat/der hat dz ewig läbē/vñ kumpe nit in das gericht/sunder er ist vom tod züm läben hindurch getrungen. Was künde heiterers gesagt werden/dann das wir klar hörend/der gläubig werde haben das ewig läben/ja er habe das ewig läben/also das er in kein gericht pyn od straaßfome/sunder wen sin seel durch den tod vom lyb scheidet/richtig züm läben komme ja tringe? Von disen wortē Gottes lasse sich nieman tränge: lasse yederman alle disputationen faren. Wilt du sicher ston/so lüg vnd verharr in disen wortē Christi/vnd verscheid in inē/mit vestem glouben/so wirst du läben. Die krafft Christi erhaltet dich ewiglich/dan Gott kan nit liegē. Das

Apoec. 14.

Heb. 13.

Das alle zerbrüchliche ding vergangind/  
vnd das end aller dingen hartzu kumme.

Cap. 1111.

**N**ezby ist wyter norwëdig zewüssen Alle ding  
vergon  
vns nahet  
das end.  
dz alle zerbrüchliche ding hie in di-  
ser wält / so dem mensche zü gutem  
erschaffen sind / widerumb müssend  
geenderet werden vnd vergon / dz ouch das  
end aller dingen hartzu nahet. Vil rouwer to  
rechter lüten achtend himel vnd erden sampt  
diser wält / sye allwäg gsyn / es werdind ouch  
dise ding also blyben / das allwäg ein wält  
werde syn. Darum haltend sy das / das man  
vß dem wort Gottes sagt vom letstē gericht  
vnd end aller dingen / für ein fabel.

Wider sömlich wüst vnglößubig Heidisch  
lüt / redet der heilig prophet Dauid / ouch der psal. 101.  
Heb. 2.  
heilig apostel Paulus vñ sprächend / Vnd du  
Herr hast von anfang die erden gegründet /  
vnd die himel sind diner händen werck : die  
selben werdend vergon / du aber wirst blybē  
ston. Vnnd sy werdend alle veralten wie ein  
kleid / vnd wie ein gwand wirst du sy zamen  
winden / vnnd sy werdend sich verwandlen.  
Du aber bist dir allwäg glych / vnd dine jar  
werdend nit abnemē / 1c. Lase aber wär lust  
hat die prophecyeen Isaie am 24. 27. 66. Da-  
nielis 12. Malachie 4. cap. insonderheit aber  
die epistel Jude vnd 2. Pet. 3. cap.

Es was zü den zyrē Christi vnglößublich /

## Der X. Artikel

Großlich  
Kumpt das  
gericht vñ  
end.

vnd bedücht die Juden gar vnmöglich / das  
Hierusalem solte vnder gon / aber der Herr  
sagt fry häruff / es werde kein stein vff dem  
anderen blyben. Das ist ouch eigentlich also  
erfüllt vnd beschähen. Vnd grad am selben  
ort / sagt der Herr ouch von dē end d wält:  
vnd thüt das daruñ / das so wir sähend das  
war wordē syn / dz er gesagt von d zerstrüg  
Hierusalem / die mā doch nit vermeint mög  
lich mögen syn / das wir dann ouch one allen  
zwyfel gloubtrind die wält wurde ouch endē.

Dann ob glych wol nieman kan den tag  
vñ die stund deß ends aller dingen anzeigen /  
ist doch das end aller dingen daruñ nit vn  
gewüß. Dañ der Herr sagt heiter / die stund  
vnd wyl wüßse nieman dan der vatter allein:  
darby aber erzelt er allerley zeichen die dem  
jüngsten tag vorlouffen werdend / das wenn  
die gläubigen solliche zeichē sähind / verstan  
dind daß das end vñ die erlösung der gläu  
bigen nahe. Daruon läse wär lust hat Matt.  
24. vnd Luc. 21. cap.

Das die zeichen so dem gericht vorgon sol  
lend erfüllt syend / darumb die gläubigen bil  
lich wachend. Cap. v.

Man sol  
das zeichen  
deß ger  
ichts vñ  
ends wol  
warnemen.

**W**S sind aber gedachter zeichē vil er  
zelt ouch in den heilige Prophetē /  
vnd in der leer d heiligen Apostlen  
vnseres Herren Jesu Christi: deren  
wilich nū etliche / zu warnung d rächte gläu  
bigen /

bigen/anziehen/ vnd das allein in einem für gang. Die gläubigen aber sollend in diesem handel nit liederlich oder schläfferig syn/ sunder gedenccken/ das Gott sin kyrch nit one grosse vsach sölicher zeichen so ernstlich/vilfältig vnd trüwlich berichtet hat/frylich das sy sich trüwlich zü Christo hieltind/vñ ernstlich wachetind vnd bätetind.

Unser Herr Chrustus sagt/das vil falscher Chrusti kommen/ vnd vil verführen werdind/ sy werdind sich vsgeben als ob sy Chrustus syend/ vñ werdind ouch Chrustum zeigen in wüstinen vnd beschloßnen gehaltern: darnä bend ouch grosse wunder vñ zeichē würckē. Darzū sagt er aber zü den sinē/ GOND IR NIT HERUS/GLOUBENDS NIT.

Matth. 24?  
1. Joā 2. 4  
Falsche  
Christi vnd  
zeichen.

Der heilig apostel Petrus beschrybt vilfältig söliche falsche Prophetē/warnet ouch gar ernstlich vñnd. trüwlich die kyrch Christi vor irem falsch vnd betrug. Liß die 2. epistel Petri am 2. cap.

Falsche pro  
pheten.

Der heilig Apostel Paulus wyssaget ouch von den letzten zyten / vnd sagt/ man werde nit beston noch verharren by der Euangelischen warheit durch die heilig gschrifft Bezüger/ sunder abfallen zü menschlicher leer. Besich wyter 2. Timoth. am 3. vnd 4. cap.

Von der  
gsh:iffte ab  
trätten zü  
menschen  
leeren.

Item in der ersten epistel sagt er ouch/ es werdind in letzten zyten etlich von dem glouben abträtten/vñ anhangē den verfürischen

Vom glou  
ben abträte  
ten vnd ver  
bieren das  
Gott ers  
loubt hat,

## Der X. Artikel

Geisten/werdind verbieten eelich zewerden/  
vñ zemydē die spyß die Gott geschaffen hat  
zeniessen mit dancksagung. Liß hieruon 1.  
Timoth. 4. cap.

Wyter vñ klarer sagt er in der 2. epistel zū  
den Thess am 2. cap. Der jüngste tag/vñ vn-  
ser Herr Christus werde nit zū gericht kom-  
men/der Antichrist sye dann zū vor kommen  
vñ habe geregirt. Der werde aber ouch nit  
kommen/das werde dan hingenommen/das in  
dozemal hinderet vñ vfhindert/das er doze-  
mal nit kommen kondt:welches der heilig Nie-  
ronymus vñ andere alte Christliche leerer vß  
legend von dem Römischen ryck/das müsse  
zeworvsgeldst vñ hingenommen oder zerstört  
werden/demnach erst werde er sich erheben  
über alles des Gott vnd gottsdienst geneht  
wirt/also dz er sich in den tēpel Gottes setze  
werde / vñ sich vßgäben/als ob er Gott sye.

Das 11.

Das Rō-  
misch ryck.  
berstört.

Wenn wir nun die historien besähend/Be-  
findend wir daß das alte Römische ryck gar  
von Götthen/Wenden/Türschen vnd iren  
hällfern zerrissen/dar zū Rom verbrennt/vñ  
me dan 300. jar von dem man vngesfarlich  
zelt hat vō Christi geburt 480. zū Rom kein  
Römischer Keiser me gsyn ist:Biß Carolus 8  
groß Künig der Franckē zū Rom vom Leo-  
ne 3. Bapst/Bekrönt ward/vngesfarlich vmb  
die jar/als man von Christi geburt zelt 800.  
jar. Mittler zyt vñ das ryck ernidert/zerrüt  
vnd

vñ zerrissen ward/ouch hernach mit der zyt/  
 sind die Bápft zu Rom vñ in Italia ouch hin  
 vnd hár in den landen gewaltige herren wor  
 den/habend sich erhebt vnd gesetzt über alle  
 herrschafften/über allē gottsdienst/ja sy ha  
 bend sich gesetzt in den tempel Gottes / Das  
 ist in die Christenlich kyrch als ob sy Gott  
 während. Dañ ire Decreta, decretales, Bullen Decretales  
 vnd thaaten zügend noch diser stund/das sy  
 sich dargäben habend/ vnd noch dargäbend  
 vñ darstellend als waare Statthalter Jesu  
 Christi/als das haupt der kyrchen/als ob sie  
 puester vñ allgemeine hirtten/denen voll  
 komner gwalt gäben sye in himel vñ vff er  
 den/in geistlichen vñ zytlichen händlen. Da  
 rum sy in den himel setzen vñ in die hellen  
 versäncken/ouch gsatzte vñ rächte in der kyr  
 chen vñ gloubens händlen machen/die Keis  
 ser/Künig/ Fürsten vñ Herren vñ vñd abses  
 zen/vnd allenglich mit vollkommnem gwalt  
 handlen mögind. Vñ so das alle wält sieht/  
 hört vnd weißt / wár kan dañ nit ouch sehen  
 das dise prophecy Pauli erfüllt worden ist:  
 Lúse wyter/wár wil/ Danielis 7. 8. 11. vñnd  
 Zacharie 11. ouch die Offenbarung Joānis.  
 Wyter sagt vnser Herr Christus/es wer  
 de zñächst vor dem gericht ein verrüchte gar  
 rouwe wält werden / in deren kein glouben  
 noch liebe fundē/aber vollen aller vngeräch  
 tigt eit syn werde: die werde verachten vñnd

Die letzte  
 wält ein b  
 se verrüchte  
 se wält.

## Der X. Artickel

verlachen alle warnungen vñ leer des götlichen worts: die werde gyrtig/üppig/lycherferig vnd gar frässig vñd vertroncken syn. Er thüt hinczu zwey byspil / durch welche man disen handel baß verstande: es werde ja ein völklin werdē/wie es gsyn sye zü den zyten Noe vnd Loth. Dañ dise habind jr fleischliche wollüst getriben/one alles schüchen/biß das vrtail Gottes sy überfallen vnd gestraafft vnd verderbt habe. Also werde vñd müsse es ouch der letzten verrüchtē wält ergon. Besich mir aber eigentlich wie yetz die wält sye/so wirst die vßlegung haben.

Womend  
der wält  
vñd wie es  
alles enden  
werde.

Was kan sich dañ der gläubig anders verfühen/dañ des ends aller dingen/vñ des gerichtis vnseres Herren Jesu Christi? Wie er aber vnuerfähenlich/wen jren die wält noch vitzytis hie zü wonen vñ güte läben zehaben verheißt/zum gericht kōmen werde/mit grosser klarheit/ouch alle zerbrüchliche ding vergon werdind / liß Apoc. 19. cap. vñ 1. Thess. 5. vñ 2. Thess. 1. cap. ouch 2. Pet. 3. Wie aber die todte werdind vferston/vñ die den jüngsten tag erlābend / geenderet werdind / ouch wie der proceß am gericht ergon vñ vßgeführt werde/liß 1. Thess 4. Matt. 25. 1. Cor. 15. Apoc. 20.

Daruf wirt den volgen den vngläubigē/vngehorsamen/ verrüchten menschen ewige verdammuß/angstvñ not: de gläubigē aber/ ewige frōud vñ sāligkeit: von welcher vnser Herr

Herr Christus/sine Propheten vñ Apostlen  
vil gesagt habend. Das vns aber söliche sä-  
ligkeit verlange/ so lassend vns / nach dem  
gebott Christi/ trüwlich wachen vñ bärten/  
in dem glauben Jesu Christi beston/od ver-  
harrē/vñ vns reinigen von aller besleckung  
des lybs vnd geists. Darzū gib vns gnad/o  
Herr Jesu Christe/sterck vñ behüt vns/kum  
vnd erlöß vns. Amen.

Apocal. 14. cap.

Vnd ich sach ein andern Engel fliegē mit  
ten durch den himel/der hat ein ewig Euan-  
gelium zewerkünden denen die vfferden wo-  
nend/vñ allen Heyden vnd geschlächten vñ  
zungen vnd völkern/vnnd sprach mit luter  
stim/förichtend Gott/vñ gäbend jm die eere:  
Dann die stund seines gerichtes kumpt:vñ bae-  
rend an den/der gemachet hat himmel  
vnd die erden/das meer vnd die  
wasserbrunnen/ 16.

End.



773076 V

829205

*[Faint, mostly illegible text, possibly bleed-through from the reverse side of the page]*

*[Faint, mostly illegible text, possibly bleed-through from the reverse side of the page]*

ca 32

A 862382

00W 974116268